



BIBL. NAZ.
Vitt. Emanuele III.

RACCOLTA
VILLAROSA

C
175
NAPOLI

V. et

175

5P8008

JANUARIi PARRINI

J. C. NEAPOLITANI

COLLOQUIA

Nunc primum in unum collecta:

QUIBUS ACCESSERE

BELVEDERIUS SIVE THEATRUM

Et Dialogi varii argumenti.



NEAPOLIX MDCCLIX.

Typis VINCENTII MANFREDI.

PUBLICA AUTHORITY

JANUARY 1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

JANUARIIPARRINI
J. C. NEAPOLITANI
COLLOQUIA
ADMARCHIONEM
BERNARDUM TANUCIUM
FERDINANDI
REGIS NOSTRI

In regendo Regno a Consiliis : ac negotiorum ad
exteros Reges , ad Sacrae Domus , Sacrarumque
Villarum , necnon ad Cursum publicum ,
atque ad Theatrum pertinentium
a Secretis ,

VIRUM EXCELLENTISSIMUM.



*S*TATIM ac Fortuna, MARCHIO BERNAR-
DE TANUCI, quod ab ea in Palinodia
enixe petieram, in eum me locum, unde
sane imprudentem ac inscientem olim ra-
puerat, restituit, me ipsum protinus col-
legi, rationesque meas serio supputare
atque expedire coepi, ut quod institutum
in reliqua vita servandum mihi esset, mecum ipse decer-
nerem. Primum mihi omnium in mentem venit Horatianum
illud

illud (1) scite dictum de Fortuna, Laudo manentem: si celes-
res quatit pennas (ut illa mecum se se gesserat) religno quae
dedit, & mea virtute me involvo: ab ea itaque primo, ejus-
que blanditiis prorsus mihi avertendum animum censui,
nihilque ulterius, quod in ejus potestate esset omnino
concupiscendum. Deinde, quoniam mihi in dignitate si-
ne periculo, nescio quo fato, vitam agere non licuerat,
sive consilio, siue remissione quadam animi in id consi-
lium descendendi, ut, quod unum supererat, privatam
vitam ex animo amplexarer, bonumque me civem prae-
starem; ac legibus per omnia obtemperans, eaque me
virtute, quae in talem vitae statum cadere poterat,
involvens, obscuritatem meam tuerer. In forum ita-
que rursum uti patronus, veterem Provinciam meam,
quindecim prope annis post pene senex ingressus, unde
in ipso juventutis flore blandientem ultro Fortunam se-
cutus, exieram, cum ibi locum inveni, ac tenui, qui
aliis fortasse modicus, & angustus videri posset, mihi
vero, mea merita sincere animo reputanti, satis am-
plus.

Quem nihilominus vitae cursum, quam tranquille duo-
decim prope annis tenuissem, diutius mihi tenere non li-
cuit: quandoquidem Tu, Vir Excellentissime, reliqui-
que Novemviri cum summa potestate regendae consiliis
Ferdinandi Regis nostri pueritiae selecti ab augusto Re-
ge Carolo, dum ad capestrandam Hispaniarum Regnum
festinaret, me alia omnia cogitantem, Primum inter
Quatuorviros in Salernitana Provincia jus dicentes satis
quidem benigne ac humaniter hoc ipso mense Novembri
renuntiastis: unde omnia vitae meae consilia frustra ini-
ta in irritum reciderunt.

Fie-

(1) Hor. Carm. lib. 3. Od. 29.

Fieri autem non potuit, ut dum patronus in foro versarer, ab iis disciplinis, quibus a pugno operam dederam, omnino ad forum deficerem: sed quidquid mihi horarum forensis opella vacuum reliquit, id in eas artes insumsi, quae unae efficiunt, ut mihi iacunda sit vita. Quae inter repetere in animum induxi veterem quamdam recordationem, quam non satis explicatam habebam, cuiusdam sermonis a doctissimis viris non multis annis ante habiti de Tragoedia & Comoedia: de quo, me puero, Xaverium Pansutum affinem meum saepe locutum cum eruditis amicis recordabar: ita tamen, ut nonnulla mihi ex illo sermone haerere, pleraque autem deleta prorsus atque elapsa intelligerem.

Inter eximitos profecto viros id colloquium aliquando fuit habitum in ejusdem Pansuti villa, quae est ad Mergellinam in prima radice Pausilypi promontorii: quae loca Aelius Syncerus Sannazarius quondam Friderici Regis donum habuit, ibique Deliparae Virgini, immortalis carmine antea ab ipso celebratae, templum posuit. Ii fuerunt Janus Vincentius Gravina, qui tunc postremum Roma Neapolim advenerat, nam paucis post mensibus Romam reversus obiit: Gregorius Calopresius, Gravinae amittinus frater: Andreas Belvederius, atque ipsemet Pansutus. De Gravina quid tibi dicam, quem Tu, Vir Excellentissimae clarissimi nominis Iureconsultum ac Philosophum, maximus ipse Jurisconsultus & Philosophus, doctiores omnes in Europa aemulatus, in deliciis habes? Calopresium quidem non novimus, verum constanti fama accepimus, maxime omni literarum genere excultum, acutissimum praecipue fuisse Philosophum, eumque primum apud nos Renati Cartesii placita magno cum plausu probasse ac docuisse. Is a fratre, ut fit saepe in literario negotio, dissidere haud raro solitus erat, & praesertim Comoediam prae Tragoedia po-

ponere , forte ut in hac quoque opinione fratri tragœ-
 diarum scriptori adversaretur . Pansutum , in cujus villa
 sermo hic , quem conamur referre , fuit habitus , si parum
 gesti Catoniana probitate summi honores , Tibi , Vir Excel-
 lentiss. externisque notum efficiunt , gravissimæ profecto eum
 ac doctissimæ Tragoediae , atque ea carmina , quæ niti-
 dissimè vernacula lyra protulit , omnibus , ac prae-
 cipue posteritati commendant . Belvederij complures adhuc
 meminerunt , postremus enim eorum omnium , qui hunc
 habuerunt sermonem , nonagenario major post vitam in-
 nocentissime actam ad plures commigravit . Is equidem ad
 quasunque doctrinas artesque appulit animum , mira fe-
 licitate omnia consecutus est , ita ut nemini aequalium
 suorum , quod ad literas pertinet , cederet , quanquam
 nihil unquam in illo viro ad ostentationem doctrinae at-
 que eruditionis , qua supellectile abundabat , quispiam
 animadvertit . Longe vero Belvederius omnes , quorum
 quidem memoria extet , praececlluit Theatri peritia , ut
 quamplurimi adhuc meminisse possunt , floresque , pomaeque
 & alia hujusmodi prope ad veritatem naturae pingendi
 arte : quibus rebus animi gratia , otiique oblectandi per
 adolescentiae , ac juventutis annos operam dedit : tanta
 hoc in genere etiam apud exterarum gentes fama , ut Car-
 rolo II. Hispaniarum Rege ideo magnis sollicitationibus
 in Regnum accitus fuerit ; unde , ob nimis acerbam Re-
 gis mortem , vix aliquod tam longinquæ peregrinatio-
 nis pretium in patriam retulit . Haec vero externa quae-
 dam & minima tanti viri ornamenta fuerunt : nam tanta
 probitate , fide , ac virtute fuit , ingenioq; tam acri & acuto,
 ut plerique apud nos Neapolitanum Socratem illum appellare
 non dubitarint . Condecbat haec doctissimus senex (nam
 valde senem eum primum mihi vidisse contigit) singu-
 lari quodam lepore , & urbanitate , ut nemo suavitate
 ipso

ipso conditior in loquendo nostra memoria existerit : atque loquentem eum nemo profecto interpellare , magna-
que ejus audiendi voluptate carere vellet . Tanta fuit
praeterea in illo viro in amicos benevolentia , & caritas,
ut omnes , quos semel amicitia complexus erat , beneficiis
cumulaverit , potentiorum civium gratia , qua maxime
unus in nostra Civitate floruit , ad amicos juvandos
unice usus ; quum pro se ipso nunquam quicquam ab iis
requisserit .

Tales ergo viri ad Mergellinam conveniunt , & eos
tantis ingeniis tantaque eruditione digna de Theatro
credibile est protulisse ; at quis ea , ut ab illis dicta
sunt , referre potius sit ? quum vix pauca quaedam nos
memoria teneamus , a Pansuto pluries quidem audita ,
sed in pueritia , & cursim , ut in familiaribus solet
sermonibus evenire . Eum nihilominus sermonem animo
repetere statui , & literis mandare , quamvis vix quae-
dam inde , & leviora fortasse memoriae haesisse sentiam :
quod talium virorum famae aequum est neutiquam offi-
cere ; sed prorsus mihi , atque imbecillitati memoriae meae
tribui . Aliquos tamen adeo benignos mihi fore spero ,
ut laudi mihi potius vertendum arbitrentur , quod
quaedam saltem ex illo sermone , memoriter servata pro-
tulerim , quam perire prorsus siverim omnia . Quos in-
ter Te , Vir excellentissime , numerare cuperem , cujus vel
unius judicio contentus essem .

Quum itaque hunc dialogum instruerem , idque ami-
cis innotuisset , amplissimorum virorum auctoritate fa-
ctum est , Marchionis scilicet Nicolai Fraggianni , e san-
ctiore Quinquevirum Consilio , viri ingenio , scientiisque
clarissimo , ac Josephi Aurelii de Ianuario in XXIV. virum
Consilio doctissimo Senatore , ac late per Europam jurispru-
dentiae , eloquentiaeque pedestris pariter & equestris sin-

gulari laudē praesulgentis , ut alios dialogos , quos a prima usque adolescentia publici juris feceram , in unum veluti corpus colligerem , & cum Theatro , aliquotque e dialogis varii argumenti , quos plurimos exercitationis gratia confeceram , simul edendos Vincentio Manfredo instanter petenti darem .

Verum me talium virorum auctoritati , ut par erat , volentem obsequi diu retardavit cogitatio illa , ne male rursus illis ipsis impingerem , qui pluribus ab hinc annis crimini mihi vertendum censuerant , quod Convivium Rabularum , Dialogosque forenses edidissem . Quem profecto dialogum , sincere fateor , edendum curaveram non ut forum , & Jurisconsultos , qui in ipso versantur traducerem , quos inter & ipse haberi pro magnifico habebam , verum potius , ut prae antecedente seculo nostri doctrinam , atque eruditionem extollerem . Nec ideo illius ipsius seculi clariores Jureconsultos illaudatos dimisi ; nam omnes prope , qui postremis illius temporibus nostro in foro claruerant , recensui ; in malam partem neminem prorsus nominavi . Ita ut nullus mihi irasci jure potuerit , nisi qui de seipso voluerit ea confiteri , quae in fori faecem , & corruptelam , quam nemo sanus probaverit , sunt a nobis jocosè dicta . Et sane nimis apposite mihi , quod ad hoc attinet , D. Hieronymi verbis uti licet , qui sapienter Rufino scripsit (1) : Quando sine nomine in vitiis scribitur , qui irascitur , accusator est sui .

Hoc itaque , quicquid est , quod dissectum antea in unum cum Theatro colligi clarissimi viri effecerunt , quod ipsum magnam partem jamdiu tuum est , Tibi quoque ,
Vir

(1) D. Hieron. ad Rufin. lib. 1. cap. 3.

*Vir excellentissime, inscribere decrevi, quem unum no-
 vi prae cunctis doctrina, ingenio, eloquentia, vir-
 tute praecellentem. Non enim antea ambitione factum est,
 vel caprandae benevolentiae causa, quod aliquis fortasse
 suspicari possit, ut Tibi Palinodiam ad Fortunam, & Convi-
 vium Rabularum inscriberem, sed, Deum O. M. testor, sola
 admiratione tanti viri. Tu enim magno omnium ingenua-
 rum artium, ac scientiarum, apparatu ad Remp. geren-
 dam sub maximo, ac sapientissimo Rege Carolo aggressus,
 statim veluti ad id unice factus a Natura Siculis, Nea-
 politanisque visus es: ut Te externum quidem hominem
 admirarentur omnes tanta dexteritate, acumine, diligentia,
 constantia ingentem doctrinam civilemque praecipue scien-
 tiam condientem. Et quod Te prae cunctis suspiciendum
 effecit, id nimirum est, quod viginti quinque per annos
 uno semper, eodemque vitae tenore Te gesseris, nunquam a
 semel receptis ne latum quidem unguem aberrans: unde
 facile colligi potuit, Te animumque tuum aeternis sapien-
 tiaae praeceptis imbutum constanter placitis insistere, non
 simulata quadam virtute temporibusque accommodata, alium
 videri velle, alium revera esse. Et quisnam fuerit qui tantam
 virtutem in tanta gerendarum rerum mole admiratione non
 prosequatur. Si reputare velit, quod, Tibi, Vir Excellentissime,
 non ut Catoni contigit, quem beatum M. Tullius dixit, quod
 nemo iniquum quid ab ipso auderet expetere: sed inter infinitam
 prope injusta quotidie petentium turbam, inoffenso semper
 pede idem iter tenuisti, nec quicquam unquam Te, aut cu-
 jusvis favor aut gratia a recta semita abduxit. Haec de Te
 modo ideo liberior praedicare licet, quod, ut ita dicam, jam
 peracta tua est fabula, aliisque Tu jam es proventus a sa-
 pientissimo Rege: unde rerum Te domi gestarum merita glo-
 ria privare maxime injurium videretur. At quando tanti
 Regis mentio facta est, haud abs re fuerit pro coronide*

hic subnectere , ingens habere Te ab eo virtutis tuae
 praemium simul ac testimonium . Nam quum ille octo e
 Siciliae ac Neapolis Regnis lectissimos nobilitate , honoribus,
 ingenio , fide , moribus proceres nuper selegisset , quibus Fer-
 dinandi Regis nostri ejus filii pupilli , ad maxima quae-
 que adolescentis , curam in Regno administrando manda-
 ret , Te unum ex externis , novo in historis exemplo ,
 iis addidit : Idemq; omnibus coram , jam in Hispanias prope-
 rans , Te peramanter complexus atque exosculatus , an-
 teactō Te quidem tempore dixit sibi obsequentem ac optimum
 Ministrum fuisse , in posterum vero amicum fore . Sane haec
 maxima laudum tuarum est , Et quascunque privatorum
 laudes longo vincit intervallo : ut me pudeat post hanc
 commemorationem aliud quicquam de Te dicere , putidum
 namque ac vere nihili esse .

Quod superest , Te , Vir Excellentissime , opere ma-
 ximo precor , ut me ac Dialogos hosce meos autoritate
 tua tueare : quod satis abundeque praestabis , si Tibi
 aliquid eos esse videri innotescet ; nemo etenim volet tan-
 ti , tamque docti acutique viri judicio adversari .



CLA RISSIMO JURISCONSULTO
JANUARIO PARRINO
JOSEPHUS AURELIUS DE JANUARIO

Regi Neapolis , ac Siciliae a Consilijs .



OVOS , quos in lucem profers , Dialogos , avide legi ; quos olim typis mandasti , non incuriose relegi ; utrosque ingenti cum voluptate ; illos , ut magnam de te opinionem , quam semper concep-
ram , abunde confirmarem ; hosce , ut in recolenda eorum memoria , animum iterum , ac suaviter demulcerem . Summa in omnibus ars , quae , uti latet magis , eo magis se explicat , ac placet ; summus in omnibus lepos , qui sponte sua manat , ac diffunditur , nec per miseram diligentiam quaeritur , quo pacto nauseam creat potius , quam delectat . Res non tam dilucide narras , quam effabre pingis , & apposite coloras . Mentis hominum , quas fato temporum , vel pravis internis affectionibus corruptos vides , eo proposito describis , ut quales esse debeant ingenui , faciles ,

ac pudibundi , sapientissime moneas : quantum incommodi celata vitia , quantum mali falsae virtutes societati afferant , mirum in modum sub oculos ponis ; jocos adhibes , ut seria praecipias : aculeatis quandoque dictis uteris , non ut quempiam carpas ; sed ut , aspectu turpitudinis eos , qui a recta semita aberrant , ad bonam frugem redigas . Ea est Dialogorum non illiberatis , nec petulans , ac flagitiosa , sed urbana , ac faceta indoles (quae prae reliquis inter Graecos Platoni , inter Latinos Ciceroni maxime arrisit) ut jucunditatem cum utilitate grato nexu misceat , & sententias , ex ipsa severa Philosophiae disciplina petitas , quae prima facie contumax ingenium nec fient , nec vincunt , amoenò mutui colloquii condimento , & sub personatis fabulis , reddat acceptas , & prono alveo in animum confluentes . Hanc sequi normam in deliciis habuisti : & res procul dubio prospere successit : quod enim a te susceptum institutum est , pro voto es adeptus , & luculentæ veterum exempla nobili conatu , eximiaque dignitate imitari nos posse , feliciter ostendisti . Quamobrem & singulorum manibus libellus tuus , hisce dotibus praeditus , numquam excidet , perpetuò , oculis veluti emissis , revolvetur : non semel ac pluries lectorem suis illecebris invitabit . Sub ipso quidem vestibulo ad coronidem usque cuncta sese offerunt , fusa laudanda : quoties vero lectio renovabitur , nedum par , sed longe major superveniet voluptas , numquam defutura ; nisi quando a legendo quis abstineat . Porro , ut elegantes istos foetus in unum corpus colligeres , & publica luce donares , ipse (quod sortis meae tribuo) auctor fui . Rogavi saepius , ut id faceres : reluctabaris semper , tuae nimium modestiae studiosus , quam ego morae impatiens , timidi ac inconsulti pudoris vehementer , & pene iracunde accusabam . Tandem aliquando precibus meis victus ac desat-

tigatus me compotem desiderii mei fecisti : qua de re-
 bi gratias ago , mihi ab iis referendas , quorum votismo-
 rem gerere conatus sum . Multum enim huic meo consi-
 lio viui erudiri debent , qui egregiis tuis laboribus in prae-
 sens non carent : debebunt quoque multum posterius , qui
 ditatam , me impellente , lectissimis hisce opusculis
 literariam Rempublicam fuisse , magnopere laetabuntur .
 Caeterum iudicio meo non indiges , ut tuae famae con-
 sulas . Sae communi calculo probatur ingenium tuum in
 tot argumentis inveniendis , labor in acquirendis tot co-
 gnitionibus , industria tot in rebus exornandis . Lucubra-
 tiones enim , quae merito suo nitent , privatas , paupe-
 re quodam genio , non affectant commendationes , sed
 procul ab ambitione univerforum plausu gaudent , & su-
 pra invidiam extolluntur . Igitur ne desinas nova doctri-
 nae tuae monumenta in Patriae ornamentum , & juxta
 amicorum expectationem , palam edere ; ut exteri probe
 noscant , in hoc Sirenium domicilio , tamquam in ipso
 sapientiae templo , bonas artes sedulo coli , & in dies
 magnifice augeri . Vale .



QUAE

QUÆ IN HOC VOLUMINE CONTINENTUR :

NEPTUNUS SIVE DE TUTELA MEDICINAE,	<i>pag.</i> 3.
FORTUNA.	53.
PALINODIA AD FORTUNAM.	133.
CONVIVIIUM RABULARUM.	201.
DIALOGI FORENSES.	285.
BELVEDERIUS SIVE THEATRUM.	313.
DIALOGI VARIi ARGUMENTI XVII.	385.

PHILIPPUS DE MARTINIS

JANUARIO PARRINO

Ch. Jurisconsulto

S.

QUUM nihil in Venere culpae lyncaei emissitiisque illam
circumspectans oculis posset Momus, ne suae, quam
apud Deos proficetur carpendi omnia, arti deesset,
sandalia aut laxa nimis rusticarum, aut arcta Si-
neusium more carpere occoeper; id mihi tuas opel-
las, doctas Juppiter & laboriosas, Attico sale, ut
non solum Erasimum superes ipsis parasanghis, sed & Luciani
aeques Dialogos, insperfas legenti, licet tamquam canis venaticus
iterum & tertio lustrassem, nec semel nares, quarum obesiorum
me esse agnosco, emunxisssem, uluvenit. Quum enim nihil pror-
sus offendissem quod obelo tranfigi, aut miniatula Attici cerula,
quam ipse pertimescebat Cicero, notari posset: sive phrasium ni-
torem, sive ornatum stylum, sive periodorum concinnitatem,
Augusteo orania, hercule, saeculo dignissima spectes: in Chal-
cographorum menda, paucasque labeculas, immo naevos, ni et-
iam fallar, genuinum infigere vix mihi posse datum est. Quae si
ea calami libertate, quae mea propria est, & quam, quum haec
provincia mihi demandata, inculcare tibi visum fuit, notabo,
boni certe consules; ea enim est animi tui moderatio, ea est tua
facilis & ingenua indoles, ne te extra omnem ingenii aleam si-
rum, hominemque te esse, nihilque humani a te alienum esse pu-
tes, & quemcumque, non morosum tamen monitorem, nec putidum
Censorem aequo animo pariaris. Longe enim ab his Literatori-
bus, quorum supercilium, & fastus intolerabilis est, abes; quip-
pe qui bene calleas effatum illud Venufini, *Quandoque bonus dor-
mitat Homerus*. Haec breviter praefatus res ipsas aggrediar, singu-
las ad libellam appendens, adamussim componens, & applicans
ad Lydium lapidem. Vale.

ER.

ERRATA.

CORRIGE.

<i>Pag.</i> 5. <i>verf.</i> 14.	contifcente	conticefcente.
6.	22. id equidem	equidem id.
23.	<i>ult.</i> Vaeſevum	Vaeſevum.
33.	30. Numemque.	Numenque.
35.	18. ſcuriſſima	obſcuriſſima.
<i>ead.</i>	19. videntur	videntur.
38.	33. Dononæ	Dodonæ.
49.	17. Tor rei jo. udicatai	Tor. Rei. Joudicatai.
55.	27. Hyerofolimas	Hierofolymas.
57.	24. Suppelleſtile	Supelleſtile.
61.	28. effactam	effctam.
62.	9. Craeſus	Croefus.
63.	<i>ult.</i> Craeſus	Croefus.
73.	34. exaggerare	exaggerare.
100.	<i>ult.</i> Dyoniſio	Dionyſio.
120.	16. evevit	evenit.
128.	24. fraudulentos.	fraudentos.
150.	9. at	A
<i>ead.</i>	<i>ult.</i> deſtinguere	diſtinguere.
191.	3. ſquallere	ſqualere.
226.	7. Demofthenis.	Demofthenis.
238.	1. naxa	naffa.
<i>ead.</i>	25. Camillum fecit	Camillum.
261.	5. Phrygioni	Phrygioni.
268.	26. devincindos	devinciendos.
272.	19. ſit	ſi.
274.	33. pulices	culices.
280.	1. ambabis	ambabus.
303.	6. ſtratagemate	ſtratagemate.
306.	17. foeculenta	faeculenta.
317.	3. Zephyrum	Zephyrum.
319.	23. conſpicebant	conſpiciebant.
338.	12. diſcordiae, peſtes.	diſcordiae peſtes.
344.	17. Triſtino	Triſtino.
357.	8. Gnei	Cnei.
358.	24. otii nam	nam otii.
373.	25. poedagogis	paedagogis.
374.	24. hac poematis	hoc poematis.

Pag.

ERRATA.

CORRIGE.

<i>Pag.</i> 375. <i>vers.</i> 6.	simile	simili.
377.	30. quod	quid.
384.	3. ablaterandi	blaterandi.
387. 27. & 33.	Dyonisius, Dyoni- sium	Dionysius, Dionysium.
411.	11. servi nam	nam servi.
412.	12. devictum	devinctum.
415.	2. cavendum nam	nam cavendum.
416.	10. foli nam	nam foli.
427.	<i>ult.</i> transmigraturum	transmigraturum.
478.	10. interpretor	interpretor.
430.	13. servire verum	verum servire.
<i>ead.</i>	32. incomodum	incommodum.

EMINENTISS. SIGNORE :

Vincenzo Manfredi, supplicando espone a V. E. come vorrebbe stampare nella sua pubblica Stamperia un'Opera, intitolata : *Januarii Parrini J. C. Neapolitani Belvedereus, sive Theatrum & Dialogi varii argumenti*. E perche vi bisogna il permesso dell' E. V. perciò la supplica a destinare un Revisore, il quale debba osservare se in tal' Opera siavi cosa contro i buoni costumi, e la Santa nostra Religione : affinchè non essendoci alcun legittimo impedimento possa quella darsi alla luce : e lo riceverà a grazia ut Deus &c.

Adm. Rev. P. Joachimus Majus Ordinis Predicatorum S. Th. Baccalaureus revideat, & in scriptis referat. Datum Idibus Sextilibus 1758.

J. Episcopus Philadel. Vic. Gen.

Joseph Sparanus Can. Dep.

Eminentissime Princeps.

Opuscula inscripta *Belvedereus, sive Theatrum, & Dialogi varii argumenti*, ad quæ aggressus est Vir clarissimus Januarius Parrinus eximius Jurisconsultus Neapolitanus, quante mandante serio lustraverim oculo; ita ad libellam Catholicæ Religionis exacta, & cusa deprehendi, ut nihil in iis aut Christianæ Ethicæ dissonum, aut veris Jesu Christi dogmatis refragans offenderim, immo firmum, atque versatile viri ingenium sum demiratus, qui laboriosis, acerbisque distentus fori negotiis, curisque, in re seu gravi, seu levi omne tulit punctum miscens utilia dulcibus, styli candorem, latii paritatem, sententiarumque firmitatem miro sedere jungens. Ita censeo.

Ex almo D. Thome Collegio Neapolitano XII. Calend. Septemb. Ærae Christ. ann. MDCCCLIX.

Fr. Joachimus Majus Ord. Pred. Sac. Th. Baccal. &c.

Attenta relatione Domini Revisoris imprimatur. Datum Calendis Decembris 1759.

J. Episcopus Philadel. Vic. Gen.

Joseph Sparanus Can. Dep.

S. R. M.

SIG :

V Incenzo Manfredi publico Stampatore di questa Città rappresenta a V. M. come dovendo stampare un' Opera intitolata : *Januarii Parrini J. C. Neapolitani Belvedereus sive Theatrum , & Dialogi varii argumenti* , le bisogna secondo le leggi il Sovrano permesso della M.V. Pertanto la supplica a volersi degnare di destinare un Revisore , che meglio le parerà , affinchè osservi se in detta Opera vi sia cosa contro i buoni costumi e la Real giurisdizione della M. V. onde possa poi sicuramente darli alla luce , e lo riceverà a grazia ut Deus &c.

A. & M. Doctor D. Franciscus Serao in hac Regia Universitate Professor revideat , & in scriptis referat : Neap. die 9. mensis Septembris 1758.

Nicolaus de Rosa Episcopus Pat. C. M.

Januarii Parrini Viri clarissimi ingenium in Dialogis conscribendis ab ineunte aetate feliciter strenueque in primis versatum , nec valetudine , nec curis negotiisque forensibus inturbantibus ab instituto avocari potuit , quin pergeret ; novumque exercitationis argumentum quaereret in Theatri historia , praeceptionibusque persequendis : in quo praeter uberis climatisiniaeque doctrinae fructum , prostat commemoratio satis opportuna quorundam nostratium doctorum Virorum , quorum nomen meritissime posteritati commendatur. Eum ego Dialogum , aliosque complures sese extemporales varii argumenti jussu Regio perlegi quam diligenter ; nec invenire quidquam fuit , quod morum integritati , Regiisque Sanctionibus ulla ex parte officeret.

Neapoli X. Kal. Octobris MDCCLVIII.

Franciscus Seraus Prof. Regius.

Die

Die 10. mensis Octobris 1759. Neapoli:

Viso Rescripto suæ Regalis Majestatis sub die 8. currentis mensis , & anni , ac relatione Doct. D. Francisci Serao de commissione Rev. Regii Cappellani Majoris. Regalis Camera Sanctæ Claræ providet , decernit , atque mandat , quod imprimatur cum inserta forma præsentis supplicis libelli , ac approbationis dicti Revisoris ; Verum in publicatione servetur Regia Pragmatica hoc suum .
Castagnola . Fraggianni . Gaeta . Romanus :
Ill. Marchio Danza Præf. S. R. C.

tempore subscriptionis impeditus.

Reg. fol. 86.

Carulli .

Athanasius :

*All' Illustrissimo Signor Marchese D. Niccolò Fraggianni
Delegato della Real Giurisdizione e Consigliere
della Real Real Camera di Santa Chiara .*

Vincenzo Manfredi pubblico Stampatore in questa Città di Napoli con suppliche rappresenta a V. S. Illustris. come intende di ristampare alcuni Opuscoli dell' Avvocato D. Gennaro Parrino , intitolati : *Neptunus , Fortuna , Palinodia ad Fortunam , & Convivium Rabularum & Dialogi Forenses decem* , altra volta stampati in Napoli ed altrove . Perlochè bisognandole il permesso di V. S. Illustris. umilmente la supplica a volerle concedere , e l'avrà in luogo di special grazia &c.

Die 4. mensis Novembris 1759.

Reimprimantur .

FRAGGIANNI . .

Carulli .

JANUARIII PARRINI
J. C. NEAPOLITANI
N E P T U N U S
S I V E
DE TUTELA MEDICINAE
Colloquium.

THE
NATIONAL
ARCHIVE

3

JANUARIi PARRINI J.C.
N E P T U N U S
 AD THOMAM GARACCIOLUM
 Casarboris Dominum, Turrishovae
 Principem, &c.
 VIRUM EXCELLENTISSIMUM.



Hilopoemenem, Romanorum, Graecorumque historiae referunt, si quando ei a bellorum administratione otium obtigisset, plurimum temporis in bellicarum rerum meditatione solitum insumere; ita ut vel iter faciens, vel Urbe animi gratia egressus, id ludibundum secum ipse cogitaret; ubinam potissimum, si in eum ipsum locum forte fortuna cum exercitu delatus esset, castra metaretur, unde opportunius in hostes irrumperet, ubi insidias locaret, quo fusus fortasse fugatusque se reciperet, commcatum, aquationem, & caetera, quorum satagere Imperatorium munus est, quonam pacto commodius expediret. Ex hac assidua belli commentatione adeo semper paratus, promptusque ad omnes casus, & subita praeliorum discrimina extitit, ut nemo firmiore animo Dux, majorisque in re trepida consilii eo fuisse perhibeatur. Hanc summi Imperatoris diligentiam ac sedulitatem nos in umbratili hoc nostro pugnarum genere, & forensibus praeliis, pro virium nostrarum capto, aemulantes, quam, prolatis rebus, Alcyonia sunt circa forum, declamationes, ludicrarumque judiciorum pertractationes instituimus, ne diuturna celsatione ingenium desuesatum hebesceret; simulque ut

bonarum artium, quibus a pueritia studuimus, aliquem usum ea exercitatione retineremus. Quod quum saepe alias, tum hisce potissimum contraktioribus nobilibus per summos aestatis calores efficere conati sumus, Apollini, AEsculapioque dicam scribentes Neptuni verbis, eosque de vario Medicinae facto, ac praecipue de ejus subita conversione, quae intra hos paucos annos accidit, rationem coram Diis omnibus reddere coegimus. Quo facto & communes locos, defendendi accasandique necessitate, pertractauimus, arteuque illam Lucianea festiuitate respersimus. Id Tibi opusculum, THOMAS CARACCIOLE PRINCEPS AMPLISSIME, pluribus de causis debitum, inscripsimus, ac sub tuis auspiciis in publicum prodire volumus; ut nostrae huic literariae palestrae et Tui nominis amplitudine, & claritate nitor accederet: utque gratum erga Te animum nostrum hoc qualicumque munere patefaceremus. Tanta vero in Te elucet excelsi praeclearique ingenii indoles; tanta est optimarum rerum cupiditas, ut nullus hercle dubitem, quin hoc obsequii nostri, ac observantiae testimonium benigno, hilarique animo sis excepturus. Etenim a clarissimis Majorum Tuorum imaginibus non superbiam, inanemque elationem hausisti, sed comitatem, humanitatemque, quae potissimum virtutibus nobilem virum supra caeteros elucescere debere censes, non humiliorum contemptu, ventosaeque sui ipsius admiratione. Porro, quum Tu ex ea Gente ortus sis, quae suis egregiis facinoribus, fortibusque factis Terrarum Orbem compleverit; praecipuasque praeterea habeas ac peculiare Domus Tuae laudes, quae per quadringentos ferme annos summis belli pacisque honoribus, praeclearissimisque cognationibus, nunquam intermisso vetere splendore, floruit; pudore Tuo, morumque sanctimonia effecisti, ut in Te, tantarum virtutum lumine percussi,

cussit ; nil parcius admiraremur , quam illustriam
 imaginum seriem , quibus nonnullorum tota commen-
 datio continetur . Samè angustii animi est , adeo magnis
 Majorum nominibus Titulisque stupentem tunc , ut
 nihil proprii ad vetera decora addatur , omnisque
 laus in uno nascendi casu reponatur . Tu vero ab as-
 fidua accurataque historiaram lectione , quibus jure
 meritoque maximopere delectaris , ut alia quampluri-
 ma , ita & illud affecutus es , ut Principum viro-
 rum , Regumque , ac Imperatorum famam , non a di-
 vitiarum affluentia , generisque vetustate , nec ab
 ipso Regali fastigio pendere intellexeris , sed a virtu-
 te , qua tantummodo posteritas laudes metitur , su-
 perbiā , crudelitatem , ac caetera vitia , contiscente
 prorsus adulantiam voce , inexorabili calculo ad per-
 petuam nominis infamiam , condemnans . Quamvis
 hanc animi aequabilitatem ac moderationem non a re-
 rum ab aliis gestarum monumentis petere necesse ha-
 bueris , qui adeo domesticis Avorum , ac Gentilium
 Tuorum exemplis abundas , ut , quum Tuos tantummodo
 imitatus fueris , Te absolutissimum in omni laudum
 ac virtutum genere praebere possis . Quapropter per-
 ge , ut facis , Vir excellentissime , novaque semper
 maie virtute , ut familiae Tuae claritudinem , qua
 tantopere nites , Tuo vicissim splendore augeas ,
 & quam a Majoribus Tuis magnam accepisti , eam
 maximam cumulataque Posteris tradas . Interea hos
 nostros lusus , forensisque belli effigiem , quam Tibi
 hoc libello spectandam proponimus , volens libensque
 perlege . Valde etenim ad exhiberandum recreandum-
 que animum festiva , nec inerudita lectio valet . Quod
 quidem nos assidue experimur , quum a gravioribus
 literis ad has humaniores descendimus , nosque hoc
 peramoeno ac suavi diverticulo oblectamur . Nec ali-
 quem unquam adeo acerbum , durumque studium

nostrorum Censorem fore suspicamur , ut hoc nostrum institutum damnet , quieteque nobis , atque hoc veluti laborum portu censeat interdicendum . Nam cur caeteris , vel rusticationibus , vel oelo , & amicorum conviviliis , aliisque voluptatibus feriarum tempus detur insumere , nobis probro vertatur , si quod somno , ipsisque aliquando vitae opportunitatibus subtrahimus , id in haec literas , summorum virorum exemplo conferamus ? Id autem non alia de causa a certis hominibus reprehendi comperimus , quam , quod Jurisprudentiam laedi , eique graviter officii censeat , si vel punctum temporis in alia studia insumatur . Mibi vero , ut saepe nos inter nos , CARACCIOLE optime , collocutos memini , praeteritorum ac nostrorum temporum Oratores aliquando conferenti , ideo ab illa eloquentia nos videmar descivisse , quod toti in Jurisconsultorum commentariis simus , caetera veluti inania ac supervacua , nescio an optimo consilio despicientes . Quod vel hoc uno adversae sententiae propugnatoribus probare mihi posse videor , quod omnes , qui apud nos vel nostra vel patrum aetate supra caeteros eloquentiae gloria floruerunt , id equidem non a Pragmaticorum libris , sed ab interiori rerum cognitione , philosophia , historia , veterumque Authorum perpetua lectione aud dubie sint assecuti . Nam quis censeat , Franciscum Andreae , cujus ingenii dum haec Civitas vivet memoria extabit , Seraphinum Bistardum , Caesarem Natalem , Nicolaum Caravitam , Cajetanum Argentum (Qui mihi innus instar omnium est ; etenim , cum incredibili praeclarentis ingenii nisu Latinas , Graecasque literas , disciplinas , artesque omnes ita complexus sit , ut nemo in unaquaque ita excellat , ut ipse in omnibus , tamen Jurisconsultorum quotquot sunt , vel fuerant apud nos Jurisconsultissimus concordii hominum suffragio habeatur) aliosque hujus notae Oratores , non ab Academiae Spatiis ,

tiis, optimarumque Artium scientia, sed a jejunis forensium commentariis: tantos, tamque praeclaros exstitisse? Profecto id mihi nullo pacto eripi potest; neminem unquam dicendo valere posse, quem non philosophia instituerit, caeteraeque disciplinae erudierint. Sed haec alias & fortasse fisisus: modo quod superest expediamus. Etenim in alteram forte nos reprehensionem incursumos suspicor, quasi Medicos potissimum delegerimus, quos in hac nostra exercitatione veluti per ludibrium traduceremus. Verum, ut satis etiam his faciamus, Te, CARACCIOLE Princeps humanissime, satis locupletem Testem producemus, qui in familiaribus nostris colloquiis a me saepissime audieris, nullam modo in Europa universa Urbem extare, quae probioribus doctioribusque Medicis floreat, quam haec nostra, in qua post aliquot annos ipsa Medicina stabilem sedem, fixumque domicilium posuisse videatur. Nam quae unquam aetas, quae barbaries Schipani, Severini, Borrelli, Corneli, Portii, Capuae clarissima nomina est deletura? Magna vero esset iudicii perversitas, & nimium coeca praeteritarum rerum admiratio, fato functos admirari, quorum autem praesentium virtutem intuearis, eos illaudatos praetermittere. Nam Cirillum, Vitulum, Castaldum, Alterios, Poetam, Crescentium, reliquos, quorum, ne nimius sim, nomina praetermitto, summos sane philosophos, cunctisque bonarum artium ornamentis praefulgentes, quis tam in nostris rebus rudis, ac plane peregrinus est, qui nesciat, trans maria etiam & Alpes ab exteris gentibus celebrari? Itaque omnibus facillime persuasum iri confido, me non ut tantos viros in scenam, contra quam meus pudor, eorumque auctoritas postularet, deridiculi causa producerem, paucula haec lussisse; sed tantummodo, ut veterem morem meum ingenii exercendi obtinerem; & Medicinae potius nimis cre-

crebram vicissitudinem , quam Medicorum instituta
sale jocisque perfunderem . Praeterea casu mebercule
 eventit , non certo consilio , ut hoc potissimum colloquium
 quod tempore postremum est , omnium primum in lu-
 cem prodiret . Quod nos speculatum doctorum homi-
 num sententiam mittimus , ut si , postquam erit degu-
 statum genus hoc exercitationis nostrae , *aut* adversis
 eorum suffragiis id nos facere posse animadverterimus ,
 continuo ad caetera vulganda , descendamus . Quodcum-
 que vero aliorum hac de re futurum erit iudicium ,
 nos magnum certè operae precium laturus arbitramur ,
 si illud saltem assecuti erimus , ut Tibi , *cujus* judi-
 cium tanti facinus , quanti fieri viri acutissimi ju-
 dileum debet , operam , ut est , in proverbio , mini-
 me quidem *luisse* : omnibus vero ut grati , ut bene-
 ficiorum memores , quae plurima in nos , Vir excel-
 lentissime , contulisti , videamur . At jam Mercurium
 video , admo to ad os digito , silentium Patri facien-
 tem : audiamus ergo quid narret .



JUP.

9
JUPITER . NEPTUNUS . APOLLO . MERCURIUS.



JUPITER. Novum omnino spectaculum, Mercuri, & quod nunquam antidhac exhibitum sit, Diis omnibus hodierno die praebituri sumus: Siquidem ad nos, ut nosti, e suis fluctibus & pumiceis specubus Neptunus adscendet cum Apolline iudicio certaturus. **MERCURIUS.**

Quod quidem, Pater, Tibi, nobisque adeo omnibus gloriosum ac magnificum esse reor, quum summus aquarum Regnator, quasi unus è Deorum turba, sponte sua Tuo se & Coelicolarum suffragiis subjiciat. **JUP.** Proinde Ego Te diligenter curare jussi, ut omnia pro nostra dignitate, potentiaeque composita sint; nam volo Fratrem meum quam honorificentissime excipere, & prae suis aquis, scopulisque Regni mei majestatem, atque opulentiam ostentare, maximo rerum omnium apparatu. Quae vereor, ut probe, atque ex animi mei sententia parata sint, tandiu te vidi oscitantem, & quasi mea jussa fastidientem. **MERC.** Jamdudum sensi, Pater, meam apud Te operam sordescere, & pro nihilo esse. **JUP.** Curnam isthoc, amabo? **MERC.** Nam postquam Tibi vel senectus, vel valetudo fibulam imposuit, nec amplius in taurum, aut aquilam versus amores, ut olim, exerces, vix me aliquando praeterlabente oculo forte fortuna intueris, neque finis ex veteri illo more tuis arcanis interesse. **JUP.** Censen' ergo, Fili, hoc ita fieri, ut memoras? **MERCUR.** Quidni censeam? Sane aud dubia res est. **JUPIT.** Nugas garris. **MERCUR.** Quanta vero industria & sedulitate hoc etiam tempore paterna jussa capebam, ac voluntati subserviam Tuae, non mea verba apud Te, sed res ipsa erit testis.

B

Qua-

Quare jam paullulum hoc progredere ad locum, ubi pompam erigi imperasti, ut videas nimisne gloriose modo me effram. JUP. Faciam sane quod mones. MERC. Quin ergo imus, Pater? JUP. Nil moror. MERC. I ergo prae, ego pone sequar. JVP. Euge, Fili, euge! Ut scite, ut graphice disposita omnia! Ut magnifice Judicum subsellia exornasti! Deorum autem Concilium nunquam sedit decentius! Porro te non eloquio tantum, nunciisque, & mercaturae praeesse deinceps aequum est, verum Architecturam insuper in tuam clientelam suscipere, quandoquidem tam te egregium hodie Architectum praebuisti. Atque hoc pacto fortasse de intermissa erga Te benevolentia mea queri defines, cum videas propter unum hoc opus, Me tibi Vulcanum posthabere, qui & aedes nostras scientissime aedificavit, & fulmina mihi ad quotidianum usum nulla mercede tandiu jam praestat. MERC. Hui! Palpo me aggredieris? At operam ludis profecto. Nam ego morem tuum non calleam, qui Tibi, quicquid egisti, perpetuus fuerim comes? Qui, ut caetera sileam, quum servili etiam schema amori tuo aliquando velificatus fuerim, nusquam memini me, nisi nimum sero, idque ipsum aegre, a Te collaudatum, quamobrem JVP. Tacesis jam: audin strepitum venientium? At at, Frater est, age, tu cito convoca Deos: Ego ibo obviam Fratri. MER. Pudet me solenni die pedestribus assuetisque verbis tam augustum Consilium cogere. Ab Homero itaque splendidissima carmina mutuabor, atque ita digniorem praeconem agam. At enim vero quis Homeri versus ferat hoc tempore? Sane nimis vetus Poeta est, & plerisque Diis vix nomine tenus cognitus; quapropter officiosius me facturum putato si suetum usque teneam morem, ne me hujusmodi vieta aevoque confecta ad eruditionem ostentandam effodere Deorum vulgus criminetur. Audite ergo Dii
omnes

omnes, mares, foeminae, Nymphae, Fluviique quotquot estis, secundae postremaeque classis Genii, & quicumque fruimini aliqua Divorum sorte; omnes ad Consilium citato gradu concurrite. Jupiter vos praesto esse jubet. Agite ergo jam, properate. Papae! Ut undique conveniunt plenis viis! norunt sane quid modo vocentur. Heus vos Superi sublimioribus illis subfelliis confidite; vos vero Inferi, qui abs tenebricosis locis advenitis, concedite huc ad dexteram. Ohe! istoccine pacto! non testudineum istum grandibitis gradum? Quid vero ociosi adstatis Medioxumi? quin sedes haec ad sinistram occupatis? nam quae a fronte sunt, eas marinis Diis asservari jussit Pater; quos omni honoris significatione excipi aequum est. Vobis vero minutissimis Diis, Laribus, Patellariis, iisque omnibus, qui angustissimis finibus circumscripti, certis locis affixi estis, area haec destinata est, atque hinc de plano audietis. Perbelle. At jam omnes Jovi summo, Maximo, Optimo, Omniparenti assurgite. JVP. Gaudeo sane, Frater, quod mihi tam longo intervallo Tui conspiciendi, atque adeo amplexandi facultas tandem oblata sit. Siquidem postquam inter nos paternum Regnum divisimus, Illiūque evertimus Graecorum ultioni faventes, vix aliquando te ab alto despexi vel tempestates sedantem, vel Vrbes & Terras tridenti quatientem. NEPT. Id quidem, Frater, aequè mihi acerbum fuit. At nosti miseram imperandi necessitatem; in qua illud durissimum est, quod aliquando necesse sit, ab eo quod vel maxime cupias, abstinere. Ne te rebus gerundis mustitent privatas voluptates praeferre: neve quam ad subditorum solummodo, utilitatem referre debeas, in propria commoda clamentem vertere potestatem. JUP. Nimis vera praedicas. Quavis longe majus mihi negotium hominum importunitas facessat; quibus satisfieri utique non potest; in tam

varias, tamque absurdas scinduntur usque sententias, ac praesertim intolerandi sunt qui sapientes eos inter perhibentur, quibus nostrae res, & nosmetipsi adeo displicemus, ut quandoque serio videantur insanire, atque intemperis agi. NEPT. Vetus quidem est tua haec adversus philosophos querela; at quid ad Te? Ipsi postmodum maximas poenas pendunt dementiae suae. At ubinam, Frater, Citharoedus noster est, cui mecum est dies haec constituta? Num fortasse cincinnos vibrat calamistro? An potius in solum aliquem locum recessit, defensionem moliens ut inde in iudicium adveniat meditatus? JUP. Nonne jam suo loco sedet? NEPT. Nusquam apparet. JUP. Viden contumaciam! I cito, Mercuri, atque illum continuo ad nos. Quin is? MERC. Nihil accersito opus est; jam ipse contendit huc quantum potest; respice dum ad dexteram. JUP. En tibi reus adest, Neptune: indue jam animos accusatoris. NEPT. Ut venuste, & eleganter, ut amatorie concinnatus est! Ut bene pexit caesariem! Credo, eum cum Daphnide, aut Hyacintho se se hodie congressurum arbitrari, aud cum Neptuno. JUP. Quid Tu? Vnde tandem appares, o Phoebe? APOLL. Ne mireris, quaeso Te, Pater, quod ad iudicium aliquanto serius advenerim: nam magnus me Serum Imperator properantem retinuit de difficili saepe re consulturus: cui dum suctis ambagibus responsum involvere, atque obscurare impensius curo, diei tempus me, quippe aliud agentem, sefellit. NEPT. Porro frater nimis verisimile est quod narrat. AP. Verumtamen, ut harum rerum facies est, aud diutinam videor accusatori meo moram attulisse. JVP. Sede jam. Tibique, pro imperio silentium indico, dum optimus hic Patruus tuus actionem suam exequitur. AP. Fiet, Pater, ut jubes. JVP. Agefis, Neptune; Tu modo ipse moraris reum aequae ac Judices.

NE-

Mirabitur fortasse Deorum quispiam , & secum ipse quaeret, cur post tam diuturnum silentium hoc potissimum tempore contra fratris mei filium insurrexerim, ac de Medicina judicium instituerim . Cui ego postmodum de silentio meo satisfaciam , modo de iudicii causis respondebo . Porro non ambitione , nec repentina aliqua voluntate, in propinquum meum, tot jam saeculis Medicam provinciam obtinentem , invasi : neque ad accusandum ea fortasse de causa descendi , ut eum de suo veteri Regno deturbarem , meque in ejus locum obruderem . Etenim non hac levitate sum , nec tam humilia cum animo meo agito . Majus quoddam est quod me impulit , quodque , Iudices , quam maxime nostra omnium interest . Nostis quam diuturnum & acre bellum cum certis hominibus geramus, nostrum in res humanas imperium pertinacissime detrectantibus , ita ut (dubium sane , majorine contumacia , an caecitate) nec providere nos rebus suis affirmant , nec quicquam boni pro meritis expectare a nobis homines debere , nec malum aliquod ab nostra ira formidare . Cui generi hominum cur aegre ad haec usque loca resisterimus non est necesse apud conscios , participesque narrare . Hoc vero tempore , quum homines non modo non juvari se se a Diis videant , verum superbe ludificari fidem suam , seque innoquos occidi , nisi omnibus opibus & industriis contendimus , profecto hujus rei omnem cito spem deplorabimus . Quis enim satis aegrotorum querelis faciet ? Quis surgentibus opinionibus hominum obviam ibit ? Nam quum Medicinam , patefactis tandem istorum fallaciiis, inclinatam jam omni ex parte & ruentem adspiciant , & nihilominus Innotum hunc nostrum , ejusque gnatum praeclarissimum Aesculapium vetera illa somnia & commenta , suorum clientum ore , modo etiam im-

pu-

prudenter venditare, omnesque mortales suis egregiis responsis veluti sica jugulare, anne dubium cuiquam est, quin, excussa demum omni opinione de Deorum bonitate & providentia, ad impietatem, tamquam ad aram, docti passim, indoctique confugiant? Qua de re cogitanti mihi illud optimum factu occurrebat, ut in tantis rerum nostrarum turbinibus fluctibusque, juvandos, tutandos, conservandosque homines certatim susciperemus; atque ita effusa beneficentia impiorum maledicentiam retunderemus, huiusque mali truncum, imasque radices tandem aliquando excinderemus; ne nobis sit alternis pene diebus quasi pro aris & focis decertandum. Cujus rei caput est, Judices, ut hunc Vatem, Citharoedum, Poetam, ejusque filium, qui nimium diu suis mendacii nugisque homines fefellerunt, atque acerbissime interfecerunt, a Medicinæ gubernaculis ad oraculorum technas, cantusque & tibias relegemus. Atque ut alacriore animo in meam sententiam eatis, istius facta breviter percurrere; meaque jura vos edocere in animo est, quibus perspectis, & hunc obrepisse ad eam tutelam, & ad me Medicinæ patrocinium apertissime pertinere cognoscetis.

Principio quum homines, quæ est humanæ naturæ conditio, a morbis tentarentur, nec adhuc vel a Medicis, vel a philosophia opem exquirere consueverent, naturam ducem sequebantur. Itaque simulac cui ea tempestate febri corpus incalecebat, illam ex proximioris fluminis aqua hausta continuo extinguebant, quippe qui ignem superfusa aqua quotidie viderent deleri atque restingui: vel si ob cruditatem & redundantiam (quod raro admodum propter illorum temporum frugalitatem & temperantiam eveniebat) venter fortasse, aut caput indolebat, dolores patientia, & constanti abstinentia sedabant. Eodemque pacto in caeteris se se morbis ger-

rebant, cum noxia, & innoxia, utilia, atque inutilia sola experientia aestimarent; nondum fucatas splendidasque Medicorum fraudes, nec egregie ad fallendum excogitatas istorum rationes cognoscentes. Atque ita quietum, nullisque opinionibus conturbatum primi illi mortales felicissime aevum egerunt. Tum iste a Coronide, quam tunc temporis perditae deperibat (lepida sane puella, at quae uni viro morigerari nimis illepidum duceret) Aesculapium, pessimo hominibus auspicio suscepit. Et quum quo pacto eum ad divinitatis fastigium eveheret aud facile inveniret, sollicito circumspicere omnia coepit, ac diligentissime excutere. Denique nihil opportunius ad eam rem, quam parabat, esse ratus est, quam artem quandam medendi hominum morbis comminisci, quam filio suo veluti patrimonium traderet, & occasionem ei hoc invento praeberet, ut tamquam Baccho Cererique propter vinum, & fruges venerat, pariter & ille ob tale beneficium in Deorum Collegium cooptaretur. Coepit itaque apud aegrotos, ipse primum divino Numine abuti, aliosque eadem docentes immittere. Post deinde quum jam gnatus adolevisset, magnamque jam inde calliditatis atque malitiae spem praeberet, amantissimus Pater paullatim ipsum apud homines obtrudere, inq; Eum, addito ad speciem Chirone, medicinae opinionem transferre, eamque artem veluti propriam ad filium sensim rejicere. Cui praeterea, quum ipse imberbis esset, barbulam adhuc puero affinxit, ut senilem, vereque medicam prudentiam praefereffet. Ego, Judices, quamquam tunc temporis hujus fraudem satis compertam habebam, adolescentis ambitioni nihilominus aliquid indulgendum ratus, in re praesertim, ut tunc quidem erat, innoxia, facile me jure meo spoliari perpeffus sum. Quid verò opus est, Aesculapii in ipsis statim Regni principiis effertam crudelitatem ostendere? Nam cum fallendi artem,

quam

quam tunc primum cudebant, non bene adhuc divinus candidatus calleret, neque herbis adhuc, lapidibus, & quae postea invalere, abuti coepisset, carminibus & incantationibus aegrorum mentes stupefacere solebat, aut sono futilibusque cantionibus demulcere; vel amuletis, ac hujuscemodi inanibus mysteriis homines decipere consuebat, ut deinde his ambagibus anxios, & implicitos tutius atque facilius obruncaret. At satis superque ea de re dictum esse censeo, si Te, Frater, dicam eo tandem ab illius sceleribus adductum fuisse, ut fulmine eum ad Acherontem, aeternamque noctem detruseris. Licet irae tuae causam, non illius nefaria facinora fuisse Pulchellus noster affirmare non dubitaverit, sed invidentiam, quasi Tu egregiam Aesculapii virtutem, & summam, planeque divinam medendi scientiam, qua is mortuos etiam ad vitam revocaret, aequo animo ferre non potuisses. Iste vero ob dulcissimi filii acerbissimam calamitatem incredibili rabie percitus, innocuos Cyclopas egregio scilicet ac memorabili facinore occidit, quod fulmen, quo Tu Gnatum suum perculeras, inscii imprudentesque conflaverant. Quumque abs Te ob tam immane scelus in Terram dejectus esset, ut erat omnium rerum, propter ingentem exilii dolorem, impatiens, coepit humanis negotiis se se immiscere, & mortalium animos variis rationibus conturbare. Tunc enim futurorum praedictione homines, rei novitate stupentes, perculit, atque in sui admirationem convertit; Carmina tunc primum pangere ignaros antea harum deliciarum perdociit: postremoque, cum nullis repagulis ejus ambitio contineri posset, nihil praeteritarum rerum memoria retardatus, denuo medicinam invasit. O miseram mortalium conditionem! quae quum innumeris ipsa malis scateat, ac maximis aerumnis suo fato subjiciatur, tantam insuper plagam ab istius audacia accepit, ut ei nec tot saecu-

culorum prudentia mederi unquam potuerit, nec, nisi aliquid hoc iudicio, Iudices, proficietur, ulla in posterum aetas aliquam opem sit allatura. Hic itaque, ut acceptam injuriam aliquo pacto ulcisceretur, Medicinam, quae antea liberis a Parente, qui ab Avo prius acceperat, nullo negotio per manus tradebatur, tam caecis involucris, obscurisque integumentis involvit, ut homines occulta vi numinis correpti, experientia posthabita, qua duce tamdiu incolumes vixerant, hujus ambages, inextricabilesque fallacias amplecterentur. Quum autem iste in aqua, quam jure meritoque optimam optimus Poeta appellavit, maximam vel ad omnes morbos vim esse intelligeret, nec eam puram putam commendare e re sua esset, herbulas, ut quaeque in manus veniebant, aqua macerabat, sicque demum tanquam praesentissimum pharmacum, mutato non colore tantum & sapore; sed ejus etiam facultate aud leviter affecta, atque imminuta, eandem aquam venditabat. His artibus, atque hac potissimum sapientia magnum sibi nomen, & auctoritatem apud mortales comparavit. Quumque exactis jam exilii temporibus in Coelum remigrasset, homines, qui plerumque, neque quid expetant, neque quid oderint satis compertum habent, superstitione insuper, & errore mentis praepediti, hunc sibi Tutorem, Patronumque in rebus ad valetudinem pertinentibus abs Te suis votis expetiverunt. Ego, Iudices, haec omnia videbam fieri, tamen quo tandem evaderent expectabam. At vero quum iste, parum sua auctoritate contentus, Gnatum etiam suum, Te facillime (ut sumus nimia erga filios indulgentia) exorato, e vinctulis, pallentibusque Erebi umbris quasi ad paternum Regnum rursus extulisset, vicem hominum graviter dolui, Iudices, qui duos Tyrannos, tot tantisque cladibus exasperatos, Dominos sibi suis precibus imprudentes optavissent. Jamque ab eo loci hanc actionem

nem mecum ipse meditatus, necessitudinae deinde, & regni negotiis retardatus eas cogitationes in aliud tempus rejeci. Sed istorum importunitas atque saevitia longe meam patientiam superavit. Etenim ut suam apud homines auctoritatem satis invaluisse, profundasque jam radices egisse animadverterunt, imminis primo e suo gremio familiaque Podalirio & Machaone, deindeque aliis ad eam rem opportune suffectis, omnia pro libidine agere coeperunt, hominesque miseris modis ludificare, atque occidere. Porro Judices, optarem alium mihi reum, quam fratris mei filium obtigisse: at quando aliter comparatum est, dicam si minus volenti hilarique animo, saltem omni prorsus odio, aliaque perturbatione libero, vacuoque. Sane brevi, Generoso isto praemonstratore, ejus interpretes, atque internuncii adeo Medicinam labefactaverunt, ac rem suo ingenio maxime simplicem, adscitis Aegyptiorum deliramentis, ita variam compositamque ad eradicandum genus humanum reddiderunt, ut ne vestigium quidem ejus, quae antea fuerat, Medicinae superesset. Immo tam crebris mutationibus modo hanc, modo illam medendi methodum labentibus saeculis induxerunt; quum hi rationem, illi experientiam sequerentur; ut desperati laboris esset pugnantes inter se dissidentesque Medicorum opiniones aliquo pacto non dicam conciliare, sed utcunque recensere. Nam ad instar earum haeresum, quae plurimae in philosophia sunt, suas sectas Medici quoque instituerunt, (quas singillatim referre hujus instituti ratio non patitur) atque ut quisque huic, vel illi disciplinae adhaerebant, ita in diversa nomina, diversasque pariter sententias ibant; suisque dissensionibus, & concertationibus Medicinam, morbos, aegrotos, seque metipsos funditus conturbabant. Ita ut non modo in quibus corporis partibus morborum sedes esset, quoque pacto eis mederentur mi-

nime inter Medicos constaret; verum, quod quidem incredibile videtur, nec quidnam morbi esset, aut quo vocabulo potissimum appellari deberet, conveniret. Quantas hinc clades, quae funera, quam stragem hominum censetis ortam esse? Inde eam rem aliqua conjectura assequi poteritis, quod sicuti militibus (quis crederet, Judices, militem inter, & Medicum exemplum conferri posse?) magnificum apud homines est, & gloriosum, hostes quamplurimos virtute, & armis obtruncasse; ita Medicis praeclarum, ac egregium habetur, sua inscitia, vel, quod verius est, fraude dolisque innumeros mortales interfecisse. Siccine agi? Tam crudeliter, tam nefarie homines in hominum clades rueret? Communem cognationem, jura omnia, Deorum metum, ut Bellissimo huic satisfiat, susque deque haberi? Quid ergo censetis, Judices? Hunc istorum furorem in hominum generis perniciem crudelissime incitatum, retardandum vobis, an impertita impunitate inflammandum arbitramini? At audite, quaeso, quibus artibus Poeta noster mortalium infortunia cumularit, divinumque etiam numen ad eos excrucianos adjunxerit; ut tandem cognoscatis cuinam hominum salutem, vitamque commiseritis. Porro, praeterquam quod aegrotis ipse magnus vates & Delphis, & ubique gentium ex Tripode, & Cortina responsitaret, atque ita mirifice illuderet, certam quamdam Filio suo respondendi facultatem attribuit, non voce, & oraculo, ut ipse, sed alio pacto, omnino, Judices, novo atque mirabili. Nocturnum etenim vatem eum constituit, tenebrasque, & obscuritatem maxime ad fallendum idoneas delegit, quo tempore ridendo sane astu miseras aegrotorum mentes circumageret. Nam in templis, quae plurima mortales (prohi coeca hominum pectora!) Aesculapio per celeberrimas Europae Asiaeque Urbes excitaverant, auro, argento, tabulis, signisque, atque

omnis generis donariis referta, viscebantur attonitae superstitione mulieres, viriq; continuas noctes precibus, ac votis trahentes, Deique numen per somnia vanasque species expectantes. Tum optimus istius filius non quidem primis noctibus, sed octava demum, aut decima huic simiam humano capite per somnum immittebat, illi serpentem sua colla humerosque ambientem, alteri semetipsum inflatis buccis, minantemque ostendebat; atque omnes hujusmodi fallaciis circumventos, rerumque omnium incertos, ad hariosos insuper, & somniorum interpretes, pro malorum cumulo cogebat accedere. Quae omnia ex istius consilio prorsus gerebantur; quum hic mentem, ac veteratoriam solertiam, Ille manum tantummodo rei gerundae, ac vocem praeberet. Interea summis laudibus, ac honoribus caeci mortales istum extollebant. Phoebum vocabant, quem tenebras, & noctem appellare jure debebant; morborum expulsores dicebant eum, qui universam morborum cohortem incredibili astu in ipsos immiserat. Iste autem, quum haec a supplicibus audiret, nec erubescere, Judices, quod se tot laudibus, alia omnia merentem, celebrari intellexeret; nec tanto obsequio delinitus suae eum crudelitatis pro aliqua saltem parte poenitebat. Nulla frons unquam, Judices, tanta impudentia, nullum os tam durum fuit. At magnum modo operae precium me facturum puto, si vobis egregia medicamenta indicavero, quae isti aegrotantibus per somnum vel per suorum Sacerdotum vocem imperabant. Caeco: ut postquam ante suam aram procubuisset, tunc a dextera altaris parte ad sinistram quam celerrime transfret, ibique expansam manum arae imposteret, quam deinde oculis admovent. Laterum dolore laboranti, cinerem e sua ara; uni malvam suillosque pedes, alteri mel & nucleos pincos; huic vinum, illi mulsum commendabat: omnibus vero anilia quaedam figmenta, ac nugacissimas nugas obtrudebat. Atque miras
pro-

profecto naenias Chalcedone istiusmodi oraculis Passago ille Alexander credulitate mortalium abusus aliquando excitavit; Pellaeoque dracone, & nobilissimis clarissimisque praestigiis Europae, Asiaeque universae mirifice imposuit; opulentissimasque Provincias, ea religione praetenta, avarissime compilavit; cuius apud homines sempiternis monumentis historia consignata est. At iste non modo ea omnia sciebat, & patiebatur, verum insuper omni ope, auxilioque juvabat. O saevitiam incredibilem! Tu ne miseros gementesque, quibus auxiliari debueras, ausus es tam acerbe contemnere? Tu Deorum nomen tam indignis factis commaculare? Tu imperium nostrum propter importunam crudelitatem tuam in summum discrimen adducere? Atque omnia haec, si Dis placet, impune feceris? Omnem notam effugeris, omnem poenam perpetuo declinaveris? Sed hoc, Iudices, vestris suffragiis, vestraeque severitati reserveamus. Modo e diverticulo in viam. Ita Arcitenens noster, stupefactis omnium late gentium animis, non cultu hominum, tantaque observantia mitigatus, crudelissimum in eos imperium exercebat. Adeo ut abs tuo ore aliquando, Frater, ninia profecto, & intoleranda istorum potentia memorabilem illam vocem elicerit; quod postquam Parens Delphis, Gnatus autem Pergami oracula venditare, & cum mortalibus veluti familiarius colloqui instituisent, Tu ipse jam Deorum Pater frigeres, & prope nauci nomen tuum ab hominibus tuaeque vires aestimarentur.

Vt autem fastidium vobis, mihiq; dicendi laborem demam, caetera quam celerrime fieri potest perstringam. Brevi itaque, Iudices, eo res redit, ut puerorum more ab generosis istis riderentur homines, & vilissima quaeque, & sordidissima, atque olentissima, pro optima certissimaque medicina obtinerent. Radices amarissimae, baccae incredibili asperitate, animalium adeps, oculi,

cor-

cornua, & quid dicam ultra? Stercora, urinae, sperma. Nec mihi, meoque Regno pepercerunt. Frutices etiam nostros, herbasque aliquot, visui fortasse, & naribus permulcendis idoneas, caeterarum rerum cumulo impudentissime adjecerunt. Nam quid me censetis, Judices, cum animo meo tunc volutasse? Quum viderem, me post tam gravem injuriam, ademptamque per fraudem Medicinae tutelam, ludibrio insuper haberi, regnumque meum hostili animo diripi, spoliari? At nihil unquam animo meo fuit aegrius, nunquam vehementius exarsi, (ut ad postrema tandem veniam, ad quae jamdudum festinat animus) quam quum egregii isti post diutinam consultationem aquam omnino, quasi magnam gravemque perniciem aut pestem, repente ab aegrotorum ore, manibus oculisque etiam, ac cogitatione ad bestias ablegaverunt. Nec enim satis sibi saevire videbantur, dum aqua quantumvis mixta, & fucata mortalibus superesset. Omnem iis ad sanitatem aditum intercludere, omnem ad longaevitatem viam sepire contendebant. Etiam si nihil adderem amplius, plane, Judices, aperissime conspiceretis istorum perversitatem animi singularem, immanitatemque praedicandam. Nam quid tantum homines in eos commeriti fuerant? Profecto Te, Pulcritomé, nec factio, nec dicto laeserant, non Epidamnium Regnatorem: Immo Te unum omnium Deorum impense colebant; Gnatumque maxime venerabantur; iis igitur pro honore cruciatus, dolores pro cultu, pro observantia mortem improbilissime benemerentibus reddidistis. Itaque, Judices, post hoc praestantissimum scitum, aquarum nomen omnino a medicamentorum albo erasum est, & Medicis capital esse coepit earum usum, quocumque id pacto fieret, retinere. Hic si aliquis subreptitio aquae haustu (quod vulgo factitarum est, simulante scilicet natura) e difficili gravique morbo evasisset, continuo Medici ostenti loco rem esse ajebant,

bant, Apollinique, & AEsculapio grates habendas, qui rem nempe mortem allaturam, in bonam salubremque vertissent. Et contra quum aliquis vel repentina vi morbi correptus, vel suis malis medicamentis celerius, quam ipsi prolixè affirmaverant, interiisset, bibisse statim eum scientissimi veteratores clamabant; aquasque innoxias perfricta fronte taetricoque supercilio homicidii postulabant. Hac malitia, dolisque malis mortales ab eo quod optimum erat, absterrabant; & passim aegrotos urebant, atque acerbissimo mortis genere igni ac siti necabant. Invexerant etenim istius Operae & Emissarii intolerabilem quamdam, & absurdam medendi rationem. Nam saxa, herbas, vinum, fruges, metalla, & hujuscemodi quam diligentissime per tubos quosdam, varia arte multiplicique compositos, excoquebant, & sal inde, utque ipsi magnifice loqui consueverunt, spiritum, vitamque ipsam extrahebant; nec quicquam unquam, nisi ex hoc latifundio aegrotis apponebant. Quorum domesticis ac necessariis illud cum primis, Jovem Patrem Deosque omnes si secus fieret testati, imperabatur, ut ne vel guttam aquae eorum ori admovent; sed (audite Judices ingeniosissimum, idemque scelestissimum commentum) aquae vice globulos quosdam crySTALLINOS effingendos curaverant, quos in aegrotorum os coniectis, saevientem sitim, seu potius clamantem naturam fallerent. Atque ipsi Medici saepenumero hujusmodi decipulas amoris, & benevolentiae ergo amicis aegrotantibus afferebant. Quod eo quidem recidebat, ut corpora humana, quae nonnisi iusto, ac naturali frigoris, ac caloris, humidi, & licci temperamento sustinentur, & vivunt, maxima caloris vi primo mire siccantur, deindeque veluti facibus admotis incenderentur. Quae Incendiariorum ratio sub Septemtrionibus forte minus noxio consilio excogitata, ut primo per omnes fere gentes disseminata, ita & inter Vaelevum dein-

deinde , & Dicaearchaeae sulphura ab istorum discipulis importune nefarieque translata , sub miti tepentique Coelo quasi coctorum lignorum incendium ad cremandam amoenissimam regionem excitavit . Quid ego vobis , Iudices , tenebrosissima , & funestissima humano generi tempora narrem ? Quaeve acerbissima funera istorum immanitas hominibus objecerit ? Horret profecto animus , atque abs tam tristi luctuosaeque narratione oppido refugit . Quot enim creditis miseris Matres moerore , & lacrimis confectas e suo sinu raptos dulcissimos natos , incredibili istorum crudelitate , dimisisse ? Quot infelicissimos senes liberos suos , spem senectutis , turbato ordine composuisse ? Quot sponsas Junoni Pronubae , dulcissimaeque spei in ipso aetatis flore subreptas istorum saevitia Libitinae traditas esse ? Quot honestissimas domos patribus familias orbatas in sempiternum luctum , summamque egestatem esse demersas ? Nequeo , Iudices , nequeo crudelissima istorum facinora , infinitam atque omnigenam stragem , acerbos hominum casus , familiarum calamitates , Urbium clades , Orbis Terrarum vastitatem oratione complecti . Aud secus , Iudices , eo medendi instituto necabantur mortales Medicorum manibus , ac si igni Coelum plueret (nec enim alia imagine tantum malum referri posse mihi videtur) totaque late regiones incenderet .

Moriebantur itaque homines , nec quo se verterent , quave ope tam grave incendium restingerent , inveniabant . Donec eos desperatio tandem , sive eadem Natura , quae primum eos ad flumina , fontesque perduxerat , unde non suo peccato , sed maxima istorum culpa aberraverant , duce viro acerrimo , & experientissimo , quem nominatim appellare non est necesse , ad aquas denuo reduxit . Quo facto salus , valetudo , spes bona continuo ad homines remigrarunt ; quae omnia isti , veluti ostracismo ab omnibus Terrarum confinibus jam pridem

ex-

expulerant, Ego vero magnam modo mihi facundiam, dicendique copiam optaverim, quî possem ingentem hominum laetitiam, mutuasque gratulationes explicare, quibus inter se praecipuo mutuoque gaudio exultantes triumphant, quod ad haec potissimum tempora reservati sint, quibus tam leni, jucundoque medicamine ad valetudinem recuperandam uti detur: nec amplius amarulenta, & novercalia illa pocula cogantur maximo gemitu, & totius corporis tremore forbere. Mortemque ipsam gratulantur veluti longius abesse: atque eo ipso tempore, quo ad vasa clametur, extremamque necessitatem subire necesse sit; eam non ita truci terribilique facie videri, quippe quam semper spes, expectatioque quaedam bona comitetur. Etenim quum in omnibus fere morbis, quicquid isti contra effutiant, eandem prope vim aquas habere experiantur, easque non febribus tantummodo omnigenis, sed & vulneribus (quae vetustissimis temporibus consuetudo tenuit) & difficillimo cuique lethali morbo, apoplexiae, pleuritidi, ipsique hydropi, ut hoc uno omnia complectar, praesentissime mederi, cur, obsecro vos Iudices, non ad summum usque diem, verisimili spe, & quamplurimorum exitu confirmata teneantur? Quum praesertim moribundos vulgo videant, animamque jam agentes, ab istorum interpretibus certissimis suffragiis morti damnatos, uno aut altero gelidae haustu illico reviviscere. Nolite enim arbitrari, Iudices, post excussas tenebras, veteremque caliginem, aliquid clarius; aut vulgatus apud homines esse, quam mirabilis aquarum vis, quas sibi vitae, sanitatisque vindices extitisse adversus taeterrimam istorum tyrannidem arbitrantur. Summos viros ante oculos habent, quos aquae ab ipsis mortis faucibus, inspecantibus, ac moerentibus Medicis, eripuêrunt. Vident quotidie Virum Patricium, egregie moratum, & quod apud istum nonnihil valere debuit, Musarum delictum, incolumem valentemque volitare,

D

quem

quem extremo spiritu jacentem, ac pene exanimem luxerint. Vident amplissimum genere, literis, fama Senatorem, tuum, Minerva, corculum, jus integerrime, & sapientissime dicere, quem aliquando magna civium suorum jactura isti, quantum quidem in iis fuerat, e medio plane sustulerant. At quid singulis enumerandis immoror? Nullam ego domum, nullum hominem esse affirmo, quin ei aquae magnam aliquam utilitatem attulerint. Quibus rebus nemo vestrum est, Judices, quin illud evenisse arbitretur, ut nimirum isti, suorumque foemiorum propugnatores, detecta jam, contestataque innumeris exemplis veritate, nisi alia de causa, pudore saltem deterriti sint, atque a fallendi consuetudine inviti tandem recesserint. Sed tanta in istis est, nescio an dicam contumacia, & impudentia, vel diritas, & immanitas, ut obfirmato animo eandem constantissime semitam terant; grandiloquentiaque insuper, & exotica eruditione, atque vocabulorum portentis, nimiumque sane callida simulatione prudentiae ad mendacia sua confirmanda abutantur. Et quum aegrotos e veteri suo instituto confecerint, tunc demum desperatis rebus omnibus, ad aquas eos ire jubent; ut hoc pacto in periculosam nimium aleam aquarum virtutem conjiciant, unde admodum difficile sit, eas salva integraque existimatione semper evadere. Atque hinc illud obiter a te, Medicinae Parens, exquisierim, cur confecto tantum accisquoque corpori aquae mederi possint, valido firmoque non item? At nobis, qui tua ista praeclara sapientia aud inviti caremus, videbatur, quod solae suoque Marte in destituto corpore aquae possunt, id in ipsis morbi principiis, viribus, robustoque corpore adjutas validius & certius, fore praestaturas. Quid tu verò ais Herbiopotens? Fallimur nempe; ita asperere frontem contraxisti. Verum uter decipiatur hujus judicii eventus patefaciet: modo quae supersunt transigamus. Sane nonnullorum Medicorum suavis-

viliſſimum eſt , medendi modo rationem agnoſcere. Nam hi diſſiſi rebus ſuis , priſcaſque ſabellas magnam partem re-
 jicientes , aquis vero (quas pauci admodum ab iſtis tranſ-
 fugae bona fide amplexati ſunt , atque ad aquarios ex a-
 nimo deſecerunt) nec damnatis magnopere , nec commen-
 datis , in infinitam dubitationem demerguntur; atque ita
 Medici monogrammi anxio incertoque vultu ad ægroti le-
 ctulum taciti ſedent, primo ſeptimum valetudinis diem, in-
 de decimumquartum , & demum illius mortem vel ſanita-
 tem expectantes. Verum ne videar ignaviam, ingeniique im-
 becillitatem hominibus crimini vertere , quod nimis acerb-
 i accuſatoris eſſet, ad maximum iſtorum ſcelus, idemque
 occultiſſimum , Judices , tranſibo. Quam etenim rem
 generoſi iſti palam inceptare non audent , eam occulte
 cuniculis oppugnant. Nam quum aquas a morborum cura-
 tionibus expellere , ne proſus decoquant , acciſis rebus
 ſuis omnino neceſſarium ducant , nec tam recenti re , una-
 nimique omnium hominum conſenſu , id aperte aggredi
 poſſint , plani vaſerrimi , qui nullum laborem , dolum,
 aut fraudem ad priſtinam dignitatem recuperandam ſibi
 praetermittendam eſſe cenſent , illud nuper e penitiſſima
 fallendi arte expromſerunt , ut quum maxime aquis inſi-
 dias ſtruerent , tunc maxime bona fide iis uti , atque in
 ſummo precio habere exiſtimarentur . Etenim in omnibus
 fere morbis (idque quo poſſunt ſerius uti monuimus) a-
 quas adhibent , neque eas ullo in conventu illaudatas ire
 ſinunt , ſed quaſi ex animo illarum vim ultro admi-
 rantur . Interea illas modo calidas , modo tepentes , ra-
 ro gelidas praebent , nunc modice ac dubitanter veluti
 ex occulta quapiam ratione , nunc proſuſe & plenis rivis ,
 dandique methodum non unam uſque ſervant , ſed vari-
 am incertamque . Atque in uno eodemque aegroto om-
 nes haſce vices quam ſapentiſſime alternant , ut quem cali-
 da inceperint , gelida , deindeque tepenti curare deſi-
 nant , & mox converſa repente medendi ratione , aquas

omnino abjiciant, aliisque medicamentis utantur. Saepe etiam pulverem aliquem aquis, vel herbam, aut oleum, quasi aliud agentes, admiscunt, ut paullatim non in aqua curandi vis, sed vel in sua methodo, vel in iis, quae aquis addunt, ineffe videatur. Si qui vero tam crebra importunaque mutatione & mistura confecti moriuntur, eorum obitus aut dubie ad aquas referunt: verum id modeste nimium faciunt, ne se se ipsi prodant, dolique tam bene naviterque excogitati fructum per imprudentiam amittant. Ita diligentissime ab sua simplicitate, quod caput rei est, optimoque iis utendi instituto aquas abducunt, atque in ingentem paullatim suspicionem, propter nonnullorum interitus eas conjiciunt. Inde quum studia multitudinis sensim desuetudinae deservisse intellexerint (quod serius, ocus eventurum esse confidunt) tunc demum rupta, ut ajunt, testudine, apertoque Marte aquas, omnium fraudum suarum everticulum, aggrediuntur. Quas cum nullo praesidio, ac ne populari quidem opinione munitas facillime expulerint, tunc in vetera mala, pristinaeque servitutem mortalibus recidendum erit; quibus frustra fuerit aliquando veritatis lumen affuisse. Proh summe Jupiter! Te enim appellabo, mi Frater. Quid expectas? Quid sedes? Nonne jampridem universam fulminum tuorum iram in istos, istorumque emissarios oportuit esse conversam? Viden quo tandem ob paucorum audaciam, uniusque istius compendium res humanae redactae sint? Sane aequum est, si minus Te praeterita tetigerunt, modo saltem consulere calamitatibus hominum, istorumque furorem in posterum pio bonoque consilio celeriter antevenire. Licet enim ad id nulla necessitate cogereris, misericordia tamen, quae maxime omnium Deum decet, ad sublevandos, recreandosque homines deberes adduci. Nihil hic de jure meo loquor, nihil de debita mihi Medicinae & utela mutio: vestram ego rem, Judices, ago. Deorum imperium & majestatem
hoc

hoc judicio periclitari confirmo . Videte quaeso , ne vos nimis sero indulgentiae vestrae poeniteat ; tempestive consulite rebus vestris , quae , ut est in proverbio , in acie novaculae constitutae sunt : tempestive vestris suffragiis consulite vobismetipsis . Neu sinite ut isti , quae jam valide quatefecerunt , Imperii vestri fundamenta prorsus ac funditus evertant : quod quidem , si istos aliquis casus ex hoc judicio incolumes eripuerit , cito perfectum iri confidite . Nam quid censeatis denique consilii capturos homines , quum se se , liberos , uxoresque suas veluti victimas animadvertent istorum furori atque acerbitati a vobis permisso , ac traditos esse ? Scilicet supplices ad vestras aras confugient : auro , argentoque , & lapillis templa vestra decorabunt : hostias de more immolabunt : vos pro bonis , & beneficentibus habebunt ; Nihil , Iudices , nihil vobis apud homines reliquum erit : imperium , nomenque ipsum imperii vestri , quod jam satis grave est , iustissimo dolore incensi , confectum pervertent , excutient , delebunt . Quod vero ad me attinet , illud velim vobis , Iudices , pro inconcusso esse , me non ut istorum calamitati insultarem , quod improbum esset , neque ut Medicinae praecessẽm , quod ambitiosum & puerile videretur , hunc laborem suscepisse ; verum simul ut genus humanum tantis cladibus afflictum atque confectum sublevarem , vehementer enim ejus malis permoveor , atque ut nostris omnium rebus , quae porro praecipua accusationis causa fuit , quoad ejus rei facere possẽm , patrocinarer . Nec enim tanti apud me Medicinae tutela esse potuit , ut ideo Regalis fastigii oblitus vestro me judicio sponte subjicerem , Fratris mei amantissimi filium accusarem , tantaque turbas in meammet , Iudices , domum excitarem . Nam licet meis viribus , aquis nimirum , in quas post divisum Imperium solus regnum obtineo , pene omnia , rejectis istorum figmentis , in medicina aud dubie conficiantur ; potuissẽm tamen in tam
levi

levi negotio mea jura modo etiam negligere, vel Apollinem ipsum vice mea in eam ditionem submittere: nisi quanta in nos tempestas excitaretur, quanta, Coelitis impenderet procella prospexissem. Itaque si vos vel istius gratia, vel alia quaepiam privata ratio a recto, utique ad injustitiam malumque transversos rapiet; me scitote Regem nihilominus fore, nec quicquam adverso judicio mali subiturum; vos vero omnes, quod, ut praedictum recordemini, qua possum maxima voce praenuncio, quum nullo pacto homines vestrum sint Numen ultra veneraturi, nec thura & hostias unquam deinceps oblaturi, neglectos, atque contemptos, pro Deorum insignibus post hac vix nectar & ambrosiam retenturos.

JUP. Euge!, Frater, Euge! Sane ignorabam, tantum te in eloquentiae studiis processisse. Atque equidem miratus sum, te tam grandem natu juvenili alacritate tandiu declamitasse. At, si videtur, Apollinem audiamus. NEPT. AEquum est. JUP. Ehus Tu, loquere, si quid habes.

A P O L L O.

Fateor, Judices, me dum Patruus meus diceret, vehementer addubitasse, utrum accusationi suae adversa oratione respondere satius esset, an Medicis, & Medicinae tacitum volentemque cedere, atque omnino silere. Et quamvis ad silentium animus meus proclivior esset, vicit nihilominus, ac omnem dubitationem meam fregit cogitatio illa, ne si tacuissem, vel judicium vestrum me sprevisse suspicarem, vel rerum mearum desperatione potius, quam pudore, & verecundia adductum, tam vetere dominatu decedere crederetis. Surrexi itaque, ut eam vobis suspensionem adimerem, simulque, ut nudam nulloque oratorio indumento personatam veritatem ante oculos vestros statuerem. Qua perspecta, sicuti

sicuti pro certo habeo ; vos fallaciam , & imbecillitatem argumentorum , ac rationum , quibus Patruus meus usus est , nullo negotio deprehensuros , ita a vobis , Judices , & sapientia fideque vestra maximo opere , summisque precibus postulo , ne magna accusatoris authoritas , quam unicuique mihi hoc judicio pertimescendam intelligo , me , gnatumque meum innocentes evertat . Itaque ita me , obsecro , audiat , ut anteceptas animis vestris adversum me opiniones , tantisper , dum loquor , seponatis ; utque postquam singulis accusationis partibus respondero , tunc demum , libris utrinque rationum ponderibus , ad judicandum descendatis . Te autem , Neptune , itane asperere , ita infeste in me , meosque invehi decuit ? Tam putidis maledictis , tantaque acerbitate ultro in meam , & Medicorum famam incurrere ? Quid durius unquam , aut odiosius ab inimicissimo adversus inimicissimum excogitatum est ? Nequeo profecto satis tragœdias illas mirari , Judices , quas in ipso statim orationis limine accusator noster excitavit , vereri nimirum se , ne propter meam , filiique mei crudelitatem , atque malitiam adeo impiorum sententiae invalescant , ut vulgo homines , abjecta omni de Diis opinione , impietatem veluti sacram anchoram amplectantur . Ingemui , Judices , tanti criminis invidiam mihi a conjunctissimo meo propter effraenem ambitionem suam inuri . Egone , Neptune , qui summos labores pro mortalium commodis maxime omnium Deorum susceperim , & usque suscipiam , luce eos quotidie , calorisque temperamento enixe juvando , nec non per templa passim in trepidis rebus respondendo ; Egone , inquam , ad impietatem mortales compello ? Ut autem me tanti sceleris insimulares , amores mihi , ac exilium exprobrasti , calamitatem filii acerbissimam objecisti , aegros , herbas , aquas commentus es . Haecine somnia , hasce tenebras in me Patrum meum cudere ? Scilicet vestra ei Majestas , vestrum-

strumque, **Judices**, imperium cordi est; qui arctissima sanguinis vincula, Jovem, Jovisque filium, ob leve incertumque compendium, superbe contemnit. At jam ex abrupto hoc, & desultorio dicendi genere ad perpetuam orationem me conferam, atque accusationem vestigio premam, daboque operam, ne quid aut nostram memoriam effugisse, aut dolose dissimulatum esse videatur. Quum me igitur Pater, ob inconsultum illum furorem, **Judices**, in Terras ablegasset (nec enim nugari de primis illis temporibus cum Neptuno ferunt haec nostra tempora) quandoquidem mihi inter mortales versari, vitamque agere necesse erat, existimavi, nil mihi antiquius esse debere, quam eos, quibuscum viverem, quammaximis beneficiis afficere, nostrique apud eos hospitii memoriam sempiternam relinquere. Itaque, quum eos rudes, & agrestes offendiissem, verbis, & cantionibus, Deorum facta & potentiam magnam partem continentibus, coepi ipsorum feritatem sensim mollire, atque ad humaniorem cultum hoc pacto traducere. Deinde, quum mente, & ratione, queis potissimum homines caetera animantia antecellunt, raro admodum uterentur, sed caeco impetu in voluptates ruerent, proindeque in rixas, & ultiones vecordes agerentur, quae mala iis eventura essent praedicendo, nonnullam insolitam Deorum opinionem in eorum mentes injeci. Et retardato paulatim veteri eorum furore, impetuique illo ac immanitate temperata, eos docui ex praeteritarum rerum eventu de futuris conjicere, indeque sibi leges advitam in posterum assumere: unde omnis hominum prudentia orta est. Postremo, ut sexcenta alia praeteream, quum aegrotantes in triviis viderem tamquam bruta animantia jacere, nullaque prorsus ope juvari, misertus eorum vicem, vivendi rationem, & nonnullarum iis herbarum vim & usum indicavi, ut deinceps, unde sibi praesidium peterent, haberent. His rebus permoti homines, quum tandem aliquando

do in Coelum rediissem, uno ore me Poesi, vaticinationi, & Medicinae praefecerunt. Ego vero tunc demum harum rerum patrocinium suscipere ausus sum, quum Pater, adhibito omni Deorum Consilio, autoritate sua me etiam atque etiam hortatus esset, ne precantium voces superbe despicerem, sed amplexarer divinam operam implorantes. Nequibam enimvero ego tot insimul rebus moderari, ut si Poeseos, & Oraculorum satagerem, Medicinam nullo pacto curare possem. Ne totam ergo rem abjicerem, Aesculapium (cui non quod aliquid deliquisset, sed ob malevolorum calumnias antea, mi Pater, iratus fueras) medicinae scientia praestantissimum, quippe quem, & ego, & peritissimus Chiron diligentissime docuissimus, vice mea huic Provinciae praefeci. Nec alioqui injuria me id fecisse dici potest: nam quod ego Hominum, Deorumque primus inveneram, recte quidem, optimoque jure poteram filio meo delegare. En vobis, Judices, meas fraudes, quibus ad Medicinae regnum perveni, atque ad filium meum transtuli. Exponam modo vobis eadem brevitate quibus artibus, quove astu administraverim. Primum autem illud a te quaero, Neptune, quamobrem putes, cujusque compendii causa, me, quum bene mortalibus facere possem, superbe, & tyrannice dominationem exercuisse? Nisi me sceleratum, & omnium improbissimum, non maledictis et trivio temere arreptis, sed veris certisque criminibus, esse confirmas, cui te Deorum persuasurum reris, me sponte mea tantarum cladum, & malorum hominibus causam fuisse? Quod si contra apertissimum est, me totas vires, atque omnem potentiam, numemque meum in id sedulo impendere, atque omni tempore constanter impendisse, ut hominum generi quoquo modo possem opitularer, atque inservirem, quam rem agimus, Neptune? Judiciumne tu hocce fore putasti, an Nereidum, convivium, in quo tu, olentissimis herbulis coronatus,

E

tus,

tus, inter ledissimorum piscium delicias oscitanter recubans, pro libidine ludere, & quidquid liberet effuere posses? & profecto suspicor, ideo te tanta libertate, atque inclementia contumeliarum, ac maledictorum jacula in nos, innocuosque Medicos, amarissimo felle illita, conjecisse. Nam si hunc locum, hos Judices, hanc coronam cogitasses, certe nunquam talia effudisses; quibus nescio, turpius mihi sit, an gravius respondere. At facile equidem patior, maledicendi licentia a Te superari, integramque tibi eam victoriam libentissime concedam: vobis etiam, Judices, vestraeque dignitati id tribuam; & tantum in respondendo digrediar, quantum defensionis necessitas postulabit.

Porro quaeenam istatandem fuisset ambitio, quae dominandi cupiditas tam inhumana tanque praepostera, quae amantissimos, & obsequentissimos per summos cruciatus, nulla de causa interficeret? Nonne id mihi potius faciendum fuit, quod revera feci, ut eos nunquam intermissa beneficentia ita mihi addictos, deditoque redderem, ut impietatem, vel maxime hoc nomine exhorrerent, quod eam sine summo ingrati animi crimine amplecti non possent? Quod si ego, Judices, ad mea genua provolutos doloribus & morte affecissem, tantumne creditis tarditatem hominum, ut tandiu mea templa stare, statuas thure & odoribus coli sivistent? An potius per omnia delubra vindices circumlaturos fuisse ignes, simulacra foede truncata deturbaturos, omni denique contumelia atque dedecore auctoritatem numenque meum affecturos. At, clamabit Neptunus, Medici tuis permoti consiliis, tuoque numine adacti mortalibus tot cladum ministri extiterunt. Scilicet, Neptune, in tanta criminum meorum copia, nimium cito ad aliena, & translatitia confugisti. Primum enim Tibi respondere possum, minime quidem verisimile esse, ullos unquam Medicos extitisse, qui ultro, ac

38

voluntaria immanitate tam crudeliter in mortales saevierint; quos ipsos (si quis aliquando tanta improbitate fuit) malos sane non ego, aut Medicina, verum suapte potius saevitia, & prava indoles effecerunt. Deinde valde equidem demiror, unde tibi in mentem venerit dicere, me hujus generis criminum authorem esse, quum posses ea, & reliqua omnia hominum scelera ad Jovem ipsum, qui in iis connivere soleat, jure referre. Nam ego, mi Patrice, quid facerem? Quo pacto hominum malitiae obfisterem? Quo fulmine, quave adeo potestate eos percellerem? Frater tuus tibi, ea de re arcessendus fuerat, non ego. Atque ipse fortasse tibi, pro conjunctione & necessitudine vestra, suorum consiliorum arcana referasset, quibus de causis nedum malos Medicos, sed tot omnis generis sicarios, parricidas, aliisque sceleribus commaculatos atque inquinatos sinat plerumque incolumes, alacresque volitare. Quae omnia nobis omnibus scurissima, profundaque nocte, ac densa caligine viobdentur involuta atque contexta. At quando malorum Medicorum delicta mihi potissimum objicere tibi, Neptune, visum fuit; debueras idem quae ab iis benefacta, & sapienti utilique consilio inventa, atque excogitata sunt, ad me quoque referre. Quae tot tantaeque sunt, ut omnia Medicorum crimina, si quae aliquando fuerunt, vel a te ipso possint facillime deprecari. Qua in re non ego vobis, Judices, aliquid proferam; sed sciens & volens silebo. Ii ipsi, quos exercitatos, ludificatos, necatos a Medicis Neptunus dixit, loquantur. Testes sint homines, iterumque, atque iterum homines. Horum ego fidei ac testimoniis, quorum de re agitur, acquiescere vos, Judices, velim, non odiosis, inanibusque Neptuni calumniis. Adeo enim referta est apud mortales omnium annalium memoria praeclearissimorum & plane divinorum facinorum, quae Medici omni aetate, atque in unaquaque Terrarum Orbis regione in curandis

hominum morbis egregie & fideliter effecerunt, ut omne profecto defensionis meae tempus deberem absumere; si minimam ex iis partem conarer modo referre. Illud autem sufficiat, ceu per transennam, vobis indicasse, eos tanto semper apud mortales in honore habitos, ut praeterquamquod divitiis longe ceteris praestiterint; gratiaeque apud omnes mirifice floruerint, summi etiam, principesque viri Medicinam exercere, ad laudis & gloriae participationem, non sint dedignati. Nec mihi in tam aperta re aliud agendum esset, quam clarissima tantummodo Medicorum nomina memorare, ut omnem continuo dubitationem ab animis vestris excuterem. Verum patientia vestra, Judices, abuterer, tempusque male disperderem, si in omnibus, quae in me Medicosque, nescio quo furore ac iracundia percitus accusator meus eongessit, nimium diu immorarer. Percurram nihilominus leviter omnia, ne forte ulla in me criminis nota propter silentium meum inhaesisse videatur. Sane quod Medicinam, rem suapte natura simplicem, Medicos, me auctore, affirmasti, variam, compositamque ad conficiendum humanum genus, reddidisse; Ea vox, mi Patruë, quod tua pace dixerim, imperiti indoctique est. Nam, obsecro Te, quo pacto simplex Medicina dici possit, quum ei tot tamque varia morborum genera proponantur? Quum non eadem mulieribus, eadem viris, nec eadem diversis, & aliquando nec iisdem etiam aetatibus praebere possint; sed pro temporum, aetatum, locorum, corporumque varietate, varia itidem medendi ratione uti necesse sit? Sectarum autem multitudinem quis nobis nisi Neptunus objiciat? Quod philosophiae, Judices, oppido gloriosum est, id iste Medicinae, quae & ipsa magnam partem philosophia continetur, crimini vertere contendit. Praeterea quatenam ars, aut quae unquam disciplina eos omnes, qui eam sequerentur, concordēs unanimesque habuit? Non Pictura, non Poësis,

non

non Rhetorice; immo, quod portentis simile est, nec Geometria. Hominum natura haec est, mi Patruce; ut nunquam multi idem probent; duo vero vel tres quam rarissime. At in tanta opinionum diversitate, & repugnantia, quid tutius est aut prudentius, quam nulli effuse favere, seque nemini veluti vincitum, constrictumque tradere? Itaque ut inter philosophos, qui maxime assensum cohibere norunt, nihilque audent pro vero affirmare, omnium sapientissimi apud homines perhibentur; ita, quos tu per summam injuriam monogrammos Medicos appellas, caeteros omnes autoritate supereminere aequum est, ac optimos scientissimosque censeri. Nam nil sapientius ab humano ingenio fieri aut excogitari potuit, in tanta Medicinae rerumque Medicarum dubietate, quam observationibus diligenter insistere, nihil temere probare, & se, aegrotumque nunquam in irrevocabilem casum dare. Verum haec omnia, ut percipitis, Judices, quanquam longiore oratione vix indigent; nimis tamen properanter. Vocat etenim me ea criminationis pars, qua Neptunus de aegrotorum somniis, Aesculapiique responsis sane quam diserte disseruit. Debueras profecto, Neptune, hominum potius superstitionem ridere, eorumque, quibus tuendorum templorum cura demandata erat, avaritiam & astum ejus fraudis insimulare, quam me aut Aesculapium inscios, innocentisque ea de re obtorto collo in judicium rapere. Etenim (quod aliquanto pluribus verbis referam, quum vos, Judices, benignitate vestra tam attente me audire videam), ut quisque aegrotus paullo difficilior erat, vel a longiusculo morbo distinebatur, continuo ad Aedituos, & Sacerdotes Aesculapii accedebat, datoque aere, locum in templo ad deprecandam a Deo salutem, quae erat illorum persuasio, facillime ab iis impetrabat; Ibiq; usque eo manebat, donec de Dei voluntate sibi certior factus esse videretur; atque hinc
nimi.

nimiram omnia illa somniorum monstra oriebantur. Nam quum multa secum ipsi vigilantes, pro maxima convalescendi cupiditate, imaginarentur; aliorumque aegrorum exitus, & admirabilia portenta ab ipsis Sacerdotibus saepissime acciperent; atque draconem, quae forma homines filium meum effingere consueverunt, intenus oculis acerrime intuerentur; quid mirum, si eadem sepe dormientes, paullo fortasse confusiora, & turbatiora sibi conspicerent, ac audire videbantur? Eo pacto, Judices, aegroti in fraudes se se ipsi inducebant, nulla ope profecto coelitus adjuncta. Oracula autem aut minus facilem & expeditam defensionis rationem habent. Ea etenim ex iis, atque ea magna pars est, quae vere a me, Gnatoque meo reddita sunt; optima nempe & apposita eorum morbis medicamenta continent; qui a nobis expetiverunt. Quae res adeo nullam dubitationem habet; ut omnino nullum ejus generis responsum proferri posse audacter affirmem, quod non utilem salubremque medicinam contineat. Pauca vero oracula subditiua, quae innocuo bonoque Sacerdotum nostrorum dolo (perspicite Judices, quam parum dissimulanter tantis de rebus loquar, ita me fidentem humanitas vestra effecit) conficta, nostroque nomine hominibus sunt prolata; nugatoria scilicet sunt; & plerumque nec utilia, nec noxia. Quam consuetudinem ideo aud magnopere excindendam expellendamque curavimus, quod quum nihil omnino reprehendendum contineret, quammaxime ad Deorum cultum apud mortales adaugendum, nostramque omnium auctoritatem potentiamque amplificandam mirifice pertinebat. Nec ego, Judices, eum morem, si is forte minus alicui vestrum probabitur, primus induxi. Nam celeberrimae Patris mei Dononacae quercus, quod vetutissimum omnium oraculum est, satis mihi amplam vel ad excusandum auctoritatem, vel ad imitan-

39

tandum exemplum praeberunt. Venio nunc ad rem ipsam; ad amaras nimirum baccas, animalium oculos, cornua, & id genus quassquillas. Quae in re quidem joculari quamdam, & circulatoriam facundiam praesferre mihi Patruus meus visus est: ac contra tanti Imperatoris Majestatem risum in re maxime seria capere. At quid voluerit, quid eo loci respexerit, plane Judices, ignoro: nisi quod ea ideo videbatur tanto pere exagitare, quasi meis, ac medicorum dolis non suapte natura hujusmodi res vim quamdam medicam, atque ad sanitatem insita semina continerent. Cui tanto in crimine quid respondeam? Quove pacto me apud eum, maxime acerbum, & inexorabilem, Judices purgem? Praesertim quum longe majus mihi malum imminere suspicer; idem enim paullo post mihi objecturum credo, quod ignis fraude mea caloris causam in se habeat, nix refrigerandi, ac similia hujusmodi. Num ergo jocamur, Judices? Num huc tanta expectatione ludendi causa convenimus? Nam quum talia objiciantur, quis hoc iudicium esse, vosque Judices, quis serio Neptunum agere suspicetur? Nisi forte, Medicos non iis, quae aut ratio aut experientia commendaret, sed pestinibus, & echinis morbos depellere maluisset. Quae quum obtrudere non auderet, aquas, suum patrimonium, arripuit, iisque mihi bellum denunciavit. Atque, caeteros accusationis scopulos praetervecta; eo tandem pervenit oratio mea, Judices, quo eam & summa expectatione vestra vocari, & ab accusatore jampridem flagitari, tristi minacique vultu, adductisque ad frontem superciliis, intellexi. Expectas fortasse, Neptune, ut ea, quae tot verbis de mirifica aquarum virtute memorasti resellam; at vana spe illectus, mi Patruus, ut id expectares animum induxisti tuum. Nam quis tam praerupta unquam erit audacia, ut apertissimam rem, tamque quotidianis experientis firmatam audeat oppugnare? Quod si alicui

un-

unquam tam durum os obrigerit, ac tanta contumacia animum efferaverit, ut adversus aquas insurgat aliquando: equidem mihi certum, immotumque est, aquarum virtutem contra invidorum atque ignavorum calumnias enixe, omnique studio tueri. Verum quoniam ad Te hanc aquariam Provinciam dixisti pertinere; & me, filiumque meum, nostrosque vulgo discipulos aquas, tamquam durissimum hostem, exhorrire copiosissime declamasti; necessitatem mihi injectam esse arbitror, de aquis, earumque usu brevi disserere. Et nisi ipse mihi ansam, quam in hac disputatione apprehenderem, dedisses, longe modo repetenda mihi esset defensio mea. Nam quum me jam inde ab initio herbas aqua macerasse dixeris, fundamenta mihi jacta esse existimo, quibus innixus universam defensionem ad culmen usque possim attollere. Hinc enim Judices, ipso criminatoris mei testimonio, me nullo tempore ab aquarum usu refugisse colligere potestis, immo eas omnibus pene medicamentis immiscuisse. Quod quum criminatori nostro, judices, propter maximam vim veritatis, inconsulto excidisset, incogitantiam suam calido certe consilio emendavit. Dixit etenim, me eo pacto fucum fecisse mortalibus, & magnum nequitiae exemplum eo invento edidisse; quum herbis ea per dolum tribuerem, quae solae, nulloque prorsus adjumento aquae possent. O suavem accusatorem! O crimen horribile! Nec Deorum, nec hominum quisquam, qui sana mente esset, adhuc dubitavit, Neptune, quin magna ad arcendos, sanandosque morbos vis herbis inesset. Tu modo, ab alga arenisque subito emergens, inventus es, qui ad conflandum mihi crimen id negare volueris, rerumque etiam Naturam in meam perniciem acerbe converteris. Ideo autem ad eum modum aquis usus sum, quod Tibi uni dictum volo Neptune, ut eae latitantem herbarum virtutem elicerent, illamque per humanum corpus facilius sua fluiditate diffunderent. Atque hinc illud etiam
facil-

facillime perspicui potest, quam inane, ac mere accusatorum sit quod dixisti, Emissarios meos aquis adeo infensos fuisse, ut eas ab oculis, etiam aegrotorum amoverint. Factum id quidem est, Judices, & vere maxima vulnera hoc institutum hominibus inussit. At nec a meis discipulis, nec consilio meo id sceleris admissum est. Quorundam Medicorum postremis hisce temporibus singulari audacia, atque infinita ingenii ostentandi intemperantia illud incendium, quo remotissimae regiones vastabantur, in amoenissimam quoque Campaniae oram, veluti Palladium quoddam accitum est. Ut hoc lethali munere, frequentissimisque civium suorum funeribus insignem sibi gloriam, opesque maximas compararent. Quorum equidem disciplina, Judices, nihilo asperius in istius aquas, quam in me, Gnatumque meum invecita est. Etenim hi veterem institutionem, gravem eam, ipsaque vetustate venerandam; tanta confidentia aggressi sunt, ut, perterrefactis rei novitate atque insolentia meorum interpretum animis, terga continuo verterent, campoque paventes decederent; illorumque facibus apertam atque expeditam quaquaversum incendiendi viam relinquerent. Quo factum est, ut homines extremi caloris, quem illi induxerant, impatientes, siccitate ac siti compulsi, ad extremum frigus temerario sane consilio confugerint. Meorum autem discipulorum acquabilis usquequaque fuit, ac temperata doctrina: Aquas etenim nec effulse amplexati sunt, nec omnino rejecerunt. Verum eas, uti caetera medicamenta, aliquando quidem prodesse, alias vero inutiles, aut etiam lethales esse crediderunt. Exundationes autem istas, quas in quodam Italiae angulo (nec enim ulterius, Judices, progressae sunt istius aquae, sed reliquus, immo totus Terrarum Orbis mea jura constantissime reveretur) modo in usu esse cognovimus, quam maxime ancipitem medendi rationem continent: ideoque prudentiores Medici nonnisi desperata salute, atque in-

quibusdam tantummodo morbis ad eas descendendum esse arbitrati sunt. Quae ne a me confecta esse, temporis causa, suspiceris, Neptune, ad optimorum Medicorum, & Philosophorum commentarios te mitto, ut eos aquarum quidem usum retinuisse, abusum rejecisse cognoscas. Nequaquam vero praetermittendum est, ad me meosque interpretes abs tuis calumniis vindicandos, eos quodammodo impensius quam aquarii isti tui aquas coluisse, atque ad hominum utilitatem adhibuisse. Siquidem balnearum usum, quâ tepentium, quâ frigidarum, aegris pariter, ac benevalentibus adeo apud omnes Gentes ob maximam earum utilitatem, inculcarunt, ut solenne omnibus aliquando Populis fuerit, publice privatimque Thermas extruere. Quod modo etiam pene ab omnibus Asiae, Africaeque nationibus retinetur, quae vel ob id ipsum omnes reliquarum regionum homines longe valetudine, ac sanitate antecellunt. Et quamvis alicubi, propter nimiam rei voluptatem atque frequentiam, in luxum molliciemque ea abierit consuetudo; turpe tamen tibi est, Neptune, ab aëclis quoque tuis, eam quasi in totum esse rejectam. Quinetiam, si te ea quae apud homines sunt scire, aut omnino curare intelligerem, Antonium Musam, clarissimi nominis apud mortales medicum in medium adducerem, qui ad morem istum tuum aquis vulgo usus est, idque notissimo experimento in hominum historiis testatum reliquit. Nam is Caesarem Octavianum Romanorum Imperatorem, gravissimo morbo implicitum gelida restituit; deindeque semper frigidis medicamentis curavit, quod ei ad longaevitatem aud leviter profuisse compertum est. At idem Musa paullo post Marcellum Augusti generum, ipsissimo soceri morbo laborantem iisdem aquis interemit. A qua exitus dissimilitudine apertissime intelligere potestis, Judices, aquas, ut caetera medicamenta, quae huic saluti modo fuerint, eodem in morbo alteri occultissimis sane rationibus,

mor-

mortem asserre. Et si Tu, mi Patre, ex fide loqui velles, nonnullos (vide quam tecum modeste agam) tuis etiam istis aquis extinctos esse confitereris, quum vel non suis temporibus, vel non suis morbis exhibitae essent aegrotantibus. Cognovistis igitur, Iudices, vetustissimos medicos non modo non respuisse aquas, sed frigidarios etiam, & aquarios fuisse, cum res nivem, & aquam postulare: atque eosdem aliam, atque aliam personam, pro temporum opportunitate, aegrorumque indigentia induisse. Multiplex etenim & varia res est Medicina; & singuli fere homines peculiarem quandam medendi rationem requirunt. Idque tum propter dissimilem corporum constitutionem, tum propter regionum, quas incolunt, aerisque & ciborum diversitatem. Ut eorum stultitia nunquam satis reprehendi possit, qui ubi aliquis ingruit morbus, confestim solenni, statoque medicamento omnibus, cujuscumque aevi, ac valetudinis sint, imprudentissime medentur: ne paullulum quidem de aegri corporis innatis, propriisque affectionibus cogitantes. Qua modo imprudentia carere prudentissimos medicos audistis, Iudices, Neptunum acerbissime ferre: qui veluti parricidium iis objicere paullo ante ausus est, quod non gelidis usque utantur aquis, sed tepentes aliquando, vel calidas adhibeant; quasi nil aetas, aut valetudo, nil morborum varietas, aut temporum, Regionumque dissimilitudo ad variandam medendi methodum, apud sapientissimos Philosophos valere debeat: sed, veluti e Praetoris albo formula ad agendum accepta, nil ultra eam Medicis liceat moliri, aut audere. At pudet me tanto apparatu, & coram tantae dignationis Iudicibus haec serio declamare, quae sane flocci non sunt. Quare, his missis, ad alia progrediamur. Tu vero, Neptune tantum quod aquarum magnus Imperator es, & omnia maria summo imperio coerces, Tibi tuisque Medicinae Regnum deberi censes? Verum enim vero non bene rationes

nes subduxisti, & gravis nimium error in isto calculo tuo latet. Etenim non modo pars tantum Medicinae, aquae sunt: sed haec ipsa pars ut aliquid prodesse possit alienis viribus frequentissime indiget. Nam plerumque aqua ista tua nive comite, seu potius duce opus habet; sine cujus ope inutilem & noxiam eam aegrotis esse aud raris experimentis animadversum est. Nix vero, mi Patruë, Patris mei, nequaquam tua est. Ideoque Juppiter nubium coactor ab hominibus dicitur, pluviaeque, & nive omnia late loca conspergere. Si Tu ergo mihi aquas tendes objicere, ego Tibi continuo nivem opponam. Et quando aquarum Tibi nomine Medicinae tutelam deberi dices, ego propter paternas nives id patrociniū ad me traham. Praeterea loqui nos de fontium ac fluminum aquis profecto non inficiaberis; saltae etenim illae tuae ad omnes humanos usus quam insulsiſſimae sunt. At oppido incertum est, a marine, an potius a pluviis nivibusque flumina ac fontes oriantur. Possē igitur hanc tibi quoque dicam impingere, scholaeque disputationibus, & argumentorum angustius, & ambiguitatibus te implicare. Qua unā re jura illa tua, quae tam vehementer paullo ante jactitabas, nullo negotio ruere posse animadvertis. Verum, mi dulcissime Patruë, (vide quid inter tuam asperitatem, meamque lenitatem & largitatem intersit) omne hac in re meum jus tibi libentissime largior. Tam enim apertis firmisque rationibus defensio mea subnixā est, ut haec & nonnulla hujuscemodi negligere, atque contemnere tuto possim. Esto igitur tuae aquae sint. Age jam quid fiet, Neptune, si Dii omnes tuo permoti exemplo, vel tua potius incensi contumelia, suum quisque jus vindicabunt? Neque enim me tantummodo intempestiva ista haec ambitio tua aggressa est; verum Deos omnes, quibus aliquo nomine medicarum rerum, quas Tu nullas esse putas, patrociniū est. Quid si Li bero visum fueris ab uvis, & vino, quae in sua tutela

tela sunt, Medicorum manus arcere? Quantumne censes vulnus hoc jussu infligi Medicinae? Incredibile enim dictu est, Judices, quantam in se vim vina contineant. Immo, ne plus aequo aquarum tuarum honore superbias, scito Neptune, ea omnia, quae mira fieri ab aquis modo praedicabas, egregie, cumulateque vinum etiam efficere: idque in iis praesertim regionibus, quae ad Borealem plagam jacent. Immodica etenim frigora, quibus Terrarum totus tractus ille riget, adeo humana corpora firmant atque obstipant, ut longe aptius, & utilius illorum locorum homines calidis medicamentis, ac potionibus curentur. Deinde haec sapientissima Soror mea oleam sibi, quam propriam jamdudum habet, jure meritisimo vindicabit. Detracta autem olea, truncata, & mancā nimis opportuna parte Medicinam habebimus. Quod vero majus quoddam, seu totum potius est, si Ceres, quae frugum herbarumque omnium patrociniū habet, in suū jus Medicos vetet irrumpere, quid, amabo Te, Medicina fiet? Aut quid demum Tu cum aquis tuis rerum geres? Aquas videlicet iterumque aquas sitientibus & nec sitientibus effusē ingerens, egregium sane te medicum, haud vero nimis accuratum ac diligentem Pincernam praebebis. Extimescendum vero est, ne homines sub tua tutela Pyrrae rursus ac Deucalionis tempora formidare pavidī incipiant, quum, se suosque omnes aquis undequaque perfusos, atque madentes miseri circumspicient. Quamobrem Judices, si unquam secundum Neptunum causam dandam existimabitis, quod sapientia atque aequitas vestra suspicari me vetat, brevi dilacerandam vobis, & in frustra comminuendam Medicinam praenuncio. Omnes etenim Dii, qui spoliatos se se potestate sua a Neptuno videhant, suas protinus sibi res a vobis attribui jure contendunt, ut iis pro arbitrio hominibus juvandis utantur. Tunc, per Jovem impietatem, a qua tantum vos timere Neptunus voluit pro-

propter duos in Medicina Tyrannos, egregie, Judices, tot Regulis, ac Dinastis constitutis, restinxeritis. Et tunc Neptunum ad vos denuo ascensurum confido, non quidem, ut modo, longinquis terroribus Deos perterrefacientem, & terribilia quaedam vaticinantem; sed flentem ac gemitundum, quod jam homines ob tot minorum insolentiam, aquario Patrono expulso, novaque dignitate protinus exuto, sese a vestra dominatione subtraxerint, atque in plenam libertatem vindicaverint. Longiuscule, quam ab initio constitueram, orationis actu abreptus locutus sum: idque non tantum ob triste hoc, & lentum Medicinae imperium retinendum; sed ad veritatem vobis patefaciendam, neve tantorum scelerum in me opinionem susceperem. Sane si Gigantes iterum Terra pareret, quibus sedes haece excindendas, delendasque impius furor proponeret, aud tantus equidem pavor nobis, Judices, injiceretur, quantum ob somnia sua, ac aniles delirationes Neptunus inferre conatus est. Cui quoniam, vobis bene juvantibus, respondi, nil amplius plane laboro. Eripite mihi, Judices Poesim, eripite Vaticinium, in Terras rursus deijcite, alia quoque suppliciorum genera excogitate; omnia firmo, hilarique etiam animo ferre possum; dummodo crudelis, saevus, perfidus, scelerosus esse non dicar. Egone hoc amplissimo loco me dignum existimarem; ego conspectum vestrum, Judices, quo nihil augustius esse potest, non exhorrerem, si tam foeda, & immania facinora, non dicam, admissem, sed animo tantum ac cogitatione versavissem? Magna est, Judices, conscientiae vis; atque adeo magna, ut etiam occulto crimine nulloque accusatore, & iudicio, vultus tamen ipse, oculique nos prodant, & quod animo nequicquam premimus, nobis invitis patefaciamus. At me quidem praeter delictorum participationem, aud magnam hoc iudicio iacturam facere posse cognoscitis. Aesculapium hacc tela petunt. Is,

omnia

omnia, quaecumque vobis visum fuerit ei hoc iudicio inferre, suo pectore vulnera excipiet. Qua re, Iudices, quid potest indignius esse? Eum, qui ob medicinam in Deorum numerum relatus sit, ob idipsum post tot secula dejici, atque infami iudicio damnari? Quid tunc faciet infelix? quo se conferet? Ad hominesne ibit? Quos sua crudelitate dilacerasse vos judicaveritis? Ad Deosne, atque in hoc Concilium veniet? Ubi pro foribus triste decretum adspiciat: ideo se a Medicinae gubernaculis depulsum fuisse, quod adductis ad impietatem mortalibus, imperium vestrum prope deleverit. Vel ad infelicissimum Patrem confugiet? Cum quo calamitatem, & lacrimas communes habet? Suscipite igitur innocentium patrocinium, Iudices, neve nos, alienae ambitioni inservientes, nullo crimine, sed frigidis jejuniisque calumniis condemnetis. Absit a Deorum iudiciis invidia: absit omnis in iudicando temeritas, quae ne in sapientum quidem hominum coetibus locum habet. Atque eo fortius malivolentiae, atque saevitiae, Iudices, vestris suffragiis resistite, quo praeclarius, majorisque animi est, gravius alienis, quam suis injuriis commoveri.

MERCUR. Ehus vos Dii omnes, quibus suffragii ferendi jus non est, nec sententiam aliquo pacto dicturi estis, protinus exurgite foras, atque abscedite in proximum hoc conclave. NEPT. Ego jus meum tenebo, & finimus sententiam, utpote reus, dicam, tacitus tamen interero. APOLLO. Enimvero id iniquissimum esset. Explora Patris sententiam mi Frater. MERC. Quammaxime. Tibi Neptune, cum primis discedendum est; ita Juppiter, ac omne Deorum consilium censet. NEPT. Quando ita censent, nil moror. MERC. Ego jam hoc ostium ambobus pessulis occludam, nequis fortasse curiosus rimari possit. Sane, Frater, disertissime te tuumque Regnum tutatus es; atque ego miratus sum,
Te

Te qui Poeta sis, egisse hodie Rhetorem profecto aud infulse. APOL. Quid tibi visus est Pater? MERC. Quid faceret, quaeso? Cui Neptunus tam prope esset, ut non modo loqui, sed ne nutare, quidem, aut nictare ei liberum fuerit. APOL. Caeteri vero Dii? MERC. Caeteri vero Dii aud mediocriter mihi oratione tua commoveri visi sunt, ita ut spei plenus sim, Neptunum primo quoque tempore ad suos fluctus, & antra rediturum surdo agmine. APOL. Timeo ne quid Juno turbet. Et Minerva nimis severa fronte sedit; nec me unquam intuita est. MERC. Ne verere, Diana Tibi pro sexcentis erit. APOL. At vereor ut possit. MERC. Nimium formidolosus es: quid faceres, si manifeste tenereris? APOL. Ah Frater, animus mihi male conscius est; nam vera magnam partem sunt quae in me Neptunus conjecit. MERC. Aintu vera? APOL. Vera. At id ego, non culpa aut voluntate mea Tibi pro fraterna caritate factum confirmo: Filii hoc, Filii peccatum est. At Neptunus ad nos; cave de his mutias Frater. NEPT. Quid vos adolescentuli in angulum hocce recessistis? Tuque, Mercuri, jam aperte, quantum quidem in Te est, plus Fratri faves, quam Patruo. MERC. Ignoscendum si adolescens adolescentem, Frater Fratrem diligo. At quidnam obsecro meus favor huic proderit? Mihi non judicandi, sed iussa pronuntiandi munus est. APOL. Sine, per Amphitritem te Patruae oro, ut saltem Fratrem germanum mearum fortunarum misereat: neve si Regnum a me, & vetustissimam tutelam extorquere conatus es, odiis tendas ulterius, mihiq; contendas meorum eripere & lacrimas. NEPT. Vide ne ominosum Tibi sit Apollo, qui futura cognoscis, tuis rebus ante peractum iudicium tam luctuose illacrimari. MERC. At haec alias videbitis. Nunc intro properate, factum consultum est. JUP. Adestum Mercuri, Deorum decretum quammaxima voce pronuncia.

MER.

JOVIS. SATOURNEL. F. DEORUM. SENATOM. CON-
SOLOIT. DE MEDICINAI. TOUTELA. SENATOSQUE.
QUOM. FREQUENTISSIMOS. ESSET. EX. PALLADOS.
SENTENTIA. ITAL. EXDEICENDOM. CENSOIT. UTEL.
APOLLO. EEIUSQUE. GNATOS. AISCULAPIOS. EEA.
TOUTELA. CONTINUO. DECEDANT. NEVE. CO-
UIQUAM. EEORUM. DISCIPOLO. POUBLICE. MEDI-
CINAM. EXERCENDEI. JOUS. AMPLIOUS. SIET.
PREIVATEIM. VERO SEIQUIDEM. VELINT. EXER-
CENDEI. JOUS. SIET. POUBLICE. AUTEM. PREIVA-
TEIMQUE. DE MEDICINA. RESPONSITANDEI. JOUS.
PENES. NEPTUNOM. EEOSQUE. QUEI. EEI. REI.
PRAIFICIENTOR. ESTO. SEI. QUEIS. NEC. AQUA-
RIOS. MEDICOS. SECUS. AC. DI. JOUSSERONT-
FACERE. AUSOS. SIET. CONTINUO. ENDO. IGNEAS.
AD. EXTREMOM. MERIDIEM. TERRAS. DEPORTE-
TOR REL. JO. UDICATAI. DIES. X. JUSTEI. SUNTO.
MERCOURIOS. HAIC. JOUSSA. PER. OMNEIS. GEN-
TEIS PROMULGATO.

SCRIB. DI. OMNEIS. ADFUERONT. PRAITER.
DIANAM.

POST. GEIGANT. VICTOR. OLYMP. C13131IX.

F I N I S.

1. The first part of the document is a letter from the President of the United States to the Congress, dated January 3, 1897. It is a message of congratulatory and encouragement to the new Congress, and it is a message of warning to the people of the United States. The President says that the country is in a state of great peril, and that the people must be warned of the dangers that threaten them. He says that the country is in a state of great peril, and that the people must be warned of the dangers that threaten them.

2. ~~4~~ 1 3

JANUARIJ PARRINI
J. C. NEAPOLITANI
FORTUNA
DIALOGUS.

Ασκήν μὲν ἀρετῇ, ευτυχεῖν δ' αὐτῇν Θεοῖς

Carcin. in Tereo.

JA-

73

JANUARIJ PARRINI J.C.
F O R T U N A,
 AD THOMAM FIRRAUM
 Sanctae Agathae Principem, Fagnani, Rosae,
 Sancti Geniti, Lutorum, Jogis &c.
 D O M I N U M,
 VIRUM EXCELLENTISSIMUM.



*Mirari saepe soleo, Thoma Firrae Prin-
 cept amplissime, quamobrem fiat,
 ut, quum in omnibus ferme artibus
 doctiores, atque excellentiores hi ha-
 beantur, qui ad eam disciplinam,
 quam profitentur, alias praeterea
 artes adjunxerunt, in una Ju-
 risprudentia secus se res habeat,
 atque ineptiores vulgo apud nos Ju-
 risconsulti aestimentur, qui aliarum quoque doctrina-
 rum peritia censentur expoliti. Quod quam pravam sit,
 & perversum, quam a ratione, reique natura alie-
 num, & abhorrens, nemo non videt. Nam si quos in
 Civitate doctrina, & sapientia decet excellere, ii profe-
 cto sunt Jurisconsulti, quibus quotidie privatorum opes,
 atque existimatio, ac ipsius nonnumquam Reipublicae
 cura committitur. Doctos vero, & sapientes puerilis
 equidem literularum institutio, & forensis sive callidi-
 tas, sive exercitatio non efficit, sed gravissimorum Phi-
 losophorum praecepta, veterum, novarumque Rerumpu-
 blicarum leges, atque instituta, historia, totiusque
 humanae vitae diuturna ac diligens observatio. Nec
 enim mihi satis Jurisconsultus videtur is, qui non so-
 lum apposite interpretari, verum etiam emendare leges,
 novasque, si fuerit opus, condere non possit: Quid ve-*

ro de eloquentia dicam, quae modo Jurisprudentiae ad-
 junctis est? ut quae olim in duo hominum genera disper-
 sita fuerant, juris peritia, & dicendi copia, nunc si-
 mul in uno Jurisprudente requirantur. Variam autem,
 atque multiplicem maximarum rerum scientiam, excul-
 tumque literis, ac probe subactum ingenium in Oratore
 requiri, & veterum orationes, & mira eorum pauci-
 tas, qui eloquentiae laude floruerunt, abunde proba-
 verit. Quocirca quod studium, quae doctrina inuti-
 lis, & extranea in Jurisconsulto dici possit, cujus tam
 late patet officium, plane non intelligo. Suaves autem
 illi sunt, Vir Excellentissime, qui rei magnitudinem
 causantur, & tantam forensium rerum molem, ac va-
 rietatem esse ajunt, ut quantum opera atque ingenio
 contendatur, vix eorum studiorum satagi posse affirmare
 non erubescant. Quibus vereor, ne si libere respondere
 velim, durior aliquanto, atque acerbior esse videar. Sa-
 tis modo erit, si C. Plinii majoris consuetudinem, quem tu,
 Vir Clarissime, tantopere admirari soles, iis reponam.
 Eum etenim Plinius junior narrat, ad ducenta volumi-
 na, quum maximarum rerum administratione distineret-
 tur, condidisse; tam vero incredibili temporis parsimo-
 nia fuisse, ut non modo somno quicquid posset, mensae,
 balneis, horarum succideret; sed inter ipsa negotia,
 & quod mirum fortasse fuerit, vel Romae sella cir-
 cumiens, vel longius quoque iter faciens, ne quid lite-
 ris deperiret, amanuensi dictaret. Porro numquam, si
 diligenter ac sedulo id agas, tempus volenti defuerit.
 Quod vel tuo, Firrae optime, exemplo confirmare li-
 cet; cui amplissimae rei familiaris curam gerenti, &
 maxime vitae officiis implicato, amicis nihilominus,
 bonisque literis operam dandi tempus, cessandique etiam
 abunde suppetit; & nos in studiis nostris quotidie expe-
 rimur. Divisis etenim lucubrationum temporibus, sane
 percommodum est, jurisprudentiae assatim satisfacere,

33

cere, & in philosophiæ, meliorumque artium finem
 postea confugere. Quo minas æquo animo eorum repre-
 hensiones ferimus, qui male nos egisse clamitant, quod
 deserta, ut ipsi ajunt, Jurisprudentia, quæ nostra Spar-
 ta est, alienas Provincias suscepimus exornandas. Nam,
 Deum Immortalem! si omnino taceissem, & me Inertiae
 dedissem, isti ipsi quæ me ratione reprehenderent non ha-
 berent; nunc quia aliquid scripsi, nec nihil agere po-
 tui, in crimen adducor. Non modo verò falsum est, me
 Jurisprudentiam neglexisse, sed, quod mei defendendi
 causa sine arrogantiâ dicam, nemo profecto æqualium
 meorum in eam scientiam magis assiduam, & diuturnam
 ac ego, operam impendit; quod brevi patefaciam iri
 confido; si Deus O. M. quæ jampridem scribere ag-
 gressus sum, longiorum noctium opera, dederit ad
 calcem adducere. Tu interea, Princeps amplissimo, mei
 patrocinium, quod jamdudum suscepisti, constanter pro-
 sequere, atque hunc libellum, qui Tibi, ejus maxi-
 ma in me extant merita, multis nominibus inseribendus
 fuit, a malevolorum, si qui sunt, calumniis prout
 Nil etenim nobilem, magnumque virum magis decet,
 quam literarum, atque honestorum hominum tutela.
 Id igitur a Te quasi jure debitum petere posse mihi videor;
 quam vetustatem ac nobilitatem Tui generis ab usq; Ro-
 no illo Normanno reperamus: quem sacro bello, quos ante
 sexcentos annos sub Gotifredo Botoniæ a nonnullis illu-
 stribus Europæ Regulis ad recuperandas Hierosolymas
 gestum est; cum Tancredo, & Boemundo propria arma
 constare ad eam expeditionem consociasse. Hujus deinde
 Ragonis posteris (qui & Filraones, & Firrat postmodum
 succedentibus temporibus appellati sunt) secundo hono-
 rum cursu, amplissimisque rebus gestis, veterem nomi-
 nis gloriam mirifice adauxerunt. Nam Rogerius, ut Be-
 rordinus Martiranus auctor est, Brutiis, quos cetero-
 res, atque uteriores Calabros vocant, ducentesimo su-
 pra

pra millesimum anno, pro Rege moderatus est: & Troi-
 lus ac Julianus, compluresque praeterea ex hac Genta,
 Andegavensium, & Tarraconensium Regum aequo amplifi-
 simos honores gesserunt, primariisque familiis innexi
 sunt. Quorum gloriae gemulifimul, heredesque deinde
 extiterant Petrus Antonius, Thomas, & Caesar Tho-
 mae avi tui Patruus (qui Regiae venationis memorabili
 quidem magnificentia praefuit) summo omnes splendore
 vitae, praeclarissimisque factis insignes. Merito igitur
 tantam modo Domus Tuae dignitatem atque amplitudi-
 nem intuemur; quum reperitis Caracciolorum, & Cara-
 phaeorum cognationibus, adauctaque plurimum vetere
 ditione, antiqua familiae decora continuato insuper pro-
 pinquorum, ac divitiarum splendore magis usque confir-
 mentur. Verum praecipuum Gentis Tuae decus Tu ipse,
 Thoma optime, es, qui tuum non satis esse quicquid ab
 aliis provenit, reputans, ita ab ineunte aetate te com-
 parasti, ut potius ipse Te posteris tuis praeclarum, nobi-
 litatis auctorem praestares, quam maioribus heredem.
 Nam vix adolescens longe super aetatis capiam excessu-
 sti ingenio, equestrium artium peritia, pudore, huma-
 narumque literarum studiis a viri, iudicio, fortitudine,
 doctrina, liberalitate, omnibusque illius aetatis offi-
 ciis egregie floruisti; nunc in isthac maturitate mirifica
 virtutum omnium concentu, summo consilio, exacta pru-
 dentia, animi magnitudine, inprimisque acquiescente
 adeo excellis, ut vere Sapiens, & cuiusque ex laudata
 illa antiquitate comparandus videare. Quae tantum
 abest, ut tristem Te ac severum efficerint, ut potius ne-
 mo meo quidem iudicio, Te facilius, atque benivolentius
 urbanoque sal. affluens. Condis etenim prudentissi-
 mos, gravissimosque sermones Tuos tempestiva ac decora
 festivitate, vel apertius, opportune & venuste admi-
 sciens, vel breviter atque acute dicta. Quinetiam cla-
 rissimi Galeatii Tarsiae Belmontis Domini, propinqui-
 Tui,

Tui, & Pelli Firrai, ac Caesaris Patruī poeticā lau-
dem aemulatus, nitidissima, & suavissima Etruscā
hērā pangis carmina: quae, si aliquando in lucem emi-
tī modestia tua patietur, magnum profectō erunt felicif-
simi in hac quoque parte ingenii tui documentum. Hinc
nil mirum est, si in Petro Maria, Sancti Geniti Domino
Filio Tuo, quem mira diligentia ad paternarum, avi-
tarumque laudum aemulationem instituis, tantam jam
nunc morum suavitatem, atque modestiam, tam egre-
giam ad omne decus efflorescentem indolem intuemur,
tamque illustra praestantis ingenii specimina. Idcirco
tantam ego in Te humanitatem, atque sapientiam, ex-
celsamque ac prudentem animum admiratus, unum
omnium praecipue colendum, atque observandum susce-
pi, ut adolescentiam meam, tam perfectō utque excellen-
ti exemplo proposito, ad honestatem, & gloriam excitarem.
Hoc igitur opusculum, primus fuerit, Firrae amplissi-
me, publicus erga Te observantiae meae testis, qui, si
vita suppetet, ne postremus sit, curabitur a me dili-
genter. Piaculum vero foret, Josephum Firraum Ar-
chiepiscopum Nicenam, Fratrem Germanum Tuum silen-
tio praetermittere, haud mediocre quidem tuarum lau-
dum, ac familiae claritudinis additamentum. Is etenim
optimis artibus, copiosaque omnigenae eruditionis sup-
pellectile instructissimus, Romanae Urbis celebritatem
delegit, ubi tantas, tamque praeclaras ingenii dotes
explicaret. Ibi a Romanis Pontificibus summam viri in-
dustriam, vividamque mentis aciem admiranlibus, gra-
vissimarum rerum administratione exercitus, demum a
Clemente XI. ad Lusitanam legationem emissus est. Qua
difficillimis sane temporibus prudentissime obita, nuper
a Clemente XII. ad amplificandam Ecclesiam a D. O. M.
ad summum Sacerdotium evehto, ad destinatam tantae
virtutis (ut suspicari licet) omniumq; suffragiis, jam de-
sponsatam Romanae Purpure dignitatem Romae est voca-

tas^(*). Talis ergo quum sis, talique prognatus genere, nil omnino verendum est, ne mihi, atque huic libello, qui jam tuus jure optimo est, libentissime patrocineris. Nam ego meum institutum retinens, ut superiore aestate Neptunum pro medicinae tutela cum Apolline altercantem induxi; (quod opus nobilissimo lectissimoque adolescenti Thomae Caracciolo Casarboris domino amitino Tuo dicavi) ita Et hac, ne feriatuſ cessarem, majus, ut videtur, ac utilius opus aggressus sum. Vetus etenim est opinio, ab Homericis temporibus ad haec usque perducta, pleraque in hominum vita a vi quadam occulta ac temeraria peragi, quam Graeci Τύχη nostri Fortunam vocaverunt. Huic vulgus infinitam quandam, atque immensam tribuere consuevit potestatem, ut nil agere, aut perficere, Et nil pene cogitare sine hac adiutrice homines posse censeat. Philosophi vero, ac prudentiores haud ita raro casum Et Fortunam in medium solent adducere, quum certarum rerum causas non bene perspiciunt. Nam ut missos faciam illos, qui fortuito atomorum concursu, Et hunc Mundum effectum esse, Et innumerabiles quotidie gigni affirmant: ex aliis quoque sectis doctissimi alioquin philosophi non defuerunt, qui sublunaria omnia temere, nulloque ordine misceri dicerent; vel majora tantum naturali certaue lege ire, minora vero ac minima Fortunae, Et casui esse permissa. Has quidem sententias vix in philosopho ferendas, quis obsecro Te, Firrae pientissime, in Christiani hominis ore non abominetur? Quum nos porro non a dubia fallacique opinione, verum a Sacrorum Librorum auctoritate, ipsiusque Dei voce doceamur, aeterna atque immutabili.

(*) Scriptum hoc est anno 1730. & sequenti anno amplissimus Josephus Firraus S. R. E. Cardinalis a Clemente XII. renunciatus est.

li rerum serie a Divina Providentia sapientissime disposita, atque ordinata esse omnia. Non igitur nullum operae pretium me futurum censui, Firrae Excellentissime, si, extra omnem disputationis aleam Providentiae veritate seposita, naturalibus atque humanis rationibus rerum ordinem aptum, undique ac necessarium assererem, & quantum quidem in me esset, totam hanc de Fortuna opinionem, refellendam susceperem. Attamen quum omnia a mundi Conditore, & Governatore Deo regi, atque ad certam statamque legem; ab ipsomet cunctis creatis rebus datam, moveri saepius affirmare debuisssem, & Dei, Divinaeque Providentiae appellationem jocosae ac festivae orationi iminiscere indecorum, & tantum non impium videretur, Naturae nomen arripui, cui illa omnia, quae ab humano arbitrio non pendent, tribuerem. Multum autem interesse Naturam inter, & Deum, illamque ab hoc effectam esse, & conditam, profecto notior, atque apertior res est, quam ut longiore sermone egeat. A Te modo expeto, cujus humanitatem satis compertam habeo, ut quancumque meam hanc de Fortuna commentationem acqui bonique consulas: neque si nil reconditum, atque novum, Tibi praesertim Vir doctissime, ea ferat, ideo industriam, laboremque meum abscindendum, ac repudiandum arbitreris. Res etenim est ejusmodi, ut quum maxime ante oculos sit, minime quandoque cernatur, & nescio quo ingenii humani fato, docti etiam acutique viri, rerum veritate neglecta, ad opinionum errores nonnunquam saepe deflectant. Inde nil frequentius vel in libris conspiceri, vel in hominum ore audire est, quam aliquid fortuito, casuque accidisse; illi adspirasse, hunc vero pessumdedisse Fortunam; alteri bonum consilium, bonosque mores ab ea in exitium esse conversos, alteri imprudentiam, atque malitiam feliciter, ipsa imperante, cessasse. Quae, etsi a prudentibus, si altius inquiras, calore, & in-

cogitantia quadam dici comperias , nonnullam tamen malis atque improbis fiduciam pariunt . Quid enim sperarent mali sub iusto ac sapientissimo Moderatore , quid sibi a sua improbitate , atque ignavia pollicerentur , nisi a Fortuna prosperas res , secundasque occasiones nequitiae , atque inertiae suae praebitum aliquando iri considerent ? At ne verba praecipiamus Fortunae , quae verissimum de se sermonem habitura jam prodiit , longiorem orationem nostris familiaribus colloquiis reservemus , ipsamque modo attente audiamus .



FOR-

SIM.



AM quid hoc monstri est, quæ-
so ? nudas incedere interdiu
mulieres ! Sequar hercle : hui !
rota vehitur ; & posticum qui-
dem calva est, frontem vero
plus aequo capillatior. Moriar,
ni ea Fortuna est. Quid igitur
cesso ? An eam sinam effuge-
re ? Jam mulierem quantum

potest corripiam . At , o generosa , tandem aliquando te
tenui : integros me septuaginta annos mala male frustra-
ta es . Nunquam vero hodie , per Jovem , effugies . FOR.
Heus tu ficcine aequum est ? quid tibi alienas mulieres
tactio est ? SIM. Lubet . FORT. Num hic obscuro Re-
gnum obtines , qui pro arbitrio in re sua occupatos tam
superbe detines ? SIM. Falleris , o fors Fortuna , si me,
hoc ætatis quum sim , nugis istis inductum te aliquo pa-
cto fore dimissurum putas . Ast ast : Hercules adjuva me.
Quam pene effugit ! Improba : jam ego , relicto pede ,
comas invadam . Fuge modo , velum infla , age , rotam
impelle . FORT. Numnam , obscuro , tecum etiam ad-
dictam trahes ? SIM. Ni ea quæ tibi ociosus imperabo fa-
xis , compedibus injectis efficiam , ut periculum ex te
ipsa facias , quid sit angustam pauperiem pati , alieno-
que arbitrio precariam animam ducere . FORT. Ferrox
nimium es mi Senex , & sane præter ætatem . SIM. Im-
mo quid te durius , aut ferocius ? Porro ego a primis un-
guiculis ad hanc effectam usque senectutem , te opere
maximo dies noctesque precatus sum , ut me ab hisce sor-
dibus , honestum honestis deditum studiis ad mediocres
saltem opes educeres ; tu vero , quæ modo ferocem me
appellas , ecquando frustum aliquod meministi , vel ec-
quas micæ dedisse ? FORT. Ego vero nusquam popinam
exer-

exercui, & convivia haud ferme meminì ad haec usque agitaſſe, ut tibi, vel frustum aliquod dare potuerim vel micas. SIM. Papae! delicias agis? At ego omnes tibi istaſce delicias excutiam probe. Age jam, ſceleſta, deſcende rota, & mecum aequo jure colloquere: iſthinc etenim quaſi è tribunali ferre potius leges conſueviſti, quam accipere. Deſcende inquam, deſcende. FORT. Nam cur me miſeram Regno meo immeritam exturbas? Quod nec Craeſus quidem olim, aut Polycrates, nec alii, quorum maxime ſtudiis velificari viſa ſum, facere auſi ſunt. SIM. Ideoque Sardus ille ante ipſam Regiam rogo impoſitus, hic in excelſiſſimo montis vertice in truceſcem actus, te conſpexerunt vertentem terga, alioque venenatas blanditias ferentem. At jam non deſcendis? FORT. Quidvis potius jubeto, per Venerem. SIM. Au, au! Per Venerem obſcecras ſenem vietum, veternoſum? Tu vero deſcende per Plutum. Quod ſi inanes morae cauſas perges ulterius neſtere, per Proſerpinam jam te capillo praecipitem traham. FORT. Quando ita inſeſte, ita crudeliter cogis, deſcendo: At Deos homineſque teſtor, nunc primum me ad tam inhoneſtum facinus tam indignis modis eſſe adaptam. Hei, hei.

SIM. Ne plora, o rerum omnium dominatrix, ne plora: immo potius bonum animum habe, Regina. Ego enim non quo te contumelia afficerem, ſed ut aliquo pacto ſiſterem tam vagam, & mobilem Deam deſcendi in hoc conſilium. Quare age, mecum hic aliquantisper ſede, dum pauca quaedam ex te familiariter exquiro; ad quae velim vere, & ſine ſuſco reſpondeas. FORT. Faciam hercle quod jubes, quandoquidem omnia mea tibi Dii permiferunt. SIM. Primum omnium, o Deorum Dearumque maxima, tibi perſuadeas velim, neminem extare, qui te tantopere colat, atque ego. Nam tibi ego Mercurium, Apollinem, Martem, Minervam, Junonem, Jovemq; ipſum poſthabeo: omnia mihi vilia, contemnenda, obſcura, ni-

hili

hili prae te videntur. FORT. Curnam obsecro? SIM. Quia ego te unam haec omnia simul esse arbitratus sum; nec Fatum, Cererem, Pana, Jovem, caeterosque, alios a te esse credidi, sed te ipsam multis nominibus appellatam. Quamobrem spero te senectuti, ac paupertati meae aequam fore; & si me, propter maximarum rerum administrationem, adolescentem praeteriisti, senem modo sublevaturam confido atque adjuturam. Ita ut immortalī beneficio tuo, caepis tandem ac porris vale dicam, laceramque hanc tunicam, paene mihi coevam, abjiciam; mensaque atque vestitu lautiore aliquando excipiar, servosque habeam quamplures, argentum, villas, currus, & hujuscemodi; quae tu omnia, si me benigne solummodo respexeris, statim praebebis. FORT. O mirabilis senex! Ut repente cicur blandusque, effectus es! Mecastor nunquam virum te placabiliorem offendi: verumtamen quo tibi pacto opituler, & quae cupis efficiam, plane ignoro. SIM. At ego doceam magistrā. Vel me potentem repente effice, vel thesaurum indica: aut si neutrum vis, alicui ex istis Satrapis me commenda, qui me amet, me cogitet, mihi omnia sua committat, me unum omnium suspiciat. FORT. Jocari porro te puto, quum ea a paupercula muliere petas, quae longe quantum ab omnibus suae potestatis finibus distant! SIM. Quid? nonne tu rebus hisce omnibus sola dominaris? Non tu omnium vocibus dominatrix, ac Regina invocaris? Una laudaris, una argueris, ut quaeque prospera, aut adversa evenere? Tu impeditum expedis, turpem efficis honestum, & vertis in divitias paupertatem. Tu mari, tu aeri, tu terrae moderaris. Non Oratori facundia, te renuente obvenit, non Philosopho sapientia. A te belligerantes, a te in pace degentes, amantes, ambientes reguntur: tibi artes, tibi scientiae, tibi quaevis humana facultas plurimum debet: tu enim duobus illis doliis praees, quae in Jovis limine dicuntur esse: Inde Graeco aqrum, Candaulae uxorem, Pe-

Peleo ense, Nestori scutum, dilargita es, Alcibiadi pulcritudinem, Socrati prudentiam, Aristidi iustitiam, mihi paupertatem: Tuque ipsa, ubi in mentem venit, hæc omnia eripis illico, atque ad alios transfers. Quid igitur, o Mundi domina, egone jocos, an tu superbe miserum ludis? FORT. Non ego jocari te amplius, sed insanire jam arbitror; ita multa non extra rem tantum effudisti, sed prorsus extra rationem. SIM. Precibus malacislanda es.

FORT. Tu autem elleboro curandus es. SIM. Novi mulierum morem, scio, exoraberis. FORT. Quid exorer, mi homo? Quo rationem, quo mentem expulisti tuam? SIM. Serione loqueris? FORT. Quidni serio? SIM. Tempus male perdis; scito enim, bellissima, cum Simone te loqui, cui imponere nulla unquam ope poteris. FORT. Neminem ego soleo fallere, vos vobis ipsis inextricabiles dolos neccitis. SIM. Define jam, Fortuna, me hoc pacto frustrare, aufer, quæso, cavillum. Nam, quod in rem tuam fuerit nosse, jam bili pectus mihi omne tumet. FORT. Nihil bili opus est, o sapientissime Simo; interroga potius; ut dixeras, si quid lubet; ista prorsus omite.

SIM. Quando me per anfractus ire mavis, interrogemus. At quum meam de te opinionem acerbè irriseris, antequam aliud quippiam interrogem, cedo, eloquere, quænam ipsa tandem, & qualis sis, mortalisne an Dea, quæ, quantæque sint vires; ut deinde facilius ad cætera progrediamur.

FORT. Quæ Tibi in mentem venit isthæc potissimum interrogare? Exquire, quæso, alia omnia. SIM. Minime gentium alia: ad hæc ego jubeo, aperte, ac perspicue respondeas. FORT. Enicas enimvero me importunis hisce interrogationibus tuis, senex durissime. SIM. Jam non dices, quæ jussi? An me vis, præclara, manibus rem gerere? Nosti triste ingenium, ac tot annorum paupertate exasperatam senectutem. FORT. Dii te omnes eradicent, ita me nunc atrocibus minis territas. Attamen dicam potius, quam tuæ intemperantiæ, & contumaciae

ctae me committam. SIM. Incipe jam, tricas mitte. FORT. Ego quidem (ah pudet, pudet!) nihil revera sum, nisi simulacrum quoddam (vide quo me adegeris, improbe!) & somnium effictum ab humani animi perturbatione, ac vanitate. Vos, adjuro, me Deam inscientem fecistis, atque in Deorum collegium allegistis immerentem. SIM. Vah callidum consilium! At progredere, FORT. Vires autem meas, & quam late opibus polleam, ut ipsa taceam, nuditas mea tibi disertissime aperit. Nam quae malum! vestra est hominum caecitas, me, quae tot jam secula ne vile quidem amiculum potuerim comparare, qui saltem muliebria tegerem, aurum, argentumque credere meis legibus addictum mecum trahere, utque lubitum mihi esset dispensare? Quinetiam. . . . SIM. Ne oratione incalescas; video quam rem agas: istiusmodi enim fabellis eum in me animum inducere cogitas, ut te credam pauperem quamdam è trivio mulierculam esse, & omnium rerum egentem. Atque ita quum Te (si Diis placet) dimiserim rideas scilicet credulitatem, ne dicam ignaviam meam. At, ne operam desperdas, scito, o sapientissima, hoc te pacto in magnum discrimen tuum caput adducere. FORT. Nimum malum oportet esse te, qui obstrepis tam impudenter veritati. Ego vero per quicquid in Coelo Deorum est affirmo & juro, me tibi puram puram veritatem elocutam esse. SIM. Et si ego juranti nunquam fidem praestiterim, ac praestertim mulieri; tibi nihilominus, ne me asperum rursus, malumque appelles, illud praecipuum dabo, ut rationes audiam tuas, nec continuo mentitam esse credam. En igitur philosophi personam induam, & tecum, veluti cum altero philosopho non cum Fortuna colloquar: Placeat ne ita? FORT. Parum credo negotii facturum te mihi arbitratus es, nisi philosophos insuper, contentiosum hercle genus hominum, adjunxisses, veluti suppetias importunitati tuae. Verum quicquid mihi faciendum

I
est,

est, ut effugium baculum istum tuum, capiti meo facius jam intentatum.

SIM. Nil equidem tam Fortunae, & casui contrarium est, quam ordo, & lex. Ut quod Fortuna, casuque non accadat, id lege, atque ordine necessarium sit fieri. Si ergo non tu, nec temeritas tua, Mundum ac omnia humana regunt, sequitur, ut cuncta certis legibus eant, ordinemque perpetuo servant. Num tibi falsa proloqui videor? FORT. Immo veritatem ipsam. SIM. Perridiculum autem est, umbram aliquam ordinis istius ac regulae velle in rebus invenire; nam ab antiquissima omnium aetatum memoria, sine lege, & sine constantia sursum deorsum jactata fuisse omnia compertum est; quid vetat itaque, ne ad te deferant homines chlamydem, sceptrum, ac caetera dominationis insignia? FOR. Euge, satis quidem dialectice, & satis etiam inepte. At ego te, mi Simo, unum ex purpuratis illico renunciarem, si quod Regnum mihi singulari liberalitate obtulisti, aliquo pacto possem invadere. SIM. Etiamne ludis? Videsne, te non cum puero, sed cum edentulo, canoque sene loqui? Jocos missos face; o Fortuna, serio jam responde. FORT. Iram cohibe, Simo, faciam, ut jubes. Res humanas vario agi, versarique motu nunquam abnuerim. At nil sane rei est, ut me ideo cogatis in scenam prodire; quoniam singularum rerum causae aliae ex aliis aptae & necessitate sint nexae, quas vos saepiuscule non perspicitis. Expende quaecumque accidunt, vel mille ante annis acciderunt, animadverte, vel Naturam, vel hominum arbitrium earum rerum vicissitudinem peperisse: & cuncta eo pacto movisse, atque agitasse.

SIM. Callida nimium Dea es ac versuta; verum nescio an Simone callidior, & versutior. Quid, anuabo, commune inter se habent Naturae leges, humanique animi affectiones cum iis, quae rebus aeterno quodam turbine accidunt? Cum imperiis huc illuc identidem trans-

la-

latis, cum varia praeliorum fortuna, Regum favore, potentia, divitiis, & huius generis? Sane dici non potest, quam varia, quam diversa, quam inopina, quam nova ubique harum rerum facies sit. Gentes, Regesque passim videre est a summo gloriae fastigio dejectos repente atque afflictos; rursusque Gentem aliam ad potentiae nominisque decus sine certa causa erigi, atque imperio clarescere: qua paullo post, certo aevi spatio emenso, raptim deturbata, novum aliquem Populum aut Tyrannum temere oboriri, cui rerum summa conceditur, eadem sane lege qua caeteris. Bellorum, divitiarum, favoris omnino similes casus sunt. Quum modo hos, modo illos fortuito ad summas opes emergere videas, rursusque ad sordes quandoque adigi; & veterem paupertatem. Ducum quam lubrica, quam fluxa fors est? Isti profecto in ipsa tuae novaculae acie sunt. Eundem videas hic egregio facinore fuisse hostem; illic, te ita imperante, revinctis post terga manibus, per ludibrium ante currum victoris agi. Nec favor firmioribus nititur fundamentis. Quos corculum, amores, delicias hodie appellari; cras turpiter pulsos audias, aut crudeliter interfectos. Caetera, ne singula frustra prosequar, eadem inconstantia feruntur; nec aliquid in Orbe Terrarum est, quod non feratur hoc vicissitudinis, ac temeritatis Euripo. Haecine Tibi, nostrum arbitrium efficere, o scientissima, ac Natura videtur? FORT. Cominus, ecastor certare tecum oportet. Tu enim ubi paullo liberius loquendi locus datur, vehementer sane inflas, & longe quantum praeterveheris. Quapropter ne in infinitam, nullisque circumseptam limitibus disputationem abripiamur, singillatim, obsecro, genera ipsa rerum inspiciamus, quae sub mea ditione esse credis. Atque ego ad singula capita causarum praecipuas tibi exponam, a quibus, veluti fontibus, facillime rivulos derivare possis ad caetera. Nam vel de omnibus insimul loquendo, vel mi-

nucissima quaeque insectando, nullus sermo, nullum acumen par esse potest. SIM. Mea quidem nil refert quo pacto dicas: taedet tantummodo longioris morae. Sane nollem Fortunam, segniter terendo tempus, amittere; ac si sanus sum non amitram, nec capillum fortiter adprehensum per imprudentiam elabi sinam. Quare quidvis faciam, quid enim interest, hora serius, aut ocys dives fiam? FORT. Nunc inaurandus esses, o Simo: ingredere igitur interrogat ionem, quo tu ordine mavis.

SIM. Initium nobis erunt imperia, & Regna, quae juris tui esse nemo ambigit. Quis enim in historia tam rudis est ac plane hospes, qui omnium imperiorum ortus atque obitus ab usque primis illis Assyriorum temporibus tua temeritate, & libidine evenisse non noverit? Quis Nium, nova dominandi ambitione flagrantem, circumjectis pacatisque gentibus imposuit? Quis Cyrum deinde excitavit, qui florentem vetere imperio gentem audacissime perculit, nomenque ac potentiam ad Persas traduxit? In quos ipsos postea Alexander a te immissus est ex angustis Macedoniae finibus, opibusque sane per quam mediocribus. Demum Gentium omnium dominos, ac Regum cunctorum everfores Romanos, e latronibus rerumque capitalium reis, effecisti; ut in hoc uno populo infinitae in hisce rebus potentiae tuae magnum sane specimen, Fortuna, praeberis. I nunc, & in Regnis, vel con-
dendis, vel prouendis, arbitrium vel Naturam comminiscere. FORT. Nil mecastor comminiscar; sed quicquid dixerō, vel te Iudice me probaturam confido: etenim si diligenter imperiorum omnium originem casumque perpendes, eandem fere nascendi in omnibus, eandemque rursus ruendi rationem deprehendes. Nam imperii initia virtus, aut simulatio virtutis, robur, solertia, ingenium, vigilantia, audacia, fraus etiam aliquando comitantur, atque perfidia: Casus vero luxuria, ocium, imperitia, imbecillitas, fastus, discordia. Atque ut a Nino,

Nino; quem tu principem dixisti vicinos imperitandi cupidine invasisse, incipiamus; quid tandem mirum accidit, si dissitas ille passim per agros, Patrum familiarum domos, quae non moenibus, nec turribus defendebantur, ferro, & audacissimorum catervis aggressus, in potestatem redegit suam? Auctisque a victoria viribus, veluti torrens, quamplurimas late gentes eodem impetu oppressit? Haec initia duo dehinc mirifice confirmarunt: Regum adspēctus procul in Regiam abditus, quo major in ignotum esset reverentia: & militum annuae mutationes, ne Ducibus nimis assuescerent, in dominantium perniciem: adde innatam toti Asiae serviendi cupidinem, atque ab hac prima Assyriorum aetate erga dominos inveteratum obsequium. SIM. Profecto non absurda locuta es, quare missa haec faciamus; de Cyro exequere jam.

FOR. Non hic ego tibi (ut jure possem) gesta Cyri ab ea institutione dicam provenisse, quam vir sapientissimus memoriae mandavit, potius ad posteriorum disciplinam, quam ad historiae fidem: ne me dicas a fictis praeludium petere. A rebus ipsis uti effectae sunt, rationes sumam. Principio Cyrus, egregiam indolem regiosque animos vel inter mapalia & pastores retinens, Assyriorum regnum non ut praedo invasit, sed ut nepos obtinuit. Deinde haud leviter Populorum animos misericordia commovit infantis expositio, & quasi a debita suis satis successione abdicatio; ita ut jure ad eum deficere crederent, quem, nisi maturius Regnum occupasset, serius nihilominus sciebant avitas opes omnino habiturum. Caput vero rei est Astyagis saevitia, & infames coenae, quibus Patri filius ad barbaram ultionis ostentationem appositus est. Hunc postea Patrem per summam imprudentiam Regio exercitui ab eodem Astyage praefectum, miraris a tali Rege ad Cyrum descivisse, quem ipse ad Regnum capeffendum hortatus fuerat? Adde Cyri lenitatem atque clementiam. Avocuncta ex pristina fortuna reliquit, praeter Regnum; socios

cios hujus expeditionis, prout antea pollicitus fuerat, summa liberalitate, & benevolentia profectus, promtiores effecit ad reliquas. Inspice viri judicium, & imperatorias artes: Craesum totius Graeciae ocellum incolumem dimisit, ne pugnacissimae gentis odia atque inimitias subiret: Persas ignobilem tunc temporis gentem, optima disciplina & perpetua exercitatione, brevi fortissimos Asiae milites reddidit, quam pene universam perdomuit. Dum haec Cyrus comitata sunt, merito viris superior extitit: ubi ea deseruere, & pertinacia, atque superbia subiit animum, foeminae turpiter cessit. Nunquid ulterius de Cyro? SIM. Non. FORT. Ad Macedonas igitur transcamus, quandoquidem caeterorum Regnorum originem festinatio tua contemnit, SIM. Si me vis aequo animo audire, quae dixeris, quantum potes festina, nec enim diutius pauper esse possum. FORT. Gereatur tibi mos; nam ego aequae me hinc cupio expedire. Profecto Alexander firmiter iacta imperii fundamenta a Patre accepit, & veteranum, victoremque militem, cui cum fortissimis Graecorum copiis, ac solertissimis Ducibus assidue res fuerat. Ipse aetate florens, laudum ac gloriae immensa cupidine flagrabat; summa in eo consilii dexteritas, periculorum contemptus, in rebus asperis constantia, ordinandi, armandique exercitus singularis peritia, in privatis voluptatibus parsimonia, ac temperantia, in amicos, & milites effusa liberalitas. Prudentia quinetiam haud mediocris in eo fuit, & plurimarum rerum scientia, quam a maximi Philosophi institutione arripuerat; supraque humanum captum animi magnitudo, qua spe, & ausis Orbi terrarum imminabat. Hic igitur Rex, perterrita Graecia clarissimae urbis excidio, perdomitisque accolis nationibus, in Asiam perrexit paternum ultorem gerens. SIM. Jam tu longe secus facis, ac ego iussi; nam ea te dicere imperavi, quae ego nescirem; verum tu ea modo narras, quae planius ego scio,

scio, quam tu quae narras. FORT. Gaudeo sane tam te memorem in historia esse. Itaque ne te plus teneam; an cuiquam verisimile videri potest, Simo, Asiaticos milites, magnam partem ex tempore collectos, a beatis illis Satrapis ductos, aurea atque argentea gerentes tela, tot praeterea gemmatos currus, mulierum, atque eunuchorum greges, robori fortissimarum phalangium, & tantae Regis, ac Ducum virtuti, ullo pacto pares esse potuisse? SIM. Tu autem, impudentissima, cunctos parietes eadem fidelia dealbas. Mutato tantum nomine eandem prope modo de Alexandro, ac paullo ante de Cyro fabulam narravisti. Persas tunc mirabiles quosdam viros, quibus tota fere Asia cesserit, effecisti: modo eosdem, ubi ita tibi expediret, omnium hominum ignavissimos. An quaeso me censēs, quum manus, & baculum integra habeam, haec tua ludibria laturum? FORT. Obsecro Simo serviles istas minas hinc amoveto. Amice inter nos agamus. Non ego praedixi tibi, similia plerumque esse Imperiorum primordia, similesque etiam eorum interitus? SIM. Memini. FORT. Sane dum Persae eorumque Reges acceptam a Cyro institutionem retinere; mirabiles quidem viri, rerumque merito potentes extiterunt: Quum autem molliores Assyriis, quos antea vicerant, effecti sunt, fortioribus Graecis, ac peritioribus succubuerunt. Atque iidem isti Persarum victores, dilapsa veteri disciplina, a melioribus, & validioribus Romanis domiti sunt. Quid igitur excandescis, & tam cito philosophi personam exuis, si quum verissima dicam, similia ea sunt verissimis? SIM. Bene habet: largior hoc ego tibi quicquid est. Itaque, utcumque jam transactis aliis, de Romanis sermonem institue. Hic Tibi, o bellissima nimis in arcto res est. Hic omnes tibi pigmentorum tuorum arculas opus fuerit educere. FORT. Immo quid me opus est de notissimis atque apertissimis rebus differere? Cui nunc puero, cui tam rudi atque indocto Romano-

rum

rum facta atque instituta ignota sunt ? SIM. Non a Te ego historiam exquiro ; novimus eam & nos ; Illud a Te expecto ut doceas , Romanos nulla Fortunae ope ad tantam pervenisse potentiam , & claritudinem . FORT. Et haec notior res est , quam ut sermonem meum requirat . SIM. Ego vero ita impero . FORT. Quandoquidem imperas , obtemperabimus domino .

Mecum , age Simo , omnia Reipublica Romanae tempora cursim memoria repete , & statim ab ipsis cunabulis patebit , consilium & arma , non Fortunam tantum imperium constituisse . Vide , ut jam inde ab eo , quum incondita turba essent Romani , non connubia solum , quæ ad propagandam stirpem unice indigebant , a vicinis per vim , & dolum paraverint , sed egregio ac singulari consilio vicinos ipsos in Civitatem cooptarint , sibi que ab ipsis hostibus novas vires addiderint . Mox ut ferocientem plebem , militarique licentia effraenem religione injecta (quod maximum societatis vinculum est) compresserint ; atque hoc pacto non Deorum tantum metuentes effecerint , verum etiam , quod Civitatis quammaxime intererat , fractis eo terrore animis , Regi ac magistratibus obsequentes . Inde nostri quam opportune ad arma revocati sint , ut ne longa pace desidia ac inertia assuescerent , vicinisque tandem praedae essent . Ut vero posthaec optimae Civitatis formam assecuti sint , in suos quemque ordines distributis civibus , censuque , re quammaxime salutari , instituto , utque egregio temperamento conjunxerint leges , & arma . SIM. Recte quidem ; nam haec haud aliquis aequè callet , ac ego . FORT. Ergo caetera brevius prosequar . Ab optima hac politia , veluti a firmis , & ingentibus fundamentis tota , quanta fuit , Romanorum respublica excitata est . Etenim post compositas domi res , in id consilium totis viribus Romani Reges incubuere , ut imperium propagarent . Itaque Latinos conterminam ac validam gentem , qua dolo , qua armis

mis oppressere : quos postea militiae gnaros experti, laborum omnium socios, imperii vero ac gloriae voluerunt omnino expertes esse. His Equi Volsque paullo post adiecti, ut assidua militia pugnare simul ac vincere Romanus assuesceret. Mox Regiam potestatem ob unius intemperantiam pertaesi, libertatem optima foeminarum proprio sanguine, durissimus idem, ac optimus virorum filiorum caede sancivit. En Tibi veluti per transennam gentis Romanae primordia. Ubinam casus, obsecro, ac Fortunae locum suspicaris fuisse, Simo, cum nonnulla vi & dolo, omnia vero consilio ac virtute prope divina confecta esse cernis?

SIM. Propemodum tibi assentirer; verum ipsorum Romanorum testimonio atque autoritate moveor, ne id faciam. FORT. Quidnam hoc erit tandem? SIM. Hoc nempe: tur Romanorum non Reges tantummodo, sed plerique posterioribus temporibus Duces prudentissimi ac fortissimi viri, tibi potius gestorum suorum claritatem acceptam referre voluerunt, quam Virtuti? Equidem si ab hac, non vero a te gerendarum rerum eventus pendere credidissent, nunquam profecto tam praeclaram laudem a se abalienassent, tibi que prorsus immerenti tradidissent, neque aras, & templa posuissent tibi longe prius, quam Monti, ac Virtuti. FORT. Quandoquidem te penè docilem sermoni meo praebere incipis, piaculum foret alicujus rei causam non indicare. SIM. Profer eam igitur. FORT. Rudis adhuc tunc temporis ac plane agrestis ex Albanis Latinisque agris collectus Populus Romanus erat, pròindeque, ut ignavissimus quisque, superstitionibus quammaxime studebat. Hanc Populi sui stupiditatem Ancus ille, & Servius, caeterique deinceps Reges, Ducesque oppido cognoscentes, e re sua esse arbitrati sunt eam adaugere, vanisque persuasionibus eorum errorem exaggerare. Itaque caecae, ignotaeque potentiae nomen in medium adduxerunt, cui pleraque referrent, sequere

K

eidem

eidem gratissimos, atque acceptissimos vulgaverunt, ut hoc pacto maxima eos admiratione sui populares prosequerentur, quum a Dea, cui summana humanarum rerum potestatem tribuebant, diligere Reges, Ducesque suos conspicerent, cujus ope finitimos Populos facillime in suam ditionem redigerent. Virtutis vero nomen inane tunc fuisset apud barbaram gentem, quae ultra corporis firmitatem, ac lacertorum vires nullam praeterea virtutem agnosceret. Atque ideo, nonnisi Graecorum sapientia in urbem illapsa, Virtutis templum excitatum est, ejusque nomen innotescere tandem vulgo coepit Romanis. S.M. Vide quam liberaliter tecum agam, jam hoc non ulterius inquiram: insani etenim esset nimis asperere cujusque rei rationem abs te exquirere, quae me beatum paullo post effectura es; quapropter ad caetera Romanorum tempora, transgredere. FORT. Perspicua vero sunt haec, atque in vulgari notitia posita: ideo dicam, quasi ad Ephoros: Post adeptam libertatem incredibile dictum est quanta imperii gloriaeque cupido Romanos invaserit. Nedum Principes Civitatis sed vilissimos, atque egentissimos, quisque mirifico laudum ac potentiae desiderio flagrabat. Rempublicam privatae rei suae anteponebant, labores subire, algorem, inediae tolerare, vulneribus occurrere, mortem pro patria obire gloriosum ducebant. Quam animorum magnitudinem communicati post ingentia certamina plebi etiam honores, & promiscua connubia mirum in modum confirmarunt. Nec Patres, qui ingenio ac sapientia pollentes Reipublicae consulebant, neglexerunt prudentissimis consiliis Populi alacritatem incendere. Ideo prout quisque de Republica meritus fuerat, militaria atque urbana dona, laudationes, imagines, coronas, statuasque instituerunt; virtutis indicia, & claritudinis apud posteros documenta. Praeterca quicquid ubique Terrarum optimum erat in suam civitatem accire festina-verunt, ut quam sedem Orbis imperio parabant, optimis uter-

uteretur, qua militiae, qua domi, institutis. Quamobrem,
ut praeteream integras nationes in civitatem propter vir-
tutem, aut loci opportunitatem acceptas, sumserunt ar-
ma a Samnitibus, quorum disciplinam, & fortitudinem
magnis saepe cladibus experti fuerant: Leges a Graccia,
quam tunc temporis sapientia excellere intelligebant;
Insignia magistratus, ac Religionum pertractationem
ab Etruscis habuerunt; denique non unquam super-
bia Romanis obstitit, quin aliena instituta ascen-
derent, modo ea esse conspicerent Reipub. opportuna: Mi-
litiam vero, quam egregiis legibus, quamque mirabili
disciplina composuerint, nulli obscurum est. Etatem mi-
litare certis terminis incluserunt, ut adolescentes tem-
pestivo labore, & periculis prudentiores ac fortiores ef-
ficerentur: utque rursus emeriti senes peractis stipendiis,
otio atque agris praeteritae vitae molestiam solarentur,
simulque juventuti ostentui essent, ut liberalioris vitae spe
militiam placere tolerarent. Civibus, & sociis, quod hercle
plurimum interfuit, non externo, ac mercenario milite, bella
exercebant; eoque armaturae genere usi sunt, quod lon-
ge optimum esset, vel ad propulsandum vulnus, vel ad
inferendum. Adhaec accedebat, praecipua Romani mi-
litis laus, ut ordinem constantissime servaret, Ducisque
imperio dicto citius obtemperaret. Severa quinetiam in
locum deferentes animadversio, & severior in eos, qui
contra imperium in hostem depugnassent, carissimo san-
guine ad retinendam disciplinam sancita. Quid memorem
in fugitivos, captivosque ignominiam, ut nec rixes nec
vivi crederentur? SIM. Quorsum haec obsecro? FORT.
Eccere stravis es Simo. Non tu me Romani imperii cau-
sas iussisti? SIM. Profecto. FORT. Eas tibi quam brevif-
sime indicavi, ut nosceres, quibus animis, atque institu-
tis ea gens processerit ad terrarum imperium. SIM. Audi-
vi haec quidem: at quid addes praeterea? FORT. Quid
addam? Inspice tu ipse, & considera: Nullibi sanctiores

leges invenies , prudentiorem Senatam , peritiores Duces , constantiorem , majorisque animi Populum , praeclariorum , ac meliorem , juventutis institutionem . Iidem ipsi prope per octingentos annos vix ter ab armis recesserunt , atque id ipsum brevibus intervallis . Ut prope nemo Romae natus sit , quin eum belli apparatus nascentem exceperint , puerum accenderint , adolescentem armorum meditatione ad praelium paraverint . Ita accidit , ut rerum bellicarum peritia , Patriae gloriaeq ; studium per manus traderentur , atque major in dies glisceret summorum virorum aemulatio , quum egregia fortiaque facta illustriora quotidie suppeterent . His artibus , quum caeteris Populis meliores , ac fortiores Romani evalissent , aequissimum , atque adeo necessarium fuerat , ut eorum imperium esset in deteriores , atque ignaviores . Immo , vide quo progrediar , si ad Romanae Reipublicae exemplum gens aliqua , cui nonnullae vires , & Romanus adesset animus , his ipsis temporibus institueretur ; mihi prope necessarium videtur , eam in reliquis aliquando gentes imperio potituram fore . SIM. Istuc ego , ut quidem modo se res habent , nescio an ita eventurum esset . Quod vero ad Romanos attinet , jam ego conclamassẽm ; ac id ne faciam , praeclarissimus philosophus (*) in causa est , cui te satisfacere est necesse . FORT. Audiamus quid iste narret . SIM. Hic nullus omnino dubitat Romanorum Fortunam prae Virtute ponere ; & te affirmat , abjecta rota , alisque disiectis , in Capitolio constitisse . FORT. Jam vero ut vides renatae mihi sunt pennae , rotamque SIM. Non hic erat jocandi locus . Audi reliqua . Et profecto , si verum amamus , quo pacto ei respondemus , Metellum , Paullum , Syllam , Pompejum , caeteraque

fc-

(*) Plutarchus de Fortuna Romanorum.

felicia nomina obiecienti? Anſeres, arcis haud dubie ſervatrices, vada Tyberina, Lupam, & huiusmodi? Viden, o generoſa, non amplius Simonis ſomnia, ut vocas, ſed graviſſimum philoſophum tibi reſellendum eſſe? FORT. Ergo eadem retractabimus? SIM. Neceſſe eſt. FORT. Quid? non id tibi in mentem quandoque venit, non philoſophum ibi, ſed oratorem ab illo agi? Et cum alibi ſerio philoſophatur, ſibi ipſi reſpondere? Graecum praeterea hominem Romanorum gloriae pro viribus obreſcere, ut Alexandrum popularem ſuum extollat? SIM. Linque haec, rem ipſam explode, FORT. Stricte vero hoc attingam. Nec enim aut de Lupa, aut de Marte, & ejuſmodi naeniis verbum a me unum audies. SIM. Cur autem? FOR. Quid me vis fabulas, & commenta conſutare? Niſi forte, aut Lupam credis Romulo ubera praebuiſſe, aut Martem cum Rhea congreſſum. SIM. Et iſthaec miſſa faciamus. Reliqua ingredere. FORT. Nil hercle tam durum atque incredibile eſt, quod dicendo moliri, & veriſimile fieri non poſſit. Profecto quid tam a temeritate, caſuque alienum, quam prudentia, quam fortitudo, quam diſciplina? Verumtamen quum earum opera in me transferenda vir eloquentiſſimus ſuſceperit, pene equidem tranſtulit. Sane cum ab iſtius ingenioliſſima oratione diſceſſeris, teque ad Romanam hitoriam, ab ipſomet magnam partem conſcriptam, contuleris, ecquid fortuitum in Romuli virtute, in Numae ſapientia, ecquid in civili prudentia Servii, aliorumque Regum fortitudine ſuſpicaris? Percurre, ac diligenter excute quae ſequuntur: nil, per Jovem, niſi miram hominis eloquentiam deprehendes. Nam quod Macedonicus, optimam filiorum indolem naſtus, egrege eos educavit, quod optimis praecipis ad Rempublicam domi militiaeque capeſſendam inſtituit, ita ut praeclari Cives, & foriſſimi Imperatores evaſerint, num Fortunae aliquid ideo tribuendum? Quid Pompejus? Si ejuſ expeditiones, ſummo conſilio, ſumma

ma virtute, incredibili celeritate, rebusque omnibus opportune provisis, confectas, ad examen revocaveris; si genus hostium, si sexcenta alia perpenderis; nil escator minus, quam casum, quam me cogitabis. Nec Sylla quicquam fortunae debebit, si statum Civitatis, si flagrantissima partium studia, si Ducum experientiam, veteranum exercitum, audaciam, & periculorum contemptum mediteris. Nam profecto gravem doctumque virum pudere debuit Nicopolim meretriculam nulla de causa in medium adducere. De Scauro quid dicam? Cur, quæso, mireris, avitam nobilitatem plus paternis sordibus in magno AEmilii animo valuisse? Inspice paullulum hominis ingenium, constantiam, animi celsitudinem, cæterasque artes, quibus egregie floruit, porro non fortuitum tibi videtur, quod Consul, quod Imperator evaserit. Quod vero Lucio Paulo, quem virum Dii immortales, quibus moribus, qua frugalitate! omnibus imperatoris artibus instructissimo, Persei ignavia pro Fortuna objecta est, quam brevissime dicam, ignavos, & fortes non Fortuna, sed natura, sed institutione fieri. Non autem possum quin exclamem, quum de Caesaris virtute video vel uno verbo addubitatum fuisse. Etenim si quem virum decuit non modo extra Fortunæ aream, sed extra omnium Imperatorum comparisonem, præcipuum seponi, profecto Caesarem hunc esse oportuit. SIM. Nihilne ergo casu, nil forte Fortuna accidisse unquam Romanis affirmas? Omnia, iudicio, virtute, audacia? Quis te talia dicentem ferat? FORT. Ego te quæ dixi in eam velim partem accipere, ut credas, Prudentiam, Leges, Institutionem, Fortitudinem, Arma Romanis imperium peperisse. Cæterum, si quædam aliquando non humano consilio, sed Natura rerum ita comparantē evenire, quæ opportunitatem aliquam rei bene gerendæ in se continerent, pro certo habere, vix ea parva quædam adminicula ad eorum magnitudinem fuisse, atque ipsa hæc ad-

sue-

fuerint nec ne, parum sane ad rei summam pertinuit.
 Sicut nec offecisse vides tot classes mari absumptas, tot
 exercitus Ducesque a Gallis, Samnitibus, Pœnis deletos.
 Urbem captam, crebras Civium, Sociorum, Italiae con-
 iurationes, atque ejus generis, quae plurima occurrunt
 in Romanis historiis. Quare desine velle per Deos, Si-
 mo, Populo, qui tot seculis de gloria & Imperio cum
 omnibus gentibus fortissime dimicavit, propter anserum
 clangorem, & fabellas nescio quas, tantum decus per sum-
 mam injustitiam avellere. Sed potius, si quid habes, ul-
 terius percontare: jam enim haec acta res est. SIM. Etsi
 nonnulla adhuc supersunt, taedio tamen adducor, ut ab
 istis Terrae seu dominis, seu latronibus discedam libentis-
 sime. Exordire jam. . . . Quid moliris? Eja vero indi-
 gnum facinus! FORT. Ne verere, remitte paululum
 capillos. SIM. Remittam! Parum hercle absuit, quin
 avolaret, venefica; Ideone amice inter nos agi volebas,
 ut me negligentem efficeres? Semper ego quorsum tan-
 dem ista tua comitas evaderet pertumui, perfida. At nunc
 ambabus manibus teneam, nodoque praeterea constrin-
 gam; per Jovem hinc nisi me mortuo non effugies. FOR-
 Nimis hostiliter mecum agis. SIM. Nimis hostiliter, pos-
 sima! At hoc age. Deprome nobis causas, quibus impe-
 ria ruunt, quando originem elocuta es. FORT. Quis huic
 fastidio par esse possit? Ideo ego abire conata sum, ne
 tam insulsis quaestionibus divexarer. Nam istarum rerum
 causae ita perspicuae sunt, ut omnis eas mediocri pru-
 dentia vir, percursas animo, & propemodum decantatas
 habere debeat. SIM. At ego eas ignoro. FORT. Quem
 ergo te magis blennum, magisque fungum dicam? Nonne
 perspicis ita ortus, interitusque causas conjunctas in ex-
 tremo esse; ut unae alteris succedant, utque dilap-
 sis, quae imperium pepererunt, subeant necessario,
 quae evercant? Sicuti occidente sole, qui diem effecerat,
 nox continuo Mundum occupat. SIM. Tu, vero praesti-
 gia-

giatrix, mentem ita mihi hebetasti dolis tuis, ut quid verum, & falsum intersit jam nequeam perspicere. Quare queris tibi, hoc ita esse: non confiteberis saltem, illud te efficere, ut nulla unquam Respublica aeternum perduret, sed necessario concidat, atque in novam, & diversam transeat? FORT. Obsequar impostunitati tuae, & quasi untis e sophistis istis, tibi de obscuris scilicet rebus respondebo. SIM. At in pauca confer. FORT. Ne mone: praecipua haec quidem mihi est cura; nam tecum diutius morari sane non possum.

Vestrarum rerum omnium ea natura est, ut postquam per gradus ad summum cacumen adscenderint, optimumque in suo genere locum tenuerint, quum, quo ultra progrediantur, non habeant, necesse sit, propter initam rebus aeternamque motionem, eas retrolabi, & paulatim ad sua initia reverti. Idcirco quum Respublica, vel Regnum aliquod ad optimum ac rectissimum regimen, summamque, pro suo captu, potentiam pervenerit, deficiente in quem transeat meliore statu, necessario in deterius labitur, brevique quandoque tempore plurimum seculorum opera destruit. Atque ideo Medici, homini optime sese habere, perfectaue prorsus valetudine frui, periculosum esse autumant, ne repente invertatur corporis habitus, celerique nimium motu in contrarium feratur. SIM. Quid tu mihi Medicos infarcis? Non ego te quam brevissime respondere iussi? FORT. Ac propterea, quae longe uberius oratione indigerent, quam levissime attingi. SIM. Pergis scelesti, me quasi puerum ludificari! Quasi aliquid de re ipsa dixeris, nec potius nescio quid extra rem elocuta sis. FORT. Quo isthoc pacto? SIM. Etenim si naturae rerum consentaneum est, ut Regna, & Respublicae certis periodis augeantur, atque decrecant, cur, obsecro, tam diversis temporibus alia perdurant, alia ruunt? Et quaedam vix ad summum emerferunt, quum repente deficiunt, quaedam vero bene
diu

diu in optimo statu permanent; quaedam autem semper in imo jacent, nec unquam caput attollunt. Hoc nempe tu, bellissima, jubes, non necessitas illa, quam modo tam serio praetendebas. FORT. Dic age, o generose, qui sit, ut hic homo brevius, ille vero longius vivat? SIM. Scilicet dubium est, hoc vel a corporis constitutione pendere, vel a victus, totiusque vitae ratione. FORT. Atque iisdem de causis accidere tibi videbitur, ut hic diutius bona firmaque utatur valetudine, & juvenilem alacritatem ultra juventutis tempora retineat, utque contra ille ocyus, quam per aetatem, senescat, & citius etiam intereat. SIM. Ita porro. FORT. Si quis vero nunquam bene valeat, num aliunde, quam ab his ipsis causis rationes requiris? SIM. Inde profecto. FORT. Rerum publicarum, atque Imperiorum eadem omnino fors est, o sapientissime Simo; nam aut bene a principio constituta sunt, easdemque artes, quibus olim ordinata fuerant, retinent: & tunc sine dubio, nisi vis quaedam major opprimat, quod & homini commune est, diuturna, ac longaeva erunt. Aut imprudenter ab initio instituta fuerunt; vel a veteri institutione, quae bona & prudens erat, recenterunt, & tunc brevis aevi ea esse necessum est. De iis vero gentibus, quae nunquam aliis dominatae sunt, si bene rem tecum ipse reputaveris, invenies, illud ejus rei causam fuisse, quod nec virtute, nec armis caeteris unquam fuere meliores. Omnes autem Respublicae, utcumque sese habeant, citius, ocyus ruere debent, propter perpetuam rerum vicissitudinem: nam, veluti homines, alternis etiam temporibus vivunt Regna, atque Respublicae, nec procul abest ab unius ortu, alterius interitus. Nam virtus nunquam perpetuo in eadem regione manet, sed modo per has, modo per illas gentes peragrat; & sicuti imperia adventu excitat suo, ita prosterunt discessu. Quum haec, quae apertissima sunt, intelli-

L

gas,

gas, Simo, contendes nihilominus, meam harum rerum ditionem esse?

SIM. Egredimur de his rebus assentior tibi, o Fortuna; nec si mihi modo quid reponam deest, ideo quod tu dixisti ex animo adprobo.

Illud vero mihi nulla ope extorqueri poterit, ut ne credam, tuo numine bellorum momenta regi, & pugnarum eventus, huc illuc inclinari. Siquidem tantas in bello tuas vires esse docti indoctique credimus; ut pene omnia inibi a te geri censeamus, pauca a virtute. Atque ideo alii Duces fortes, ac peritos, verum infelices appellamus, alios modica militari scientia, sed fortunatos, tibi que cariores: plusque felici horum imperitiae fidere Reges Populosque videre est, quam illorum infelici virtuti. FORT. Eandem cationem recantas. Satis tibi factum credidi, Simo, quum Regnorum causas edisserui: quum enim in iis pariendis, & retinendis bella primas obtineant partes, haud potui bene de illis respondere, quin etiam de his una tibi satisfecerim.

SIM. Id vero mihi non satis est. Integram ego hanc rem esse arbitror; ideo hoc mihi diligenter explanes impero. FORT. Viden, summe Jupiter, quo me hic homo pessimus adigat? SIM. Ut te scelestam, ac nefariam ille audiat! At cigo quae iussi exsequere. FOR. Duo quidem bellum constituunt: Dux milesque in altero sunt, altero casus, ut perperam appellatis, fortuiti, continentur. SIM. Probe. FORT. Et certe Ducis prudentia, vel temeritate veluti habenis quibusdam bella reguntur. Et si prudenter ac scite imperitatur vix licet de bellorum eventu dubitare; si vero temere, atque imperite res agitur ab Imperatore, mirum est profecto, ni ciades accipitur. Visne hanc rem exemplis ex universa historia comprobem? SIM. Quod quidem Deus avertat: Nam quis te decem millia exemplorum ingentem audiens non disrumpatur? FOR. Da

ergo

ergo mihi quod dixi, quippe ipsa veritas est. SIM. Do, dono, ac largior. FORT. Basilice. Duces autem peritos, & imperitos, rei bellicae scientes, aut ignaros, prudentes, aut temerarios me credis efficere, Simo, an aliud quippiam? SIM. Quid tibi cum hujusmodi rebus, quae so? FORT. Segregemus itaque Duces a mea rota. SIM. Lepidissime! quali non idipsum in controversia modo sit, cur sapientes aliquando Duces fundantur, imprudentiores vero potiantur victoria. FORT. Et egregius quandoque sagittarius a scopo aberrat, optimusque nauclerus in syrtis impingit; at neuter fortuna. SIM. Qua ergo de causa? FORT. Quia nulla virtus hominem super humanitatem extollit. SIM. Dux vero, etiamsi ipse egregie vigilet, vincitur haud perraro. nihilominus. FORT. Sane perraro. Ego vero in Duce quamplurima esse affirmavi, non omnia: Nam & milites, & alia quaedam efficere possunt, ut praestantissima consilia in irritum cadant: SIM. Inspiciamus igitur, quid in milites possis. FORT. Veteranum militem, & quammaxime exercitatum, qui ordines fervare, jussa capeffere calleat, frigus, famem, vigiliis facile toleret, tyrone, ac laborum impatiente, disciplinaeque militaris ignaro, aptiorem ad victoriam esse ais, aut negas? SIM. Cur negem, quae res ipsa, etiamsi negem, affirmat? FORT. Jam ergo veteranus exercitus novum necdum disciplina, atque usu firmatum plerumque sine ope mea vincet. SIM. Plerumque. FORT. Illud tantummodo superest, ut quum novi pariter, vel veterani utrinque milites concurrunt, in mea potestate sit, utros velim vincere. SIM. Apparet. FORT. Rogo te, Simo, si cum alio quopiam tibi pugnare necesse esset, victor an victus inde discederes? SIM. Inepte inerrigas; nam quid ea de re reponam tibi, ni prius doceas; cum fortiori ne ac paratiore adversario mihi concurrendum fingas, paribusque, vel non aequis viribus? Adhaec si aequè armati, aut nostrum alter inermis praelium inrituri efflatus,

quoque loco, quo corporis, animique habitu. Quae quum dixeris, tunc facillime conjectare de victoria potero. FORT. Victoriā itaque ab hisce rebus, quas enumerasti pendere, censēs? SIM. Quidni censeam? FORT. Fortes igitur, Simo, non ut est in proverbio, Fortuna, sed fortitudo, sed robur, sed opportunitas adjuvat. Nam sicuti tu in ista duorum pugna, non fortuna te victurum putas, sed fortitudine, sed armis, & locorum, temporumque opportunitate: ita prorsus milites non casu vincant; verum si numero, robore, audacia, armis praecellant; & si eo loco, eoque tempore in aciem descenderint, quod sibi opportunum maxime fuerit, hostibus vero importunum, atque adversum. Quid obmutuisti? Num fallo, num mentior, num commenta profero? SIM. Nimis cito triumphas. Tuam ego modo admirabar confidentiam, ideoque fitebam. Non ego id a te, quod obtrusisti, exquisieram: nam quum ita se res habent, nil vate opus est, qui nos de exitu doceat. Illud mirum, ac prorsus tuum est; ut quum miles optimus, Duxque peritissimus sit, vincantur tamen ab inertiore milite, Duceque imperitiorē. Quum tu aut subitum quemdam terrorem animis militum injicis, aut nebulas, ventosque cies, & pulverem in ora, oculosque immittis, solemque adversum, ac umbrarum simulacra in perniciem convertis, aut comitum subtrahis; quibus rebus perculsi meliores concidunt, ignaviores vero, te ita comparante consequuntur victoriā. Haec ego a te explanari volo, non ea, quae vel anniculus puer divinare posset. FORT. Nimirum singularis obstinatio, & contumacia est tua. Campo manifeste decedis, teque pulsus in postrema confers propugnacula, atque id superbe interea dissimulas. At dum cedas, simula, & dissimula, ut lubet. Ut autem ego milites terream, mi homo? Ut ego territos in aciem educam? Infans adhuc in historia mihi videris. Sane modo singulari aliquo certamine, adversave pugna, modo

do opinione; aut errore aliquo; vel portento perterritos milites legas, numquam autem ultro, nullaque de causa. Quod si ideo exercitus caesus est; nonne Imperator merito accusandus fuit, non ego? Hunc enim providere oportuit, ne eam animis opinionem milites antecaperent, quae eorum audaciam frangeret, & segniorès redderet ad dimicandum: & ne vanae opiniones, & monstra, quæ nil validius apud multitudinem est, pugnantibus officerent. Vel si ejusmodi res fuerit, ut Imperatoris solertia fieri nequiverit, quin animos militum irreperet; sane illud duci providendum fuerat, ut ne ante excussos vanos istos pavores, inanisque persuasiones, attonitos torpentesque milites in aciem educeret. Non si; Simo, eloquentissimum illum, ac fortissimum Ducem, quum ex subita solis defectione perterritos milites cognovisset, praelium non ante commisisse, quam illos naturalem ejus rei causam diserte edocuisset, omnemque ab eorum animis absterfisset timorem. Qui si temere egisset, nec militum mentes portento stupefactas ratione firmasset, profecto cum omni exercitu interivisset. Atque hæc nihilominus clades a te non ejus ignaviae, sed fortunæ fuisset tributa, quæ. . . . SIM. Quis te jussit exemplis certare? Nolo verbum unum, quod ad hæc attinet, audire. Auscultabisne tandem mihi? FORT. Illico taceo; en jam unde profecta sum redeo. Nebulas vero, pulverem, adversum solem, ventos quid memorem? Nam primum sapientem Ducem his dominari, non servire decet; atque hæc providentiæ, & consilio præcipere, ne quid possint nocere; quod hercle consequetur, si Regionis, locique, ubi res agitur, indolem diligenter exploret, & quid quoque tempore inibi soleat accidere: eaque in suam utilitatem convertat, atque in hostium perniciem. Dein, si quid aliquando inopinum, atque, ut vobis loqui mos est, fortuitum evenit; id satius fuerit causis efficientiam in

se

se naturalem continentibus tribul, quam arbitrio meo. Exorta est nebula? Cur me eam, amabo, in sinu ferentem fingitis, & agmina caligine, & obscuritate involventem, nec, quod verum est, potius dicitis, concretos nocturno frigore vapores eam effecisse, quam sol paullo post, aut ventus dissolvat? Ventum vero, rem maxime omnium liberam, voluntati meae inepte prorsus subjecitis. Sane si mihi Uliissæum illum solem Æolus tradidisset, vix ea possem efficere, quæ vos somniamis. Numquam ne adhuc didicisti, Simo, nubes, & superiora quæque corpora aerem prementia ventos gignere, vel aquarum cursus, aut terrarum halitus, & ejuscemodi? Si didicisses, porro non ad me ventos ablegasses, sed ad æternas causas rejecisses. Præterea an non & ibi nebulae quotidie cooriuntur, venti faciunt, pulvis attollitur, ubi nec pugnatur, nec umquam pugnatum iri suspicio est? Miror etiam incogitantiam tuam, qui commæatum quoque fortunæ addixeris; atque hic vereri mihi in mentem venit, ne ubertatem quoque, & caritatem mihi tribuas. De sole, & umbra pudet me loqui: siquidem nil constantius est, quam solis cursus, & nil magis necessarium, ac naturæ consentaneum, quam ut corpora, si adversa lux incidat, umbram edant. Ea si aliquando profuerunt, ad mediocrem Ducis peritiam, si offecere, ad nimiam ignorantiam, prorsusque supinam negligentiam, non ad casum sunt, fortunæque referenda.

SIM. Video ego extenuari spem meam, & paullatim in angustum adigi: semper enim tibi aliquid est concedendum, & maximarum rerum a te potestas abjudicanda. At mihi tanta humanitas videtur tua, ut ne levissima quidem suspitione tenear, frustra te luci hæc ante meos oculos deambulatum ultro venisse, frustra que commississe, ut in meas manus incideres. Quapropter quicquid tibi, o Deorum potentissima, credam; posse

posse te, aut non posse, regere ac moderari Terrarum Orbi, largiri divitias, vel non, prout jusseris, dummodo paupertatis te meae misereat, egenumque subleves tua liberalitate. FORT. Quid dem? Quid largiar? Vere morus es. Quin me potius hinc sinis avolare, quum nec bene tibi, nec male per me esse possit? SIM. Immo constrictam usque tenebo omnibus opibus, ac industriis meis. Ut ego comas hasce, nisi dives dimittam! Tunc vere morus essem; tunc nemo me viveret stultior, atque ineptior. FORT. Agedum ergo, interrogationem urge; quid moramur; quid tempus ociosi conterimus? SIM. Summo ergo jure mecum vis agere, nulla est apud te aequi bonique ratio? FORT. Enicas me importunitate tua. SIM. Per dexteram ego tuam te numenque tuum oro. . . . FORT. Ah rursus! Credo ego, te gravi atque exitiabili errore mentis affici, tam aperte, & tam vehementer insanis. SIM. Quandoquidem me insanire ais, cape jam insaniae meae fructus; sceleresta tene hoc, rursus hoc alterum. Ego tibi hodie caput istud scelerosum baculo probe comminuam; cape rursus: ut tibi videor insanire? Satis tibi vehemens videtur meus furor? FORT. Proh Deum atque hominum fidem! Ita ne agi, Simo? Siccine innocentem credi? Hei, hei; hercle larvatum oportet esse te, ac furentem; flagitium hominis, dies nefastus; at pœnas dabis, nisi inane nomen est justitia. SIM. Pessima, tunc audes justitiae mentionem facere? Quae non quidem injusta, sed ipsa injustitia es. Verum festina, jam te responsis tuis jugulabo; hoc sis age; lacrimulas istas absterge; atque animum ad sermonem meum adverte. FORT. Nempe hoc ago. SIM. Missa jam imperia, & bella faciamus; quum nec regni potiundi spes me unquam tenuerit, nec imperatoria laude florere. Ad urbanas res, provinciam meam, venio; quarum adeo gnarus sum, adeo peritus, ut nullus sit hic tibi, o praeclara, fallacis locus: omnia

omnia plana, atque aperta sunt. FORT. Pone jam ad quod tibi responderi vis.

SIM. Antequam vero hanc ingrediamur disputationem satis mihi facias velim de re, quae summam infirmul iniecit animo meo curiositatem, atque admirationem. FORT. Quae res ista? Dic strenue. SIM. Quamobrem accidit, ut homines, qui in adversa, tenuique

fortuna probi, atque prudentes vivunt, simul ac potentes, & divites effecti sunt, veluti Circaeο quodam hausto poculo, superbi statim plerumque evadunt, & contumaces, atque ab iis, qui antea fuerant, dissimillimi? Sane, Fortuna, mirabilis omnino res est. FORT.

Homines, ut paucis respondeam, res mediocres, & adversas facile tolerant: felicitas eos corrumpit. Caeterum, Simo, vasis vos similes estis, quae quum vacua, atque inania sunt, latet illorum vitium, ita ut non facile possis prava a probis discernere; postquam vero aquam infuderis ac repleas, tunc demum, haec aquam ferre, illa vero diffuere, rimisq; fatiscere animadvertas. Ita prorsus homines probos prudentesque ne dicas, Simo, antequam vel in dignitate, vel in ampla secundaque fortuna videris: haec enim unice probitatem, ac nequitiam patefaciunt, quae latebat. Non igitur potentia, aut divitiae homines immutant, sed, veluti Lydius lapis, mores, qui argentei, atque aurei videbantur, plumbeos probant, atque aeratos esse. SIM. Magnas tibi habeo gratias, Fortuna. Nam hoc me mirifice torquebat. Eamus nunc ad rem. FORT. Et quidem celeriter.

SIM. Tria equidem in urbana causa sunt, quae prorsus temere aguntur & perturbantur; nec aliquid adduci posse mihi videtur, quominus ea a te agitari affirmemus. Ea sunt, Favor, Dignitates, Divitiae. Et de favore, quidem te praeter omnia agere volo. Vidi etenim, & legi hac in re mirabiles quosdam eventus, ac mera portenta. Truncos quosdam ficulnos, igna-

ignavissimum genus hominum, scelestos praeterea complures, & vere sacra capita comperi apud Reges, Principesque viros adeo gratia valuisse, ut inversa ordinis ratione, domini servirent, servi dominarentur. Passim quoque deprehendi, pene omnes qui aliquid possent, nequiores probis antepone, & stupiditati atque ignorantiae favere magis, quam industriae, ac virtuti. Nonne opera tua noscitas? Vide ut memoriter, quae tu occultissime peragis, narrem. FORT. Stultitiae quidem tuae maxima video documenta; at quid ejus rei ad me pertineat, plane nihil. SIM. Non finem facis, te, veluti quendam ex Epicuri grege Deum, inerte nihilque agentem confingere? Si perges, pessimis me Dii Deaque exemplis excrucient, ni te hoc baculo praeclare exossatam reddam. Quae; praeterquamquod tamdiu me pauperem esse gavisus es; hodie magna opera satagis, ut ne nunc quidem, quum capularis jam, & plane acherunticus sum, laute atque opipare extremum saltem obeam diem. FORT. Ut quisquam tecum possit loqui! Nec tibi verba, nec ratio, neque veritas ipsa satis est, ut te aliquando victum confitearis, ac manus des. Porro mihi decretum est, quidvis potius pati, quam rursus tecum sermonem instituere, ita durus es, contumax, obstinatus, & omnino inexpugnabilis. SIM. Tacebis itaque, & vapulabis. FORT. Minaris etiam carnufex! Ego uno tantum pacto induci possum, ut loquar. SIM. Quonam? FORT. Si nos inter nos seriamus foedus. SIM. Qua formula? FORT. Ut si ego tuis quaestionibus non satisfecero, tunc tibi me caedundj, urendi, necandi jus fiet. Si autem ad ea, quae posueris, vere & perspicue respondebo, ita ut contra ne hircere quidem tibi liceat, tunc meas me res protinus habere jubeas; atque hinc quo libitum fuerit finas discedere. Num iniquas conditiones postulo? SIM. Disce tandem, o Fortuna, humanitatem ex indulgentia

ria mea. Nil muto; nil addo. In tuas leges ictum esto foedus; num. possem me lenius gerere? FORT. Quid te dicam? Optimus mortalium es, Simo. SIM. Expectemus, quo laudes isthaec evasurae sint. Nunc. si videtur, ad ea quae de favore locutus sum. FORT. Aequum postulas; aures atque animum adverte. SIM. Fit sedulo.

FORT. Homines ad societatem proclives, atque ad se se invicem diligendos Natura comparavit. SIM. Jam hoc infirmum est. Nam si ego homines dicerem, nec ad societatem natura perlatos esse, sed vel casu, vel indigentia; nec amorem inter se conveniendi causam fuisse, sed metum, & propria commoda; quid tu, quiaeso, ad haec? Aliunde ergo exordire, o Fortuna; fabellam istam, hanc enim, ut vides, sentes, & virgulta aditum intercludunt. FORT. Non hoc mihi modo propositum est, ut inquiram, unde potissimum initia societatis defluerint. Scio equidem, atque habeo quid sentiam: modo vero ne nimis vager, per me licet, vel timori, vel amori, vel necessitati id tribuas; nihil enim hoc ad meam disputationem. Nam quicquid tunc, quam primum homines simul coaluere, causae fuerit, ut coetus miscerent, urbesque constituerent; tamen extra omnem dubitationem est, postquam una vivere, iisdem uti legibus, colloquia, vicinitates, cognationes miscere coeperunt, factum profecto esse, ut inter se amarent, & societatem unam maxime rerum omnium appetere. Et quamvis id ob consuetudinem quispiam, atque educationem contendat accidisse; nihilominus adeo infirmum modo humano generi est, ut nil profus a caeteris necessariis naturae affectibus discrepet hic amoris, & societatis. Atque ideo nulla gens est, tam ferox, ac barbara, tam legum, & boni moris inimica, apud quam conjunctio atque societas non inveniat, tum omnium inter se, tum singulorum. Hoc, ut reor, firmissimum,

ac

ac certissimum est. SIM. Ita videtur. FORT. Quo pos-
 to illud sequitur, ex immensa illa societate humani ge-
 neris ad maiorem caritatem, atque conjunctionem in-
 ter homines deveniri, propter loci, linguae, jurisque
 communionem. SIM. Prorsus ita. FORT. Et rursus
 illud, maiore ac firmiore eos amore, ac benevolentia
 jungi, qui magis inter se ingenio, moribus, vita con-
 veniunt. SIM. Apparet. FORT. Idcirco passim docti
 probique cum doctis probisque vitam agunt, ignavi
 vicissim, & scelesti suae notae homines sequuntur, il-
 lique istis, isti vero illis maxime adversi sunt, atque
 inimici: quod certe oritur ex similitudine, ac dissimi-
 tudine morum, & studiorum. SIM. Est ita ut dicis. FORT.
 Age vero, sapientissime Simo, Reges, principes, poten-
 tes, divites viros, homines esse censēs, an non? SIM.
 Immo omnium hominum primos, ac beatissimos. FORT.
 Praeclare. Cur itaque, si tu pauper & ignobilis Simo
 Lyfiam illum tuum, qui tibi summus est, Bionem, Ni-
 cetam, aliosque ex hoc fursure amas, atque habes caris-
 simos, moribus id vestris, ac paupertati, quod vobis
 commune patrimonium est, tribuitur: quum vero lautus
 quispiam homo, aut Rex humiliorem quempiam diligit
 (nam parem haud facile posset) continuo arcessor ego,
 quae amorem inter eos, atque amicitiam conciliem? Au-
 rum profecto, & purpura humanitatem his non adimit,
 nec quod potentiores, divitioreque sunt, homines ideo esse
 desinunt, exuuntque odendi, amandique necessitatem.
 SIM. Ament igitur, quandoquidem id hominis natura ju-
 bet, verum ut malos potius ignavosque diligant, quam
 probos, atque industrios, id enim vero prorsus ratione
 caret. FORT. Id autem falsum, nam non omnes usque
 potentes, summiq; viri malos, inertesque amplexan-
 tur, sed ii tantum, qui & ipsi mali inertesque sunt. SIM.
 Ego quod saepius accidit dico, etsi aliquando se res ali-
 ter habeat. Inficiari autem non potes, pessimorum hominum

colluviem, sine virtute, sine fide, sine ulla bona spe, magnos primariosque viros plerumque circumfidere, iisque esse acceptissimos. Quod equidem, si temeritatem tuam tollas, quomodo evenire possit non video. FORT. Omnes homines quicquid agunt, vel quod honestum est agunt, vel ob utilitatem aliquam, vel propter voluptatem. Honestas a plerisque negligitur: nisi quod metu legum, aut praemii spe nonnunquam a tenuioribus, a summis vero tantisper colitur, dum popularem auram vulgique opinionem captent. Utilitatis varia apud variae fortis homines ratio est: maxima vero pars non ad animi bona eam referunt, sed utique ad corporis. Voluptas vitam hominum regit, & non modo pluris apud humanum animum est, quam honestum, & utile, verum ideo honestati aliquando, utilitati saepius homines inferviunt, quod utrumque desinit in voluptatem. His animadversis, jam perspicis, Simo, quae sit animi vestri indoles, quibusque rebus maxime capiatur. SIM. Satis quidem, ut arbitror. FORT. Felices autem, lautique homines id ex fortuna sua plerumque habent praecipuum, quod mollissimus iis, ac delicatissimus est animus, qui facillime ad quascumque voluptatis illecebras excitatur, atque ad quantulamcumque doloris particulam offendit. Ideo huiusmodi homines nil amare solent, nisi quod blandiatur, leniterque moveat animum voluptate: nihilque contra magis aversari, quam quod vel minime eos insuavi, acrique sensu perstringat. SIM. Inde igitur esse putas, ut mali saepius in felicium hominum oculis sint; quippe qui semper aliquam voluptatem iis conciliant, studiisque sedulo velificantur suis. FORT. Rem ipsam tenes. Honesti autem viri, qui nec assentari, nec mentiri, nec, ut uno verbo dicam, supparasitari sciunt, sed, veluti acerbi quidam paedagogi, nil probare, nil laudare consueverunt, nisi quod virtutem, atque honestatem sapiat, merito ab aulis, potentiumque aedibus exulant; quum

eorum libertas alienae superbiae, honestas turpitudini, doctrina ignorantiae vehementer displiceat. Quae res apud meliores, probioresque viros, qui mecastor nonnulli sunt, magnae commendationis loco esse solent. SIM. Ut verum eloquar, Fortuna, nunquam magis probabilia dixisse mihi visa es. Esto itaque ut, ais. Quid vero in causa est, cur potentiores, qui malos diligunt, non omnes utique malos aequae mentis, sed certos tantummodo? Et contra, qui doctos, & frugi, quosdam quidem ex iis suspiciunt, caeteros vero meliores fortasse, doctioresque despiciunt? Tanta in pari causa disparitas tuam patefacit hisce in rebus potentiam. FORT. Suum cuique, Simo; quod meum non est, id nunquam mihi patiar addici. Sane si quis a te quaerat, cur Nicetam, Lysiamque praecipuos in familiaritatem adsciveris, quum ejus ordinis, census, moris, ingenii, quamplurimi in Civitate sint: nonne ei tu responderes, vicinitatem, saepius cum his colloquendi occasionem, & similia his, causam fuisse, ut neglectis aliis, qui aequae tibi congruissent, in horum necessitudine conquiesceres? SIM. Optime haec quidem. FORT. Eodem pacto, mi senex, viri principes, seu bonis, seu malis faveant, eos tantum ex his amare solent, quos cominus nosse, quibuscum loqui, ac frequentius esse potuerunt. Caeteros autem negligere prope necessarium est; nam ita humani animi natura fert, ut omnis caritas aut inter duos, aut inter paucos jungatur. SIM. Id fortasse verum est. Tamen haud raro accidit, ut & alicujus noscat virtutem, vel improbitatem malus, aut bonus Princeps, & tamen odio habeat. Hos sine ratione affectus Graecis vocibus sympathiam, et antipathiam nos inanibus hercle vocabulis appellamus, quum revera fortunam appellare deberemus. FORT. Si inania haec vocabula penitus inspiceres, profecto ejus rei causam facile deprehenderes. SIM. Praefert mihi facem, quaeso, in nimis obscura re. FORT. Indolem, affectus, animique prope omnem habitum in hominum

num vultu Natura exculpfit : & sua præterea cuique confuctudo incesſum, ſermonem, ſupercilium, intuitum ita componere ſolet, ut nullo negotio, exteriorẽ hominẽ probe ac ſcite perpenſo, conjectura de ingenio, moribusque ejus fieri poſſit. Id tu negare non potes? SIM. Immo mihi omnino ita videtur. FORT. Inde eſt, o vir opime, ut primo ſtatim congreſſu alicui ultro ſaveatis, aut ſitis adverſi. Nam quum in aliquem incurritis, ſtatim, licet id fieri non advertatis, a corporis, atque oris habitu, de moribus ingenioque ejus tacitum animo judicium fertis, & prout illum convenire vobis, & quandam cum ingenio veſtro cognationem habere ſuſpicamini, vel diſcrepare, & inter vos morum repugnantiam eſſe; ita aut ſponte amatis, aut odio habetis. Quæ judicia, eſi non nunquam falſa ſunt, & longa deinceps experientia eorum temeritas deprehenditur, magnum tamen momentum in conciliandis amicitiiſ habent, ut vix, magnoque tandem intervallo a primis hiſ placitiſ diſcedatur. SIM. Neſcio quo te pacto teneam, ita, quacumque adprehendi, facile elaberis. Sane haud æque lubrica anguiſta eſt, quam demum ficulno folio conſtringas; de te vero deſperati proſuſ laboris eſt, id aliquando expectare. At, ſi ſapiam; jam non deſperem. Eo tandem te perducam; unde evadere nulla ope poſſis. FORT. Perduc, quo lubet; ſequar lubens. SIM. Hoc poſt paullo videbimus. Interea cauſas ex te audire ſtudeo; quæiſ gratia intecire ſolet; & potentum iſtorum delicias non raro proſternere. Id nos fortuna imperante fieri arbitramur; quid tu cenſes? FORT. Alia omnia cenſeo. SIM. Quid inde? Taces? At ego rationes expecto, cur non mecum ſentias. FORT. Senem ego ut doceam tam perſpicuas res? Equidem puderet. SIM. Nunc primum mo in ludum literarium ire puta; nihil ſcio. FORT. Hoc nimis ex veritate a te dictum arbitror; nam profeſſo ſtultus es, ut qui maxime. SIM. Sincere quidem, nil circuitione uſa es. At jam rem ipſam.

FORT.

FORT. Malorum gratia, siquidem malis artibus parata, cito deflagrat: bonos constantior sustinet favor, quippe qui est a virtute. SIM. Nihil laconice, non placet, satius dicere te volo. FORT. Tundendo, atque odio me enicas. Oblero, quae conjunctio inter malos diuturnior esse potest? Modo qui favet, fastidendo, modo is, cui favetur, peccando eam dissolvit. Nec ii ipsi qui mali sunt, malos diu ferre possunt. Eadem etenim vitia, quae in se ipsis homines probant, in aliis persaepe reprehendunt. Nam tibi quisque maxime indulget; & quod peccavit excusat, aliena autem vitia, vix tantisper dum juvant, conniventia prosequitur; postea vero, subeunte animum temporaria quadam pudoris cura, qui nunquam prorsus extinguatur, oppido execratur. Praetereo, recentem novi alicujus hominis nequitiam opportuniorem, ac gratiorem esse; & ad populare odium redimendum Principis saepe interesse eos affligere, quorum opera ad crudelitatem, & avaritiam explendam abusus fuerit: ac sexcenta hujusmodi, quae si quis mediocriter animum intenderit, celeriter mente comprehendet. SIM. At boni apud bonos Principes cur cadunt? FORT. Rarius hoc quidem accidit: verum duplici quoque malo ea gratia concutitur. Aut enim Principes imperitandi licentia, regnique illecebris corrupti (raro enim humana natura aliquem profert, qui valeat summam felicitatem perferre) animum veterem, veteresque una amicos exuunt; quos merito exprobatore novorum vitiorum fore formidant; aut ii, qui gratia polent, bonas artes favore elati abijciunt, & quum secundo cursu se ferri vident, personam deponunt, & se non probos fuisse patefaciunt, sed composito palam pudore, simulasse probitatem. Numquid me a laconica brevitate ad Asiaticam redundantiam vis prorsus degenerare? SIM. Neutiquam vero. Nam frigere jam mihi videtur haec res: quare ad dignitates sermonem te velim transferre, a quibus ne suspicari quidem possum quo te pacto expeditura

ditura sis, ita constanter omnes homines arbitramur, tuo numine, quicquid ad eas attinet, fieri. FORT. Quid tandem est, cur ita arbitremini? Nil mecastor, tam facile a me abjudicari potest, quam dignitates. SIM. Quid ais scelesti? Ut ego a te dubitem effici, quae casum, fortunam, temeritatem clamitant? Quum improbis, impetritis, indignis plerumque, & doctis quandoque, probis, merentibus prorsus temere collatas dignitates per omnem temporum memoriam historia doceat, credam ego, lege nescio qua id factum esse, non turbine, atque inconstantia tua? FORT. Idipsum paullo post confiteberis. Age ergo, Simo, quot se modis habere potest respublica? SIM. Vel corrupta est, vel optima, vel utrinque aliquid trahit: non tu hoc interrogabas? FORT. Idipsum. Corruptam vero eam appellas, quae conturbata est, & in qua arbitrium plurimum, leges minimum valent? SIM. Prorsus. FORT. In ejusmodi autem respublica quid mirum est, si minus idonei, atque indigni plerumque ad honores evehantur? Tunc enim vel improbi alicujus arbitrio, vel factione omnia peraguntur, malorumque conspiratione: vel emptio venditio intercedit, quae non fortuna est, sed juris gentium contractus. SIM. Exequere caetera, habeo hoc. FORT. Res ipsa loquitur, Simo, nil opus est reliqua exponere. SIM. Exequere caetera; audistine! dixi. FORT. Nimis imperiosus es. In optima ac bene ordinata Republica bonos merentesque plerumque dignitatibus decorari videas; ubi enim ex legum praescripto res agitur, virtus primum obtinet locum. Atque hoc ut plurimum ita procedi: nam bonus, quandoque Princeps dormitat, & mali virtutem ipsam, quam odio habent, aliquando reverentur, & ornant. De media republica, numquid jubes? SIM. Non necesse est, teneo. FORT. Caeterum, Simo, nescio cur tam anxie dignitates expectant homines. Nam si mali sunt, atque improbi, prudentius omnino facerent, si eos imitarentur, qui aliquo corporis vitio la-

borant, qui in occulto se exuunt, ne quem habeant suae deformitatis testem; ita, & ipsi quum illicalem, & flagitiosum habeant animum, sapientius agerent, si tenebris se, & vitae obscuritate tegerent; nam dum in occulto sunt, latere possunt: quum vero in altum evehuntur, tunc insignem, atque omnibus notam faciunt suam pravitatem. Boni vero, dignos se potius dignitatibus efficere debent, quam eas ambire; nam claritas iis non ob vestem, inanemque honoris titulum obvenit, sed propter virtutem. Quare.... At quid tecum ipse, Simo? Itane me loquentem destituis? SIM. Admiror hercle audaciam tuam, quae quum manifesto tecum mendaciorum tuorum perpetuum circumferas testem, tranquilla nihilominus philosopharis, & quod caeci vident, diem jam totum pernegas. FORT. Quem tu testem ais? Undenam subito tam apertum in me testimonium dicit? SIM. Ostendam ego tibi, bellissima, quod frustra me celas. Cornu illud copiae, quod cum clavo, quo cuncta regis, post rotam paullo ante clam rejecisti, coronis, paludamentis, purpureis togis, aureis, argenteisque nummis redundans, locuplesne tibi videtur testis, qui istam repentinam paupertatem tuam redarguat? Num me oculi fallunt? Quid hinc, quaeso, in apertissima re proferes? FORT. Vere te oculi fallunt, mi senex; & ni lippitudo non istos tantummodo, sed animi etiam oculos caecutire cogeret, rem sane dilucidam modo facile conspiceres. SIM. Os durum! Etiamne loqui, etiamne conviciari audes? FORT. Tu ipse Judex esto. Accedecis ad me, amplius, adhuc amplius. SIM. Quid amplius? Quo me insinuem? Jam unum sumus. FORT. Satis jam est. Age excutiamus modo simul locupletis hujus cornu divitias. En primum coronas: hanc, quae fulgentissima est, tibi largior: quid ea tibi videtur, Simo? SIM. Pulcherrima sane, cedo eam. Proh sum me Jupiter! Ex brachæa coronam! At ex purissimo & solido auro videbatur. Tibi eam

N

habe,

habe, nil moror. FORT. Excute modo imperatorias chlamydes, ac Principum virorum vestes. Cape ex his, quae splendidior tibi ac nitidior videtur. SIM. Vah! quid crocus ad hanc, quid hyacinthus, quid purpura? Ut pelsucet, ut suaviter nitet! Vereor manum admovere, ne & haec in manibus nullius precii evadat, atque derepente ex auro carbones. FORT. Quid moraris? Fortunam aspernaris talia largientem? SIM. Capiam enimvero. At o Dii magni! Papyraceam repente vestem, quis Deus effecit! Nonne ex auro, & serico vellere videbatur contexta? Pol merum portentum est. FORT. Nempe falsus es. SIM. Quod quidem mihi acerbissimum accidit. Sed diademata, regiaeque vestes cui libuerit largire; per me sane licet. Aurum modo da mihi, caetera nec curo, nec volo. FORT. Cape ergo quantum libet, quis vetat? SIM. Amolire isthinc primo inanes istas tragaedias, ne quid morentur. FORT. Factum. Cape jam. SIM. Salve aurum, quod noctu etiam videris refulgere, praesidium, ac solatium vitae, humanorum negotiorum omnium interpret, mulierum, virorum, Regum, pauperum, barbararum, excultarumque nationum amor, atque deliciae. Quamdiu te, quam enixe frustra concupiui! Salve iterum, quum te tam prope tandem aliquando saluto. FORT. Cape, quid magnifice declamitas. SIM. En capio: heu me! Iratum Plutonem, Deosque omnes habeo. FORT. Quid ita? SIM. Quasi in comae diis olim solet, ita mihi modo accidit: lupinos cepi, dum aurum capere mihi videor; heu me miserum! Et meherecule adverso Jove natum! FORT. O Simo, Simo, nescis, vere comoediam vos agere, & variis indutos personis, tantisper dum vivitis, Reges, Duces, divites, pauperes esse: acta vero fabula cunctos homines morti, veluti Chorago, personas reddere, & ad propriam nuditatem omnes redire. Idem qui sese in scena ludere noverunt, nihili prorsus faciunt, Agamennonem an servum agant. Qui vero rem
serio

ferio agi opinantur, potentia, nobilitate, divitiis ita decertant, ut lepidum sane, & jucundum suis contentionibus spectaculum praebeant sapientibus. SIM. Quid mihi isthaec putida ingeris? Jam plus milies legi. At modo, & haec, & quicquid praeterea scio libentissime vellem dediscere, nam sciam, necne mea quid refert? Satiuse pol esset, Regem modo, aut beatum aliquem in hac comoedia me agere; atque haec omnia, & si quae insuper sunt, missa omnia facere: quam pauperem, & miserum, tam praeclaras libellas, splendidasque callere nugae. FORT. O aetatem male actam, atque ineleganter! Quae post tot annorum labores, tantis adhuc inscitiae tenebris involvitur. O si paupertas ista quanti sit facienda intelligeres; quae promptum, atque expeditum in difficillimo isthoc humanae vitae itinere te praestat, quam libenter preciosis hisce periculis, & fulgentibus impedimentis careres, quae, ut vitam operosiores & undique implicatorem efficiunt; ita, quod malorum culmen est, anxiam, & omnibus sollicitudinibus circumventam mortem cogunt oppetere. SIM. Vide, ut philosophatur venefica! Ut alacriter in vetustissimis nugis exukat! At nae ego fungus sum, qui tecum, quasi cum aliquo Patrefamilias, sella posita, tranquille decem jam horas per otium disputo; nec mihi in mentem venit stulto homuncioni, cum Dea me omnium vasserrima, ac potentissima loqui. FORT. Quid huc, obsecro, ego feci, quae nulum verbum elocuta sum? SIM. Quali non tu praestigiis, & carminibus, improba, oculos, atque ingenium obstupefeceris meum, ut quae in manibus, & sinu essent, ea nec videre, nec tangere mihi videretur. At quantumvis operam, studium, diligentiam intenderis; ad divitias crede mihi haerebis: nec Simoni, quantum ad eas attinet, ulla ope poteris imponere. FORT. Adhuc igitur de divitiis disputabimus? Nec tibi satis est, quod veritatem ipsam non per ambages, sed caesiis istis oculis

aspexeris, manibusque istis curtis, acque rugosis pertractaveris? SIM. Minime gentium satis est; integram hanc disputationem ab ovo ad mala te prosequi jubeo. FORT. Nescio te stultiorem, an pejorem esse credam, ita hebes ingenium est tuum, & pessimus, ac corruptissimus animus. SIM. Dii averruncatores, quaeso; auferte hinc in pessimum cruciatum oblatricem hanc importunissimam. Porro num me adeo vereri censes faedissimam, ac perjuri nomen, ut ideo tam contumeliose tractari patiar? Desine jam contumeliarum; opum causam, quod bonum, faustum mihi, felixque eveniat, ingredi. FORT. Unde me vis initium facere, mone, ne errem. SIM. Unde? Ab iis potissimum, qui in ipso matris utero divites sunt, qui vix lucem aspexerunt, quum magna talenta possident: eos dico, quos tu in ampla & copiosa domo ex divitibus parentibus nasci imperasti, ultro iis favens antequam nascerentur. Hos tibi non solum caros, sed sane filios esse perspicuum est. Nam qui major excogitari potest fortunae favor, quam nullo profluxu merito in vitam simul & opes, ignorantem, & prope vagitibus & lacrymis repugnantem produci? His ego maxime omnium invidere soleo; & quum paternis eos opibus superbientes conspicio, rabie differor, mecum reputans, casu illos, & tuo beneficio tumescere, quasi propria virtute. FORT. Buccones sane isti, & satui sunt, qui in ejusmodi rebus se tanto opere effierunt. Tu vero haud valde sapientior es, qui istos invidia, atque admiratione prosequeris, quum miseratione, & contemptu omnino digniores sint. Verum, ut ad rem: non putas, Simo, ex maris feminaeque coneresse natos gigni? SIM. Derides? Quid aliud patem? FOR. Porro necessarium est, ex pyri semine, pyrum nasci, ex mali malum, cedri cedrum, ex simiae simiam, leonis leonem. SIM. Necessarium. FORT. Necessarium igitur quoque fuit, Simonem ex Calvisio nasci, Demeaetum illum divitem in tua vicinia, ex Dyonisio: atque eodem pacto

pacto prorsus necesse fuit, quemque hominem cum habuisset patrem, quem re ipsa habuit. Nam quid hic fortuna faceret? Nisi me, perturbatis Naturae legibus, praegnantem mulieres efficere censes, non suos viros. SIM. Quae mihi opinionum monstra attingis? nunquam ego sanus id cogitavi. FORT. Quid ergo me posse hac in re dixeras? SIM. Nempe ditari a te parentes, ut ii, quos diligeres, e divitibus nascerentur. FORT. Enimvero mirabile fuerit, me ei favere, quem nesciam masculum an foeminam, album, atrumve, gibbosum, an rectum, strabonem, an paetum fore; & quod magis mirere, ignorem, in lucem venturus sit, necne. At quando me in istorum gratiam parentibus divitias dilargiri credis, inspiciamus o generose, quodnam ejus rei afferas argumentum? SIM. Sexcentis modis eorum Patres ad divitias evehis; visne singula narrem? FORT. Orbis itaque, ac caelibem vitam agentibus non faveo, aut alio quopiam pacto faveo. SIM. Nequaquam vero istuc, sed pro libidine omnibus. FORT. Quid igitur praecipuum iis impertio, quibus largior, ut ex magnis, ac divitibus oriantur? SIM. Idipsum, ut ex divitibus oriantur. FORT. Recoctam crambem apponis: dudum est, quum hoc explosimus. Jam intelligis, Simo, ad genus te esse delapsum: eoque tandem quaestionem recidisse, ut videamus, meane liberalitate, an sua industria, aliisque de causis, non patres solum, sed quicumque homines ditescant. SIM. Et intelligo, & expecto quid dicas. FORT. Dicam, o bone, ab eodem hominis animo, a quo superiora omnia descendere cognovimus, divitias quoque proficisci, & nonnihil a necessario naturalium causarum ordine adjuvari. Verum quia improbus, & inanis labor esset, singulorum hominum minutitas fortunarum species percurrere: satius mihi videtur ea ad certa quaedam capita redigere; ut, explicatis breviter generalibus causis, facillimum tibi sit, eas ad singula, ubi usus fuerit, accommodare. Tuum autem est, Simo,

Simo, qui res urbanas diuturna meditatione complexus es, ea summa capita nobis indicare; ne quaedam a me, postmodum crimineris, propter difficultatem esse praetermissa.

SIM. Difficile opus narras, quod sane non extemporalem operam, sed longam acremque requirit inquisitionem. At, ne quā hodie effugias, aggrediar ad opus, & si omnia assequi nequivero, pleraque tamen exponam. Sex praecipua divitum genera, ut quidem videtur modo, in Civitate sunt. Primum hercle genus eorum est, qui testamentis, atque hereditatibus ditescunt: secundum mercatores complectitur: tertio ii continentur, quibus aliqua publicae privataeque rei procuratio obvenit: in quarto sortentis turba est; quintum aleatores absolvunt; postremi veniunt thesaurarii. At at praeterieram imprudens mirabile quoddam genus hominum, qui quum in sordibus & ocio tota vita jacerint, divites tamen repente per civium ora volitant, in quibus mehercle maxime soleo obitupescere. Haec modo velim mihi enucleate explices: si aliud quid postmodo succurret, requiram. FORT. Quum indicaveris, illico satisfaciam. SIM. Incipe hoc jam. FORT. Ex testamento divites bisariam dividemus; Simo; vel enim propinquorum, & consanguineorum hereditatibus divitias nacti sunt: vel amicorum, & extraneorum liberalitate. SIM. Probe hoc quidem. FORT. Illos meo favore opes assequi tu certe non dicis, absurdum etenim esset. SIM. Cur non dicam? Immo eos quammaxime. FORT. Jam ego tribunal conscendam, album proponam, interdicta, actiones me daturam pollicear, fascesque Praetorios mihi jubebo protinus anteire. SIM. Quid istuc tibi vult? FORT. Quia Praetoris munus est, eos qui agnatione, aut cognatione juncti sunt vocare ad propinquorum suorum bona possidenda. Quod si tu me hinc rebus praefidere arbitraris, extra ordinem urbanam mihi provinciam demandas, jusque invadis, quod Populi Romani fuit.

SIM.

SIM. Non urgebo amplius: ne me a Praetoria aequitate traducas ad juris civilis laqueos, ac subtilitatem. Alterum, quaeso, ex testamento divitum genus exequere, primis in sanguinis jure quiescentibus. **FORT.** Invita, facitor, invitum te ad jus civile traham. **SIM.** Quid ita? **FORT.** Lex est in duodecim, quae Patrifamilias super pecunia sua liberam esse testandi legandique potestatem jubet. Cur itaque, si quis amicum heredem scribat, aut quippiam legassit, id non Romano, sed meo jure faciet? **SIM.** Faciat quantumlibet civili jure: nunquam vero, ut illum potius, quam me scribat, ab aliquo jure descendet, nisi tuam improbitatem admisceas. **FORT.** Ea vero, Simo, amoris, & grati animi lex est; qua nescio an in Populorum scitis, & rerumpublicarum legibus sint ullae firmiores. Iis etenim plerumque morientes bona sua relinquunt, quos incolumes dilexerunt. Adde heredipetarum mirificas artes, testatorum coecam ultimi illius temporis trepidationem, magna simulati amoris ludibria, familiarium dolos, captatoria, & quandoque supposita testamenta. Inspice, Simo, diligenter genus hoc, statim patebit, minimam in eo difficultatem esse; nec tam unquam ignotus heres scribetur, quin, si rem attente perpendas, facile intelligatur, qua potissimum causa scriptus sit. Verum permodicus modo hac in re est labor. Vix etenim unum, aut alterum invenire est, qui hereditatem ex amici testamento ceperit: nisi fortasse eos in hoc numero recensere velis, quibus tabula quaedam, aut vasculum quoddam argenteum relicta sunt, codicesve perpauci. Tenuit olim, Simo, tenuit inter honestos graveque viros in bene moratis civitatibus praeclarus hujusmodi mos. Nam tunc temporis piaculum fuisset, quos quisque optimos amicos habuerat, iis, sinminus heredes posset instituere, unciolam non aspergere, nec legato saltem honorare: ac si testamento eos neglexissent, vivi amicitiam viderentur mentiri esse. Nunc alio res vertit,

alii

alii prorsus hominum mores. Quare nil minus verendum est, quam ne nimis multi, quod quidem ad hoc attinet, tibi videantur fortunati. SIM. Mehercule te ausculto lumbens, Fortuna, de novis hisce hominum moribus, & de prisca probitate graphice differentem, & nisi ea modo res ageretur, cui nil decet praeverti, sane possem vel integrum mensem libenter de his audire. Attamen de omnibus fortunis meis nunc agitur; nec nisi patris consiliis, acceptisque a te, quas tamdiu jam depereo, divitiis, alio mihi licet sermone, aliisque cogitationibus animum meum oblectare. Quare exhausta jam hereditatum causa, te vel ad mercatores, vel ad thesaurarios confer. FORT. Itaque thesauros aggerediamur. SIM. Haec mihi maxime omnium compendiarium ad discendum videtur via. Nec cuique te amicam magis, atque obsequentem fuisse existimo, quam iis, quos hoc modo ditasti. Etenim vix animo possum comprehendere istorum incredibilem laeticiam, quum in extrema rerum omnium positi necessitate, atque ad summa jam consilia adducti, derepente vel ollam quampiam, vel dolia quoque integra omnis generis pecuniae repleta sub foco alius defossa, alius sub neglectis ruderibus, alius alibi ex insperato conspexerunt. Mihi saepe tentata haec militia fuit, nec aedes fuerunt ullae, ubi habitaverim, quin pene a fundamentis exciderim, dum occultissimos, atque obscurissimos quoque augulos perscrutor; parietes omnes, qui altius aliquanto, & raucum quiddam percussi resonarent, perfodio, focum, laquearia, pavimento disturbo. Quinetiam aliquando in aliena praedia, quasi in expeditionem quandam, cum omnis generis ferramentis noctu profectus sum, inani usque, atque infelici labore. Nam modo me canes per avia atque incognita praecipitem latrando egerunt, dum opus perficerem: modo fundi dominus alicunde subito exortus, quasi nocturnum furem me comprehendit, probeque tergit, & fuste dolatum, vix post biduum dimisit jejunum, & vibicibus

bus ampliter variatum. Aliquando, quod quidem, Fortuna, aegerrime tuli, alte defossa humo, quum jam in eo essem, ut ad quemlibet ligonis ictum fulgorem auri videre mihi viderer, corbesque jam quamplurimos ad illud avectandum parassẽm, innumerabilia subito cornua ex illo scrobe mihi apparuerunt, ut omnia ab Urbe condita omnium animalium cornua eo in unum locum, quasi ad spectaculum quoddam, convenisse viderentur. Et, si tibi aliqua est cura veritatis, profecto nullum mortalem unquam fuisse confitebere, qui crebrius hac in re tibi risum excusserit, quam ego, qui plane indefessus in ejusmodi expeditionibus fui. FORT. Pol ego nunquam antehac tam volens, libensque risi, ac modo me ridere cogit stultitia tua. SIM. Quid, malum, adeo stulte dixi, mulier sapientissima, ut verbum efformate non possis prae risu? Sane tibi pruriunt scapulae. Jam vero non desinis? Non desistis? FORT. En jam destiti; jam non amplius rideo. At pace tua, Simo, prorsus in mea potestate non fuit, ut risu abstinerem, quum narranti tibi praeclaram illam militiam tuam, rubentes istos ac minutulos oculos prope ardere cernerem, frontemque superciliis mirifice suspendi. Et tanto hercle magis, quod a tam serâ facie, & mere philosophicis rugis aliud omne debueram expectare, quam assiduas fissiones, & servile illud, ac laboriosum opificium. SIM. Mihi ego fodi, mihi laboravi: non haec tua curatio est. Illud quamprimum te jubeo dicere, curram, mihi tanta diligentia incassum cecidit; nonnullis vero aliud omnino agentibus evenit, ut in auri montes imprudentes inciderent: spero te cachinnos istos tandem repressuram, quum intelligas, de re undequaque difficili tibi differendum esse. FORT. Quaero ex te, Simo, si quis ad arcam tuam furandi animo accesserit, quid in ea censes illum reperiendum, idne, quod tu inibi servas, an, quod omnino in arca non est? SIM. Inveniet profecto, quam ibi servat uxor croceam pallam, amiculum puniceum,

O
quod

quod ei quondam avia nuptiale donum misit, attrita quaedam calceamenta, caricas praeterea, panem, & salsamenti nescio quid: plane, Fortuna, parum omnino praedae praedatoribus. FORT. Aurum vero cur non inveniet? SIM. Scilicet, quia non est. FORT. Fur iste igitur, Simo, non quod ego ei fuerim adversa aurum in arca tua reperturus non esset, sed ideo, quod tu nullum unquam ibi reposuisti. SIM. Per Jovem non alia de causa. FORT. Cujus ergo me criminis postulas, si quum tu in iis locis foderis, ubi thesaurus non erat, aurum non invenisti? Nam ut tu reperire posses, oportebat alium quempiam nummos ibi antea defodisse. SIM. Oportebat id quidem: verum ut ego ad cornua, ille ad argentum deferremur, fortuito equidem evenit, non prudentia, non consilio, non necessitate. FORT. Illud libentissime do, non consilio, nec prudentia id accidisse: at ridiculum est, quod humano consilio non accidit, id continuo affirmare nulla de causa evenisse, quasi uni homines rerum omnium effectrices causae essent: quod quidem totum est arrogantiae ac superbiae vestrae. Atque ut hoc elucescat magis, age inspiciamus, quid tandem sit casus iste, cui tu unice niteris. Mihi quidem videtur, id casum vos appellare, quod sic evenit, ut vel non evenire, vel aliter potuit accidere. Veluti quum quis agrum colendi gratia fodiens thesaurum reperit, vel quum sagitta alio deferatur, ac animo sagittarius intenderat, & deinceps eodem pacto in omnibus. SIM. Docte rem tenes. FORT. At nisi incognitas opiniones in animum passim admittere vestra esset consuetudo, epul, ut sexcentis erroribus careretis, ita hanc de casu sententiam penitus explosissetis. Etenim omnino verum est, certis motibus, & actionibus certos necessario effectus respondere; & naturali quadam colligatione, ac necessitate, quum actum, aut motum est aliquid, continuo id sequi, quod ei motui, atque actioni naturale ac consonum est. Has propter leges, quae

quae semper atque ubique locorum eadem sunt, quum campanum aë malleo percutias sonus editur, quum vitreum calicem eodem serias malleo, is frangitur; quum aquam vase contineas, quali solida stabit, quum effundas, ea statim disfluet. lisdem legibus, eademque necessitate causarum, ne singula percurram, reguntur universa. Quum igitur quis terram fodit, ut cominus tecum agam, Simo, necessarium est, quod occultum erat, ac sub terra latebat, sublata desuper humo, in lucem proferri, siue lapides ii sint, siue aurum, siue cornua: Nec quia vobis preciosius lapide est aurum, Natura ideo leges mutat suas, atque hoc altius, & accuratius servat ac continet, illum facilius prodit, atque educit. Sed aequo omnibus jure, aeternisque legibus immota vestris opinionibus non immutatur. Itaque, etsi aliud cogitavit homo, aliud reapse evenit, attamen id evenisse certum est, quod actio, quod motus requirebat. Nec enim sagitta eo delata esset, quo casu vos feriisse dicitis, nisi eam vel ita sagittarius (prudensne, an imprudens, nil prorsus ad rem) impulisset, vel alia quaepiam objecta res deflexisset, ita ut alio ferri non possët. Ut vero tu in eum locum incideres, unde quisquiliis meras effoderes, ille alter ollam auri plenam, id sane non fortunae, neque Naturae peccatum est: verum ut cogitatio, suspicio, aut opportunitas quaedam vos impulit, ita in diversa ivistis, & quisque id invenit, quod inveniri necesse erat. Quem igitur tu casum dicis, cum nequaquam casum esse intelligis, Simo, sed stupiditatem, atque ignorantiam tuam. SIM. Quasi me gelida persuderis, ita totus horreo, & frigeo; lingua palato haesit, mens nusquam est mihi. Nunc hercle proram, ut ajunt, & puppim amisi, nec quid agam, quid dicam scio. FORT. Hui! Simo, vix unum, & alterum divitum genus percurrimus, & desperas jam! Erige te, caetera erunt fortasse meliora. SIM. Heu me miserum! Haec maxima mihi spes fuerat; nec quicquam a te

tantopere mihi expetebam, quam thesaurum. Nescis quid sit, sine ullo labore, sine ulla expectatione, sine cura, sine molestia momento temporis ditescere. O rem mihi optatissimam! O Simonem miserrimum! FORT. Obsecro, Simo, quid agis? Nullumne ejulandi finem facies? Ah pudeat senem. . . . SIM. Ego tibi hodie jugulum istud dentibus hauriam, pessima, & linguam istam impurissimam minutatim concidam; quae mihi querelarum etiam solatium adimis. FORT. Plora, luge, afflicta te, ut lubet, quid enim ad me? Ego quod indecorum senectuti tuae videbatur, tam fracte ac muliebriter queri, ideo ut desisteres hortata sum; caeterum age quod vis. SIM. Ut composito loquitur vultu, venefica! Quis ei non crederet? Occidam ego te hodie, si vivo. FORT. Ego foedus te, quae tua fides est, servaturum confido, nec isthaec dicta me terrent. Nunc, si videtur, cernamus caetera. SIM. Cernamus. FORT. At quid potissimum?

SIM. Nunc ignavissima es, omnia nescis. Age, excute mercatores. FORT. At quid tibi fortunae opus videtur in mercatoribus? SIM. Toti scilicet tuum opus sunt a capillo ad pedum unguiculos. Tu sordidos ac tenues homines, ubi in mentem venit, ab avito luto ad summum extollis divitiarum cacumen. A tunica, & vili focco evehis ad purpureas togas, & sublimes cothurnos: divitias, honores, nobilitatem, regiasque iis uxores quandoque dilargiris. Tutum mare, ac placidum praebes, piratas avertis, maximarum rerum opportunitates offers, & quicquid inceperint, continuo reddis effectum. Contra, eadem, quum libitum est, Coelum, Mare, Terram misces, humana omnia turbas, rerum ordinem invertis, ut infeliciissimi cujuscumque conatus retundas: naves in brevia, & syrtis impingis, merces corrumpis, earum precium ex insperato minuis, atque, ut uno verbo rem absolvam, velint nolint, in perpetua eos cogis vivere paupertate. Nec tibi turbandi hic finis est. Eosdem illos, qui-
bus

bus tantopere adspiraveras , nonnunquam derepente affligis , & securos , ac fidentes. prosterne ; illosque , quibus maximopere adversata fueras , immutata nulla de causa voluntate , abjectos erigis ; atque ita hos illis , illos hisce , perpetuis vicibus jubes in divitiarum possessione succedere . Ista haec , o fortuna , tam aperte tua sunt , quam hinc oculi , hae manus sunt meae . Quid taces ? propera , viden' advesperascere ? FORT. Ne verere , Simo ; non occidet hodie sol , quin hinc discesserimus , rebus omnibus inter nos undequaque peractis . Huic vero disputationi de mercatoribus maxime affinis est ea , quam habuimus de bellorum eventu . Mercator etenim Duci similis est , qui , pro industria ac prudentia sua , rem ut plurimum bene , aut male gerit . Merces sunt militum loco , quae si perite seligantur , ac tempestive locisque suis emptiones venditiones de his instituantur , magnis plerumque bolis , certoque lucro mercatorem auctant . Ultrique vero , Duci nimirum , mercatori , communes ii casus sunt , quos fortunae tribuitis ; venti , tempestates , pluviae , rebusque gerendis momenta quaedam adversa , vel secunda . Utque Duci diximus , casibus his sapienter moderanti , prospere eventa cadere , eodem pacto si mercator se se his prudenter commiserit , ita ut quamminimam ab istiusmodi rebus ea , quae gesserit , pendeant , spem sane per raro negociorum exitus fallat . Qui talem se praestat non hercle fortuito ditescet . Qui vero imperite , atque oscitanter rem administraverit , nec , quum aliquid gerendum suscepit , bona malaque diligenter circumspexerit , occasionibus pariter instare ignorans , ac vitare contraria , hic sine impulsu meo , ipsemet ultro concidet . SIM. Dederim ego lubens , nonnulla a iudicio , ac industria mercatorum pendere : verum , ut omnia ab his praestari possint , id vero nunquam affirmem . Quo enim ingenio , qua arte mare ventosque obsequentes efficient ? Opportunitates excitabunt vendendi , emendique ? Institorum , ac negotiatorum ,

torum; quibuscum commercia exercent, fidem retinebunt? Haec talia sunt, ut longe exsuperent humanae industriae caput. FORT. Praetereo, haec ipsa nonnihil propter hominis prudentiam, vel imprudentiam magis, minusve officere; cominus orationi tuae instabo. Vide quo te contentionis aestus abripiat. Quid fortuna, vel te Iudice, peccaverit, si non ex fide intitor pecuniam trahat? Quid? Si amicus quispiam male gerendo rem patrimonio dejectus est, unde jactura accidat mercatori? Nil per Jovem, Simo; nili furta etiam, perfidia, fraus, hisque similia tibi videntur fortuita. Praeterea doceri a te cupio, quomodo alicujus rei caritatem ego alicubi efficiam, scilicet, ut alumnorum meorum merces plurimi veneant: utque eadem vilitatem, ubi libuerit, inducam, ne, quos ego odi atque aversor, lucrentur. Haecceine, ut ego faciam, Simo? O puerilia deliramenta! Mare vero non fortuna, non casu agitur, sed ventis, sed superiorum corporum impulsu; horum autem aeternae, ac naturales sunt causae. Vos vero ideoque mare ventosque Naturam cedere, atque agere arbitramini, ut minuto cuiuspiam homunculo naviculam lucelli causa exercenti favcat, aut negotium facessat? O suavia ac ridicula capita! Amabo, quid hic diutius tempus disperdimus? Taedet me profecto, nec ulterius sine stomacho his de rebus loqui possum. SIM. Nec ego audire, si me obsecres. Scire tantum a te cupio, an etiam a te segreges conversionem illam, quae nonnunquam divitibus istis accidit; ut, postquam summas opes consequuti sunt, decrescere paulatim incipiant, postremoque ad paupertatem regrediantur. FORT. Jam paucis rem istam conficiam. Hunc rerum ordinem hominum indoles in divitiis parandis, ac dimittendis plerumque servat. Paupertas primo existit; quae quum ingeniosum, & cupidum hominem nata est, acerbis eum stimulis agitans, oeconomiam colere, ac industriam intendere adigit; unde continuo divitiae progignun-

gnuntur; his nobilitas comparatur; qua parata, fastus, & inertia subingrediuntur; haec patrimonium exhauriunt, & rem ad sua initia reducunt. Inde ea vicissitudo est, quam tu divitibus instare mirabar: quae longioribus, aut brevioribus perficitur intervallis, prout eorum est ingenium, qui divitias parant, & amittunt. Credo nil te ultra quaerere. SIM. Prorsus. FORT. Visne igitur alio sermonem transferamus? SIM. Quod quidem felicius mihi eveniat, quam praeterita. Sed nimium timeo a fabellis tuis, Poëtria. FORT. An tu fabulas reris, quae diximus? SIM. Non videntur, at sunt fortasse. Astum, & malitiam tuam maxime metuo. Nunc vero inspiciamus eorum vias, qui publicae privataeque rei administratione ad divitias perveniunt. Hos quomodo dices expone, nam ego juxta cum ignarissimis scio.

FORT. Horum hominum a me ad Mercurium tutela est transferenda. SIM. Curnam? FORT. Quia generosi isti, Mercurio auctore, pecuniam publicam quasi suo jure, siquidem publica est, in suos usus avertunt: privatam autem, ut amici, quorum sunt omnia communia, surripiunt: vel potius freti naturae legibus, quibus nulla sunt rerum dominia, nisi occupantium, rebusque occupatis incubantium. SIM. Optimo nimirum jure. FOR. Cui optimo juri ut resisterent, Peculatus, de Residuis, Tutelae, Negociorum gestorum, & tot hujus generis actiones invexerunt Romanae leges. Num me diutius inter tagaces istos retines? SIM. Nil moror, I quo lubet, & si videretur, ad forum. FORT. Nescio cur praecipuum quoddam genus divitum effeceris ex forensi turba. Namque & Medici, & Architecti, & universi, quibus ingenium divitias parit, in eadem sunt navi; nec cur tu ex tanto numero unos omnium Jurisconsultos selegeris, intelligo. SIM. Ut cate dissimulas! quasi sit aliquid, in quo magis inoprium elucescat tuum, quam forum. Quod medius si quis vere fortunae Euripus appellari posset. Nam quid tibi ego

ego narrem? Quam mira, quam nova ibi quotidie efficis? Mihi quidem, quamvis longe a forensi tumultu vitam egerim, quum illarum rerum conditionem mecum saepe reputassem, visum est, in brevi illo fori ambitu, ea omnia a te cumulate fieri, quae per omnem Orbem sparsa, ac divisa soles efficere. Ibi summa imis, ima summis perpetuo misces; rationem, jura, ordinem confundis; hinc temere aufers, quod illuc eadem temeritate transferas: merentes, & nec merentes fortuito sublevas, opprimis: modo virtuti, modo, & saepius audaciae atq; impudentiae faves; ignavos, industrios, sceleratos, probos, doctos, indoctos veluti quodam vortice sursum deorsum nullo ordine, nulloque certo judicio deprimis, attollis. Atque omnia haec tanta varietate, atque inconstantia, ut vix harum rerum exiles quaedam umbrae sint, quae in imperiorum, ac bellorum casibus a te effici arbitrabar. Ideo, licet, & in Medicina, & in Architectura, caeterisque artibus nonnihil turbes, unam Jurisprudentiam seposui, nam alia longe quantum recedunt ab hujus exemplo! Tu vero obmutuistine? Quid tamdiu jam taces? FORT. Alio sermonem transfer, nam mihi his de rebus tacere certum est. SIM. Tacere! Cur tandem? FORT. Male metuo. SIM. Quid? FORT. Ne mihi impingant dicam: tu autem nosti, quam meticulosa, ac dubia res sit ire ad Judicem. SIM. Siquidem vera dices innocentia tua te tuebitur. FORT. Ignoras, mi Senex, quam odiosa res sit veritas. Tu vero non desinis me hortari, quod si Jupiter imperet, nihilominus non dicam? SIM. At nunc soli sumus, quem metuis? FORT. Ventos mehercule metuo, ne sermonem nostrum vulgent. SIM. At, at, nunc demum quid his ambagibus quaeras? intelligo, verum frustra tibi erunt tui doli. Sapienter, per Jovem, scopulosam hanc disputationem vitabas; nam quid diceres, quid comminiscereris, quominus a te forum regi existimarem? Sentio, jam pigmenta defecerunt. Quam pene cau-

cautus ille, & astutus Simo in transfennam incidi! Loquere autem, sapientissima; expone forentis Euripi caulas, philosophare etiam nunc, sane digna res est. FORT. Obsecro, Simo, cur non movenda me vis loqui? Frustra urges, loqui nescio. SIM. Hui! mirum equidem: ex tam eloquente, ac dicace, tam infans, atque inficia repente effiecta es! FORT. Profecto tu teipsum fallis; synccre tibi dico, Simo, me ob timorem non loqui. SIM. At ego timorem tuum non floccipendo; loquere, aut lege foederis tecum agam. FORT. Excrucier potius, quam committam, ut in tam avaras, crudelesque deveniam manus. Audi ergo; at scisne? SIM. Quid? FORT. Id ego, quicquid est, clara voce non dicam. SIM. Dic remissa. FORT. Non satis est; in aurem loqui oportet; inclina te paululum, pluseulum adhuc; pressius admove aurem ori. SIM. Factum. FORT. Satisne tibi haec sunt, Simo? ut credas nil fortuitum in foro evenire. SIM. Dimidio plus, quam fuerat opus, dixisti. Plane te adjutricem haud amplius desidero: quippe; Fortuna, foecundos fertilesque campos colit Jurisprudencia. Progredere itaque ad reliqua. FORT. Reduc mihi in memoriam, non enim memini, quid supersit.

SIM. Alcatores te jamdudum expectant; hi autem in te omnia sua sita habent. Nam unice ab arbitrio tuo pender, ut jactura, vel victoria ludum sequatur. Non ibi ingenium, non aetas, non experientia vel minimum adjuvant; sed omnia eum fortiuntur eventum, qui nulla prorsus contineatur praecedente causa, nec instanti, nec remota. Huic tu, bardo fortasse & agresti, constantem victoriarum seriem largiris: hunc periculosa varietate oblectas, ut inducas, & demum omnino pessumdes; illum aedium, fundorum, & fortunarum omnium auctionem facere adigis, pertinacissime obstitendo, ut ne vel semel ei alea prospere procedat. Nec modo tibi aliorum calamitates narraverim; sat erit acerbissimum ca-

sum meum in medium asserre. Nam mihi, quum aliquando quicquid domi erat contraxissem, ut ab alea discessem, frustra reclamante, & suste pugnisque contra obnitente uxore, per Jovem, inauditum quippiam accidit. Etenim quum prope trecenties talos jecissem, damnosum usque canem jeci; nec nisi conclamata pecunia, quum ira percitus talos aliud agens in medium projecissem, iterum atq; iterum aspexi venerium. Quantos tunc tibi, improba, calamitas mea excussit cachinnos? Videbas me exenterato penitus peculio implacabilem uxoris iram, cui domum plane compilaveram, serio metuentem, interdium per angiportus squalentem, & jejunum errare; hybernasque noctes, prae metu, sub Jove frigido trahere. FORT. Non tantum mihi otii ab re mea fuit, ut quae nihil ad me pertinerent, curarem. At quid te, parcum alioqui, & prudentem hominem, ad aleam adduxit? Dubium sane, & periculosum negotium. SIM. Eudemus ille in vicinia, quem Dii Deaeque evertant, infelicitent: cui mira profperitate ea res evenerat. Nam quum paucos ante dies eo praecipue nomine mihi esset conjunctissimus, quod graviore etiam, atque ego, paupertatis morbo laboraret, summas repente ab alea opes nactus est, amplissimaque domo comparata, servisque coeinctis unus ex beatorum cohorte effectus, disfluebat omnium rerum, ac commodorum copia. Et, quod maxime animum meum urebat, me quasi ignotum aliquem non modo colloquio, & familiaritate amplius non dignabatur, sed nec salutem dicenti, reddebat, nec me amplius eo modo, quo antea solitus, intuebatur; verum, quasi coecutiret, connivens, & adductis superciliis. Hic me homo perdidit: seu potius tu me perdidisti; nam cur, quaeso, tam dissimilia in pari causa evenissent, nisi tu, pro crudelitate, & imperio tuo, haec ita jussisses evenire? FORT. Longe plures ab alea decoctores effectos existimo, quam divites; mala enim res. . . SIM. Non id ego ex te quaero: abunde scio,

115

scio, & si cupis, decem millia in utramque
exemplorum memoriter tibi narrare possum, nil opus est ser-
mone tuo. Illud cupio quamprimum audire, ecquid af-
feras, cur tui juris alea non sit. Eccere expecto quanta
mendacia proferas.

FOR. Antequam in hanc disputationem ingrediamur,
convenire inter nos velim, nempe si aliquid accidat, quod ab
hominum arbitrio non pendet, omnino non sequi, sorte, casu,
temere effici. Quoniam, ut paulo ante innuimus, nonnulla
ab hominibus sufficiuntur, nec eorum ipsorum magna pars,
quorum est eorum potestas, quomodo fiat, propter humani
ingenii imbecillitatem, ipsi assequi valent. Id mihi certum
videtur. SIM. Potest admitti hoc. FORT. Rem ipsam mo-
do inspiciamus. Tria sunt in isto aleae genere, quo tu
rem familiarem tuam confecisti: nimirum tali, lusor, &
motus. Tali quidem si eos nemo jaciatur, loco non moven-
tur. SIM. Maeste! dubia equidem res. FORT. Lusorem
in meane an in sua ais esse potestate? SIM. Meherecle in
sua, si sanus est. FORT. Motum apertissime lusor ipse
ciat, non ego. SIM. Sane. FORT. Mihi vero, Simo,
quas tribuis partes in alea, quum tali, & motus in lusoris
arbitrio sint, ipse a semet pendeat? SIM. Hui vix tribus
verbis, hanc te rem confecisse credis! Nimium me despi-
cis, o bona, quae opinionem meam ne longiore quidem
confutatione dignata es. At ad rem. Homo quidem talos
jacet; apertumque est, & motum ab eo oriri, & ab eo
talos moveri: verum, ut hoc vel illo modo consistant,
id sane mere fortuitum est, quippe id omnino non regi-
tur ab hominis voluntate. FORT. Rursus mihi hominis
voluntatem obrudis? Non convenit, & alia complura
rerum causas esse? Hic equidem unica causa est, motus,
cujus leges nulla humana ope inverti possunt; sed eae,
velint nolint homines, a quibuscumque motis corporibus
adamussim servari debent. Quapropter jactis hoc, vel
illo modo talis, fortuitum sane non est, sed omnino in

Naturâ certum ac necessarium ; ut hoc vel illo modo consistant . SIM. Haud incallide tergiversaris ; at non persuades . FORT. Sponte haeres in luto . Nam dic age mihi , vir optime , si extra ludum calculos illos animi gratia quispiam e pyxide emittat , nonne sive hoc latus , sive illud , prout illi impulsî fuerint , necessario superius , vel inferius erit ? Tunc quoque me illos vertere , quâ libuerit , putas , an ita , ut rei fert natura , cadere ? SIM. Fortuna tunc quoque . FORT. Quasi dicas sine causâ : namque hominem negas id efficere : de motu , quod omni dubitatione caret , affirmare non vis : me res ipsa excludit : ubi enim de nihilo agitur , ubi nec juvare , nec perdere quemquam possum , equidem non est , quamobrem ego intersim . Sine causâ igitur tunc consistent tali . SIM. Nunquam ego , aliquid sine causâ evenire dixerim . Verum nescio , quo me veritam , tam late tenebras menti meae modò offudisti . At de talis jam vicerisiquid mihi de cæteris aleæ speciebus , quid præcipue de sortibus respondebis ? FORT. Eadem rursus , Simo ? Quaeso , si centum aleæ formas homines excogitaverint , num causæ , num rationes quoque erunt diversæ ? Sive ex papyro , sive ex ebore , sive ex aere conficiatur alea , ludendique usque varientur modi , id hercle nihil ad rem pertinuerit ; iisdem semper legibus , eademque necessitate res continebitur : nisi fortasse ex ea varietate plus minusve loci humanæ industriæ permittatur .

SIM. Jam & hoc tibi largiar . Sortes vero mordicus tenebo tuas esse . Hæ nedum vires , sed nomē etiam præferunt tuum . Hæ quondam tuam potentiam in clarissimis Orbis terrarum regionibus non vaticinio solum patefecerunt , sed amplissimis maximisque divitiis , quēis undequaque tua fana refarciebantur . Missa libenter faciam consulentium turbas , responsa , divinationes , nimis nota , & nimis pariter antiqua . Ad recentia venio , Ejus modo rei imaginem quandam retinemus : nec tu potentior

tior tunc temporis responsis reddendis fuisti, quam nunc es, e fatali illo scrinio (quo tot hominum vota, & spes continentur) hos, illosve educendo globulos, unde divitiarum aliis, aliis perniciēs obvenit. Profecto tam haec temeraria res est, tam ab omni lege, atque ordine aliena, ut mihi, ubi a te tuaque inconstantia recedo, id prorsus videatur enodari non posse. FORT. Quandoquidem vetera illa breviter a te perstricta sunt, breviter iis & ego respondebo. Credulitas, atque ignorantia & tunc ad meas sortes homines perducebat, & deinceps ad errorem ac superstitionem saepe inducet. Apud omnes gentes, omnique aeo ejusmodi superstitionis, pro temporum & locorum conditione paululum immutatae, haud levia vestigia videri possunt: iccirco de meis sortibus prolixius loquendi laborem compendii facio. Caetera quae proposuisti eadem brevitate percurram, nihil enim est, quare si longior sim, operae precium me facturam rear. SIM. Brevior fuisses, si te brevem fore non dixisses. FORT. Audi modo. Hanc tu de sortibus quaestionem inenodabilem esse nequaquam diceres, si paullo attentius rem inspexisses. Quid enim, Simo, praecipuum ab reliqua alea habent sortes istae? Quid isti globuli? Nisi quod aptiores sunt ad motum recipiendum? Quos, ubi extrinsecus quaedam vis moverit, ita moveri necesse est, ut eorum figura, situs, magnitudo, motusque inditus requisierit. SIM. Quis neget eos ita moveri? verum quo pacto sine te ii potissimum inde extraherentur globuli, quos felix, tibiue carus quispiam educum iri, magna constituta mercede, contraxerit? FORT. Quis e scrinio globulos educit? SIM. Puer plerumque. FORT. Quomodo igitur, quum tu ipse a puero manu capi, atque educi pilas illas confitearis, id agere Fortunam somnias? Porro eadem puero illi in eas potestas est, ac tibi in hos lapides, qui circa te jacent: & sicuti quum tu aliquem ex iis ceperis, non a casu ac fortuna id factum dices, sed a te:

te: ita quum pueri manus pilam educet, non ego in-
 diusfidius, sed puer id faciet. Atque ideo paria haec ef-
 se ambigis, quia omnia aperta, atque expedita sunt in
 altero, in altero autem cuncta videntur obscura, atque im-
 plicita. SIM. Et jure quidem: nam quis posset tam
 multiplicis, & variae motionis rationem assequi; & nos-
 se, quae pilae sursum, quae deorsum ire, postquam
 versaveris, debeant? FORT. Dii immortales! Quan-
 tulamcumque rerum partem novistis homines! quae ipsa
 tanto apparatu, tantisque verborum phaleris jactare con-
 suevistis. Quis Musicus harmoniam a me effici affirma-
 vit, non a regulari, certoque chordarum, atque aeris
 pulsu? Quis casui assignavit ea omnia, quorum causam
 esse motum docent Mathematici? Quum rerum causas
 videtis, me veluti prophanam longe repellitis, ubi paulo
 occultior res est, statim itur ad me. Profecto si concipi-
 peré animo, scientiaque comprehendere posses naturam,
 leges, atque universos in tanta corporum varietate motus
 effectus, non jocularé hoc, & puerile tantum continuo
 scires, sed, quod longe conducibilius humano generi
 foret, quid, & quomodo tam varia, tamque mutabilis
 pelagi motio, quid siderum ortus, interitus, progres-
 sus, regressus, quid denique Coelorum, immensique
 hujus aeris vel conversio, vel motus in Terra, plantis,
 atque animalibus efficerent. Nunc coecis similes estis,
 quorum oculos quum vix incertus, ac tenuis praeter la-
 batur radius, de luce tamen umbraque, & coloribus in-
 ter vos summo studio contenditis. Nam quum tantum non
 omnia ignoretis, audacter definire nihilominus omnia,
 legesque Naturae ipsi imponere, superbi ridendique sim-
 ul non dubitatis. SIM. Ohe! Non tu finem loquendi
 facies? Porro non serebam antehac uxorem domi, quod
 loquacissimam omnium, maximeque importunam arbi-
 trabar; nunc vero postquam infinitam istam loquacita-
 tem tuam exportus sum, jam mihi illa piscis merus est,

&

& plane in Pythagorae quinquennio . Mala ego avi , in-
 vitiisque Diis Deabusque omnibus in te hodie incidi , quae
 me prorsus e fundamentis eradicasti , trivenosica ; ita mihi
 spem omnino omnem , quod mihi reliquum erat patri-
 monium , abstulisti . At loquere jam , si quid superest ,
 loquere fabularum fictrix . FORT. Ociosi supersunt , ni-
 fallor . SIM. Immo nisi isti aliquid mihi praesidii asse-
 runt , ego sane falsus fuero . FORT. Quid tibi videntur
 isti fortunati ! Ego enim ignoro . SIM. Ludos me fac ,
 ut lubet ; tuum jus obtines . Ego nullos majori dignos
 admiratione censeo , quam istos . FORT. Quamobrem ,
 cedo ? SIM. Quia in his miracula fieri saepius cogno-
 vi . Vidi ego complures ex isto ordine , qui , quum inepti ,
 ignavique essent , atque omnium artium expertes , nitidi
 subito , atque elegantiore cultu conspiciendi , e suis tene-
 bris emerferunt . Hi quo pacto ad opes arrepant suspica-
 ri non possum . FORT. Egregios vero homines narras .
 Hos puta , amicum quempiam , aut affinem vindemia-
 re ; aut secretiori etiam arte , quam nil opus est memo-
 rare , divitias adipisci ; nisi forte verisimilius videtur ti-
 bi , me ad eos noctu clam commeare , & pecuniam asser-
 re . Sane si majorem sagacitatem adhibuisses in istorum
 viis investigandis , nulla modo tibi ea de re admiratio
 suborta esset . Quod vero tibi , Simo , mihiqae Dii bo-
 num , & prosperum efficiant , foedus bona fide serve-
 mus . Comas jam has innocuas dimitte , rotam me denuo
 conscendere sine , meumque iter proseguere . SIM. Quid ?
 Omnia te jam executam existimas ? Mane paullulum hoc
 etiam dici , quod superest , o generosa , mane . Non enim ,
 etsi multa locuta es , adversus casum , atque fortunam
 gravius quicquam adhuc protulisti . Certum autem est ,
 in rerum natura , atque in civili hominum vita , quam-
 plurima quotidie evenire , quae fors , casus , fortuna , non
 judicium , non lex progignit , quum aperte nullis ea cau-
 sis comprehendi cognoscatur . Ideo sapientum vocem
 assi-

afflique audias ; Vitam non sapientiam regere , sed fortunam ; nec hominum industriam , & prudentiam pleraque efficere , sed casum , & tempus . Et profecto miram quotidie in iisdem rebus cernimus fortunæ varietatem : nec enim ideo mihi prospere eventurum quidpiam sperare possum , quod illi idipsum iisdem artibus feliciter cesserit . Nam ubi tu adfuers , bene se res habent , utcumque fuerint gestæ : te vero adversa , omnia in irritum , immo in contrarium cadunt . FORT. O vim magnam erroris ! Vos ; obsecro te , nonne ea evenire posse creditis , quæ nullam naturalem involunt repugnantiam , vel quæ aliquando evenere ? SIM. Omnino . FORT. Quamobrem ergo quum res , aut ita , ut vos existimabatis , vel aliter accidit , fortunam affuisse , aut desuisse affirmatis , quæ huic improspere , illi vero felicem eventum conciliavit ? Quin potius dicitis (si contra evenit) tunc aliquam , aut plures e necessariis causis ad eam rem conficiendam desuisse , adeo ut nullo pacto fuerit possibile eam ita , ut sperabatis , evenire . Atque ea , quæ , similia quum essent , feliciter ceciderunt , omnium necessariarum causarum concursu adjuta fuisse , quarum una si desuisset , nunquam ea id eventum , quod habuerunt , habere potuisset . Vester autem error inde oritur , quod ignoratis omnes causas , quæ necessario , ad pariendum quemlibet effectum requiruntur : Nam his cognitis , nunquam etiam fortunam advocaretis ; sed nullo negotio , in quantumvis magna eventuum varietate , eorum teneretis rationem . SIM. Quas mihi causarum greges narras ; quæ longe meum ingenium difficultate , & numero exsuperant . Has ego nec novi , nec noscere satago . Tu Regina rerum omnium es , tu mihi una satis es pro istis omnibus . FORT. Nil profecto sapis , si tantum , ac tam clarum lumen non perspicis . At idem alia via tentemus , si qui forte veritati pateat aditus . Omnia in Mundo , vel Natura , vel homo efficit . Illa æterna est , ac immutabilis ,

bilis, & in plerisque humani ingenii captum exsuperat; hic, cui volendi, nolendique arbitrium eadem attribuit Natura, varius est, dubius, inconstans. In illa quicquid jam mille ante annis evenit, propter ordinem seriemque causarum, necessario futurum fuerat, & quicquid evenit, causis idipsum effecturis jam nunc continetur, ac naturali temporum successione, dum causa causae nexa rem gignit, per necessaria intervalla explicabitur. Quod tanta constantia, tamque immutabili haeret ordine, ut sine rerum omnium pernicie, atque interitu mutari, convellique non possit. SIM. Tu autem mihi Fatum obtrudis, dum ego fortunam inquirō. FORT. Idem haec sunt, o Simo, & uni Naturae obtemperant ambo. Nec vobis aliud certum, atque ineluctabile, aliud fortuitum videretur, si Naturae vim, & constantiam cognosceretis. SIM. Audiamus reliqua. FORT. Hominum contra voluntas in suo arbitrio est, nec nisi ab ipso homine regitur. A quo, quum aeternae illae naturales regulae, causarumque colligatio, & ipsamet sua agendi libertas vix, & quandoque ne vix quidem intelligantur; monstra isthaec opinionum de casu, & fortuna prognata sunt. Quae quum ita sint, quid fortuitum, nullisque causis comprehensum a te dicatur plane non video. Quinetiam, ne me verbo premas, ipsa humani arbitrii opera, quae varia ac mutabilia esse dixi, si rem pressius inspicias, certis plerumque legibus constringuntur. SIM. Quid ais, improba? Arbitrium hominibus adimis? Scelesti, hoc supererat, quod mihi eriperes. FORT. Dii prohibeant, Simo, ut quicquam de vestro arbitrio detrahā: verum vos ipsi illud nonnumquam imminuitis, & pene deletis. Nam primum, quantum vulgo homines consuetudini, quantum moribus tribuunt? Quid? Perturbationes nonne animis vestris imperitant? Porro vix aliquid esse puto, quod ab his liberi faciat. Namque irae, spei, timori, libidini, invidiae, odio, amoris, veluti dominis obtemperantes,

Q

tam

tam indigna ac degeneri servitute donum illud, quod omnium maximum Natura vobis tanta liberalitate dilargita est, male corrumpitis. Ita ut; Simo, nullo magis tempore servi sitis, quam quum, affectibus servientes, ex animi vestri sententia vobis agere videamini. Ideo qui non rerum fixas, atque immutabiles tantummodo causas animo comprehenderit, sed humani etiam animi naturam probe calluerit, quidve homo certis perturbationibus, & affectionibus actus velle soleat, aut nolle, quid odisse, quid amare, is prope nullo negotio, & omnium eventuum rationem poterit invenire, & antequam eveniant multo ante prospicere.

SIM. Vatem tu me pene effecisti, quod ego minime volo: dives ego a te fieri cupio, fortuna; quare omissis caeteris, hoc sis age; non tecum amplius disputo, logos, tricas, argumenta mitto; divitias a te desertis verbis peto. FORT. Credo equidem, te cavillari, ut reliquum hoc diei silentio non transigas. SIM. Diespiter me perdat, si cavillor, serio dixi, quicquid dixi. FORT. At fieri non potest, Simo, ut post tam longam, atque accuratam disputationem, ita ex animo loquaris. SIM. Audi equidem te, o fortuna, audi, rationes auribus meis, atque argumenta nescio quae ingerentem: quae mihi sane vix interea dum locuta es, visa sunt vera, paullo post tantum probabilia, nunc autem omnino falsa. Itaque in veterem meam sententiam sensim relabor, a te omnia nimirum inter nos miseri, nec aliam vim valentius, ac saepius in res humanas agere, quam casum, atque fortunam. FORT. Heu perdiram me! Quid ex te audio? Postquam te non singularum modo rerum rationes, & causas edocui, verum fontes ipsos veritatis tibi reclusi, medio in cursu trepidas, atque ad veteres errores rursus cogitas deficere? SIM. Immo, nunc cito aliquid affers quominus id fiat, jam plane defeci.

FORT. Ergo te, nitidissima veritate repudiata, ad vul-

vulgarium delirationum tenebras denuo conferes! SIM. Deliraverit sane vulgus, nil contendo. At philosophi cur fortunam retinuerunt, cur mugnam ei adtribuērunt potentiam, nec potius erroribus vulgi, uti decuit, restiterunt? FORT. Videbant sapientissimi viri, difficile admodum esse, stultis atque ignavis suadere, lege, ac providentia regi cuncta: eo quod aeternus rerum ordo doctissimo cuique satis obscurus esset, ignavioribus vero, profecto mera caligo. Ideo, ut Naturae sapientiam, & prudentissimam Universi oeconomiam a vulgi calumniis tutam conservarent, facile passi sunt, hominum querelas, & contumelias in hoc fortunae inane nomen conferri: quae, salva atque incolumi Naturae maiestate, omnia in se exciperet maledictorum tela. SIM. Gerras enim vetero germanas. Nisi quid amplius habes, frustra me contendis retinere. FORT. Audi, audi, obsecro; nec tam citato gradu ruas ab hac luce ad pristinam caliginem. Solem hunc, quem ad occasum properare ambo conspiciamus: stellas, quae mox soli succedent, certis temporum spatiis, ac motuum momentis progredi, ac regredi censes ad aeternam fixamque legem? SIM. Censeo. FORT. Quid mirum? Nonne certis limitibus coercentur, nec ultra itata litora, nisi paucillulum quiddam, discurrunt? Id tu fortunam, an lege quadam fieri existimas? SIM. Lege. FORT. Flumina vero ab eo, quo sunt, profecto reris ad mare decurrere naturam, non casu. SIM. Ita prorsus. FORT. Terram, fruges tot saporibus, colore, figura diversas constanter pro variis speciebus remere putas ferre? SIM. Nequaquam. FORT. Idem, pro tua sapientia, arbitraberis, anni tempora alia aliis cedere, rursusque, emensis aliorum spatiis, recurrere, porro me non cogente, sed naturali necessitate. SIM. Non adeo stultus sum, ut haec fortunam fieri credam. FORT. Omnia haec igitur tibi certis legibus videntur regi, atque a mea temeritate longissime abesse. SIM. Ut viderur, haec omnia.

omnia. FORT. Humanæ itaque res tantummodo solutæ tibi erunt, atque exleges; nec ordine aliquo, aut regulâ contineri eas existimabis? Ut in hujus Universi per ampla, ac speciosissima domo, cætera quidem asseras optime se se habere, homines vero, nobilissimam domus partem, seu potius dominos, sursum deorsum jactos, non loco, non dignitate, non denique ulla ex parte recte dispositos, casui atque temeritati esse permixtos? Nonne hæc affirmas, Simo? SIM. Ego vero minime isthæc: nescio enim quid improba detorseris sententiam meam. Nam pecudis hercle non hominis esset talia affirmare.

FORT. Tandem cum philosopho me loqui sentio, a vulgari hominum opinione longe abhorrente. Quandoquidem ergo fateris, Simo, certis omnia humana legibus regi, jube me res meas agere, & . . . SIM. Quod progrederis, quaeso? Nescis, mendacissima, veritatem proloqui, & me modo huc, modo illuc, quasi turben quoddam, per ambages, atque fallacias agis, & versas. Dedi ego tibi, leges quasdam esse, quæ, ut cætera omnia, homines quoque continentur: at illæ, o versipellis, majorem quemdam rerum ordinem, & generalem amplectuntur, minuta vero, & singularia non item. Namque nonnulla unis Naturæ legibus constricti homines facimus, plurima eisdem vinculis præpediti nequimus efficere: multa omnibus accidere necesse est; quaedam humanæ industriæ permixta; quaedam negata. Nihilominus, ut alter abjectus, pauper, naufragus, infelix, Diis hominibusque invisus sit, alter vero dives, Senator, gratiofus, felix, hæc, o fallacissimum caput, non a Naturæ legibus, quam minima quæque negligere mihi certum est, sed a tuo maximo scelere sunt. FORT. Eodem usque revolvimur, atque easdem mihi nugas tantum non iisdem verbis apponis. Non tibi divitiarum causas aperui, non magistratus, gratiæ, potentiæ fontes referavi? Nonne tu assentiri visus es? SIM. Tunc quidem

dem maxime : quod sane invitus feci . FORT. At quænam vis , quis metus , ut invitus aliquid faceres , a me tibi illatus est ? Nunquam vero hodie efficies , ut ego ea possim , quæ revera non possum .

Age, Simo , quum lapis in tranquillum mare jacitur , vidistinc aliquando gyros aquam agere , paucillos primum , post majores , indeque maximos ? SIM. Nemo me ea in re doctior est , o fortuna ; Nam quum dies totos ad maris litus jejuno sedere sæpius contigerit ; hoc uno me semper oblectatus sum , ut modo læviora saxa ita jacularer , ut maris superficie sæpe leviter perstricta longo tractu evolarent : modo majores lapides ab alto quopiam scopulo in profundum demitterem . Atque ibi jam plus millicies effici gyros istos vidi . Itaque quidvis ejus generis interroga , nam extemplo tibi satisfaciam . FORT. Gaudeo tam te harum rerum scientem esse . Quid ergo ? Si tibi quispiam , Simo , audacter diceret , gyros illos , non quidem omnes a lapidis jactu effici , sed maximum tantummodo , minimos , minoresque autem fortuito oboriri ; quid tu , per vitam , huic homini responderes ? SIM. Immo ne respondere quidem tam insulso , ac stulto homuncioni dignarer . FORT. Optime , quæ tua sapientia est , hoc faceres . Eadem , etenim causa minimos , ac maximum efficit . SIM. Quid ni ? FORT. Quid rursus ? Si ab aliquo , apprehenso circa centrum constituto manubrio , rota circumvolvatur , cui plures circulorum ordines adsint , nonne eadem manus simul omnes illos circulos moveret ? SIM. Aperitissimum est . FORT. Hic si stultus ille ac insulfus homunculus denuo tibi exhiberet negotium , atque extimos tantum ab illo moveri diceret , intimos vero ac minores fortuito circumvolui , huic tu homini assentireris , Simo ? SIM. Num me adeo non nauci aestimas , o præclara , quin ei saxo caput comminuerem talia prædicanti ? FORT. Quid si tu insulso illo , ac stulto homuncione longe stultior , atque insulfior es ? SIM. Mene ais ?

Qui

Qui dum ? FORT. Nonne tu modo , maximarum tantummodo rerum ordinem in humanis , regi legibus affirmabas , minora vero omni providentiâ destituta , a me turbari , atque confundi ? SIM. Quando iterum cogis , iterum ajo . FORT. Natura , o stultissime Senex , lapis ille est , aut manus , quae rebus omnibus motum ordinemque communicat , eadem magnarum (ut vobis loqui mos est : omnia enim aequae magna in Natura sunt) rerum rectrix , eadem minimarum ; nec si majora efficit , ideo negligit minima . Nec te pudet senectâ aetate , tam turpiter mente caecutire , neque ea conspicerè , quae plane ante oculos sunt ?

Tu vero quid solus inutis ? Proh Deum , atque hominum fidem ! Tunc ploras ? An satis haec tibi virilis videtur ejulatio ? Mehercule suspicor ego , te ideo tam effuse lugere , quod te , amissâ divitiarum spe , infelicem existimes . SIM. An haec suspicio est , quaeo ? FORT. Si vero sapieres , pauperem te quidem , sed non modo non infortunatum , sed felicem etiam esse crederes . SIM. Pol felix , & quidem in tabula , ut ajunt . FORT. Attende obsecro . Non tibi uxor incolumis , non liberi sunt frugi , ac prudentes ? SIM. Sunt . FORT. Non ipse vales , & viridi ; crudaque frueris senectute ? SIM. Profecto . FORT. Non salva est existimatio , non propinqui complures probi , atque honesti ? SIM. Fateor . FORT. Igitur Simo ; quum tot tibi adsint bona , & fortasse , quae pluris sunt , quid quereris , si unum quippiam deest ? Nonne tecum longe pejus agi putares , si filios protervos , atque improbos senectutis tortores , non baculos experireris ? Tu podagra , aut stranguria acerbissime cruciareris ? Turpi fama laboraret domus , propinqui , aut nulli , aut infames , inhonestique essent ? SIM. Pejus certe : iste enim thesaurus quidam esset malorum . FORT. Vides quantum a tuae calamitatis opinione deductum sit ? SIM. Nempe est ita . Verum innumeri , o
For-

Fortuna, & his omnibus, quae mihi adsunt, & pecunia insuper abundant, & potentia verendi sunt. Hos igitur merito fortunatos appelles, non me miserum, qui vix umbram fortasse quandam consolationis habeo, ne desperem, re autem ipsa cunctis omnino careo. FORT. Erras, Simo: omnia enim a Natura tam aequis partibus inter homines divisa sunt, ut unusquisque bonorum, malorumque partem habeat, nec qui ditiores, aut potentiores sunt, iidem feliciores quoque caeteris sunt habendi. Nescitis enim quanta secum mala pecunia, & potentia afferant. Nam ea, quae contentos homines videntur efficere debere, cupiditates mirifice adaugent, superbiam, ambitionem, libidinem, avaritiam accendunt. Ita ut, Simo, divitem ac potentem, difficile admodum sit, temperantem, modestum, abstinentem esse. Quum pauperi e contra haud leve adminiculum sit ad virtutem ipsa paupertas, & a pravis voluptatibus necessitas abstinendi. SIM. Nos vero non hic virtutem quaerimus, sed beatitudinem. FORT. An quemquam ad beatam vitam pervenire posse reris, sine virtute? Immo una virtus, Simo, hominem beatum potest efficere, non vero potentia, aut divitiae. SIM. Ista a philosophis sumis. FORT. Verebar, ne a laniis dicerem. SIM. Melius hercle fecisses. FORT. Fac demum, Simo, literarum in te tuarum vestigium aliquod agnoscam! SIM. Quid mihi importune literas istas, quae me perdiderunt, obsecras. Ego enim dum eas imprudens sequor, boni aliquid in iis esse ratus, in haec malorum voragines cum uxore & liberis demersus sum. Ista mihi unica fuerunt causa, ut in misero hoc paupertatis morbo contabererem. Heu me omnium infelicitissimum! Quis enim me est perditior, aut miserior? Qui paupere natus patre, pauper ipse plus paullo septuaginta jam annos vixerim, pauperes liberos relinquam, mox edituros pauperiorem progeniem. Nec mihi (qui sane gravissimus infortuniorum meorum cumulus est) fortuna.

tunam ipsam prodest hodie in manibus habuisse . Quid ergo superest , nisi ut cito curram domum , ibique suspendam me ? FORT. Caetera . Simo , ignosco dolori tuo ; verum unum hæc postremum verbum nimis incommode locutus es . SIM. Quare ? FORT. Nimis enim alta e trabe faciendum hoc esset tibi , siquidem ita longus es . SIM. Vere te ex surdo & rabido Oceano natam ferunt , vel etiam e sanguine progeneratam , durissima , quæ nunquam alicujus miserta es . Tu vero jam hinc misere cupis discedere ; nec in me mora est ulla , si unum præterea addideris . FORT. Quid ?

SIM. Nequeo satis dolere incommodam , atque perversam conditionem , qua homines vivunt ; quæ sane (quantum quidem hoc respicit) longe deterior est ea , quæ sunt bruta ipsa animantia . Nam , Dii Boni ! optimus equus diligentius , atque accuratius colitur , quam alius , qui tanti non est ; canis itidem generosior , ac fidelior in majore est precio , quam ignavus , & timidus ; eodemque pacto simia , passer , gallina , ut quæque præstantior est , ita peculiaribus alimentis , majoreque cura alitur . Unus homo hanc optimam legem invertit . Nam quanvis ingenio quis , probitate , literis , virtute alii præestet homini , præ ignavo tamen maloque vilis est , & floccipenditur . Hinc loco meliore adulatores , sycophantas , fraudolentos , audaces sæpe esse cernas , quam synceros , modestos , ac pudentes . Præcipua vero calamitas in eos perpetuo incumbit , qui literis se se tradunt excolendos : de his etenim quasi immutabili lege sancitum est , ut pauperes inopesque vivant , egenique moriantur . Porro acerbissimum est , & omnino præter rationem , meliores jacere , nequiores plerumque felices , ac potentes esse . FORT. Vulgatum est illud , Simo ; Quam quisque novit artem in hac se exerceat . Sane divitiarum , potentiae , favoris , ut & aliarum rerum præcipuae sunt artes : has qui callet , quod appetiverunt assequuntur , qui nesciunt , nunquam

quam quò tendunt , perveniunt . Nam sicuti in sutoria , aut tonsoria arte ; nemo miratur , quod probi , ac sapientes , quum nec tondere , nec fuere sciant , nil ab iis artibus lucrì faciant : quum tot ignavissimi , at qui in iis artibus excellent , inde se suosque sustentent : ita prorsus in divitiis , potentia , favore comparandis , nil mirum accidit , si primas deteriores , sed ejus rei periti , habeant , postremas vero meliores , sed ejusmodi artium ignari . Nec enim haec , Simo , (etli virtutem aliquando comitantur) sùnt praemia virtutis , sed nonnunquam merces audaciae , adulationis , fraudis . Doctos vero , literisque eruditos viros , prope necessè est , pauperes esse , duabus praecipue de causis . SIM. Necessè est ? Cur , cedo ? FORT. Nam istiusmodi homines dum mercaturam negligunt , rerum omnium administratione abstinent , forum legesque enixe odio habent , a fraude turpique omni lucro , merito quidem ac sapienter , abhorrent , nullo pacto fieri potest , ut opes assequantur : quippe in omnibus rebus ad finem certis viis progredi necessum est ; quique rectis utuntur itineribus finem ut plurimum consequuntur : isti vero , quum procul a cunctis divitiarum semitis recedant , nil hercle mirum est , si a divitiis etiam , qui finis esset , tam longe distent . SIM. Quamnam dicebas alteram esse causam ? FORT. Ea autem ab aliis extrinsecus oritur . Quotusquisque enim est , qui se meliorem , ac doctiorem diligit ? Nolunt homines eum suo favore complecti , cujus comparatione vilescerent . Ideoque nisi optimus quispiam vir , aut Princeps existat , qui suam sortem ultra omne comparationis periculum esse censèat , numquam sane , aut hercule perraro eveniet , doctum ac sapientem hominem ab alio (praecipue si aemulatio intercedat) ad honores , & divitias evehi . SIM. Abi jam , abi , quando spem etiam liberalioris fortunae mihi ademisti . Quo enim ego istum quaeram , aut ubi expectem , qui me tandem sublevet ? Abi jam , inquam , en capillum remitto , frustra mihi hodie tam anxie adprehensum .

R

FORT.

FORT. Abeo jam Simo, numquam te posthac revisura; bene vale. SIM. Hei mihi! Quid modo faciam? Illhaec abiit, jamque altum tenet. At nescio quid, respectans, loquitur. Quid? Quid ais? Intende paullum vocem quaeso, ut queam audire. FORT. Desine Simo fortunam in posterum culpae, non enim ea tibi defuit, quae sponte ad te hodie advolavit: sed tandem intellige, tibi te defuisse. SIM. Egone mihi? At, quid commisi? Quid facerem? Num falsa ea sunt, quae proloquuta es? FORT. Nequaquam, immo veris veriora: sed tu occasionem pulcherrimam ignavissime perdidisti. Namque dum morose, ac sophistice disputas, ea transvolavit. Etenim, Simo, nil hominibus datur, quod a fortuna esse dici possit, nisi occasiones; quarum articulum, qui negligenter transire sinunt, inepti, atque infortunati, qui vero diligenter amplexantur, prudentes habentur, & fortunae amici. SIM. Ergo ego penitus interii? FORT. Prorsus: nec enim ego ad te amplius redibo, qui hodie fortuna uti ignorasti.

JANUARIi PARRINI
J. C. NEAPOLITANI
PALINODIA
AD FORTUNAM.

R 2

Vitam regit Fortuna, non Sapientia.
Apud Cic. Tuscul. quaest. lib. v.

133

JANUARIJ PARRINI J. C.
PALINODIA
 AD CLARISSIMUM AMPLISSIMUMQUE VIRUM
BERNARDUM
TANUCIUM
 POTENTISSIMI REGIS NOSTRI
 A Justitiae Clementiaeque Secretis.



Agno equidem & divino ingenio, Clarissime BERNARDE TANUCJ, summaque atque incredibili eloquentia fuisse constat Cyrenensem illum Carneadem authorem tertiae Academiae: qui non modo nunc leni & sedato, nunc concitato & vehementi orationis cursu quodcunque defendendum suscepisset, egregie semper probasse, & quicquid impugnare esset aggressus, disjecisse prorsus ac profigasse perhibetur; sed etiam mirabili quadam copia in utranque partem ita differere consuevit, ut quid verum, quid falsum esset, eo utrinque causam agente, intelligi plane non posset. Quod Romae quondam ingenti experimento comprobavit. Audientibus namque Catone majore & Galba, maximis ea tempestate Oratoribus, quem pridie Justitiam sapientissime atque eloquentissime laudasset; ita in eam postridie vehementer insurrexit, ut nulla prorsus esse Justitia videretur. Cujus viri ad miraculum usque docti & facundi, quum Romana juventus, caeteris rebus voluptatibusque posthabitis, mirifico quodam imitandi studio incenderetur: horrida sane & barbara severitate idem ille Cato unus magno universae Civitatis consensui restitit; remittendumque eum in Graeciam pri-

primo quoque tempore censuit, cum Diogene Stoico, ac
 Peripatetico. Critolao, quibuscum Romam Atheniensium
 Legatus venerat: ne tantis philosophiae atque eloquen-
 tiaae delinimentis capta juventus ab armis gloriaque
 militari ad otium Graecorumque disciplinas, studia con-
 verteret. Hoc certe maximum humanae facundiae cum
 sapientia conjunctae in universa historia exemplum habemus:
 graviterque dolendum est, tanti viri nulla omnino
 existere ingenii monumenta. Ego vero, optime ac disertissime
 TANUCI, diu jam erat, quum talem tantumque
 Philosophum summa admiratione prosequerbar, ingenti-
 que ejus imitandi studio flagrabam. Sed me audaciae no-
 ram meritotimentem, rei magnitudo semper deterruerat;
 praecipue quum neminem ante me per ejus vestigia, quod
 ad ejusmodi exercitationes attinet, iter adhuc ingressum
 viderem. Et quanvis animo longe ab inconstanti illo pu-
 gnantium sententiarum patrocinio adhorrerem: nihilque
 ab ingenii mei viribus longius abesse cognoscerem, quam
 ut Carneadis efficacissimam & invictam, summisque
 Oratoribus & Philosophis formidatam eloquentiam ullo
 unquam pacto aut aequare ipse dicendo possem, aut aliqua
 ex parte referre saltem & adumbrare: ipsius Carneadis
 nihilominus, & Academiae universae, Peripateticorum-
 que perpetua in utranque partem dicendi consuetudine
 commovebar, magnamque in eo more utilitatem subesse
 suspicabar. Itaque quum tribus ante annis Lytii, ex-
 plecto judicandi munere, dicti in ea Provincia per trien-
 nium juris, antequam hunc Sarnitanam Jurisdictionem
 caperem, censuram de more sub rem, otiumque ideo
 dierum aliquot nactus essem: ne prorsus cessarem, utque
 simul valetudinis incommoda, quibus tunc conflictebar,
 jucunda aliena minimeque operosa scriptione levarem,
 quod nunquam antea ausus fueram, inverso repente con-
 silio aggressus sum. Etenim Fortunae Dialogum, quem
 decem ab hinc annis admodum adolescens edideram, de-

legi, in quem Carneadeis armis impetum facerem. At longe difficilius id mihi visum est rem ipsam aggredienti, quam antea, disputationis genus solummodo eminus reputanti, videbatur. Magna est enim vis veritatis, & adversus conscientiae testimonium scribere sane est difficillimum. Nam quum in Dialogo totis viribus contra Fortunam disputassem, nihilque nificertis, & a Natura definitis causis fieri tenuissem, exploso casu penitus omni atque temeritate; quae sine dubio vera & recepta sententia est: nunc Penelopes ritu eam telum retexere conatus sum, & Fortunam in veteri solio rursus collocare: etsi eandem veritatem, aliis tantum verbis, in scenam adduxisse alicui fortasse videri possum.

Quicquid autem hoc est, quod effecimus, id tibi; TANUCI sapientissime, omni jure debebatur: quum non modo te propter immortalia tua erga nos beneficia, quibuscunque possemus honoris gratiq; animi significationibus deberemus perpetuo prosequi: sed te admiraremur etiam vehementissime, quod tanto tamque acris ingenio praeditus, tanta doctrina & sapientia vigeas, tamque incomparabili eloquentia, ut profecto unus nobis ex Italis omnibus Carneadi maxime comparandus videre. Atque hoc tu illi, Vir amplissime, praestas, quod ille ita de rebus dubitabat, ita disputationem in utranque partem instituebat, ut aliorum Philosophorum ac Stoicorum praecipue sententias indiscriminatim subverteret, veritatemque omnem ab oculis eriperet, vel eam omnino potius delecret; Tu vero, qui honestatis probitatisque eximio quodam amore incenderis, perpensis acerrima mentis acie, utrinque rationum momentis, tandiu de rebus dubitas, quandiu ad veritatis inquisitionem opus est: qua reperta subsistis, eaque sapientissime vel ad ingenii, vel ad negotiorum regulam uteris. Nec enim te umbratilis illa atque ociosa vita delectavit, quae non Carneadem modo, sed Philosophorum plerosque sua dulcedine pelle-

xit, & a regendis Civitatibus ad quietem, inertemque verum cognitionem abduxit: verum quae magno & constanti labore, omnigenaque lectione collegeras, acrique ac diuturna inveneras meditatione, omnia, ut primum licuit, ad Reipublicae utilitatem contulisti: atque Academiae spatiis, aut Hortulorum secreto posthabito, in aciem ipsam & pulverem descendisti, aliorum hominum magis, quam tua causa sollicitus. Unde te modo, Vir maxime, miramur in tanta isthac dignitate vigilem semper & intentum, cunctarumque humanarum voluptatum expertem, omnium rerum, quae quidem ad te pertinent, ita satagere: ut quum maxima quaeque optime ac prudentissime regas atque disponas, in mediocribus etiam & minimis mira diligentia & sedulitate, quasi id tibi solam agendum esset, verferis.

Quod si plures transactis temporibus Philosophi fecissent, atque aliquam suscepissent Reipublicae partem, Periclemque potius, Tulliumque, & Catonem, quam Platonem, Carneadem, Atticumque hac in re imitati essent, longe feliciores Civitates fuissent: nec vulgares illae ac falsae de Casu & Fortuna opiniones tam late invaluissent: cui vires & regnum, ut mea quidem fert opinio, nil aequè tribuit ac eorum, qui Respublicas administrant, imperitia atque perversitas. Nam quum viderent homines, nec praemia nec poenas, quibus Respublica constat, pro meritis tribui, motuque inconstanti at temerario urbanas res ferri: quod nempe erat rectorum improbitatis aut ignaviae, id ad Fortunam rejecerunt, inscitia veritatis & causarum.

Et si unquam antea id verum esse constitit, nunc certe evidenter probatur: maximoque nos hujus Regni bono verissimum experimur, qui modo quid Casus quid Fortuna sit, postquam ita sanienter ordinata Respublica est, prorsus ignoramus. Profecto sub optimo & clementissimo Principe, tot illustrium virorum, & tuae
prae-

praesertim, TANUQ; doctissime, sapientiae atque integritati subnixo, Justitiam (Spartam tuam) qua labante concidunt omnia, aequitate & clementia scitissime temperatam cuncta regere conspiciamus: atque in omnes Regni artus veluti sanguinem quendam, vitalemque auram permeare atque diffundi. Hoc enimvero vel maxime horum temporum memoriam posteritati commendabit: quae profecto mirabitur, quod vix in aliarum Gentium annalibus invenire poterit, apud nos tot jam per annos doctrinam virtutemque praemiis & honoribus affectas liberakiter fuisse, ignorantiam dedecore, malitiam poenis, idque acquabili semper tenore, invictaque usque constantia.

Nos interea, quibus praesentibus tot tantisque bonis frui datum est, bono hilarique animo, de rebus nostris securi, literis operam demus, & si quid a subseclis jurisque dicundi labore oculi contigerit, assuescamus ad philosophiam, veluti ad vitae portum, confugere, novasque inde vires, majoresque animos ad res gerendas assumere. Modo ergo liceat, vulgarem tantisper de Fortuna opinionem fovere: rerumque nostrarum familiarium festiva narratione, ad exbilarandam lectionem, praetenta, quorundam veterum Philosophorum de Casu & Fortuna opiniones, laudantium specie exagitare; simulque ostendere, quam foede vel eorum acutissimi aliquando in clarissimis rebus lapsi sint. Nam non indocti tantummodo cecum hoc Numen stultissimo pariter atque obliuato cultu sunt prosecuti: sed Philosophi etiam ea in re turpiter labaverunt, atque hallucinati sunt, ignotamque hanc causam pluribus in rebus certae, & aeternae supposuerunt. Nam quum ipsi magnis ingeniis acerrimaeque contemplatione ad Coelorum syderumque ac temporum cursus ratosque motus respicientes: quibus in rebus mirabili quadam ratione rectissime progredientia omnia cernebant, singularique ordine inter se apta esse &

connexa: sempiternam immutabilemque eorum causam non admirati sint solum, sed nullo se se acumine, nulla arte, nulloque ingenio, quanto ea consilio fierent assequi posse professi fuerint; non ideo tamen ad homines humanamque vitam descendentes, variosque nostros atque inopinos casus, idem, ut par erat, Numen, quod ad maximarum rerum administrationem, universitatemque Naturae regendam advocaverant, in his quoque agnoverunt, illudque & coelestium rerum simul moliri, rebusque nostris Rectorem pariter praeesse, unumque immota aequabilique lege gubernare omnia. Sed absurdo puerilique consilio: quasi homines extra omnia Naturae confinia positi essemus: summam Potestatem, quod nefas immo contra rationem erat, in frustra foede comminutam Fato, Casui, Fortunae, Necessitati, Occasioni, aliisque pluribus inanibus vocabulis distribuerunt: ut repugnanter etiam, non impie modo tanta de re loquerentur. Unde patet, ubi a sacrarum literarum lumine discesserimus, quam caeca sit & ridenda mens hominum, quaeque opinio- num monstra, ingenti saepe conatu concipiat, atque edat.

Nobis vero, TANUCI pientissime, longe melior ac tutior studiorum ratio quam priscis illis Philosophis proposita est: nihil nanque de veritate solliciti, quem nos ipse Deus O. M. docere dignatus est, opinari de rebus ad philosophiam pertinentibus possumus, perque omnia libere spatium exercendi ingenii atque eloquentiae causa: & ad Divinorum Oraculorum auctoritatem in dubiis, ad tutissimum nempe Asylum confugere. Nam, quicquid contra vel indocti, vel Philosophi effutiant, quis, obsecro, Vir incomparabilis, nos inter serio de Fortuna interrogatus, risum tenere possit? quibus pro certo atque inconcussis sit, Divinam omnia Providentiam maxima aequae ac minima summo & sapientissimo imperio regere.

At

At nimis diu jam patientia atque humanitate abutor tua, Praestantissime TANUJ: cui, quum tot ac tanta negotia solus sustineas, vix ad necessaria ejusmodi vitae munera tempus suppetit, nedum ad supervacua & inania supersit.

Fortunam itaque, quae jam nos auditura in medium progressa est, tandem aliquando alloquamur,



Uod maximis etiam Oratoribus, o Dea, evenire saepenumero consuevit, ut exalbescerent in principiis dicendi, totisque adeo artibus contremiscerent; id mirum profecto non est, si mihi hoc tempore maxime accidat; qui & nulla dicendi facultate polleo, nec pro aliis, aut in aliquo mortaliū Senatu, Populive coetu dicere

aggredior, sed pro me ipso, in magno meo discrimine, atque apud Deam mihi merito iratam, Deorumque omnium potentissimam. Si ergo pavidum me tantopere & impeditum, ac pene elinguem vides, in bonam id partem accipias rogo, o Fortuna: nam hinc me admissi sceleris conscientia respirare non finit, hinc opinio potentiae tuae, quaeque de me, si velis, supplicia sumere, atque exempla facere possis, plane exanimant metu. Mihi enim Stesichori casum reputanti quid timendum non est, qui non, ut ille, notissimae levitatis mulierculae, sed tibi tali tantaeque Dēae ita infensus fuerim, ut te numenque tuum cominus impetere, e rerumque universitate exturbare per summam insaniam pertenderim? Atque ego quidem nunquam te alloqui ausus essem, nisi certus de excelsitate ac magnitudine animi tui fuissēm: & nisi eō oratio mea spectaret, ut, quaecumque de te antea ineptissime, atque audacissime scripsi, inverso stylo prorsum deleterentur. Adsis ergo benigna; teque, rotamque volucrum illam tuam tantisper modo, dum loquor, sisas; nec velis Dea a mortalibus lenitate elementiaque vinci, quos ego in pari causa mites admodum & placabiles expertus sum. Nam quum, antequam in te insurgerem, sane parum Medicis & Medicinae honorificum libellum edidissēm, ac paullo post in gravem incidissēm morbum; Medici vix pauculis verbis deliniti non modo acceptae injuriae memores non extiterunt: sed humanis-

li.

sine etiam mecum & amicissime egerunt ; summoque studio adnisi sunt , ut quam celerrime convalescerem . Hi sunt quidem hominum mores . Et quamvis a mortalibus exemplum Immortales sumere absurdum sit atque praeposterum ; non fuerit tamen a Deorum bonitate alienum , ut , si quae in hominum animos uti bona & recta indiderunt , ea & ipsi servent , ne mala pro bonis obtulisse nobis , nostraeque ignorantiae & credulitati illuisse videantur . Ex quo bonae spei plenus sum , haut repugnanter aures te mihi praebituram ; illius etiam mihi cum primis conscius , quod non malitia & improbitate te laeserim ; sed aetatis imprudentia lapsus , & senis cujusdam vasserimi cavillis circumventus falsam illam , & hercule ridendam de te opinionem adoptaverim . Neque modo satis nobis est , secreto poenitere , atque intra domesticos parietes clementiam implorare tuam ; verum inconstantiae notam nihili facientes in publicum prodimus , civibusque palam & externis gravem mentis errorem confitemur : ut si tunc temporis insaniae nostrae (nam quo alio vocabulo tam grave facinus excusem ?) testes fuerunt , nostrum modo ad bonam frugem reditum pariter noscant ; discantque de malis nostris , Divos & divina non temere .

Igitur , ne quid te celatam voluisse videar , harum rerum narrationem paullo altius repetam : & quo pacto primum a recta in erroris viam declinaverim , edisseram : quas deinde poenas tantae dementiae meritis luerim : quibusque demum adjumentis in lucem emersus , veritatem cognorim ; & recantatis solemnibus ritu contumeliis , veluti piaculo quodam , mentis meae vitium expiare , pacemque , ac veniam a te impetrare instituerim .

Ego quidem , ut nosti o Fortuna , jam usque a prima illa aetate liberalibus disciplinis bonisque artibus , pro ingenii mei modo , in butus , optimi Parentis mei cura & diligentia ,
nil

nil tam avide animo arripui, vitæque complexus sum, quam philosophiam; qua nihil augustius, utiliusque hominibus datum esse existimabam. Et quanquam Foro me, prout nostræ Civitatis consuetudo fert, addixerat Pater: non ita tamen ego me Jurisprudentiæ mancipaveram, ut caeteras disciplinas desererem. Ita fiebat, ut pro instituti mei necessitate sæpiissime inter Jurisconsultos & Legulejos versarer; non raro etiam, ut genio indulgerem, cum philosophis ac sapientibus viris essem. Sic vita erat; quum, mala quidem avi, teque præsertim adversa, cum Simone quodam sene callidissimo & plane præstigiatore, studiorum obtentu familiaritas mihi conciliari coepta est. Is etenim tum ferebatur summo in philosophia ingenio esse, &, quasi rerum Naturam penitus introspexisset, quacunque de re verissime, & sine hæsitatione quaerentibus respondere. Hic igitur unus mihi maxime omnium colebatur, atque in admiratione erat; qui & pleno pectore sapere videbatur, & vitam concordissime cum iis, quas præseferebat, sentiis, instituisse; plane ut mihi pro altero Socrate haberetur. Nam quum divitias, quas ipse præsentissimum humani animi venenum appellare solitus erat, aspernandas esse diceret, & ad magnas opes, modo vellet, potuisset emergere, constantissime renuit; fortunarum suarum angusta mediocritate contentus. Quum animi perturbationes, spemque in primis ac metum, unde caeteras oriri aiebat, tanquam sævillimos tortores velis remisque fugiendus affirmaret; nunquam in aliquam spem induci, aut in timorem delabi, ne ad mortis quidem adspectum, visus est. Quum nec bonum aliquod extra virtutem, nec malum extra vitium esse doceret; quum honeste vitam agere, amicitias constanter ac fideliter colere, injuriarum cito oblivisci, beneficiorum nunquam; atque horum similia inter tutissimas vitæ regulas, & necessaria hominis officia poneret: nemo unquam vel minimam inter ejus verba & mores dis-

scre-

scerpantiamprehendit, aut ejus officium desideravit :
 Hic tamen, qui tam probus vir videbatur, tam veri at-
 que honesti amans, homines quippe decipiebat vana vir-
 tutis specie, imponebatque gravitate oris, verborumque
 præstantia; meque amicissimum hominem nulla merce-
 de, nulla utilitate proposita, ultro fascinauit, perdidit,
 evertit. Is enim tibi maxime, o Fortuna, nescio qua de
 causa magnus inimicus erat : & ne nomen quidem tuum
 (quod bona cum venia dictum volo) sine risu audire po-
 terat : nihil te omnino esse palam affirmans, atque adeo
 viribus destitutam ut ne folium quidem ab arido arboris
 ramo posses decutere : teque unum vere e monogrammis
 Epicuri Diis esse sæpe per jocum ingerebat ; & non so-
 lum caecam, ut vulgus fingeret, sed mancam etiam, &
 pedibus manibusque, atque omnibus adeo membris cap-
 tam ; ut profecto quid, aut qualis esses, intelligi pror-
 sus nequiret. Addebat disertissimus (ut tunc mihi qui-
 dem videbatur) senex multa memoriter ex intima philo-
 sophorum sapientia, quibus te confodi & eradicari jacta-
 bat ; subdens identidem plurimarum rerum, quae ma-
 xime fortuitae viderentur, causas, quae plane nullum
 tibi aut Casui, satellitum tuorum principi, locum, ut
 ipse quidem dissererebat, relinquerent. Haec ego, qui
 tunc vix ex ephebis excessissem, quotidie fere audiens, at-
 que haec & prima illa quae ad mores pertinebant, tantien-
 dem aestimans, videntique magno plausu quae ille dice-
 ret a plerisque qui audiebant excipi ; veritatem meram
 esse ratus sum ; & te parvipendere primum coepi ; dein-
 de prout ea de te colloquia incallescerebant, penitus asper-
 nari : postremo te non solum caelo depellere, ubi loca-
 tam ab humana stultitia mihi demens persuaferam, sed
 ausus sum etiam (vide quo me illius senis autoritas, & ar-
 rogantia praecipitem egerint !) te nomenque tuum a
 rerum albo penitus expungere atque abolere. Haec tibi
 modo, Regina, haud secus expono, ac ii solent, qui in
 ma-

magno aliquo maleficio deprehensi, nec factum negare, audent, nec confiteri tamen ea sustinent, quae perniciem sibi intelligunt esse allatura. Multa hercle reticerem, nonnulla extenuarem, excusarem libens quamplurima: sed probe scio, & inepte me facturum, si te, quae omnia ut acta & cogitata sunt nostri, fallere in animum inducerem; & magnum in discrimen silentium istud & conversationem meipsum adducere posse. Constanter igitur prosequar institutam narrationem.

Itaque ego in absurdam illam de te sententiam jurare paratus, fractis demum cancellis amens furensque, egrégiam scilicet laudem laturum me, magnumque operae precium facturum credidi, si quae domi didiceram, quaeque mecum ipse (jam, si Diis placet, philosophus effectus) ea de re commentatus fueram, vulgarem, publicique juris facerem. O diem mihi vere nefastum! O rem ab omni rerum mearum memoria delendam! Tentabundus itaque primum, composito quammaxime poteram vultu, adductisque superciliis, magnum in omnibus circulis tui contemptum praemeserebam: virtutem omnia secum asferre, nihil pavescere, undique tutam & munitam esse inculcans: nihil casu, nihil fortuito evenire, resque omnes certis contineri causis; ideoque nil inopinum sapienti posse accidere, cui Natura pateret, quique ingenii acie, quasi face aliqua, quaecunque fiant aut fieri possint sagacissime pervestigaret atque cognosceret. His sermonibus quum imberbes aliquot (non multo sane majoris precii ac ego essem) in meam sententiam traductos vidissem, aleam tandem jacere, atque, ut institueram, sapientiae meae insigne hoc rudimentum ponere decrevi. Igitur rem temere aggredior, procaciter prosequor, stultissime perficio. Et profecto, si nobis mens, ut ait ille, non fuisset laeva, jam inde ab ipsis nefarii conatus initus satis intelligere poteramus, quae postea magno cum malo nostro didicimus. Nam quum

opus ederetur febrem in me repente immisisti, quae factis meis mensē prope integrum, occupatum habuit, ut nec rei praesse possem, nec quid omnino ageretur cognoscere: & quum vicaria cura doctissimo viro demandata esset, & is diligentissimam mihi operam ea in re navasset; efficere tamen non potuit, quin vel labantibus literarum formis, vel turbato & inverso earum ordine, non recta modo lectio impediretur, sed etiam sensa aliquando perverterentur.

Porro si abjecti homunculi aerumnae aequē libenter ac Ulyssis errores aut Achillis irae audiri possent, Illadem modo quandam malorum meorum; vel certe Odysseam proferrem: quorum narratione nemo tam immitis fortasse & immisericors esset, quin condoleretur, nostraeque conditioni illacrymaretur. Sed mihi miseriae meas omnes exponere cupienti, quammaxime est temperandum, ne cum tanta Dea loquens decorum servasse minime videar: neve minutis & obscuris narrationumculis hominum fastidia provocem; ac, pro miseratione, maledicta excitem; ut iis videmus quotidie evenire, qui aegrotantes, interrogantibus amicis, non febres tantum, & dolores quibus cruciantur narrant, verum adhuc si paullulum quippiam lippiant, aut pruriant; & quid omnibus nocturnae vigiliae momentis egerint, audierint; cogitarint. Summatim itaque rem pertractabo, libatisque ex magna mole quibusdam, jus tibi tuum protinus reddam, factesque & secures, quae tibi inepte ex torquere conatus sum, quantum quidem in me est, restitutam.

Enimvero tu exultantem me perfecto jam scelere, ac mihi met plaudentem; comperere insimul & castigare volens, mitissime id (sane ut pene puerum decebat) efficere decrevisti. Quum etenim aut cubiculi lecto me in ipso lectulo opprimere, aut per scalarum gradus praecipitem dare posses, casuve alio maxime tragico me per-

dere

dere atque conficere ; ad humanius conversa consilium placuit lenius in me animadvertere . Nam principio rem affabile exorsa ; paternum mihi patrimonium , satis prae familiae nostrae modulo amplum , attenuare curasti ; ut angusta domi res me angeret , animumque ad Fori labores (a quo manente domestica copia eadem abstinere potuissim) ingratis compelleret . Nempe educere me de meis munitionibus in apertum volebas : scilicet ut imperio potestateque tua circumfusus , quod me ultra reciperem , quibuscunque tandem modis mihi molesta esse in animum induxisses , non haberem .

Concussa itaque post carissimi Patris obitum re familiarum , monentibus atque hortantibus Amicis , navem tuam (liceat ita Forum forenseque curriculum appellare) tandem conscendi ; quum antea vix illam satisque oscitaret e litore , turbamque quae in ea , sagvis ibi ventis omnia jactantibus , periclitabatur , securus ipse animi , spectavissim . Nimias essem , si quae me in Foro , te comparante , tempestates exceperint , quibusque fluctibus vorticibusque actus sim , narrare aggrederer . Satis fuerit dicere , me quum assiduo labore , accurataque majorum minorumque gentium Jurisconsultorum lectione , cuicumque ex aequalibus meis in juris scientia sane par effectus essem ; laudarentque sedulo me ac probarent caeterisque anteferrent ii , quorum in manibus situm erat ut aliquid essem , parum hercule profecisse , ac prope iisdem vestigiis satis diu haesisse . Id autem ita eveniebat , ut singulis mensibus res meas tandem in melius propediem versum iri merito sperarem ; prolixè confirmantibus potentibus amicis , mei se te curam suscepturos , atque in lucem producturos me , scilicet cui in familiaribus colloquiis enixe plaudebant , ingenium & doctrinam , mirum quantum , vel ultra veritatem , tribuentes . At res nunquam verba praetergressa est : quumque ego inanis semper a laudatoribus istis discederem , interea illi , quos in prae-

me contemnere, ac nihili facere videbantur, negociis omnibus adhibiti forensi fama inclarescebant, pecuniisque ac muneribus affatim onerabantur. Suspicebam ego sapere & sane subsentiebam, quod erat revera, o fortuna; irasque tuasolvebam animo: sed veteri errore implicitus, ad receptam illam & desponsatam opinionem, rursus facile dilabebam.

Interea, ut noster magis obfirmaretur animus, ex improvviso haut parva lucri faciendi, parandaque forensi gloriae occasio mihi se se obtulit: una quippe e majoribus causis ad me delata est, quae Romae in amplissimo Orbis terrarum Consilio agi deberet. Paucis rem expediam. Negocium lubens suscepi: Romam profectus sum: causam summa fide & diligentia pluries voce scriptoque egiresque demum ita prospere cessit, ut Purpurati ad unum omnes (et sane duodeviginti eorum cognitioni interfuerunt) mirro consensu reum, quem defenderam, alio iudicio in patria damnatum, non absolverint modo, sed honoribus quoque cumularint; ejusque accusatores, primosque parricidii Judices dedecore notatos poenis affecerint. Re bene gesta gratulabantur nobis amici, & plaudebant, quod gloriam una opera, grandemque simul pecuniam (ut par erat) adeptus essem. Et sane ego mihimet ipse ita prorsus futurum jam persuaseram: atque ut illa causa in famam, hominumque notitiam me tandem deventurum sperabam; meritam ita pecuniam mente jam & cogitatione in varios usus erogaveram. Haec me cogitante, tu, o Domine, stultitiam sidebas meam; parabasque ea, quae mox rationes meas funditus essent conturbatura. Nam reus iudicii periculo liberatus, mihi vix vale dicto, & legis quidem Cinciae observantissimus, recta in Brutios rediit: mihiq; insuper forebatur subiratus; eam scilicet patrocini, ac fideliter, strenueque navatae proprio aere per sex menses operae referens gratiam. Neque his contenta alteram etiam nobis victoriae partem corru-

pi-

pisti. Etenim quum amplissimorum quorundam Purpuratorum gratia florere, in eoque tunc res mihi Romae essent, ut ibi sat omnia feliciter processura viderentur, non sine aliqua etiam liberalioris fortunae spe; tu me; his omnibus repudiatis, Neapolim (affulserat etenim rebus nostris Superum benignitate post diuturnas tenebras clarissima ac fulgentissima lux) retraxisti; quod nil; equidem certi sequebar; nec quae deserebam; ibi sperare aliquando poteram; sed magno ferebar desiderio, ingentem novi Principis gloriam, ac Patriae feliciora tempora praesens intueri, tantamque delectationem oculis animoque simul haurire. Et sane nobis tunc nimis opportune in Patriam rediisse videbamur; in ipso minimi rerum transitu & conversione; ut vehementer sperandum esset, tot summis Jurisconsultis ad jus dicendi munus ab optimo sapientissimoque Rege provectis; ac rarefcente ideo Oratorum numero; simulam aliquam nobis patefactum iri, qua in digniorem Fori locum tandem aliquando proreperemus; honestoque labore tueri possemus mediocrem familiae nostrae dignitatem. Hae quoque spes; & consilia casta nobis & irrita cecidere: ac nescio an quicquam unquam a te callidius, o Fortuna, inceptum sit. Nam quum intelligeres si ego ea consecutus essem quae polliceri tunc videbar, quaeque aud difficilia admodum futura essent, non omnino in potestate tua fore, ad dolos conversa, sane astu plusquam Punico, me insperantem porro atque immerentem ad Tresviri rerum capitalium Alitibusque per Regni Consilia judicandis dignitatem repente evexisti; nempe ut totus quantus quantus essem in manum tuam devenirem. Gaudebam ego interea, harum rerum ignarus, me primum cum honorem in familiam novam intulisse: & mihi ipse oppido gratulabar, quod vera de te vulgaviskem: quippe admodum absurdum videbatur, me tam graves tecum inimicitias gerentem talia consequi. Itaque hoc pacto ad veteres er-

rores meos obstinatio, veluti cumulus quidam, accedebat.

At tu consilii certa, me quid ageres ne somniantem quidem, honoris illecebra pellectum Patria interea pellebas: & sensim quasi e portu in vastum mare, ac plane immensum Oceanum deferebas: Aquilonibusque & Austris mandabas ut in me perquam vehementissime flarent: omnemque insuper mihi, veluti aliud agens, Cynosurae eripiebas adspectum. Scio haec aliter at nonnullis haberi; & rem eminus reputantibus longe aliam rerum speciem offerri. Tu vero, probe nosti, in eo me nec fallere, nec falli. Nam quid, amabo, in hominum vita sollicitudine atque anxietate plenius, quam honorum & ambitionis cursus? Quid ad humanum animum funditus conturbandum aptius, quam inter maximas improbosque labores vitam degere, omnique penitus liberorum studiorum amoenitate carere; ac interea spe metuque semper augi & excruciar? Hos maxime hostes summopere vitandos catus ille admonuerat senex; sed tu, o praeclara, ejusdem senis odio, utque me quae ab illo didiceram omnino dedoceres; ita me paulatim in eorum potestatem deduxisti, ut nec inde evadere sine rei familiaris pernicie possem; nec manere, quin iis jacerer ac frangerer permotionibus, quibus perpetuum atque interne cinum cum animi tranquillitate sit bellum. Verum de his satis: ne importune & inauspicato, quum minime opus est, ad philosophicam garrulitatem delabamur.

Ad illa veniamus quibus tu majores hasce calamitates veluti condidisti, cocorum more, qui pulmentum pipere, sinapi, olusculis, aliisque embammatis dominorum palato commendant. Quem ego diem transactum dicam, quin aliquid in me incommoditatis malaeque rei impigeris? Sane ea in re ita te gessisti, ut decretum tibi appareret, innumeris ac minutis malis singulos prope vitae meae dies, horasque destinguere. Nam principio

si iter muneris causa mihi forte suscipiendum esset, illico me pluvis, nive, nimbisque furentibus excipiebas; vias profundo luto, vel, praecipue quum ad praerupta ventum esset, lubrica argilla sternebas; flumina ab alveis educebas, torrentes repente, quae nunquam antea fluxerant, constabas, equosque tunc maxime mihi ultro jubebas offendere, & tantum non praecipitem me infelicem per caput in aquam dejicere: hospitia denique tetra & incondita, hospitesque plane inhospitales parabas: nec tandem mitigata, o Fortuna, tam cate res ordinabas, ut tot exantlatis laboribus, ac re, cujus causa susceptum mihi publice iter fuerat, diligentissime perfecta, lucellum mihi quoque pro malorum cumulo saepissime interciperes: meque domum non modo sine sperata ac jure debita pecunia, sed etiam exenterato marsupio, viae & comitum sumtu tolerato, reduceres. Domi veronimum, ac fortasse ridiculum fuerit memorare quos me ludos feceris; & quot modis meam curtam suppellectilem quotidie tenuaris ac circumcideris. Servulos mihi quavis turbidissima procella rapaciores semper obtulisti, qui caperent, raperent, perderent omnia: meque domesticae rei administrandae imperitissimum nullo negotio circumducerent atque deciperent. Mures, tincas, canes, feles in me excitasti, quae mea roderent, frangerent, surriperent. Furibus denique, hospitibus, notis ignotisque omnibus, ut me compilarent, vindemiant, emungerent negotium dedisti. Hujus generis innumera turmatim in me; quemadmodum graculi aut sturni volitare solent, quotidie irruebant; parva quidem mala, & nonnullis forte contemnenda, verum quae me culicum & muscarum ritu sollicitum semper haberent, perpetuaeque afficerent molestia: & interea rem familiarem paulatim & carptim exederent, febriculae illi ad absimilia, quae gracile & affectum corpus leviter urendo, sensim ad sepulcrum adducit.

His

His ergo, o Hera, a te blanditiis probe perfrictus, & cicut jam satis e sero & silvestri effectus, animadvertere mihi videbar quid revera ageretur; totiesque a te correptus, vereri graviter coepi, ne quae male feriatu ille senex malo meo fato me docuerat, tandem radicitus subverterent. Plurculis itaque noctibus male vigilans saepe in eum ipse summa animi contentione deliberavi, num errorem meum palam confessus, ad tuam clementiam, antequam gravius aliquid ingrueret, opportune confugerem. Verum animi mei imbecillitas exploratum jam certumque consilium me capere vetabat, ut tua nempe expleretur ultio, iustioresque a me obstinationis & contumaciae meae darentur poenae. Falso itaque, siue potius fatali pudore impeditus rem in aliud tempus distulisti, nonnihil etiam aliquando de te, o Fortuna, ultro addubitas, veteresque illas ratiunculas, sane ut ipse me deciperem, stultissime in animum revocans. Satis mihi interea adversus tua arma munimenti fore ratus (quod certe unum nobis non e caetera imprudentia fiebat) si virtutem constantissime colerem, talemque me praestarem, ut quoad ejus rei facere possem, nullam vel severissimis censoribus merito mei reprehendendi ansam praeberem. Tum vero, ut nostri Grammatici cum pueris solent: qui ubi parum scuticâ proficere se intelligunt; ad lora descendunt; ita ego te asperius atque inclementius jam me demum corripere cogi. Nam ab illo memini, quodcumque incoepitarem, quodcumque aggrederer aut sperarem, frustra mihi omnia fuisse suscepta, atque ita semper aliò evasisse, sane ut rerum Natura, causarumque omnium efficacia pro uno me inversa aut prorsus extincta esse videretur. Ulteriusque progressa, omni me vitae jucunditate & praesidio uno ictu spoliasti: carissimorum namque certorumque antea amicorum amorem, qui satis jam nostra intepuerat absentia, novorumque amicorum praesenti illecebra aliò se converterat, crude-

lissime nobis omnino eripuisti : sanitatemque etiam , quod prope unicum mihi bonum supererat ; sub idem tere tempus labefactandam aggressa es : atque haec ita contente , ac vehementer gerebas , ut plane me respirare non sines.

Haerebam ego tamen stultissime eodem in luto , nec pro me ipso tantum audebam , quantum ad miserationem tuam excitandam satis esset . Immo in mediis hisce calamitatibus eò me contumacia mea aliquando provehebat , ut cui ne silentium quidem jam extra culpam esse posset , nec silerem tamen , nec maledictis in te abstinere , si quando id poscere inanis constantiae ostentatio videretur . Itaque tu serio jam excandescens , aliamque viam ingressa , & jam mecum viriliter actura , plane ut prope me everteres , ac de statu deiceres , calumniam in me immisisti astu , livore , mendacio , caeterisque pedissequis comitatam , qualem quondam Apelles periculo adhuc anxius suo pinxit (1) : cujus nequitia , quum nihil in me reprehendendum (absit huic verbo invidia , o Fortuna , liceatque nobis hac etiam in re verum effari) inveniret , ad puerilia sane , at maxime temporum nostrorum disciplinae & sanctitati adversa commenta descendit , silentibus amicis , nec apertissima mendacia refutanda suscipientibus ; clamarem licet ego , eorumque fidem plorarem porro atque implorarem . Ridebant interea magnifica verba nostra , nobisque procaciter , & acerbe insultabant illi , quibus ingenti asseveratione persuadere conatus pluries fueram ineptias meas , nihilque tibi in honestum virum licere , etiam si aliquid esses , saepe prae-dicaveram .

Hic enimvero , o Fortuna , caecitatis , stultissimae-
V que

(1) Lucian. De non temere credendo calumniis .

que infimul verecundiae illius nostrae finis fuit : nam tot gravibus denique ictibus diuturno, veluti exculli somno, ac de impendentibus vehementer solliciti, circumspicere statim & perlustrare coepimus non modo nostra, quaeque circa nos fiebant, sed late humana omnia : & mirum profecto dictum ; nil alicubi conspeximus quod tui juris, plenissimaeque potestatis non esset. Magnas primum parvasque res, quae ante oculos erant contemplati sumus ; atque in omnibus te pariter, Dea, moventem, turbantem, miscentem cuncta pro arbitrio deprehendimus. Anne, obsecro te, aliquid mentis aciem convertere possumus ; aliquod ex quotidianis hominum factis rimari, ubi non Domina, non Regina videre ? Quid ? Quae nobis inspectantibus, ut hinc incipiam, proximis hisce annis gessisti, num parva potentiae tuae specimina videntur esse ? Profecto ita res miscuisti, ut modo justae causae favere visa sis, modo arbitrium pro lege praeterferre : nunc debita reddere, nunc auferre placuerit : atque ita subito nonnunquam benignos iratosque alternare vultus, ut raro id evenerit, quod mox fore hominum ferebat conjectura, tuque maxime tunc polliceri videbare. Ne vero temere de quibusdam quae mihi ignota erant, meumque captum superabant, iudicium ferrem, ad peritiores accessi ; teque semper caput terminumque rerum inveni. Quinetiam, ut cominus agerem, felicius quorundam eventuum ab iis ipsis qui praefuerant, resque administraverant, causas seriemque sciscitatus sum, & nihil hercle non mediocriter in notis causis, nihil non vulgare in prudentia hominum offendi, nihilque prorsus quod illud efficere sine te, quod evenit, potuisset. Unde mihi tandem aequae stultum visum est, arbitrari humanam ea sapientiam efficere, quae una efficit, Fortuna : ac rerum causas & effectus velle complecti animo, resque nostras e voluntate nostra regere. Tu enim in Natura rerum universa, tanquam summus quidam sine provocatio-

ne

ne Magistratus, omnia late temperas, tuisque una legibus atque imperio coertes ac moderaris

Terrasque, tractusque maris, caelumque profundum.

Salve ergo rerum Arbitra & causarum Regina; quae humanarum sortium urnam temperans, eventorum vices alternas: voluntatisque etiam nostrae incepta per varios exitus inobservata convolvit. Nec ego modo adulatoria quadam arte alicui fortasse videri velim, postquam te atrociter prosciderim, nimis nunc laudibus efferre. Nam & valde mihi periculosum esset te adeo contemnere, ut palpare etiam auderem: & talia dicturus sum, quae nec recondita sunt, nec ab arcana aliqua nimisque subtili sapientia deprompta; sed obvia omnia & vulgaria, quaeque a quovis patrefamilias noscantur, & praedicentur. Quis etenim aleam vel semel attigit, quis bello aliquando interfuit, aut ejus saltem aliquam historiam perlegit, quis unquam mercaturae operam dedit, Forum aut Aulam tantum ingressus est, quin earum rerum omnium te summum agnoverit imperium obtinere? Cui tam, obsecro, perfrictum & durum os, cui tam hebes ingenium, qui fortunatos quosdam homines esse negare audebit, quosdam infortunatos? Urbem quisque suam excutiat, viciniam ingrediatur, domos adeat: civium, aequalium, amicorum secundos adversosque casus sedulo expendat: semet denique ipsum, suorumque res inspiciat: sane protinus videbit, primo non qui boni prudentesque sunt, felices quoque esse; nec qui mali ignavique, etiam infelices: deinde sapientiam stultitiamque, industriam ac negligentiam, quamminimam in quibuscunque rerum eventibus partem habuisse prae te, o Fortuna, *concursoque illo sortito, & repentino casurum*; qui ut ad prosperum omnium negotiorum exitum omnino requiritur, ita humana ratione accersiri, ac mente praevideri non potest. Propius & pressius, amabo, rem inspicimus, ne forte vel timore perculsi, vel

adulandi studio longius protracti, in hanc de te sententiam non evidentia adducti, sed repente, nullaue ratione prolapsi videamur.

Atque ut ordine procedamus, rerum omnium consideremus generales causas. Princeps *Natura rerum* se se offert; quae vi quadam ciente *motus* in ipsis *necessarios efficit*, ut naturâ arbores fundant germina, ignis urat, aqua, ni contineas, fluat, gravia deorsum serantur; quorum quidem ea indoles est, ut eandem constanter eant viam, nullaue vi aut arte flecti, invertique possint. Atqui ita haec se se habent, ut quisquis facile animadvertat, hanc nihil extra ipsum naturalis cujusque facultatis actum valere causam. Nam urat sane naturâ suâ ignis: at mea ut potius quam tua comburatur domus, ejus porro natura non efficit. Lapis cadens deorsum naturâ feratur; sed nequaquam naturâ in Cornelii caput, non in Sempronii decidet; verum aliis omnino de causis.

Ipsi deinde *homines* sunt, quos nonnullarum rerum causas esse certum est, dum *Naturalium causarum efficientiam* ratione & ingenio *eliciunt*, versant, ordinant: nam quod ad seipsos, caeterasque res attinet, angustis sane restricti finibus, vix *velle & nolle*, in sua habent potestate. Quid ergo? Quonam pacto has tantummodo omnium late rerum causas, totque ingentium ac repentinorum casuum esse affirmemus? Quis hoc sanus audeat dicere? Minimam quamcunque rem inspicimus, si *Naturam & Hominem* plane omnia in ea re perficere invenimus, aud recuso quin vilis nulliusque precii adulator habear & vocer. Res quidem palam est: sed age levi aliquo quotidianoque utamur exemplo. Velit quispiam rus ire; id sine dubio suum est; ut autem iter ingrediatur, ut eò perveniat, ut inde domum salvus incolumisque redeat, id cujusnam juris erit? *Naturam* quippe huc frustra advocarem, quae quam sibi partem ea in re sumat, non inveniet. *Homo* quidem ire & redire *voluit*; verum id,

id, ut voluerit, perficere, equidem ejus in potestate non erit. Annon poterit in latrones incidere; inimico obviam fieri; rabiosam canem ruri offendere; bovem indomitam & furentem; innumerisque aliis occurrere, quae perveniendi ac redeundi voluntatem ejus irritam faciant? Pluribus ea evenerunt, & eveniunt quotidie: pluribus non item. Quid ergo? Dicemus in hominis potestate esse, rus saluum pervenire, domumque inde incolumem regredi? Certe, quod unum potuit, *egit; voluit*: reliqua cuiusnam delegabimus?

At quantula haec res est, rus ire? Quid in majoribus negociis, obsecro, quid in maximis fiet? Inspiciat, cui ocium fuerit, quot quantave in bello administrando, tum in adipiscendo Regno requirantur, excutiatque causas, Naturamque, & Hominem quaquaversum vertat, constanter *illam* cernet in singulis rebus. certo caecoque impetu motus expromere suos: *huic* nil ultra datum esse, quam ut res scite, ut prudenter, ut ex arte instituat & disponat: sed prorsus nihil profecto ab iis posse perfici; ita ut necessario extrinsecus *alia* advocanda sit *causa*, o Fortuna, quae ultra omnem Naturae legem, ultraque humanum arbitrium posita, rebus cunctis dominetur: earumque non cursum tantummodo regat, sed singulis quoque earum articulis intersit, & praesit, easque ita cadere faciat, ut ceciderunt. Quenam autem *alia* haec fuerit *causa*, nisi Tu, Domina? Qua enim in re sedulo quærentes te non inveniemus? Quo in vitae angulo, qua in obscuritate non delitescis, movens cuncta clam & ordinans? Agant nunc tecum argutuli isti qui te non vident; accedant propius, humanorumque eventuum causas perscrutentur: oblituescent porro, quum te, ubi ne adeste quidem suspicabantur, regere omnia, clavosque assidere comperient.

In utero quis gestatur: quot casus, per Jovem, antequam ad maturitatem foetus perveniat: quot in ipso

nascendi tempore supervenire possunt, ut ne nascatur? Quot; ut vix natus exanimetur? Subiti pavores, caeca festinatio, imprudens mora, servorum imperitia, obstetricum medicorumve errores, & sexcenta hujusmodi; quae ut magnum & inevitabile rebus momentum afferunt, ita nulla prudentia averti aut regi queunt. Quid in infante, quid in puero educando? Quaevis hora, quodvis punctum fortuito in adversum declinans, illum debilitare, deformare, interimere potest. Quae quidem omnibus aequae imminet, ac communia sunt; at illa propria: ab ipso utero per parentum luem ultro foedatus sanguis, nutricum perversitas, vel occultae valetudines, naturalis ejus aetatae imbecillitas, statique & certi omnium puerorum morbi: quae omnia *feliciter* transcendendi debent, ut tandem ad adolescentiam perveniatur. In ea vero quid primum, quid prostremum eloquar? Ne nimius sim, omnia omnium aetatum generatim una oratione complectar: satis enim fuerit rem quasi per transfennam leviter indicare. Et primo optime hic sibi locum vindicant ea pro quibus tibi Thales, unus ex septem, gratias agebat (1), videlicet quod *Homo non brutum*, quod *vir non mulier*, quod *Graecus non Barbarus* natus esset, quae certe in sua potestate non fuerant: deinde caetera enumerabimus. Sane in qua quis fortuna nascatur incertum; quibus parentibus, quo ingenio, quo corpore, quibus familiae amicis, qua rerum suarum conditione. Quae, per Deos immortales, quanta sunt? Tantum hercle non omnia: nisi quis fortasse parum interesse aestimet, carnificis ne filius nascatur an Regis: deformi foedoque corpore ut Therites, an pulcherrimo ut Achilles: magno acrique ingenio, an crassa, ut ajunt, Minerva: fine

(1) *Hermippus apud Laert. in vita Thalesis.*

sine re, sine spe, an in magnis copiis. Quid caetera quae vitam hominum felicem vel infelicem efficiunt? Num ex his aliquid nostrae est potestatis? Num Natura quae bruta & necessaria est causa, tantam varietatem ac differentiam possit efficere? Plane ut nil tibi non debet, qui bona mente praeditus in lucem prodiit; ita nunquam de te queretur satis, qui hebes stupidusque natus est. Ut Mater illi amantiſſima fuiſti, qui ſedatum pacatumque ſortitus eſt animum, ita ſaevam novercam te geſſiſti cum eo, cui perversus obigit & concitatus. Nec enim ita multi poterunt Socratem imitari: qui fertur ita ſeipſum perdomuiſſe, ut non modo quò eum indoles ferret non obſecutus ſit, ſed omnium etiam illa aetate hominum optimus evaſerit.

Hæc plurimæque alia naſcentem comitantur, quæ nec ab humani arbitrii libertate pendent; nec aliud Naturæ opus in eo cogitari, aut effingi poteſt, quam ipſum naſci. Si negotia vero variaſque vivendi conditiones ingrediamur, non quid in iis fortuitum ſit, ſed quid non omnino fortuitum, interrogandum. Quocumque velimus ire, te praegredientem, comitantem, ſequentem pariter conſpiciemus. Tu nobis rerum aditus referas, claudis: tu curſum dirigis, impedis: tu exitum explicas, tollis: tu memoriæ, ingeniumque nobis modo ex inſperato tribuis, modo importune adimis: efficiſque aliquando, ut quæ ſcimus, quum memiſſe oporteret maxime, neſciamus. At quid fruſtra verba fundimus, quidve ſingulis immoramur, quum tam late dominatus pateat tuus, ut una eademque, quæ domi coenantem, vigilem, dormientem, ægrotum, ſanum unumquemque hominem regis: eadem foris bellanti, Foro, mercaturaæve operam danti, gratiam Principum aucupanti, aliaque vitæ munia obeunti omnino modereris. Num vana, num falſa loquor? Inſpiciat unusquiſque quodcunque actorum ſuorum volent,

ri-

rinneturque diligenter, ecquid in unoquoque vere suae potestatis sit, quid autem fortuitum: exhorrescēt profecto, sentietque extemplo, quantum sit quod ipse possit; quam vero multum, quod a casu Fortunaque pendeat.

Haec ita fieri intelligens sapientissimus Pythagoras, discrete tradebat (1); ut navem conscendamus, nostri id plane arbitrii esse: ut autem ex voto navigemus, ut nos procellosum aut tranquillum excipiat mare, id enimvero Fortunam efficere. Nam quum ad quidvis perficiendum quamplurimae convenient causae necesse sit, vix ex iis aliquae, caeque leviores a nobis Naturae pendent: plures vero, & efficacissimae a casu. Tempora mediūsfidius, occasiones, opportunitates, hominumque cum primis, quibuscum haec vitae spatia peragimus, varia ingenia, varique mores, unde in humana societate pendent omnia, nempe inter ea sunt connumeranda, quae omnino in tua potestate sunt. Quaecumque ergo unusquisque nostrum sit, quicquid, & quocumque pacto agat, validiorum externarumque semper causarum fortuitus concursus, & nexus quidam felix ac amica societas requiritur, ut quaecumque cupimus, aut meriti sumus assequamur. Inde fit saepissime, ut non convenientibus necessariis causis boni merentesque medio in luto jaceant; quum earum prospero concursu mali infortunique discescant, atque ad dignitates evellantur. Ipsa quinimmo virtus, ut ille (2) sapienter dixit, in quae tempora incidat, plurimum refert. Porro si Scipio Romae modo nasceretur, & Annibal Carthaginē, inglorii ambo viverent, obscurique diem suum oppeterent; non sua quidem culpa, sed temporis. Quin etiam

(1) Anonymus apud Photium Cod. 259.

(2) Plin. *hystor. lib.* . . .

etiam in eadem Republica paullo serius, aut citius nasci, hos vel illos homines, haec vel alia instituta in-resque in civitate offendere: quod omnino fortuitum est: sane plurimum valet. Propterea videre est, eos, quibus tu, rerum Domina, maxime favisti, in omnes rerum omnium, temporumque opportunitates incidisse: teque iis saepe unam, virtutis, doctrinaeque, atque omnium ornamentorum loco fuisse.

Nec vero ego, homunculus quidam scilicet, haec modo cudo, meique excusandi causa prolixè admodum effusio. Nam & res ipsa per se loquitur: & omnium actorum temporum memoria gravissimum pro te testimonium dicit. Quem enim librum, quaeso, quos commentarios, quas historias in manus sumemus, quin in nomen tuum prope tertio quoque verbo incurramus? Immo cujuscumque generis res examini leviter subiciemus, te semper inveniemus cuncta gubernantem, administrantemque. Infinitum & alioqui supervacaneum fuerit, omnis aevi historias perscrutari, tuaque innumerabilia fortia facta inde proferre, gravissimaque de te summorum historicorum judicia producere. Eccui etenim possint vires suppetere, quis tantum ocio abundare, ut valeat vel loca solum indicare, quibus in numen tuum attoniti stupentesque, in ipsa rerum narratione restiterint magni viri: teque viresque tuas non agnoscèntes modo, sed etiam horrentes, tantam Deam venerabundi adoraverint, teque causarum omnium maximam, planeque Reginam posteris luculenter testati sint? Notissima res ac vulgaris: nullique non lectori obvia.

Praeterehamur itaque, atque adversariis tuis ultro largiamur, Fortuna, quicquid Historici, scriptoresque ejus generis, Poetaeque atque Oratores de te dixerunt: sit horum, hisce de rebus extraneum judicium. Utamur testibus oculatis, quibus & in humanis judi-

ciis maxima haberi fides solet : immo , quod satius fuerit , de rebus suis magnos aliquot viros interrogemus . Agedum ergo aliquos e filiis tuis , fortunatos ipsos , qui clariores quidem in historia sunt , excitemus : atque ex eis quid de te sentiri oporteat , sciscitemur .

Primus omnium Timoleon ille Corinthius prodeat Tyrannorum clades , ac Siciliae liberator . Quid hic Timoleon fert ? Interrogemus , quaeso . Cuinam tu , bone Timoleon , res tuas gestas tribuis ? Quonam adjutore , quo duce , cujusque auxilio fretus , tot tantasque res , adversum casum prope nunquam expertus , tot per annos gessisti ? Virtuti scilicet , ingenio , militariumque rerum peritiae debes omnia ? Nequaquam , sine circuitione hic inquit ; sed omnia Fortunae accepta refero (1) . Ea mihi cuncta incredibili facilitate expeditiv : ea consilium , ea praesidium , ea mihi opes viresque una suppeditavit . Itaque ego , caeteris omnibus Diis vale dicto , resque suas sibi habere jussis , *solum fortunam* sum veneratus , eamque extructo domi , peculiari sane nec alias usitato sub nomine (2) , sacello , unice ac sanctissime , in grati animi testimonium , constanter dum vita manfit , colui .

Bene habet : nil te moramur amplius , optime Timoleon , maeste virtute esto . Jam alium producamus .

Opportune Syllam video . En age , Publi Cornelii , dic ut Romanum , ut Patricium , ut tantum denique decet Imperatorem : dic , obsecro te ; Virtutine tuae innixus , bellicaeque rei experientiae tot praelia iniisti , tot Urbes aggressus es , tot immensa itinera suscepisti ? Dic , cujus ope confisus , tantam contentionum acerrima-

(1) *Plutarch. in ejus vita circa finem .*

(2) (*Δευομανίας*) *Corn. Nep. in ejus vita , itidemque Plutarch. ibid.*

martum aleam subire, Romanamque libertatem primus omnium labefactare in animum induxisti?

Nil hercle novi, respondet hic (1), excogitandum excudendumque mihi modo est, ut vestrum istaec cognoscendi desiderium expleam. Nec vero ego qui devicto Mithridate, Marioque, inimicisque omnibus profligatis, *non Fortem, aut Invisum, sed Felicem*, expositis Pop. Róm. meis rebus gestis, me vocari iussèrim, interrogari modo debui, quid de me, quid de prospere semper aditis periculis, quid de victoriis sentirem meis. Nonne illo oprato agnomine satis abundeque testatus sum, me *Fortunae* gestorum meorum gloriam tribuere, *non virtuti*, aut prudentiae? Verum si hoc vobis tam aperta conjectura assequi difficile fuit, non fuerat porro necesse hac me interrogatiuncula fatigare, qui non modo in familiaribus colloquiis, dum viverem, victorias meas omnes uti *Fortunae* munera semper agnovèrim; sed etiam, ne hujus veritatis memoria apud posteritatem unquam obsolesceret, in commentariis ipse meis diserte retulerim, ex omnibus meis rebus gestis illa mihi *felicius* provenisse, quae *temere*, repudiatisque omnino consiliis aggressus essem: scriptoque nulla ambiguitate aut aequivoco affirmaverim, me *Fortunae* potius, quam *bello* natum (2):

Nunquid celavit iste? Num planius rem potuit eloqui? Omnia profecto transacta fuerint; si post hunc, qui nescivit literas, temporarium Dictatorem, maxime omnium doctum vasserimumque Dictatorem perpetuum audierimus. Magnus hic certe vir fuit, & nescio an ei parem Italia unquam tulerit. Tentandum nihilominus est, & inquirendum, num inter tot bellica decora, in-

X 2

gen-

(1) Apud Plutarch. in ejus vita.

(2) Plutarch. ubi sup.

gentiaque facinora aliquid extet, quo ei cum Timoleonte & Sylla conveniat. Adesdum ergo, summe Imperator; qui ut literarum scientiam praeteferres, confodi in imperio maluisti, quam pediculari morbo privatus absumi. Dic, ecquid Tu aliquando Fortunam Tibi tuisque coeptis adesse propitiam intellexisti? An credi vis, omnia te, ea reluctante, per solam virtutem egisse? Loquere age; nec verere, ne ob huiusmodi confessionem aliquid Tibi gloriae detrahatur: quae satis firmis sempiternisque nititur in omnem posteritatem fundamentis. Quid me, hic inquit, modo in praeteritarum rerum memoriam revocatis: taedet me illorum temporum recordari, pudetque etiam nunc, me tot laboribus nil nisi mihi praematuram comparasse mortem, Patriaeque perpetuam servitutem. At quando urgetis, nec vobis satis est quod praesenti mihi maximus Orator, dum me exquisitis laudibus in Caelum ferret, dicere non dubitavit, me, quum victorias triumphosque meos recorderer, etsi *per saepe virtuti*, tamen *plerumque felicitati*, meae esse gratulaturum (1); brevi dicam, seu potius quod olim dixi vobis in memoriam revocabo. Quum naviculae me satis temere per hybernium mare commissem, iamque prope obrueremur fluctibus, tum quid animum jam despondenti Naclero, & quem veheret ignoranti dixerim, recordamini? Tunc demum me adigit Fortuna confiteri, quod perpetuo tacuissem: mihi-que tandem invito, medio in mari, *ubi nullus virtuti locus*, expressam confessionem memini, cui potissimum numini fiderem, quantique facerem Fortunae favorem.

Neque tantorum virorum de semetipsis testimonia
aliquo

(1) Cic. Orat. pro M. Marcello.

aliquo pacto in dubium revocari possunt : nam & patec, eos pro veritate locutos, nec causam ullam inentendi habuisse . Nam cuinam probari possit contra se id eos ultro prolaturus fuisse ? Intelligebant sane clarissimi Duces , prudentiam ipsos suam , militaremque virtutem , omnia ad te referendo , non extenuare solum , sed prorsus tollere : & quo magis tibi tribuissent : eo minus sibi ipsos laudis reliquum facere . Quod equidem majorem inde habet auctoritatem , quod id non in ipso alicujus pugnae discrimine , scilicet ut militibus eo imponerent commento , dixerunt ; sed confectis rebus , pacatoque animo , planeque nimirum , ut quod sentirent , profiterentur .

Quid fore arbitramur , si de Cyro , si de Magno Alexandro quaeramus ? Ut illum modo omittamus , qui totus ab ipsis incunabilis tuus est : num aliud in hoc reperiemus , quam ad tantas res suscipiendas audaciam ei pro signifero fuisse , te autem ad easdem feliciter perficiendas comitem ducemque ? Et si modo mihi ocium esset , gratumque id tibi suspicarer fore , Graecorum Romanorumque tempora totiusque immo Barbariae peragrarem , ut potentiae , imperiique tui ingentia vestigia legerem : quaeque domi bellicae ab omnibus omnium gentium viris gesta sunt , ea tibi jure optimo adjudicarem . Sed hoc & tibi molestum esse intelligo ; & quodnam tandem fuerit hujus precium operae ?

In re si quidem aperta versamur ; nec longè modo debemus argumenta repetere . Non enim possumus quin fateamur , pleraque non magnos modo Duces Regesque , sed vulgo etiam homines plerunque suscipere tibi magnopere fidentes : quum nullum tam facile inceptetur negotium , cujus exitus ab initio ita pateat , ut aliò , ac nos cupimus , declinare non possit . In casus ergo incertos quotidie se se dant homines : alacresque aleam subeunt , te sibi assuturam sperantes , sicut & ipsis antea , aliisque

que saepe affuisse recordantur . Nec vero negari posset , longe pluris a mortalibus hominum fortunam fieri quam virtutem ; magisque fortunatum adversarium timeri , quam doctum aut fortem . Ideoque Reges *felicem* Imperatorem gnaro militiae ; *felicem* Legatum rerum civilium perito praeponunt ; nosque quotidie prae Medico *fortunato* sapientem , prae Oratore *fortunato* disertissimum ac Jurisconsultissimum posthabemus . Quod certe si quis qua de causa fiat eos qui faciunt interroget , nullum , aut plane vagum ac incertum feret responsum . Sed , ut mihi quidem videtur , id ea fortasse de causa sit , quod quum *Virtus inter humanas causas reponatur* , ejus vires , potentiaeque momenta nosci , retundi , ac vitari videntur posse , ideoque ei minus confiditur , minusque etiam formidatur ; *sua* vero , *Fortuna* , quum *divina vis & incognita censeatur* , nullisque definita limitibus , certa ideo & inevitabilis habetur , quam nullo pacto humana ope & ingenio eludas aut declines .

Quod si hominibus , ut multa alia longe minoris precii , ita cordi veritas esset , nec Sylla nec Caesare teste indigeremus , sed omne simul genus humanum ad dicendum pro veritate testimonium produceremus . At quando aliter comparatum est , filere nos quidem , insita ingeniis superbia , possumus , aliosque quid sentiamus celare ; conscientiam vero nostram utique fallere nequimus . Quotusquisque etenim est , qui secum suas res recolens , actaeque vitae casus , non sentiat extemplo quantum tibi debeat , quam suae parum sapientiae ? Sed dum docti , dum prudentes videri volumus , dum nos nimium amamus , volumusque virtutes nostras aliis venditare , veritatem prodimus , atque per superbiam ingratumque animam quicquid bene feliciterque evenit , abs te ad nostras vires nostramque prudentiam traducimus . Nec ideo tamen veritatem pectoribus penitus insitam , tacitaque experientia pluries per singulos dies testatam penitus ob-
rueret

ruere possumus, quin aliâ se se proferat viâ: & quantumvis pressâ & obtrita, aud raro nec cogitantibus nobis per familiaria colloquia, animique improvisos motus emergat. Profecto adversa unusquisque sua; Fortunae, non imperitiae, aut incogitantiae tribuit: & quum felices aliorum casus recolimus, raro prudentiam, saepius fortunam appellamus: nimisque in nostris conniventes, aliena facta satis acute pervidemus. At si tu injurias tuas ultum ires, ingratosque praesenti afficeres supplicio, nae pauci posthac imperium numenque abnuerent, ac detrectarent tuum. Plurimos ego te obscuros homines istud ob crimen afflixisse credam, sed hi jacent penitus ignorabiles; nec late ob eorum ignobilitatem manavit illorum suppliciorum utilitas. Aliquos etiam magnos viros perculisti: at male generi humano consultum tam raris exemplis.

Porro sensit maximo cum malo suo quid esset beneficia tua aspernari, & superbe ingrateque in munificentiam tuam, incurrere Atheniensis Timotheus. Hic namque, quum pluribus egregiis bello factis inclaruisset, indignatus est vehementissime, obtrectatores gloriae suae audiens, non ejus virtuti sed tibi gestorum suorum decus tribuere. Itaque hac veluti contumelia Graeculus delicatus fauciatus & accensus, gestiens quaecunque gessisset tibi scilicet subducere, sibi que asserere; quum e quadam prospera expeditione Athenas rediisset, populoque res gestas narrasset suas, superbe admodum & proterve narrationi addidit, nullam in his, quae exposuisset, Fortunam habere partem. Hujus tu ingratiissimi verbi indignitate merito commota, graves adeo ab illo poenas sumisti, ut non modo nihil ei ulterius bene procedere usquam atque evenire siveris: sed summam erga ipsum civium suorum benevolentiam in acerbissimum odium converteris, eumque postremo Civitate expuleris atque in
exi-

exilium egeris. (1) At suavis equidem ideoque non omittendus inter hos Polycrates Samiorum Tyrannus extitit ; cui quum tu effuse per omnem aetatem favissēs , mediis in deliciis muliebriter nausēans , tuique admodum fastidiens , ut adversam te aliquando experiretur (quasi id tui juris non esset) ingentis precii annulum in mare projecit , hac jactura stultissime ratus , infortuniorum omnium periculum se se redempturum . Tu vero , postquam illum te amicam ultro laceffere , atque insultare etiam intellexisti , tamque jam delicatum effectum esse , ut secundam & obsequentem te amplius ferre nequireret , annulo ei protinus per piscem reddito , belloque eidem hoc facto quasi per Feciales indicto , quid esset infortunatum vere atque infelicem esse , paulo post nimis cum severe docuisti .

Aliquot alios insuper summos potentisque viros acque magna a te plaga perculsos & afflictos ob ingrati animi crimen annales referunt : sed parum eorum casus momenti attulerunt ad sapientes quosdam , si dis placet , imperii tui admonendos ; qui non ideo rejectis aliis causis , ad te unam ut caeteri mortales , confugerunt . Nec vero ii de tuo numine dubitare jure potuissent , qui & aspirare secunde te hominibus viderent : & laesam ab ingratissimis justas repetere saepe poenas solere : quamque ipsi levitatem inconstantiamque vocitare imprudenter consueverant , vere ultionem esse . Neque porro mirari ultra aequum fuisset , tam raro favoris tui auram constanter eosdem versus ferri , postquam illud fuerat animadversum , *Fortunatos plerunque Fortuna abuti* : seque ita gerere secundis in rebus , ut non modo seipsos irent perditum , sed te , nomenque tuum ingratissime per foedissimas vitiorum fordes

(1) Plutarch. in vita Syllae .

des infamarent. Haec tamen non viderunt nostri sapientes: quae foeda quippe caecitas, ac vere stupor est appellandus; praecipue quum nec his ipsis adminiculis eguissent ii, quibus veritas in medio posita atque in propatulo esset. Nec etenim alia probabilis quamplurimorum eventuum ratio asserri, nec alius innumerarum inenodabiliumque rerum exitus inveniri posset.

Hic mihi causas nescio quas ingerat quispiam, & inania vocabula pro rationibus subdat: non ideo tamen controversiam tollet, quae quidem re non verbo constat. Quid enim ei homini respondeant qui ab eis e multis hoc unum quaerat, curam tandem, quum ille aliquid aggreditur, omnes illico necessariae causae ad id promte efficiendum quod aggressus est, concurrant, &, ut ita dicam, ad ejus nutum praesto sint, idque in omnibus & constanter; quum vero ego aliquid agendum suscipio, nunquam hercule necessariarum causarum concursus fiat, ut bene res cedat; sed omnia obstinate in contrarium semper vertantur? Id enimvero, quum a Natura, vel ab Homine esse non possit, nec causarum ipsarum voluntate fieri fingi queat, a te esse prorsus, o Regina, nemo non videt.

Atque ab eodem quoque fonte manat quod saepe miramur. Felix aliquis est, & cum quibusvis congregiatur invictus: ut autem ei cum certo homine res fuerit, continuo felix esse desinit, statimque debilitatur, vincitur, prosternitur? Quis, obsecro, Pompejo Magno non dicam vigilantior, prudentior, fortior, sed vero fortunatior? (1). Is quidem terra marique ab aetate vix militari ad senectutem usque per omnem prope terrarum Orbem constantissime quorumcunque hostium victor,

Y

(1) Vid. Cic. pro Leg. Manil.

ctor, ut in Caesarem incidit, ita ejus repente ingenium obscuratum est, atque hebecatum, ut quod gregarii milites, quod togati ipsi viderent, ipse non viderit. Quae tanta vis potuit talem virum momento prope temporis ita immutare, ut eundem esse cognosci amplius nequiverit? Ut nihil in toto illo bello ex arte, nihil ex vetere fama, nihil fortiter aut perite fecerit? Pompejum tu quidem prae caeteris diligebas, Caesarem vero prae Pompejo.

Atque ejusmodi favoris tui praerogativam paullo post M. Antonius Triumvir sensit. Omnibus hic Naturae Fortunaeque muneribus instructus, quaecunque incepit, te favente, prope omnia feliciter ad certum usque tempus peregit. Eandemque prorsus felicitatem ad extremum diem prolaturus videtur fuisse; nisi in Augustum incidisset, quem tu mortalium omnium unum praecipuumque selegeras, quem a tenui & prope obscuro loco, admirando sane rerum successu, ad summum humanarum rerum fastigium eveheres; dato ad idipsum *Genio*, qui M. Antonii *Genio* longe superior esset, eumque perterrefaceret (1). Itaque ut ad Actium ventum est, Octavianus *stertens* somnoque ita impeditus, ut aegre a suis ad signum pugnae dandum excitaretur (2), Antonium viribus ingenioque praestantem, & tunc temporis *vigilantissimum* profligavit; injecta scilicet a te, ut Augusto faveres, subita in Aegyptios formidine, Antoniique mente amoris importuno impetu labefacta & costernata.

Talibus equidem percussis homines, quum eorum quae fierent exitum quidem viderent, rationem vero explicandi nullam reperirent, ad te ab omni temporum memoria paventes ac venerabundi confugerunt: Numenque
tuum

(1) Plutarch. in M. Antonio.

(2) Plutarch. in Augusto.

tuum maxime omnium verentes, innumera tibi per omnem Orbem templa posuerunt: atque a te bonum negotiorum omnium eventum coeperunt precibus & sacrificiis exposcere. Omnium haec populorum, omnisque aevi persuasio fuit: cultarumque pariter ac barbararum nationum commendavit & iussit religio.

Circumeamus tantisper memoria terrarum Orbem, annalesque humanorum factorum percurramus: tu profecto semper occurreas magno ubique in honore habita, cunctisque hominum linguis ad omnes prosperos adversosque casus uti Regina ac Domina late culta atque appellata. At quid opus esset, Indorum, Assyriorum, Persarum, Aegyptiorum, Carthaginensium, Romanorum, Graecorum cultum in te benevolam aequae & obsequentem, ac malam adversamque memorare? Unus tantummodo mihi ex tot Orbis terrarum populis, una porro ex tot nationibus cujuscunque aevi, vel una saltem Civitas, una domus afferatur, ubi tu nullo in honore fueris, ubi despecta: & ego tunc ne hincere quidem ulterius audebo, meque omnium ignavissimum illico esse palam confitebor.

Haec ipse ego nempe videns olim, quum negare nequirem, sane ridebam; hominumque hinc ignorantiam (cordatus ipse scilicet & sapiens) hinc astum causabam; totamque rem ita mecum interpretabar, ut crederem, eorum calliditate, qui Respublicas administrassent, caecum hoc & maxime incognitum atque ambiguum Numen in scenam productum ad decipiendos homines; tantamque tributam potentiam, ut facilius, hac injecta opinione, ferocem indomitamque multitudinem regerent, planeque obstupefacerent; rebarque, obvium hunc errorem a Philosophis obteri, & profligari; eosque veluti quosdam ingenii humani medicos huic insaniae mederi, rerumque veras causas tradere, detecto mendacio, confutatisque commentis.

Ideo postquam mihi lux post diutinam noctem oborta est, in eo nimirum haerebam adhuc, Philosophosque nimis verebar. Et quamquam ratione, rerumque experientia posterior haec mea de te firmissime staret sententia; angebat nihilominus me, & sollicitum habebat, quod Sapientes iisdem de rebus alia omnia sentire arbitrabar. Sciebam enim, nomen quidem eos tuum aliquando usurpare: sed ideo hoc ii mihi facere videbantur, ut quae fortuito ac temere fieri homines arbitrarentur, in vanum hoc Fortunae nomen detorquerent, ne scilicet temeritatis, & inconstantiae summum Numen ab imperiis arcefferetur.

Atque iccirco, quum necessarium omnino esse conspicerer, ad illorum castra propius accedere, ut hostium vires, copiasque specularer, cunctanter nimis & anxie circa ea me gerebam, magnopere veritus, ne me eorum authoritas, splendideque dicta ad pristinum rursus errorem a veritate retraherent. Verum tandem pulsa formidine processi, meque in ipsa eorum Praesidia animorum plenus intuli; ut quibus tandem viribus freri talia adversus te blaterarent, perspicerem. Fidebam etenim veritati: nec mihi verisimile erat, contra eam illos cavillis tantopere, astuque pollere, ut nullo pacto pelli fundique possent. At vix prima ingressus spatia restiti, obstupuique, mecumque ipse vehementer admiratus sum, tantum Philosophis cum populo ea in re convenire. Nam, quum multa apud illos offendiissem praeclare, sapienter, ac divine dicta de adversa Fortuna fortiter toleranda, de tuis bonis contemnendis, deque moderando in secundis rebus animo: quoad te tamen, potentiamque tuam nihil eos a vulgo dissentire deprehendi; immo in hoc longe etiam transcendere, quod ratione & autoritate vulgarem de te hominum opinionem munirent; quamvis aliquando id veluti aliud agentes facerent, & saepe mutato nomine, aliove tanti Imperii socio adjecto. Nec mirum hoc profecto:

fecto : nec omnino damnandi Philosophi , quod de te perplexe ac per ambages plerunque sint locuti . Nam & sua magnopere intererat , qui tua tam acriter bona in morum institutione insectarentur , in cacteris Philosophiæ partibus te nec laudare nec magni facere , ne secum pugnare viderentur ; & prudenter se se facturos arbitrati sunt si in explicanda rerum Natura veritatem quidem retinuisent , tuum vero nomen , Fortuna , quod levius esset , solerti magis quam necessario consilio persæpe tollerent , aliudque supponerent .

Cui rei efficiendæ veterrimorum Philosophorum de te opinio mirifice velificabatur . Nam , quum hinc apud omnium Scriptorum vetustissimos Homerum (1) , qui te Oceano parente natam diceret , & Orpheum (2) qui sanguine progeneratam affirmaret , *Numenque* esse prorsus *inexpugnabile* , *humanamque vitam regere* ; tui mentionem valde honorificam invenirent ; hinc autem scirent te non modo unam ex Parcibus habitam esse (3) , sed longe quoque sororibus præcellentem potentia ; *Parcasque & Fatum* , unum idemque prorsus esse nossent (4) , & *Necessitatem* vobis etiam matrem (5) attribui ; alius Philosophorum hoc , alius illud ex tuis nominibus arripere , ut majorem scilicet auctoritatem ex nominum involucri causis rerum , quas ipsi proferrent , adstruerent : uno tantum e tuis nominibus , quo te vulgo notam esse videbant , quasi post siparium abscondito , raroque & caute in medium producto . Reliqui vero homines , qui veteratorem hanc calliditatem ignorarent , libere his nominibus , atque

(1) *Homer. in Hymno in Cererem .*

(2) *Orpheus in Hymno in Fortunam .*

(3) *Pausanias in Achaicis .*

(4) *Vid. Natal. Comit. Mythol. lib. 4. cap. 4.*

(5) *Plat. de Republ. lib. 12.*

que ea passim alternantes, usi sunt: quum idem prorsus haec omnia esse existimarent: videasque iccirco in scriptis, familiaribusque sermonibus *fortunam fortunam vulgo infortuniumque* dici; *fortunatum infortunatumque* in unaquaque re, quae prospere, aut secus accidat; quarum equidem alias Fato, alias Parcarum decretis, alias Necessitate, quasdam Fortuna, casuque evenisse, si cum Philosophis loqui vellent, dicere deberent? Veritas etenim hominum inventis & fictionibus longe potior & antiquior est.

Vixi & quem dederat cursum Fortuna peregi
dixit doctissimus Poeta; nec *Fatum*, aut *Necessitatem* in vitae cursu dirigendo advocavit; aut *Parcam*, sed te unam: nulla utique circuitione usus, nec philosophica cavillatione.

Visne vero, o Fortuna, quandoquidem ociosa es, paulisper mecum in praecipuas clariorum Philosophorum scholas divertere, eorumque de te sententias communius introspicere? Lentum sane negotium: at patere, quaeso, me tuam causam agentem nil prorsus omittere, quo firmari veritas, longeque utilissimum dogma doceri homines possint. Nec diu hac in parte operis morari in animo est; nam & properare te, ut tuus est mos, intelligo; egoque ipse defungi quamprimum hoc necessario mihi officio cupio: raptim itaque percurramus, nil quidquam ultra necessariam moram cessaturi.

Profecto si vetustissimorum philosophorum de rerum natura, civilibusque ac moralibus rebus monumenta aliqua extarent, nonnulla hercle a docta illa simplici antiquitate, veritatisque amantissima haberemus, quibus potentia tua firmaretur. Modo vero, quum reliquiae ac rudera quaedam inde supersint, satis fuerit si aliquam conjecturam assequi possimus, tuum felicia illa tempora Numen, tuamque potestatem agnovisse & coluisse.

Quod satis efficere vel una posset Miletii Thaletis
Ne-

Necessitas, quam ille rerum omnium fortissimam nuncupavit (1). Hic namque, etsi Genitricis appellationem Philosophorum primus pro tua mortalibus obtruserit: satis tamen vel hoc uno nomine testatus est, quid esses, & quam late viribus & imperio polleres.

Eandem vero rem planius explicatam a clarissimo Atheniensium Legumlatore Solone, ex eodem Thaletis collegio, invenimus. Is etenim, quantum vix unquam alius, ingenti varioque rerum humanarum spectaculo intentus, omnia miseri undique & confundi dicebat; adeoque *nihil nostrae potestatis esse*, ut ne privatorum quidem nostrorum operum exitum regere, aut nosse possemus, nec eò incoepta tuto perducere, quo animo destinassemus (2). Addebatque vir magnus, ne quid ambigui in superioribus lateret, alios versiculos, qui te nominatim designarent:

Et temere aggressis DIVINO MUNERE FELIX

VITUS absolvit, NON BONA CONSILIA. (3)

Ut certe nil apertius dici potuerit, quo te regere omnia, non mentem consiliumque hominum definiretur. Tanti hercle Philosophi, tamque rerum civilium scientis auctoritati quis quaeso non acquiescat? Quum hic non meditatione tantum, & rationis vi, sed idem longe unus omnium experientia caeteros Philosophos antecesserit.

At non modici laboris, nimii immo fastidii fuerit, singulorum ejus aetatis Philosophorum opiniones vestigare, & proferre; praesertim quum hac opera non indigeamus, quod & Thaletis, & Solonis, & quinque reliquorum, quos Sapientes Graecia praecipuos habuit, & admirata est, veluti una in tabula de te sententiam possumus

(1) *Diog. Laert. in ejus vita.*

(2) *Stobaeus tit. 112. pag. m. 464.*

(3) *Stob. 16.*

mus non perplexe ac per ambages assequi, sed aperte prorsus & evidenter inspicere. Nam quum ex eorum effatis veluti Summa quaedam interioris sapientiae conflata sit, patet inde, de Deo illos, magnisque aliis de rebus semel praecipere satis superque habuisse: de te vero quid sentirent usque inculcasse, iterumque & tertium praecepisse (1): sane ut *nihil* in universa Natura cultu & amore votisque hominum *Fortuna dignius* visum iis fuisset manifestum sit.

Nec ab iis posteriorum Philosophorum sententiae discreparunt. Pythagoras quidem, divinus plane vir, arcanaeque omnis doctrinae princeps, post infinitam diuturnamque veritatis inquisitionem, nostri hujus Orbis, humanarumque rerum quatuor praecipuas causas constituit: *Jovem* videlicet, *Fatum*, *humanum consilium*, & *Fortunam* (2). Plura equidem quam necesse fuisset vocabula; sed talia, ut facile quivis intelligat, duo priora ab eo pro *Natura* fuisse usurpata; ut eo pacto ad te omnis recidat rerum potestas; perpenſis jam paullo ante, ac definitis hominum & Naturae viribus. Nec alia ejus sententiae probabilis interpretatio posset afferri: nam si *Jovi* & *Fato* imperium ille serio addixisset, ecquis superesset *Fortunae* locus, ecquid relictum fuisset *humano consilio* momenti?

Secutus est hunc, tempore quidem non disciplina, magnus ille Socrates, omnium post se Philosophorum parens & praeceptor: qui inter perpetuum illum suum de omnibus dubitandi morem, nihilque unquam definiendi, haud veritus est, quum de te ageretur, a constanti consuetudine paulisper recedere, & unius brevis quidem

(1) *Fortunam cole* -- *Bonam Fortunam opta* -- *Fortunam ama* -- *Inter v. s. sapientum praecepta recenset Stobaeus* *sel.* 3.

(2) *Jamblic. in vit. Pythag.*

quidem, sed sapientissimae sententiae ambitu rem totam complecti. Ea etenim tantum ex omnibus nostris operibus *extra potestatem tuam*, o Fortuna, esse auditores suos incomparabilis vir docebat, *quae honeste facerem us*, caetera autem omnia (quod sequitur) tuo imperio permittebat (1).

Quam Praeceptoris sui sententiam planius exposuit divinus Plato: & Pythagorae insuper, cui plus pene quam Socrati studuit, sapientiam aspersit. Hic nanque, humanarum rerum vicissitudines casusque varios considerans, omni porro seposita haesitatione, ex animo exclamavit, *Omnia humana Fortunis ferri*: atque hoc & in ferendis legibus (quod nemo quidem suspicaretur) & in navigatione, medicina, militarique imperio, civilibusque demum rebus omnibus aperte conspici affirmavit. (2) Quae deinde veluti obumbrans, *Deum* quidem, & *Fortunam*, *Opportunitatemque* simul cum *Deo* asseruit, *cuncta* humana gubernare (3). Altiusque intimae philosophiae arcana reserans, *Fortunam*, & *Occasionem Divinae Providentiae* connexas *Fatum* esse: quod ex humano dilectu *Fortunam* assumerit, ex Divino vero iudicio asserat *Occasionem* (4). Quibus recte perpensis, facillimum sit animadvertere, ingentium nominum maiestatem veritati praetendisse illum: ne cuncta simplici (quod primo fecerat), nimiumque aperta oratione tibi tribueret: sed nihilominus per perplexam illam repugnantium verborum (nam quid quaeſo repugnantius quam Deus & Fortuna? rursusque Fortuna & Fatum?) Z. tum?

(1) Xenophon de diſt. 19. ſaſt. Socrat. lib. 3.

(2) Plat. de legib. lib. 4.

(3) Plat. ibid.

(4) Plat. ibid. Vid. Hieroclem de Providentia, Fato 196.

tum?) societatem, omnia in una Fortuna reposita esse satis indicaret. Atque ut ejus sententiam aliunde etiam planius assequeremur, haec eadem diverso prorsus ornatu idem Plato alibi produxit, Deumque, Providentiamque & Fatum omnino de medio sustulit; te vero unam dextere admodum & callide retinuit. Vel etenim inferius majestate tua ratus, teipsam minutae peculiari-que rerum humanarum administrationi immisceri: vel ut, quum alia sustulisset, ne tibi pepercisset soli videretur, humana omnia quaeque sub Luna essent *Genios*, medioximas quasdam Potestates (quod etiam e Pythagoreorum erat doctrina: quibus adeo omnia tuorum horumce satellitum plena videbantur, ut mirarentur, si quis Daemonem nunquam in se vidisset affirmaret) regere, & administrare arbitratus est (1): tuos scilicet famulos & pedissequos: quorum quidem opera & ministerio tu in nos resque nostras summum exerceris imperium. Nec callidius mehercule potuisset, servos & famulitium tuum ostentans, Te Dominam indicare.

Academici itaque effata tanti Magistri venerabundi complexi sunt: eaque singulari quodam ordine, & mirifica sane sagacitate digesserunt. Nam Rationem perfectam & sempiternam, quam *animam Mundi* dixerunt, unam quippe eandemque vim, quum coelestia regeret, humanae sapienter procuraret, appellarunt *Deum*: quum vero eam uti impermutabilem aeternamque continuationem sempiterni ordinis considerarent, *Necessitatem* vocarunt, eodem ac Thales usi vocabulo: ac demum eam *Fortunam* dixerunt, quando improvisa ac prorsus inopina nobis efficeret (2). Cui (nempe tibi) nullus unquam

(1) Vide Alcinozum in Platonis doctrina cap. 25.

(2) Cic. Academ. quaest. lib. 1. secundae edition.

quam locus inter primi sapientiam ; secundaeque ineluctabilem vim esse potuisset , nisi tria haec pro uno eodemque illi habuissent : veluti si quis , eundem Regem , quum exercitui praeest , *Ducem* : quum leges promulgat *Legislátorem* dicat : quum montes & saltus retibus , & jaculo peragrat , *Venátorem* . Et ne cuiquam clarissimae hujus scéltae sententia ambigua adhuc forte videatur , addam , omnes posteriorum temporum Platonicos , eam ita constanter interpretatos fuisse , ut te humana prorsus omnia dixerint gubernare (1) .

Fortuna omnipotens & ineluctabile Fatum , (2) dixit Platonícus Poeta , pene eodem usus sermone , quo profa oratione Philosophi .

At Socraticae sapientiae arcana (licet id malevolenti & invito similis fecerit) nemo , meo quidem iudicio , apertius posteritati referavit , quam Cebes ille Socrati caríssimus , qui Praeceptorí suo cum paucis morienti adfuit , postremaque etiam ejus verba (3) audivit . Nec nobis opus est conjectura rem aggredi ; quum omnium manibus teratur praeclara ac sane divina ejus *Tabula* ; qua profecto non quid tantum tibi in vita hominum sit tribuendum , sed officiorum pene omnium , interiorumque disciplinarum semina continentur .

Ab hoc deinde veluti fonte , praeter Academiam , duo ingentia flumina profluxerunt , Stoici nimirum & Peripatetici : quibus quorundam ob vocabulorum insolentiam nimiamque subtilitatem verbo tenus secum pugnantibus , reve-

Z 2

ra

(2) Plotín. lib. 1. oper. in 1x. part. distribut. Max. Tyr. in differtat. an data divinatione , aliquid sit in nostra potestate . Apulejus de Dogmat. Plat. lib. 1.

(1) Virg. Aeneid. 8. v. 334.

(3) Plato in Phaedon.

ra optime inter se, & cum Platone; & cum communi magistro Socrate conveniebat. Quod quum in reliquis philosophiae partibus, praecipueque quod ad bonorum malorumque fines attinet, maximus idem Romanorum Philosophus, & Orator egregie probaverit: tentabimus & nos idem & in iis, quae te respiciunt, ostendere.

Nam quum Zeno, quae a Socratis schola hauserat, retinere quidem vellet, sed novis magnificisque verbis adumbrare; *Necessitatem* Platonis *Fatum* vocavit: Deo autem vetulam illam *πρόνοια*, quasi dixeris *Providentiam*, substituit: te denique, quod tertium vocabulum erat, nominatim retinuit, *Fortunamque* proprio nomine appellavit. Itaque etsi Stoici vim quandam esse ineluctabilem inexplicabilemque, sive compactam certamque causarum seriem, qua cuncta regerentur, affirmarent; eadem tamen tractando explicandoque, quantumvis perplexe alioquin loquerentur, aperte tamen profitebantur, ex iis quae evenirent, alia *Necessitate* fieri: alia *Fato*: alia *Fortuna*: nonnulla *Casu* (1). Ut pateat, eos verborum ambagibus, subtilitatumque flexibus a Platonis & Academiae sententia discedere conantes, assequi nequivisse; atque in eandem opinionem vel invitos recidisse. Aristoteles vero easdem partes mutata tantum persona egit: licet in omnibus impensius se se magistrum ostendere, quam discipulum studeret. Itaque universitatem quidem rerum, coelestiaque maxime Deo & Providentiae administranda delegavit: sublunaria autem omnia extra Providentiae potestatem seposuit (cujus sententiae causa immerito sane unus omnium a recentioribus Philosophis vexatus est: quum eam non ipsius, sed Pythagorae, Platonisque esse, ac totius Academiae nosse debuissent.

(1) *Plutarch. de Placit. Philosoph. lib. 1. num. 27. 29. 36.*

sent tibi que proprium, ac perpetuum in hoc nostro Terrarum Orbe imperium constituit (1): Quo facto nil se se a Stoicis discrepare ostendit; duasque ex *aeternae*, illius Academicorum *Rationis* appellationes retinuit, *Deum* nempe & *Fortunam*: tertium vero *Necessitatis* vocabulum ideo retinuit, quod ejus verbi vi retenta, supervacua usurpatio visa est: duobus nimirum Regibus, non tanquam in Laconum Republica, sed cum summa atque invicta potestate constitutis; quorum imperium omnia subirent, nec ullo modo declinare possent. Quam sententiam deinde in moralibus ita amplexatus est, ut ne *Virtutem quidem sine tuis bonis bene se habere*, diserte docuerit; vitæque ipsæ suæ, copiosa illa equidem & opulenta, constantissime comprobavit.

Unde postmodum inter ejus discipulos non levis dubitatio exorta est, posset nempe, nec ne, beatam vitam præstare sapientia: anne eam tu vel constituere, vel certe confirmare bonorum affluentia posses, atque eandem adversis eripere ac labefactare. Porro etsi quæ hæc affirmaret sententia, debilitare, ipsosque adeo virtutis nervos incidere videbatur; eam plurimi nihilominus secuti sunt Peripatetici: cum primisque Theophrastus, qui in libro de *Beata vita* ita multum tibi tribuit, ut nullo pacto in sapientis potestate poneret, esse beatum. Quinetiam in suo *Callisthene* impense laudavit probavitque (2) sententiam, quæ hoc versiculo continetur.

Vitam regit Fortuna, non sapientia.

Quamobrem pene omnes in se Philosophos concitavit, qui eum acerrime proscederunt; quod nihil unquam

(1) Plutarch. de Placit. Philos. lib. 2. cap. 3. Diog. Laert. in ejus vita.

(2) Cic. Tusculan. quæst. 5.

quam ab ullo Philosopho dictum fuisset fractius atque languidius : Scilicet quasi non quid vere dicatur quaerere debeant Philosophi , sed quid magnifice & fortiter . Atque hoc in Peripatetico minus omnino mirandum fuerat , cui quum tot in corpore , atque extra corpus bona essent , posita in potestate Fortunae ; sane aequum erat , plus cum tantorum bonorum Dominae , unde ei beatitudo posset contingere , tribuere ; quam sapientiae , a qua nil ultra inflata & phalerata speraret verba .

Atque hac quidem verborum magnificentia inanique sono capti ; nonnulli etiam nunc Stoicos se se , si Diis placet , ferentes , magnosque quosdam & divinos viros , caeteros irrident , *Fatumque, causarumq; seriem sempiternam* truculento maxime vultu modo quoque obtrudunt : quid inde absurdi sequatur , & quam ea pugnantia sint minime perspicientes . Nam , praeterquamquod nexu illo insolubili ac necessario odiosam quandam , & infestam generi humano , rebusque adeo omnibus legem ferunt , quae nec vitium ullum nec virtutem , nullumque justum supplicium aut meritum praemium , amplius in vita esse sineret : quem tandem tantae moli Rectorem constituunt ? Quem tot tamque incognitas variasque rerum causas ac momenta dispensare , expedire , ciere , ordinare arbitrantur ? *Fatum* nempe : aequae omnino ac si *saxum aut truncum* dixeris ; cui videlicet nulla nec vita , nec ingenium , nec ratio , nullaue utique aut lux , aut cognitio possit unquam obtingere . Quae ut devitent isti , satis quidem dicaces & venusti , hoc se se effugio , sententiamque suam suffulciunt . Nullum nobis videlicet *Fatum* esse constitutum ajunt , antequam aliquid aggrediamur : sed postquam consilium ceperimus , semitamque delegerimus , tunc *Fatum* illico se se proferre , nosque ad illa necessario adigere , quae electionem illam consequuntur . Quo posito illud sequitur , ut , quum quaecumque accidunt & fiunt alios exitus habere possint ,
non

non illum necessario quem habuerunt ; quandoquidem & mergi navis (ut hoc potissimum Pythagorico utamur exemplo) & prospere enavigare aequè possit , prout in hanc , vel in illam causarum seriem inciderit ; nam unde , obsecro doctissimos viros , est , ut Lucius navigaturus in adversam insciens causarum seriem obstinate ruat , ac naufragium necessario faciat ? Publio autem pariter ignorantì , conscensâ navi , secundus ultro causarum nexus constanter offeratur , ita ut , usque adspirante vento , feliciter portum teneat ? Itaque esto , ut id tantisper istis largiar , certus sit , imperiosus ac invictus ejusmodi rerum ordo , nec vitari humana vi possit causarum insuperabilis impetus ac violentia : quid ei respondeant interrogationi , curve & quo pacto fieri dicant , ut ego quicquid agendum suscipio , quum in centum aut mille istarum serierum atque ordinum lineas impingi possim : indeque in quolibet temporis puncto undequaque declinare (siquidem *velle* saltem nostrum est , nec id nobis quoque , quod nemo unquam fecerit , eripiant) primo in hanc potius lineam , quam in illam ferat , maloque aut bono inscius imprudensque occurrat nexui : deinde usque ad exitum in illo obstinate perseverem ? Quid , nisi absurdius aliquid , respondeant ? Hâc enim istorum sententiâ receptâ *arbitrium* omne *funditus eripientum* hominibus est , quod quidem sine rerum omnium pernicioza ac nefaria perturbatione tolli non potest ; Rectorque nobis atque Imperator Orbis universi dejiaciendus est ac pellendus : in ejusque vicem , proque vero Domino nescio quae tenebrae , noxque inobservabilis inextricabilisque in cervices nostras imponenda .

Illud vero non solum risu dignum est , sed reprehensione etiam , quod iidem isti Fati propugnatores , tibi rerum nescio sane quarum temerarium quoddam imperium demandant , *Casumque* , & *Fortunam* , ubi
 ipsis

ipsis lubet; agnoscunt (1). Quasi, retentâ istorum sententiâ, aliquid temere & fortuito possit unquam accidere; quum tot tamque validis catenis res omnes; hominumque voluntates teneantur ac circumdantur. Aut enim nexa omnia sunt, ut isti volunt, & nil prorsus fortuitum & temerarium esse debet; aut si quid extra nexum desultare potest, & quid causae erit, cur non & pleraque aut omnia libero, vagoque cursu ire possê dicere queamus? Haec eorum inconstantia; vel repugnantia potius magis equidem coarguenda fuerat, quam Theophrasti quantumvis effoeminata, & mollis sententia: quae sibi certe constabat, & a caeteris Peripateticorum sententiis defluebat.

Adfunt hîc alii, qui tanquam Arbitri honorarii quaestionem scindunt. Hi sane, quamplurima rerum causarum ferri necessitate constituunt, eaque tantummodo forte fortuna vere dici evenire ajunt, quae causas consequantur alterius rei effectrices: tunc quippe quum aliquid accidit praeter spem & mentem illius qui egit (2); ut in thesauro a fodiente agrum invento, ut in sagitta alio, ac jaculator vellet, delata. Atque hi quidem nec quaestionem tollunt, nec aliquid novi produciunt. Nam & prope omnia humana opera inter fortuita hæc ratio constituit; quum passim a scopo declinent actiones nostrae: & eorum opinione recepta, nusquam apparet causa, cur ea quae in utranque partem evenire poterant, in alterutram ceciderint: & cur e duobus pomis, vel e duobus denariis propositis perque omnia paribus, alterum sumamus, alterum prorsus fortuita voluntatis inclinatione repudietur:

(1) *Plutarch. de Placit. Phil. lib. 1. n. 27. 29. 19c.*

(2) *Alexand. Aphrodis. in lib. ad Impp.*

mus : ut Chrysippus ipse Stoicorum acutissimus aiebat,
(1) hujus interrogationis pondus satis agnoscens .

Porro ne cum istis , qui cum ratione quammaxime insaniunt , & nos , si immoremur diutius , ad insanien-
dum adigamur , tribus verbis , ut ajunt , rem expedie-
mus . Singularis cujusq; rei causa , certa quidem ipsa (quan-
tum ipsis lubitum est) & indeclinabilis fuerit : quod ad
nos vero attinet , profecto incerta eadem omnino est , &
temeraria ; omnium autem ad unamquamque rem effi-
ciendam *necessariarum causarum concursus* , est plane
fortuitus .

Sed ab istis tandem effugiamus , qui taedio libertatis
nos in taeterrimam ignoti heri servitutem redegerunt .
Ad sapientiores , libertatisque amantiores Philosophos
aliquando accedamus . Primus omnium prodeat Epicu-
rus ; nomen tibi , Fortuna , acceptissimum ; saneque ve-
terum , novorumque omnium Philosophorum praece-
lentissimus . Is enimvero te , libero plane autũ , rerum
omnium Reginam renuntiare non dubitavit : neque aut
nihil agentem , ut caeteros Deos , aut temere : sed egre-
gie ac sapienter cuncta ordinantem induxit : nec partem
tibi dedit aliquam cui praeesset , aut socios in Imperio ad-
junxit , sed omnia late attribuit , solamque agnovit om-
nia efficientem . Attamen non licuit homini , qui cum
omnibus Diis bellum suscepisset , iisque non omnem mo-
do ademisset potestatem , sed mentem quoque evellisset
& sensum , ut nec bene capi eos pro meritis dixerit , nec
ira tangi , te palam in scenam producere , tuoque te no-
mine appellare : ne parum constans , sibi que ipsi tanta
in re adversari videretur . Itaque ad altum conversus ,

A a

in

(1) Chrysipp. de officio Judicis apud Plutarch. de Stoicis sibi-
contradicensib.

in maxima illa variaque atomorum suarum motione, ac deinde tum in hujus quem incolimus Mundi, tum in infinita aliorum Mundorum quotidiana fabricatione, nullum hercle alium architectum, aut artificem advocavit quam *Casum*: ut, immutato vocabulo, sibi quodammodo constaret; remque simul molliret, ac vitaret invidiam.

Nec tibi tantum in Physicis tribuisse contentus, in moralibus homines ipsos tibi subjecit: ipsumque immo Sapientem longe arctius quam Aristoteles antea fecerat, tibi colligatum, constrictumque tradidit, ut sine te beatus esse non posset. Nec enim aliud voluisse illum pater, quum summum bonum voluptatem esse dixerit; deque corporis voluptate se loqui disertis verbis frequenter in suis libris fassus sit (1). Voluptas equidem, quae beatos sola potest efficere, quum secundum Epicurum non ab animo, nec a virtute oriatur, a rebus corporeis & externis pendeat necesse est; quibus ea quae ad sensus pertinent, & quae delectationem omnem respiciunt, continentur. Rerum vero corporearum externarumque omnium, tuorum etiam inimicorum consensu, tu Domina es & Regina: itaque, quum sine te omni voluptate carere debeat Epicureus, sequitur, eum sine ope tua beatum esse non posse. Immo nec sapientem; nam si *nemo beatus nisi sapiens*, nemini autem beatitas possit contingere nisi eam tu largiaris, efficitur, sapientiam quoque sub tua signa militare, Sapientumque Epicureorum omnium sortem a te pendere, quibus & beatitudinem una & sapientiam nutu potes adimere, momentoque temporis efficere insipientes simul atque infelices. Quippe, o Fortuna, quod tecum familiariter dictum velim, ea est con-

(1) Cic. de finib. lib. 2. & alibi.

conditio veritatis, ut non solum pauci eam videant, sed eam pauciores etiam proloqui audeant. Epicurus quidem, qui absurdam de Diis sententiam suam omnino reticere debuisset, nihilominus vulgavit; idem deinde, quum quae de te sapienter sentiret vulgare debuisset, sedulo tamen celare conatus est. Atque ad idem se se exemplum gessit doctissimus Romanorum Poeta, qui ejus sectam amplexus, ejusque imitandi studio incensus, illius aurea dicta (ut ipse quidem ait) depascens Praeceptoris doctrinam elegantissimis versibus est prosecutus. Is namque, dejectis ac deturbatis astrarum rerum cura & imperio omnibus Diis, quum te unam, prout Magistri ferebant praecepta, retinere cogeretur, & revera retinisset, nec appellare tamen auderet, rem scitissime per circuitum expeditiv. Et in quodam poematis angulo (1) quasi aliud agens te abdidit; ita tamen ut qui serio investigaret, a te ubi invenire omnium Dominam, tantarumque rerum auctorem posset. Idcirco magnorum Ducum, more suo, irridens pietatem, qui medio in mari in maximo classis exercitusque discrimine, ad Deos manus tendunt, pacatumque mare votis expetunt suis: *nequicquam* eos id agere dixit; interque ipsas preces & vota naufragium nihilominus facere; te nimirum ita imperante, quae gaudes summa quaeque prosternere.

Usque adeo res humanas VIS AEDITA QUÆDAM

Obterit, & pulchros fasces, saevasque secures:

Procukare, & ludibrio sibi habere videtur.

Potuitne is, Fortuna, qui Deos sustulerat, tuum numen orationibus proferre verbis; quidve de te ipse ac praeceptor suus sentirent, planius enunciare?

At istis liberior expeditioreque oratione usus est

A a 2

Ari-

(2) *Lucret. lib. v. vers. 1225.*

Aristippus : nec timide aut dissimulanter, quae ad te spectarent , tulit , sed palam quanti te faceret viriliter patefecit , Dionysio , Syraculis , ipsoque immo Platone spectantibus . Porro amantissimus hic Socratis discipulus ac nobilissimae conditor sectae ita vitam instituit , discipulisque suis ita instituendam mandavit , ut ea prorsus sine te produci , atque haberi non posset . Pecuniam , praedia , Principis favorem , cætera de genere hoc ad beate vivendum necessaria putabat : bonorumque sine in corporis voluptate posito,(1) commodis ita affluebat , tantoque ea sumtu parabat , ut nisi ei de Tyranni thesauris argentum fuisset suppeditatum , quasi unus sane e nepotibus istis , paucos intra menses necessario decoxisset .

Praetervecti tandem tot opinionum scopulos , syrtibusque philosophicae cavillationis vitatis , superest modo ut venustulos quosdam redarguamus , qui , quum te tollere non audeant , uti caecam , insanam , deliramque traducunt , notamque tibi stultitiae ac temeritatis audacter inurunt : dum te fingunt temerario prorsus impetu ferri : largiri & auferre , favere & adversari nulla quidem ratione , sed praepostere admodum & proterve . Qui dum sapientes sibi esse videntur , aliisque videri volunt , stultos audacesque se ostendunt . Sane si quis in medio forte natus Oceano , qui nunquam praeter Mare & Coelum , navemque in qua natus sit atque educatus , quicquam viderit , repente in mediterraneam aliquam regionem deportetur , ibique agricolam conspiciat rei rusticae navantem operam , ramos falce amputantem , atque ex iis illos in furculorum usum ferentem , hos vero projicientem : partem aliam agelli stercorentem , aliam oc-

(2) *Vid. Diog. Laert. in ejus vita.*

occantem aut farrientem, aliam novantem, aut iterantem: poma sedulo legere aut decutere, illaque diligenter servare, haec suisbus projicere; nonne is thalassicus homo, si sanus erit, mirabitur quidem, sed, se ea omnia quamobrem fiant ignorare dicet? Si vero arrogans erit, & se credet sapere, delirum illum hominem esse protinus affirmabit, cunctaque miscere in illo agro & turbare sine causa & ratione? Eodem prorsum pacto nugaces isti Philosophi, undenam in hunc mundum delati sint nescientes, cujus ignorant originem, naturam, affectiones; illico ut paullulum circumspexerunt, audacter de rebus ignotis pronunciant: atque haec ordine, illa temere fieri: horum quidem Naturam, illorum Fatum aut Fortunam Casumve auctorem esse perfricta fronte confirmant; nil aequae verentes, quam ne ea, quae nesciunt, nescire videantur. Itaque ut quidquam accidit, exclamant statim: o factum bene! o factum male! o caecam Fortunam! viden quibus saveat, quosque injusta praetereat! O Fatum, o Natura, o legum sempiternarum ineluctabilis necessitas! Atque haec inaniter deblaterantes, ceu aliquid dicant, magnam sui admirationem faciunt, sapientesque vocitantur.

Sane fuerat prudentius, te numenque tuum venerari, & quicquid feceras, optima id factum ratione credere. Tu enim Orbis terrarum veluti quaedam materfamilias, aud secus ac villicus ille, quid secundum, quid urendum, quid servandum aut abjiciendum sit nosti, hominesque (quorum animos acutissime pervides) suis locis veluti suppellectilem quandam disponere, modo altius locando, modo inferius: atque id pro re, & meritis, quoties videbitur, repetitis vicibus alternando. Haec ita fieri intelligens sapientissimus illè Pythagoras, (quem saepius jam nomino propter ejus praestantem sapientiam) longe ab istorum levitate abhorrebat: teque prolixè venerabatur, docebatque homines, quaecunque

tu in eos immitteres, quemque tacitum ferre debere nec reclamare; unusque omnium Philosophorum te Divinam appellavit:

*Quos hominum generi Fors dat DIVINA dolores,
Partem ferre datam, nec succensere labora.* (1)

Quâ quidem sententiâ optime se acutissimus senex cognoscere indicavit, omnia a te jure fieri, *meritumque nostrum*, tuumque de eo *judicium* praemia & poenas parere: quorum dispensatio non modo temeritatis non esset, ut vulgo effutiant malefieriati quidam Philosophi, sed summae prorsus sapientiae: ideoque te *Fortem Divinam*, novo vocabulo nuncupavit. Connexio etenim, & humanae voluntatis cum suprema divina lege concursus, Pythagorae *Fortuna* dicebatur. (2)

Nec in superbum hoc tantum & multivolum animal, quem hominem vocamus, imperium habes, sed in bruta etiam animantia, ignobiliorem quippe atque obscuriorem provinciam, idem regnum exerces; nosque, quos reliquâ naturâ versas, ministros invicem tibi, emissariosque delegisti ad brutorum fata exequenda. Pudet me hoc in loco versari; nam dedecere genus humanum videtur, conservos homines bestiarum esse; rationisque compotes, ingenioque pollentes tam vili defungi ministerio. Caeterum equos, canes, feles, aves (quantum quidem ejus rei est eorum capax natura) eodem propemodum pacto ac nos agis, felicesque atque infelices efficis pro libitu arbitrioque tuo. Et si bruta vocem emittere possent, credo passim & eorum querelas exaudituros esse nos, ut hominum quotidie audimus.

Nam tu quam libuit caniculam beatæ alicui matronæ,

aut

(1) Pythagor. in *Aureo Carm.*

(2) Hierocli. in eam partem aurei *Carm.*

aut Regiae virgini commendas, quae illam in deliciis habeat, ossium medullas, & dulciculas escas sua porrigat manu, in sinu eam usque ferat, palpet, exosculetur, cubitum noctu secum ducat: suum mel, suam vitam, suum corculum appellet. Ut saepe mirari accidat, quonam pacto ipperiosam & importunam feminam, viro, filiis, servulis, vicinis, amicis saevam atque indomabilem, bestiolae ita placatam & humanam praestes, ut omnia ab illa hilariter ferat, maculari, immingi, conspurcari, & morderi etiam aliquando. Contra vero quamplurimas canes videas per trivia & angiportus algore & fame perire, pueris ludibrio esse, saxi impeti, terreri ac propelli: vitaeque latronum more agere, raptoque ingenti cum periculo vivere.

Equorum eadem fere est conditio. Nam ex his aliquos Regibus principibusque viris objicis, qui his educandis docendisque nobilissimos homines praeficiant, pastu lectissimo nutrant, stabuloque multis mundis cubiculis mundiore servant, in ocio fere semper, vel modico & valde moderato labore. Quinetiam ex illis aliquem aliquando prae caeteris diligit, ut Bucephalum, quem aequae ac Alexandrum nobilem effecisti; & sicut hunc amicorum adulatio Jovis filium renunciaverat, ita tu equum reddidisti plus pene quam hominem. Alios autem equos, tametsi aequae rotundis clunibus, brevi capite, arduaque sine cervice, rus ablegas, villicoque cuidam paupertulo, & avaro tradis, qui molere eos faciat, ligna & lapides vectare, plaustrum trahere & arare sterendoque frumento, rusticisque aliis operibus ad lassitudinem usque male pastos adhibeat, ut macie & illuvie squallere eos videas, vixque ab ipsis alinis differre.

Quid aves? Ex tot passerum millibus unum deligis, quem Lesbia plus prope Catullo, suisque adeo oculis amet; quicum ludat, quem in sinu teneat, cujusque acres morsus incitare gaudeat: reliquos vero venatorum,

acci-

accipitrum, ac puerorum inclementiae crudeliter obiectas. Quid ego modo felium, quid plittacorum, quid gallinarum varias narrem fortunas, aliarumque itidem bestiarum? Quivis facile, quae dicturus essem, reputare secum poterit, si aliquanto curiosius quae brutis animalibus accidunt observet. Quae philosophi conspicientes, eorumque ignorantes rationem, tibi quidem palam ea assignare veriti sunt, sed *Casui* delegarunt (1); nempe ut supra caeteros sapere viderentur, ministroque tribuerent, quae ipsa efficiat Regina. Ut pateat, Fortuna, illos qui te maxime expellere, ac delere satagerent, efficere nihilominus id auctos non esse, atque aegre in nomen latebra delituisse, unde eos ratio, atque humani generis consensus aud raro depulerit.

Quid tergiversamur obsecro? Quid veritatem occultamus? Profecto si alia omnia tuo surripere imperio velimus, nos vero ipsos, resque nostras quo pacto subducemus? Vertamus nos quaquam lubet, Numen usque tuum occurreret, tuaque semper potentia nobis usquequaque se se offerret. Innumerabilia cuiuscunque generis exempla, quancunque vitae partem inspexerimus, videre est; diversaeque fortunae in pari statu causaque conditiones non in eadem solum Urbe, in eadem Aula, in eodem Foro conspiciemus; sed & in eadem navi, in eadem domo, in uno eodemque lectulo. Fratres, parentes, natos, conjuges, quum caetera omnia sint pares, dispares, diversaeque fortis tu facis; & dum vir in altera lecti sponda felicitate sua se se effert, ac triumphat, uxor saepenumero in altera fortunas conqueritur suas, suisque illacrimatur calam-

(1) Hierocl. ad aur. Carm. Pythag. 19. in eius compend. apud Hug. Grot. de Fato Provid. 19c. Chalcedius ad Timacum Platonis. Alex. Aphrodisiens. in lib. ad Impp.

laminatibus. Et si homines te non in magnis solum rebus, atrocibusque quaerere consuevissent, in minutis quoque & vulgaribus eventibus pariter invenirent; tuasque vires aequae admirarentur in Croeso capto, ac in pauperculo illo Simone ob aes alienum vineto, & in carcerem conjecto: in Cyri imperio, ac in tenui illius opificis hereditate. Semper etenim eadem es: tibiue parvula aequae ac maxima pari usque momento imperioque reguntur.

Illud vero tantummodo qui Philosophorum sapientiores habiti sunt, mordicus tenuerunt, Virtutem videlicet te tuisque bonis non indigere, seque ipsa esse contentam: unde magnifica illa orta sunt:

*Nam sapiens quidem pol ipse fingit fortunam sibi;
Eo ne multa quae ne vult eveniunt, nisi fictor malus
est.* (1)

Sui cuique mores fingunt Fortunam, (2)
Nullum nomen habes si sit prudentia etc. (3)

Fabrum esse suae quemque Fortunae. (4)

Horumque similia, quae satis quidem ex philosophica sunt gravitate, nec adversarium facile inventiant. At suaves quammaxime illi sunt, qui quo ea referantur non intelligentes, composito ore ejusmodi oracula veluti ex Pythii tripode reddunt, & suam sibi quemque Fortunam effingere indiscriminatim detinunt, plaudentibus iis, quibus alieno mos est ingenio sapere: *Fortunam* porro *qualemcunque tolerare in nostra* sane est potestate: at quam ipsi velimus *Fortunam* nobis efficere posse, id

B b

enim-

(1) Plaut. in Trinum: act. 2. sc. 2.

(2) Corn. Nep. in Vit. Atici.

(3) Juvenal. Sat. 10.

(4) Appian in Carminib. In oratione 1. de Rep. Ordinand. ad Caes.

enimvero omnia Stoicorum superat paradoxa . Num enim aliud praeclari isti dicunt , quam illud videlicet , in uniuscujusque positum esse potestate , ut ex Rege quis nascatur , ut Imperator fiat , ut patricius sit , ut dives , ut omnia ex sententia eveniant ? O acutos Philosophos , o inauditam , & incredibilem sapientiam !

Attamen si philosophica illa enunciata pressius inspiciantur , ut ea sine dubio vera esse , ita nil omnino tibi adversari apparebit , nec quicquam potentiam tuam imminuere . Nam tu quidem Virtutem res suas agere finis : nec obstas quin honeste quilibet vivat , cupiditates frangat , bonus denique sit , ac frugi . Idcirco qui hoc pacto fingere sibi fortunam volet , nullo prohibente id faciet , atque a te secure se habebit : *Libera enim est virtus , nec ulli est obnoxia necessitati* . Inter te autem , & Virtutem ita videtur convenisse , ut tu quidem , quae bonos & probos efficere nequires , divites ac felices efficeres : Illa vero contra , cui hoc non liceret , honestatem , morumque sanctimoniam iis qui ipsam sequerentur tribueret ; ita ut nec tu Virtuti , nec Virtutem tibi negotium posses facessere , si utraque vos vestros intra fines contineretis . Cui tamen pacto alterum ex utriusque voluntate additum suspicari jure possumus , ut Tibi Virtutem comitari , si velles , datum esset : Illa autem amicis quoque tuis se se dare , si libuisset , non vetaretur .

Itaque generosi isti Philosophi beati omnino rerumque omnium securi vivere possunt ; ita vero si pera & baculo contenti potentia victitent , nec unquam in divitiarum , potentiae , voluptatum , caeterorumque commodorum incidant cupiditatem . Maximeque cavere debent , ne latum unguem a sua porticu discedant , neve pedem educant e Virtutis templo : aut quae tibi serviunt , ea libera existiment , quaeve alienae sunt , illa suae putent esse potestatis . Quod si in hoc peccent , & lucelli , aut voluptatis , vel gloriolae illecebra capiantur ,

tunc

tunc equidem clamitent quantumvis licet, Virtutemque vocent invocentque, in tuam continuo potestatem deveniant, & iisdem ac caeteri homines fluctibus jactabuntur (1). Sapiēti itaque accidet ut testudini solet aut Erinaceo, quae dum testa spinisque continentur suis, testa ac tuta sunt satis, aliorumque imperum animalium facile contemnunt: sed si exerere caput, horrentemque dissolvere audeant orbem, tunc in maximo versantur periculo, omniumque violentiae pateſcunt. Si haec se cum reputent Philosophi, velintque semper liberi esse ac felices, neminique servire, suis se praesidiis ac munitionibus sedulo contineant, nec quicquam extra eas aut cupiant, aut averſentur (2), atque ita te poterunt tuto aspernari. Haec mediusfidius si ego (quamquam a philosophica laude longe absūm) tempestive cognovissem, senem illum etiam in hoc imitatus essem, meque extra telorum tuorum jactum domi continuissem; reque mea familiari, etsi jam non ampla ut olim, non ita tamen modica & angusta, contentus, pauperiā ferre didicissem, tuamque prorsus jurisdictionem vitassem. Nunc alius mihi rerum ordo obnatus est, postquam caput eduxi, meque tibi committere, honoris dulcedine captus, non dubitavi.

Quod vero reliquum est, tuae modo clementiae fuerit, o Dea omnium optima, nobis ex animo ignoscere; qui & sincere nos ipsos palam accusaverimus, numinisque tui majestatem atque amplitudinem a semidoctorum calumniis acerrime, quantum quidem in nobis fuit, vindicaverimus. Nec mehercule qua modo ratione venusti se se isti tueantur video, quibus perpetuum tecum ul-

B b 2

tro

(1) *Epiſt. in Enchirid. cap. 3. 4. & passim.*

(2) *Epiſt. ib. cap. 10.*

tro gerere bellum mos est. Unde eos jam auxilia comparare, quos sibi socios adungere, quorum autoritate suarum opinionum monstra defendere suspicemur? Nulla equidem ratio afferri videtur posse, quae potentiae tuae fundamenta non dicam evertere, sed quater modo valeat, & infirmare. Omnium hominum, omniumque temporum perpetua, eundemque in rebus experientia tuum stabilit regnum: Mortalium de te opinio ita numini favet tuo, ut vix, & ne vix quidem invenire queas sanae mentis aliquem, qui arbitrium, imperiumque tuum non agnoscat. Quid de viris doctis dicamus? Poetas, Historicos, Oratores, Scriptoresque alios te creberrime in libris suis invocare cernas, atque identidem allegare tanquam unam magnorum eventuum prope omnium causam. Superfuissent philosophi, at hos modo vidimus, per omnia aetatum tempora, perque omnes sectas, tametsi inter se circa caetera interdum discordes, de te idem prorsus singulari unanimitate sentire: dominatumque tuum, latioribus paullo angustioribusve finibus, quasi in rebus omnibus nominatim designare. Jam tacebunt ergo, & garrire aliquando desinent isti: & de rebus suis tandem solliciti, Te vere hujus Orbis Imperatricem, si mihi quidem auscultabunt, ut malum caveant, benevolam sibi & amicam primo quoque tempore efficere diligenter, omnique studio satagent; nostro maxime permoti exemplo, cujus tu imprudentiam, ac temeritatem satis acris supplicio retudisti.

Nollem enimvero (quod fortasse aud absurdum videretur) suspiceris, Regina, me avaritia aut ambitione incensum, divitias aut honores a te modo, tanquam hujus cantilenae mercedem, expetere. Non is mihi animus: sed satis jam adversus tales hostes firmatus. Itaque credas velim, mihi, praeterquamquod satis superque praemii tulisse jam reor suscepto veritatis patrocinio, fixum insuper immortumque animo sedere;
TU.

TUTEM QUACUNQUE IN OBSCURITATE POSITAM CAETERIS REBUS OMNIBUS LONGE ANTEFERENDAM ESSE : Nec nobis unquam excidet sapientissimi Ulyssis iudicium ; qui, quum a prima Parcarum Lachesi cum aliis quampluribus animis evocatus esset ad alterum mortalis vitae curriculum explendum, dataque cunctis optio, ut postquam bene serioque tantam rem perpenderent, quam quaeque vellet maxime vivendi conditionem eligeret : & ex reliquis animis Tyrannidis aliae, aliae divitiarum, aliaeque aliam pro veteri errore & consuetudine conditionem optassent ; Ulysses ultimus ad eligendam accedens, qui Rex olim summaeque apud Graecos gloria & auctoritate florisset, praetoriorum recordatione, Regnique & Potentiae molestias reputando, diu privati alicujus homunculi, maximaeque a rebus gerendis alieni vitam quaesivit, eamque aegre tandem obscuro in loco jacentem, atque ab aliis omnibus neglectam & despiciatam invenit, sibi libentiissime assumpsit : eandem affirmans se se electurum fuisse sortem, si, ut postrema, sic prima ei optio obvenisset (1). Ego itaque primo te etiam atque etiam opere maximo obsecro, refecroque Fortuna, ne te mihi implacibilem inextinguibilemque praebeas, sed ut veteris culpa meae memoriam omnem deleas prorsus & obliteres : deinde, si quis mihi jam apud te locus precibus etiam esse potest, per oculos tuos te, quos primus mortalium tibi reddidi, oro & quaeso, ut me unde quondam adolescentem in poenam in pelagus rapuisti, eo maturum modo juvenem in terram reducas, amiceque atque humaniter sis. Et, si vere inter nos reconciliata est gratia, me tantis fluctibus imparem, & jam, uti vides, in cursus principio oppido

(1) *Plato de Republic. lib. 10. in fin.*

do nausentem in aliquo recondito tutoque finu abde,
ubi tranquille possim quod vitae superest agere, atque
quasi Erinaceus, *Orbe meo tutus*, obscurus ignotusque
omnibus delitescam; mihiq; ipsi Boethianum illud in-
culcare identidem possim,

Nec speres aliquid, nec extimescas.

JANUARIi PARRINI
J. C. NEAPOLITANI
CONVIVIUM TABULARUM
ET
DIALOGI FORENSES
DEC. M.

201

JANUARIJ PARRINI J. C.
 CONVIVIUM RABULARUM
 AD CLARISSIMUM AMPLISSIMUMQUE VIRUM
 MARCHIONEM
 BERNARDUM
 TANUCIUM
 POTENTISSIMI REGIS NOSTRI
 A Justitiae Clementiaeque Secretis ,



Nulla vere Civitas, CLARISSIME BERNARDE TANUCI, post florentissima illa Romanae Reip. tempora, ampliora Eloquentiae praemia proposuit, quam haec nostra: in qua non modo illustris semper ac facilis ad summas opes per forensensem operam aditus patuit, sed ad maximum etiam dignitatis, civilisque potentiae fastigium. Unde factum est, ut rejectis prope caeteris artibus, scientiisque, omnia ad leges, causasque dicendas nostra juvenis studia transfunderet: nec acriore quis ingenio, his praesertim duobus proximis saeculis, extiterit adolescens, atque indole liberaliore, quin propterea in forum a parentibus truderetur. Tanta itaque ex omnibus ordinibus multitudo huic sese tradidit disciplinae, ut & reliquarum ingenuarum simul omnium artium alumnos longe numero superaret; & paulatim effectum sit, ut qui aliud quam Jurisprudentiam professi essent, ne satis quidem honestum in Civitate locum obtinere viderentur. Profecto si eorum numerum reputare animo velimus, qui ducentis ferme annis sese foro mancipaverunt,

runt, si maxima, & acutissima nostrorum hominum ingenia, si propósitos honores, si gloriam, si praeemia, si dignitatem, necessariam omnino videatur, quamplurimos summos Jurisconsultos, eloquentissimosque Oratores ex hac tanta multitudine extitisse. Eoque id magis ita sese habere talia reputanti verisimile fuerit, quod non, ut apud Romanos obtinebat, ita in plurima, & gravissima studia nostri etiam homines distraberentur, sed toti in unam curam per omnem aetatem incumberent. Nam illi bellicis rebus, imperatoriisque artibus, dicendoque juri, & Senatoriis consiliis, necnon bonorum petitioni, reique publicae domi forisque administrandae, atque Eloquentiae simul ac legibus vacabant: nostris vero nil ultra Forum & causas curandum. Quod quidem (fatebor enim MAXIME TANUJ, quod nequeo dissimulare, quamquam magno cum dolore fateor) diu aliter evenit, ac ea fert conjectura. Nam & forum Eloquentiae laude diu prorsus caruit, & Jurisprudencia, quamvis plures acerrimos peritissimosque viros sit nata; qui & res judicatas literis mandarunt, ac Responsa, Consilia, Controversias, Commentariosque etiam ediderunt; in mediocritate tamen loco apud nos usque constitit. Nec ejus rei aliam invenimus causam fuisse, quam praeposteram, & sane corruptam studiorum rationem. Etenim, quam u nostris Legibus sapienter fuisset institutum, ut nemo de jure respondere posset, atque ad causarum patrocinium accedere, nisi qui; postquam statò tempore humanioribus literis, Eloquentiaeque cum primis dedisset operam, per aliquot annos publico in Gynnasio Romanam Jurisprudenciam didicisset, deindeque studiorum suorum in Seniorum Isterum Collegio subiisset censuram; ut ita demum in forum rite pergeret; haec omnia hominum sive desidia, sive praepropera avaritia subvertit; ut ea vel omnino negligerentur, vel nimis properanter, & diis tantum causis fierent. Invaluerat quippe ea a primis usque

que nostri fori incunabulis apud forenses homines opinio, ingenuas prorsus artes, veterum linguarum peritiam, Philosophiam, literasque omnes constantissime foro esse expellendas: ut nihil magis adolescenti, qui se foro addixisset, adversari ad famam, opinionemque forensem vulgo crederetur, quam ea studia attigisse: sine quibus mehercule nec Jurisprudentia, nec Eloquentia constare posset. Nil nisi leges, patriaeque potius quam Romanae, nostratesque Auctores tantum, ac externi Pragmatici, repudiatis pene omnino melioris notae scriptoribus, juventuti proponebantur, in quibus operam, diligentiam, studiumque omne collocaret. Quod sane pessimo, & exitiabili prorsus consilio factum est: atque ab hoc pravo, maxime sociarum rerum & reprehendendo dissidio duo magna in forum mala irruerunt. Namque & Patroni munus facundiae ornamentis spoliatum, literarumque, ac Philosophiae lumine orbatum, improba quaedam ars, & humerorum potius, & pulmonum quam ingenii effecta est, indoctisque molestorum, ac odiosorum clamatorum latratibus infestum effectum est forum; Et juris scientia, detracta Romanarum legum sapientia, & latini sermonis elegantia, antiquitatis notitia posthabita, ac sprete doctissimorum interpretum eruditione, in implicatas quasdam inextricabilesque ambages, centonesque imperite sartos, omni doctrina, atque amoenitate rejecta, est conversa. Atque inde porro nasci oportuit, quod nos certe dolere ex animo debemus, ut nostris Jurisconsultis, quum laborem sane, & ingenium in suis scriptis abunde testentur, magnamque rerum forensium cognitionem, cultus omnis, & doctae illius antiquitatis prudentia, nitorque prorsus deesset: quae si affuissent, Cujacios & nos, atque Alciatos, Fabrosque habuissimus. Nam nec ingenii acumine, nec magnitudine controversiarum, jurisque scientia eruditioribus nostri cedunt scriptores, sed ordine, ornata, sermonis elegantia, histo-

riarum notitia, doctrinaque demum illa, quae nonnisi a Philosophiae fontibus, antiquitatisque studio haberi, atque hauriri potest. Atque haec tanta sunt, ut ipsa per se magnum Jurisconsultum efficiant: Et si defuerint, quamvis maximum adhibeas ingenium, summoque incumbas labore, Et quotidianarum quaestionum articulos omnes teneas, jurisque sis (hoc nostro, non illo veteri modo) peritus; jaceas nihilominus, necesse est contemnendus, nulla in posteritatem spe gloriae.

Haec tamen barbaries acerrimos septuaginta fere ante annis in ipso foro hostes invenit: qui inter subsellia bonas artes, Eloquentiam, Philosophiamque etiam attadcter profiteri ausi sunt, Et cum Rabularum catervis, indoctorumque colluvie quasi signis collatis dimicare. Nam Patrum nostrorum aetate FRANCISCUS ANDREA exiit, qui Neapolitanorum primus tantam eloquentiae vim in forum attulit, quantam nemo nec ante, nec post ipsum; tantamque simul doctrinam, quantam nullus quidem antea, pauci vero postea attulerunt. Aderant in illo, praeter ea quae ab arte Et diligentia sunt, fere omnia, quae a Natura in Oratore requiruntur; maxima ac suavissima vox, status, motusque corporis, gestus, ac pronuntiatio ita apta, atque ad dicendum accommodata, ut quidquid diceret, aut in dicendo ageret, cum magna audientium delectatione, deceret. At is, per-vulgata, Et corrupta illorum temporum institutione rejecta, optimis literis; Graecisque, ac Latinis scriptoribus ab ineunte aetate operam navavit: unde ejus oratio profluens Et concitata, optimis verbis, Et betrusconitore splendida, crebris sententiis, ac rebus ab intima Philosophia, veterumque sapientia depromptis, foro tamen, populiq; auribus scientissime accommodatis abundabat. Late vero tunc ejus imitandi studium in nostram juventutem manavit: quum quisque quantum posset anniteretur, ut illius in dicendo elegantiam, atque

impetum exprimeret, orationisque gravitatem, & copiam referret. Sed nemo tantum ingenium, tantamque industriam ea in re posuit (ut de JANUARIO ANDREA Francisci Fratre viro doctissimo, & gravissimo Senatore, sed parum eloquenti, taceam) quam SERAPHINUS BISCARDUS; quem Franciscus casu oblatum ita arripuit ac dilexit, ut in eo maximam spem retinendae in foro eloquentiae poneret, praeclarissimaque studia propagandi. Nec is magistri spem fefellit; nam etsi nec vi, nec impetu illi fuerit comparandus, juris tamen prudentia nescio an anteposendus; acumine vero quodam, lenique eloquentiae flumine, testis undique, & mira in causis dexteritate ita invaluit, ut dignus profecto, qui tanto viro in fori gloria succederet, haberetur. Dederunt sese in Biscardi disciplinam duo summa sane ingenia, JANUS VINCENTIUS GRAVINA, & CAJETANUS ARGENTIUS. Gravina fori ambages, in quo principem locum habere aliquando potuisset, cito aspernatus, & Philosophiae aliquantulo studiosior, Romanum ocium, literariumque nomen forensi gloriae, opibusque anteposuit. Argentius autem studiis omnibus liberalioribus egregie perpolitus ita se Jurisprudentiae dedit, ut vix in eo genere aliquid inveniri posset, quod quidem scriptum, vulgatumque esset, quod ille non novisset, nec aliquid unquam legerit quod non memoria teneret. Voce tamen subagresti, gestuque, ac pronuntiatione minime oratoria, quamvis incalesceret aliquando, naturaeque vitium rerum gravitate, & copia abunde semper compensaret; mediocrem tamen in dicendo laudem assecutus est, quum doctrina omnes, qui in foro unquam extiterunt, longo intervallo superavit. Plures praeterea eodem tempore, quo Franciscus Andreae floruit, clarissimorum Jureconsultorum scholae extiterunt. Nam PETRUS FUSCUS, licet ab humanioribus literis paullo fortasse alienior, in enucleando nihilominus jure singulari quadam prudentia viguit, tantamque

que veterum, Bartolinae praesertim scholae, juris interpretum peritiam praesetulit, ut nemo ei in excutiendo, atque explanando jure anteponeretur. Nec defuit Fusco dicendi laus, non prorsus oratoria illa quidem, sed gravi, honestoque viro digna, ac maxime Jurisconsulto propria. Ab hujus schola plurimi Patroni extiterunt, qui fere omnes Praeceptoris probitatem retulerunt, jurisque prudentiam; E quibus sat fuerit HORATIUM ROCCAM, & FRANCISCUM GUERRASIUM referre; quorum funera nos, moerentibus bonis omnibus, nuper vidimus, quum Rocca in amplissimo V. Virum Senatu summa sane in foro dignitate esset, GUERRASIUS in XXIV. Virum Consilio magna virtutis, & prudentiae fama constitisset. Duo praeterea egregia doctrina, magnis ingeniis, salibusque praeterea, & lepore sane Attico praecellentes Oratores eadem illa tempestate floruerunt, NICOLAUS CARAVITA (cujus domus omnium sui aevi doctorum hominum fuit alitrix, quaque e schola, ut duo pro omnibus proferantur, ALEXANDER RICCARDUS, & XAVERIUS PANSITUS magnis utrique honoribus usi, extiterunt) & CASAR NATALIS, quibus nullam equidem oratorum ornamentum defuit, & tum in dicendo, tum in scribendo acres, acuti, pressi, & elegantia, ac nitore singulari: licet CARAVITA acrior haberetur, & forensi fama praecelleret. Tot igitur, talesque Viri, nonnullique praeterea haud parvam fori partem in se converterunt, coepitque juvenus paulatim aliquid ultra forenses cancellos audere, nec amplius absurdum, ac monstri simile in foro visum est, causas defensitare, & Philosophum simul esse, ingenuisque artibus excultum. Licuit inde CUJACIUM etiam, HOTMANUM, GOTHOFREDUM caeterosque gravissimos Romanarum legum Interpretes impune in medium adducere, eorumque auctoritate uti ad controversias definiendas. Immo quo tempore nos primum in forum adolescentuli venimus, quum supremo XXIV. Virum Consilio

CAJETANUS ARGENTIUS summa cum laude hominumque admiratione praesideret, probe memoria tenemus, illud vulgo inter forenses homines invaluisse, neminem ad causam coram tanto Viro dicendam accedere posse, qui non ex legibus Romanis, Cujacioque, reliquisque doctissimis Jurisconsultis aliquid pro se afferret. Ex qua disciplina quot acutissimi Jurisconsulti, quot optimi Oratores exciterint, nemo, cui quidem notum forum nostrum est, non videt. Et si mihi non decretum esset, neminem vivum nominare, possem modo claros Neapolitani fori Oratores nedum brevi quadam commemoratione indicare, sed iustum etiam de iis opus conscribere.

Quis vero posset illis temporibus, quibus tot tantaeque literae in foro versabantur, summam quoque morum perversitatem, supinamque ignorantiam fuisse, suspicari? At sane tunc maxime prava invaluerat disciplina, & forensis corruptio omnem modum excefferat. Satis fuerit, ut id probatum testatumque habeamus, sermonem illum in medium adducere, quem aliquando a quibusdam Rabulis habitum dicere consueverat XAVERIUS PANSUTUS affinis noster: vir & in dicendo jure in XXIIV. virum Senatu Catoniana plane severitate illustris, & gravioribus disciplinis omnibus eruditus, atque in pangendo carmine (ut ejus Tragediae praesertim testantur) Italorum Poetarum nulli secundus. Is autem memoriter nobis, nobisque audientibus aliis persaepe narrare solitus erat, CAMILLUM quendam necessarium suum virum egregium, quem acerbo nimis furo creptum dolebat, in acerrimos quosdam Rabulas adhuc adolescentem incidisse, quos optimam ejus institutionem in quodam convivio referebat ita acriter detestatos fuisse, ut nihil posset fieri supra. Nomina etiam Rabularum, & quid eorum quisque dixisset summo lepore, quo Pansutus in familiaribus colloquiis sane erat mirificus, memorare consueverat. Hunc ergo ser-

sermone, quod haud modicam juventuti nostrae utilitatem afferre posse arbitratus sum, si quos mores, quaeve studia fugienda sibi essent cognovisset, mandare literis decrevi; ne a magnificis indoctorum verbis, arrogantiaque, & fastu ingenui adolescentes decepti, exemploque, ac felicitate invitati ad improbitatem, ignorantiamque ab honestate, & optimis literis, magno cum suo ac Reipublicae malo desciscerent. Institutionem etiam ejusdem Camilli, quem ab eruditissimo viro doctum atque institutum fuisse constabat, operae precium referre duxi: praeclara etenim & optima visa est, ad cuius exemplum juvenus instituat; & ad narrationis fidem pertinebat eam non omittere: nam ita factum esse Pansutus affirmabat, ut nos paullo post exponemus.

Sane quae nos in illo Rabularum Convivio acta, distaque esse mox referemus, ea sunt, quae certorum studiorum pravitatem, morumque perversitatem ita tacite redarguant, ut quid probandum, quid dandam, quidve in hac nostra forensi vita sequendum sit, quid fugiendum, adolescentibus nostris facile fuerit intelligere. Quamvis supervacaneum hoc, atque inutile fortasse fuerit hoc tempore exponere: quum ad Te unum, OPTIME, ac DOCTISSIME TANUCI, respicientes, egregiam quandam, perfectamque atque absolutam tum virtutum omnium, tum doctrinarum formam possimus intueri. Tu etenim ita Philosophiam cum Jurisprudencia conjunxisti, ita ingenuas artes cum rerum maximarum, ac gravissimarum administratione copulasti, atque ita sanctissimis moribus negotiosissimae vitae instituta temperasti, ut Platonice illud effatum plane verissimum ostenderis, virtutes omnes UNUM quoddam esse, & qui ex iis unam apprehenderit, omnes necessario tenere. Atque utinam nostri homines, qui tam te enixe admirantur, & laudant, imitari quoque vellent, eamque ingrederentur viam, qua Te isine pervenisse cognoscunt. Nunc nonnulli nihil ultra ver-

verba & inanes laudes progressi, modo etiam opinionem illam mordicus tuentur, Jurisconsultum totum in legibus esse, atque in foro tantum, ac subselliis habitare debere. Quod mihi quidem prævum omnino, & damnum videtur. Nec etenim extorqueri nobis potest, quod a prima adolescentia tot clarissimorum virorum exemplo pro vero hausimus, Jurisconsultum, qui nominis dignitatem implere velit, magna quaedam scire, ac profiteri debere: nec forensium rerum angustiis concludendum esse: nisi operarium quendam potius velimus eum, quam vere sapientem, rerumque civilium scientem efformare, & civibus suis ac Civitati ipsi utilem civem. Quod eo acrius modo sequendum reor, quod jam Dei benignitate vere in Regno, subque optimo, ac clementissimo Rege vivimus: a quo & gravissimis in rebus; jusque publicum nationumque externarum mores & jura respicientibus consuli haud raro Magistratus consueverit: eique Civitatis, Regni; preces in maximis negociis offerri. Quinetiam quicquid ad hujus Regni felicitatem, amplitudinem, copiam, communemque omnium conditionem pertinet, diligenter Jureconsultis vestigandum, ac sciendum, ne unquam graviore aliqua in re erga Principem, Patriamque Civesque suos officio turpiter desint; quam id ab illis, qui caeteris prudentiores, doctioresque perhiberi volunt, quammaxime requiratur. Hoc ita, MAGNE TANUCI, amplexatus es, (libenter enim tuo saepius jam exemplo utimur) ut quum tantae rerum molis praesidis, non par, sed valde sane negotiis ipsis major videaris. Quid enim praesidii in magno aliquo motu, angustiisque in Regni rebus, vel in regenda, atque ordinanda Republica in eo fuerit homine, qui formulas tantum actionum, ac libellorum cantianculas memoria teneat, stillicidiorum, ac serovitutum jura fortasse noscat, instrumentorum vim, probationumque naturam didicerit? Docto, sapientique tunc opus est viro, qui naturas hominum, rerumque

pene omnium indolem calleat, cui historiae, praeteritaeque temporis facta nota sint, gentiumque, ac populorum instituta: doctrinaeque insuper, & prudentiae usum rerum, civilemque experientiam conjunxerit. Quid in condendis, abrogandis, derogandisque legibus? Num mediocri prudentia, num vulgari scientia opus est? Nec ullam profecto paullo majorem rem invenias, quae in Republica sit pertrahenda, quae legulejum aliquem, atque e fœrensi opificio artificem, non sapientem doctumque virum requirat.

Haec porro Reipublicae pars late negligitur: nullique curae est, ne egregii cives ad ignobilem quaestum detorti ignorabiles jaceant, & ab optimis studiis, in quae magno bono publico incubuissent, ad mercenariam vitam, & vile artificium declinent. Unde saepe mihi de his Civitatis nostrae moribus cogitanti peropportuno, maximeque utile visum est, si Romanorum imitatione CENSORES & apud nos publice instituerentur, qui nullam Ripublicae partem corrumpi, quantum quidem humano consilio ass. qui possent, sinerent, sed ad optimam quaeque institutionem revocarent. Horum quidem officium esset, ut optimè educaretur juvenus, curare; neve usquam a probato more declinaretur: utque ea studia in Civitate pollerent, quae ad Gentis gloriam, Regnique utilitatem non ad privatorum tantummodo lucrum & commodum referrentur. Nec mores solum, publicamque disciplinam eorum complecti deberet vigilantia: verum & agricultura, quae maxima in uberrimo Regno cura debet esse, Nautica, caeteraeque artes omnes essent Censoribus curandae, ne, privatorum negligentia, aut pravitate, vetera, si quae essent, bona atque opportuna instituta dilaberentur: & si quid ab externis gentibus sapientius, & utilius excogitatum, atque inventum esset, ut in nostram quoque Rempublicam invehretur. Nec enim patrum familias industriâ, sed publi-

eo factum consilio fuisse arbitror, ut optima omnium saepe gentium instituta, quae vel ad civiles, vel ad militares artes pertinerent, Romani adoptaverint: quo uno, quum cacteras nationes sapientia primam vicissent, armis deinde etiam domuerunt, imperioque complexi sunt. Apud nos nimia rerum omnium licentia: atque in universa Republica, quum tot legibus securitati civium, eorumque patrimonii consulum sit, nil quidem videns lege aliqua contineri, unde mores, artes, disciplinae, studia, instituta vitae, atque ejus generis, maxima porro, & gravissima, firmentur, publicaeque auctoritate aliquo pacto regantur.

Sed nimis extra nostram arcam, impetu quodam amoris erga patriam rapti, vagati sumus: igitur diverticulo, ut ajunt, in viam. Maxime ergo curandum censemus, ut perfecta, & optima disciplina juventus ad forum, causasque educetur, ne pravus moribus falsaque opinione doctrinae corrupta, & inflata in publicum dedecus, privatorumque damnum erumpat. Quod si te ad judicia, & forensia praelia, SAPIENTISSIME TANUUS, Fortuna detulisset: porro nobis non aliunde modo, quam a te, quae esset egregia Oratoris institutio petendum esset: in ejus ingentium, quum omnia, quae sui faciant juris, natura contulerit, quaecunque ab arte, a studio, a doctrina esse potuerunt, a te diligentissime ramulata, & collecta perpetuis incubrationibus admiramur. Nam nulla doctro, magnoque viro digna aliquo in genere doctrina existit, quam tu non arripueris, ac teneas: nihilque est ex ingenuis omnibus artibus, quod tu non excogitatum habeas, & comprehensum animo, usque, & exercitatione pertractatum. E quarum quidem maximarum rerum cognitione, quum incredibilis quaedam copia, ac summa in uberrimum istuc ingenium tuum eloquentiae vis profluxerit, patriique sermonis lepos, ac venustas accesserit, nemo sane, meo judicio, tibi in dicendo par, & aequae

magnus, ac vehemens, & plane perfectus Orator potuisset unquam existere. Nunc, quum tibi tantam Reipublicae partem sapientissimus Princeps administrandam optimo consilio detuleris; maximae sunt scilicet gratiae Fortunae a nobis habendae, quod te ita potissimum collocaveris, ut forum tibi cum primis curae esse debeat. Quod igitur ductu, exemploque tuo efficere potuisti, ut ab ineptiis, ac Rabularum technis iuventutem ad optimam, solidamque disciplinam revocares, id veluti jure a te petimus ut auctoritate modo cumulate praestes, efficiasque; ut nostri adolescentes, voce tanti viri verae laudis iter ingressi, magnos illos Franciscum Andreæ, Seraphinum Biscardum, Petrum Fuscum, Nicolaum Caravitam, Caesarem Natalem, Cajetanum Argentium, ceterosque ejus notae, quos nunc in foro, vel jus sanctissime dicentes, vel causas adhuc doctissime defensitantes admiramur, sequi, atque emulari velint: atque ita eos dignos foro, dignos hac Civitate, dignos tali Principe reddas: tuque nobis, ac posteritati, Jurisprudentiae, Eloquentiaeque simul in Neapolitano foro Pater, ac restitutor habere. Quo facto sane sperandum est, quae est nostrorum hominum indoles, eorumque uberrima, & acutissima ingenia, brevi Crassos nos, Antoniosque, & Hortensios, sin minus Tullios, & Demosthenes, habituros: qui eloquentia florentes, doctrina, & consilio praestantes, civilique praeexcellentes prudentia, optimi cives, Patriaeque amantes evadant, Forumque, & Curiam, universamque adeo Rempublicam ad summum gloriae, & felicitatis fastigium adducant.

Nunc Camillum Pausato casus suos referentem audiamus.

EUSTACHIUS , MODESTINUS , CAMILLUS
BLANDIDIANUS , VOCONIUS , VUL-
PINUS , RAPIDIUS .

C A M I L L U S .



Arrabo igitur tibi , PANSURE , rem omnem ,
geminio orsus ab ovo , tametsi hoc Flaccus
vetet , quandoquidem tu haud minor poeta
ita jubes . Et sane nobis modo vacat : soli
etenim , quod raro alias , sumus in hoc amoe-
nissimo litore , tuaque haec domus Pragmati-
corum importunitate , qui te ne hic quidem paullulum
sinunt quiescere , magnisque clamoribus saepe vexata ;
nunc vere Mergellinam nobis , ociumque suavissimum
praestat . Rusticatum ergo de more cum Patre , ac soro-
ribus exieramus in Herculaneum : vindemiae namq; appe-
tebant , & jam feriarum tempus complures melioris no-
tae cives eodem perduxerat . Venerat nobiscum Mode-
stinus , qui me tunc temporis sanctissime , atque aman-
tissime curabat ; vir , ut nosti , ita probus , ut eo pro-
biorem neminem nostra Civitas tulerit ; atque ita doctus ,
ut nesciam quem modo ei ex eruditis nostris antepo-
nam . Illum ego ita observabam , ut optimum , ac dul-
cissimum parentem : ille tanta me benevolentia pro-
sequebatur ; ut sane Patrem ipsum aequaret . Ita mu-
tuo affectu , conjectura potes assequi , quam diligen-
ter , & accurate alter doceret , & quanta docilita-
te , ac studio alter disceret . Dum autem ibi commo-
raremur , ambulationibus crebris per salubres agros va-
letudini subveniebamus , perpetuis literariis laboribus
fatis affectae , Poetarumque blandimentis superiorum
studiorum gravitatem temperabamus . Obturbabamur
interca a Patre , qui non modo frequenter a nobis studio-
rum

rum meorum rationem exposulabat (etsi ipse, probus equidem & frugi, earum rerum prorsum ignarus erat) sed pene quotidie a Modestino flagitabat, ecquando tandem me habili jam aetate, & sex annorum labore satis perdomitum, in forum mitteret, unde aurea scilicet nobis familiaeque nostrae mellis obveniret. Tardabat nimiam ejus alacritatem vir honestus, & biennium insuper aliud mihi, sibiue precabatur, ut incepta perficeret, prout suscepti curriculi ratio, ac tanti operis moles postularét. Non ideo tamen satis Patri faciebat, qui me dudum jam pro mendaci fundo haberet, & Modestinum aperte culparet quasi desidem, & negligentem agricolam. Hanc nos molestiam constanter, atque hilare perserebamus; nec Patris, optimi sane viri, avaritiam, sed domesticas angustias ejus rei causam esse intelligentes, serio in libros incumbebamus: ejusque anni rusticationem, non ad relaxandum animum, ut superioribus annis, susceptam putavimus; sed ad ea, quae didiceram ruminanda, resque ordine quodam, & modo nestendas: ut in Urbem reversi, legum Patriarum interpretes (quod nempe unum supererat) forique arcana alacriter aggredere-mur. Dum nos id sedulo agebamus, aliud sane Pater versabat animo: & amicorum, qui circa ea loca rusticabantur, domos frequens circumibat, tum in me quaedam jaciebat, quae ejus rei, quam ipse struebat, ut deinde cognovimus, argumento esse possent. Tandem, quum aliquando multa nocte ad coenam domum rediisset, insueta elatus lactitia Cras, inquit, Camillule, judicium subbis: ego te in jus vocavi, eosque Judices elegi, quos ob auctoritatem nullo pacto recusare poteris, nec ob eximiam prudentiam; & singularem doctrinam fallere. Nesciebam ego quid ea sibi plane vellent, idcirco parum de iis sollicitus coenavi, atque inde cubitum ivi; ignorans miser quantum mihi molestiae in crastinum diem impenderet. Primo diluculo turbari omnia circa culinam e-

lectulo audiebam, Patr emque de nocte expergefatum domum circumcurſitare, ſervosque frequenter inclamare, multarumque rerum ultra morem ſatagere. Gaudēbam ego nimirum, opiparum apparari Convivium, laetumque mihi, & feſtum eum diem augurabar: ſed vere tunc comitia in meum, & Modestini caput parabantur.

Ne te diutius morer; ſub edendi tempus, *Blandidianus* repente ad nos venit, vir aud modicae, ut noſſi, illa tempeſtate in foro auctoritatis, & ſamae: quem tres adoleſcentes comitabantur ex illorum turba, qui ſub ejus diſciplina juri operam dabant, culti, elegantes, atque omnibus munditiis mundiores. Quod quum Patri nuntiātum eſſet, viro propere obviam exiit, eumque omnibus honoris ſignificationibus exceptum in interius cubiculum perduxit. Primus incedebat *Blandidianus* titubanti, & incerto admodum gradu, renidens uſque, atque unumquemque familiarium comiter ultro ſalutans, & quaecumque occurrebant profuſe dilaudans; ſubſequebatur cum caetera turba Pater, impenſe ei gratias agens, ſeque; domumque ſuam tanto honore indignam autumabat: valde caeteroqui ſollicitus, ut cuncta compoſita, & apta in aedibus tali viro viderentur. Mihi interea (quem ab hortulis, ubi cum *Modestino* nescio quid leſtitans deambulabam, ſtatim evocandum curaverat) *Blandidiani* dexteram exoſculari juſſit, eique me accurate commendans: En tibi, *Blandiniane*, ait, *Camilulum* meum, quem tuum potius hodie dici, & haberi a te malo. Ille me perhumaniter amplexus exoſculetus eſt, & Nonne vides, ad Patrem converſus, inquit, *Euſtachj*, quod egregius hic vir jam eſt? Hic ſane noſtri fori, ut ego merito auguror, ingens jamjam erit decus, & ornamentum. Mihique familiariter ſublantiens, modo os, modo caput, & ſcapulas leviter palpabat. Haec inter *Rapidus* cubiculum ingreſſus eſt, adeo celeriter, ut

ne-

nemo familiarium eum venientem, ut patri posset nunciare, animadverterit. Hujus etiam dexteræ, subindicante Patre, defixum a me osculum est: tum is propere confedit, quum vix & uno verbo omnes, qui aderant, salutasset, negocioso, & occupato admodum similis. Servus inde Patrem propere accertivit, ut *Voconium*, & *Vulpinum* exciperet jam venientes: nec vero nunciari id opus fuisset, tantis clamoribus sui nos adventus Voconius admonuerat. Ego quoque iis obviam processî, Modestino cum Blandidiano, & Rapidio officii causâ relicto. Ut in conspectum venimus, memini me nominatim minaci sane vultu a Voconio appellatum, qui me suum inimicum nominans, in me paratissimum advenisse se clamabat, atque ut aliquò aufugerem, ne in suas inciderem manus, hortabatur. Ut vero ab hoc attonitus mearumque rerum incertus elapsus sum; in Vulpinum incidi, qui pone sequens sedato gradu verba tranquille, & modeste cum Patre faciebat. Is ut me vidit, constitit, & paullo commotior: O quam suavis, & modesta adolescentis indoles! inquit, o quam sancta, & pudica facies! Profecto ego, Eustachj, optimum hunc tibi, ac pientissimum aliquando fore jam nunc prædico, ita temperate incedit, ita horæste intuetur. Meque inde arcte complexus, & Coelum intuens: Da huic optimo viro Deus, tanquam ex integro orsus est, quammaximum ex hoc adolescente fructum capere: da huic egregio adolescenti parentis vota quamcitius implere; & secum me eo pacto complexum in cubiculum peramanter perduxit. Horum adventu exhilarati omnes: mutuisque interrogationibus, ac responsis, institutisque hic illic colloquiis, admistoque undique frequenter cachinno (nam plures discipulos quisque adduxerat) eò brevi ventum est, ut vocibus dissonis, clamoribusque tota domus late resonaret, nec quicquam ex his, quæ dicebantur, exaudiri posset. Horam pene integram hic sibi tumultus præcepit, nec quem finem habi-

habiturus esset praevideri poterat, ita tum maxime calebatur; ideoque jam Modestinus surrexerat, meque secum extra illud praelium eduxerat: Paterque, & familiares jampridem ad sua quisque munia per aedes, illis relictis excurrerant. Quum autem in pomeridianas horas inclinaret jam dies, & prandium corrumpere; seducto Vulpino Pater extraque conclave illud productus: Per Deos te oro, Vulpine, inquit, & sapientiam tuam, compesce jam tumultum istum, & optimos hos viros ad silentium perduc: nam & mensae jampridem paratae sunt, & pauca me vobis omnibus praedicere maxime in rem meam est. Suscepit libenter negotium Vulpinus, pluriesque a vociferantibus contemptus, & repulsus, aegre tandem confecit. Quod videns Pater, me, ac Modestino accersitis, in medium profiluit;

Et quanquam jamdudum, ait, vos, clarissimi viri, cocus expectat, ne vos pigeat tamen pauca quaedam, antequam discumbatis, a me audire, quae mea maxime intersunt, quaeque ego eo animo vobis eloquar, ut qui omnem in humanitate, & sapientia vestra spem reposuerim sublevandae, ac restituendae domus meae, quae culpa fratrum meorum & fortasse etiam mea, jam pene prorsus collapsa est. Unicum hunc (me indicans) ex Fortunata mea, quae inter bonas uxores certe optima fuit, cujus mihi nunquam, si vel tercentos annos viverem, dulcis memoria excidet, unicum hunc, inquam, virilis sexus, eundemque carissimum filium habeo, qui nunc nobis patrimonii loco est. In hunc enim unum nostrum omnium oculi coniecti sunt, nobisque persuasimus, si domus fundosque Fortuna nobis eripuit, hunc labanti familiae benignam servavisse, ut quae abstulit redderet, & tot praeterita damna vel uno hoc beneficio cumulate compensaret. Ideo ab usque ineunte aetate cum optimis praeceptoribus educandum, ac poliendum tradidi: & deinde, quum aetas ei maturitatem mentis ad scientias,

E c

ar-

artesque visa est attulisse, ex multis, qui sese huic muneri ultro obtulerant, hunc Modestinum nostrum rogavi, quem tunc mihi praeter omnes fama probabat, qui eum sedulo ad Jurisprudentiam formaret. Ea quippe consultantibus nobis optima, ac sane ad ditescendum compendiarium via visa est. Sextum jam annum assidua opera adolescens Modestinum audit, & jam tempus appetit, quum eum in forum, veluti ex umbra in lucem ac Solem, exire ad lucrum mos patrius fert, nostraeque urgent angustiae. Nec ego quantum gnatus aut quid profecerit dijudicare valens, quidve rei adhuc ad longum hoc curriculum capessendum fortasse desit, ideo ad vos confugio, tanquam ad Oracula Civitatis, viri optimi mihiq; amicissimi. Vos igitur etiam atque etiam obsecro, refecroque, ut curam hanc serio suscipiatis. Et, quae vestra humanitas est, e Modestino primum, ex adolescente deinde ipso, si opus fuerit, peruestigetis oro, quo sint loco res nostrae, & quid nobis modo sperandum sit, quid timendum; ut e placitis sapientiae vestrae, quae tot civium millibus opem jam tulit, deincepsque est allatura, tempestive possimus nobis, domuique nostrae consulere, resque, ut decet, utque vobis videbitur, ordinare. Vix est enim, quum nomen supra decimum Camillus meus aetatis annum implevit. Nec falli ea in re possum, qui satis superque memoria teneam hunc paucis mensibus duodecimum annum excessisse, quum Fortunata mea, nunquam mihi sine gemitu, & lacrimis commemoranda, diem suum obiit; ac septimus jam annus nudius tertius fuit, quum ego luce ac omni voluptate orbatus, miseram hanc & infelicem vitam solus, & moerens traho. Te vero, Modestine, per Deos hospitales, & quicquid tibi sacrum, sanctumque est, rogo, perque familiaritatem nostram, atque amorem, quo Camillum tuum complexus es, ut omnia sincere, & dilucide doctissimis his viris aperias, nec falsa gloria ductus, aut plura te docuisse, aut perniciose adu-

la-

latione hunc plura didicisse affirmes, quam revera factum est. Veritatem, quam caeteris in rebus omnibus te sancte sequi animadverti, sanctius modo, & constanter, si fieri potest, sequere; & quidquid nunc neglexeris, auxerisque, id in maximam mei, puerique, domusque perniciem evasurum memento. Age ergo, rem, dum comestur, hilariter aggredere, & ab initiis exorsus ad hunc usque diem veluti per gradus perduc. Ite agite interea vos, lumina Civitatis, huiusque familiae tutela, & praesidium, discumbite: tuque, quod bonum, faustum, felixque mihi, familiaeque nostrae sit, quum tempestivum videbitur, aggredere ad rem Modestine. Hic quum Vulpinus, ante prandium haec perbelle Modestinum exequi posse dixisset, eumque jam ut diceret hortaretur: illum indignantium invitatorum omnium voces exceperunt, esurire se se acriter clamantium: nugaeque maximas agere Vulpinum, qui cur ipsi Eustachii domum venissent, oblitus esset. Non illud sibi tempus disputationes, & controversias poscere: irent, discumberent, ventrique tunc operam darent, posse deinde, vel inter epulas, vel postea, vel nunquam etiam iis de rebus agi; nec aequum esse se inedia enectos, Modestini fabellas, quasi nil gravius urgeret, audire.

His frangi se Vulpinus simulans (quippe qui, ut nil ipse de prandio cogitare videretur, ita incutus fuerat) obtulit; eosque tunc demum nos turmatim magnoque impetu in coenaculum ruentes secuti sumus. Confedere itaque propere viri egregii, & in primarum mensarum patinas fortiter impetu facto ostenderunt satis, loquacitatem optimam famis parentem esse. Vulpinus tantum, & Voconius inter edendum primum saepe nutantes inter se, deinde etiam collatis capitibus collocuti, subirasce, ac stomachari videbantur, quod Blandidianus, & Rapidus primos in accumbendo locos praeceperissent, ac contra januam, qua inferebantur cibi, confedissent. Nec

silentium interea, nec clamor erat, sed tumultus quidam, & vastum murmur, quale ab alto quopiam loco irati maris exaudiri solet. Vulpinus quasi aliud ageret, dissimulanter edebat; Voconius aperto impetu gerebat rem, manibusque quicquid inferebatur avide arripiebat, comminuebatque. Alia Blandidiani ratio erat, nec enim valde cibo intentus videbatur, sed renidebat usque, modo hunc, modo illum ultro leniter appellans, quasi ad hilaritatem excitaret; nec ideo se minus interea opplebat carnibus, avesque peregrinas, atque electiora mensae carpebat. Rapidium mirabamur quo pacto animam posset reciprocare, ita ambas implebat buccas, & se totum ingurgitabat in patinas: ut, dormienti similis, graviolem, atque interruptum inter mandendum spiritum ederet: viscebantur ante ipsum plures patinae, cibis altam in struem erectis, unde ille properanter tanquam de alieno rapiebat. Caetera discipulorum turba juveniliter admodum se se gerebat; & intercipiebant mutuo cibos, strepentes, clamantes, mensasque concutientes, aliquando ita valide, ut jure omnia conspergerentur, pulmenta per manus jactata in terram demum laberentur, calicesque in mensam effusi frangerentur. Talia videbamur aegre a Patre ferri: mundus enim, ut nosti, Pansute, & elegans fuit homo: verum quasi aliud spectaret, quae fiebant silentio praeteribat; Et si quando advertisse manifestum erat, leniter risu illos excipiebat, & plaudenti potius, quam indignanti similis videbatur. Baccho largiter indulgebant omnes, sed Voconius, & Rapidus nimis, ut Comici verbo utar, avariter in se merum plenis faucibus ingurgitabant: licet Vulpinus prope eorum aequaret virtutem.

Ut autem erat Pater ejus rei, cujus gratia illos invitaverat, memor, modo Blandidianum, modo Vulpinum submissa rogabat voce, ut tandem Modestinum dicere sinerent, atque inter epulandum, ut polliciti erant, me

cmen-

emendandum susciperent. Assentiebantur illi, Voconiumque, aliosque, ut poterant, per clamorum intervalla identidem rogabant, ut Patri obsequerentur, sed diu frustra. Demum, strenue annitente Patre, aliquantulum tandem conticuerunt, auresque praebituri visi sunt. Jamque Modestinus, qui pro temperantia sua epulis ad quotidianum modum refotus jampridem cessabat, dicere aggressus erat: sed obturbavit semel, iterumque Rapidius, aperte id contra pactum esse dejerans, nec civile esse in primis mensae spatiis consistere, statariamque, & meditatam Modestini oratiunculam audire. Demum antea, saltem quod opus est corpusculo, subiratus clamabat, primosque famis impetus retundamus, postea saturi de his videbimus, sedatoque intestino hoste, externa curabimus. Plaudebat his Voconius, & Blandidianum increpabat, qui, quum jure vicinitatis Rapidium deberet defendere, sileret: se vero alienae causae patrocinium suscepturn libenter; nec passurum omnino, ut Rapidio invito quicquam ageretur: se se voce, ac clamoribus, si aliter nequiret, diem extracturum. Agerent itaque obsonia, patinasque etiam ipsas per ocium vorarent; audiendi, ac dicendi tempus nunquam defuturum. Quid te modo, Pansute, frigida hac narratione enecem? Satis sit dixisse, pluries Modestinum coepasse, pluries ad tacendum adactum esse; nec nisi illatis secundis mensis Patri aegre datum, ut silentes (nempe non continenter clamantes) pranderent, & Modestinum tandem audirent. Is itaque tunc demum exorsus, in hanc fere sententiam locutus est: nam verba ipsa meminisse admodum esset difficile, Tu vero, Xaverj, si laudari me a Modestino audies, ne me vanum continuo arbitreris, qui laudes ipse meas referam: accipies enim paullo post, unde has laudes abunde compenses.

ACCEPI HUNC ego, inquit MODESTINUS, viri clarissimi, jam tertiumdecimum agentem annum, iis literis satis

ais imbutum, quibus de more puerilis aetas ad scientias, artesque meliores informari consuevit. Optima mihi jam inde a principio adolescentuli visa indoles est, ingeniumque, modo cura & diligentia accessisset, cuiuscumque rei capax. Itaque & parentis sui optimi viri obsecrationibus, & ipsius adeo Camilli gratia, docendi munus ita libenter suscepi, & tam sancte sum executus, quamli de filio meo ageretur. Itaque eum ad Geometriam primum, veluti ad omnium scientiarum ostium perduxi: eo nempe consilio, ut quantum ei liceret de Mathematicis scientiis degustaret; utque ei simul geometrica perspicuitate Dialectices regulae comprobarentur, unde veritati quamprimum assuesceret, ejusque notas ita perspectas haberet, ut difficulter in errorem deinceps laberetur, nec falsa aut incognita pro veris unquam acciperet animo. Latinas interea Graecasque literas assiduo studio hauriebat, dum ego ei utriusque linguae Scriptores quam poteram accuratius explicarem: non ut hic verborum vim, & Grammaticae arcana assequeretur, quod jam satis alii praestiterant praeceptores: verum ut duarum quotquot sunt aut fuerunt cultissimarum Nationum indoles, mores, religio, leges, instituta, belli pacisque artes ei refererentur. Quod ego sedulo curabam, & magnum me operae precium facturum rebar, si Romanorum animorum magnitudinis, Graecaeque virtutis veluti semina, quaedam jam tunc, adhuc tenera ejus mente, fererem, quae postea uberem segetem essent latura. Et mirum profecto est, Viri maximi, quanta celeritate ea Camillus arripuerit. Quod ego intelligens, longiore, quam primum statueram, itinere eum ad Jurisprudentiam deducendum suscepi; nil in eo temporis jacturam veritus, quum hunc viderem brevi conficere, quod alii vix duplici temporis spatio exequerentur.

Historias ergo ipsi omnium barbararum, cultarumque gentium exposui, ab Hebraeis & Assyriis ad Reipubli-

blicae Romanae lapsum ; non ideo tantum , ut Regum & Imperiorum varios casus , Urbiumque clarissimarum excidia , Ducumque solertiam cognosceret (quae fortasse ignorari levi admodum iactura possent) sed praecipue ut rerum humanarum vicissitudinem , humanique adeo animi indolem ; intimamque Naturam intueretur in tot tam diversorum Populorum atque hominum factis : perturbationumque origines , viasque atque exitus colligeret ex infinita omnium temporum , exemplorumque varietate . Praecipue vero magnorum virorum vitis immorari eum hortabar , eosque propius in privatis publicisque negotiis sequi : quum non minorem utilitatem capi arbitrarer ab eorum fortibus in bello factis , Reipublicae administratione , quam ab interiore ac domestica disciplina . Imperatorum dein Romanorum historiam cum Christiana conjunxi : hisque subtexui breviter Regnorum omnium historias , quae occidente Romanorum Imperio subinde orta sunt : atque ita eum ad proxima usque nobis tempora arctis quidem itineribus deduxi , ampliorem singulorum Regnorum notitiam firmiori aetati , majorique ocio reservans . Ab hac accurata diligentique historiarum lectione Jus humanum , communiaque omnium inter se gentium vincula arripuit Camillus : ut nullo prorsus labore inde ipse per se naturalis Justitiae principia excuderet : comprehensumque haberet animo quid Nationes mutuo firmum semper immotumque servassent , & quo dedecore eos notavissent Populos , quoque etiam supplicio aliquando affecissent , qui ab hoc jure desciverant . Hujus ego juris causas e Philosophia adolescenti suggereram , ne more potius & consensu , quam ratione illud ortum arbitraretur , & late diffusum . GENTILIS deinde , GROTII , PUFENDORFII , SELDENI aliorumque doctissimos iis de rebus libros ei perlegendos subdidi : quos hic prospero gressu percurrit , nusquam pene haerens : immo quid de quaque controversia dicturi illi essent , praedicens

cens, ex antecapta scilicet animo rerum jurisque notitia: His ego (quæ ut uno veluti cursu exponerem in unum contuli) admiscebam, partitis nempe opportune horarum ac studiorum intervallis, Principum omnium seriem ordinemque: Imperiorumque magnitudines viresque, atque uniuscujusque gentis confines populos; montesque & flumina illustriora indicabam, tanquam memoriae adminiculum. Deinde Coelorum ei Terrarumque diligentem descriptionem ad hilarandum refovendumque animum subdebam, syderumque ortus atque obitus, ventorumque causas, atque ejus generis, ut ad universæ Naturæ contemplationem adolescentem inde facilius deferrem. Itaque Philosophorum de naturalibus rebus rerumque universitate placita (veluti alteram humani ingenii historiam) a primis usque temporibus huic deinceps aperui. Sed parum ei futurum oculi sciens ad maxime obscurarum rerum cognitionem funditus assequendam: selectiores receptioresque talibus de rebus opiniones delegi, eique perdiscendas proposui, addidique quicquid per iterata pericula cognitum penitus atque in Phycis exploratum haberemus. In prima Philosophia aliquanto accuratior fui, Pythagoreorum & Platonis vestigiis insistens: ac, quantum ejus rei hujus ætas capax fuit, serio satégi, ut ad primas rerum ideas attolli disceret, animoque consuesceret primam earum naturam comprehendere. Ab hac etenim Philosophia, cui tantum nomen jure debetur, sapientiam oriri censeo, facesque illas in humanis ingenitis accendi, quibus rerum omnium, nedum scientiarum, interiora clare perlustrentur. Hinc ad officia eum perduxī; & quid Deo O. M., quid sibi metipsi, quid Parentibus, quid Patriæ, quid Principi, & cur deberet, perdocui: quoque pacto erga consanguineos, amicos, cives, advenas, notos, ignotos, inimicosque demum se se gereret: Commune Fas explicans, neve se unquam ab aliqua officii parte liberum & immunem putaret; quum

quam semper aliquid homini ab homine hoc jure debetur. Humanos affectus ei patefeci, & quatenus nobis utiles essent, atque unde demum a naturali, permissoque usu in vitia degenerarent; eorumque regendorum regulas tradidi, quibusque habenis iis facillime moderaretur. Et quando in Forum pergeret, ei tempestive praedicendum censui, ne lucri (quae maxima Fori syrtis est) ita cupidus unquam esset, ut officii aut virtutis vel paullulum oblivisceretur. Nullam etenim majorem hominis laudem esse, utilioreque simul rem, quam honestatem perpetuo colere, veracem usque esse, mendacique constanter abstinere. Virtutem bonorum omnium principium finemque esse, malumque id solum quod turpe esset, & a virtute recederet. Atque hoc eum, ut perpetuo servaret, enixe hortatus sum, ut quicquid ageret, aut agendum in vita suscipere, perpenderet antea sedulo, atque ad virtutis trutinam revocaret: seque ipsum Judicem rerum suarum severissimum constitueret, suumque praeter omnia iudicium subire & vereri assuesceret.

Nec me velim interea, viri clarissimi, id tantummodo egisse arbitremini; nec ad majora advertisse animum. Etenim jam inde a principio, dum Christianam historiam exponerem; ad pietatem hunc sedulo formavi, Religionemque omnem ordine explicavi, assidua Sacrorum librorum lectione inculcata; ac Salomonis praecipue scriptis ita eum operam dare jussi, ut pleraque sapientissimi illius Regis coelestia effata memoriae mandaret.

Haec veluti Eloquentiae ac Jurisprudentiae communia simul tradidi; fontem enim pariter utriusque, Philosophiam, humanarumque ac Divinarum rerum cognitionem ratus sum. Nec ideo minus interea ad earum alteram, Eloquentiam scilicet, eum formavi; quod facere aliud agentes, & quasi per ocium potuimus. Nam nec nimium temporis a gravioribus occupationibus nobis surripiebat, nec labor ille videbatur adolescenti, qui satis

Milare in amoenissimis studiis versabatur. Primum omnium cum pure & lucide semper loqui jubebam, verborumque nitorem in familiari quoque sermone sequi, & vernacula verba quantum posset vitare: ut ita materies quaedam pararetur Eloquentiae, eique veluti fundamenta substruerentur. Facundum deinde eum efficiebam assidua Demostenis ac Ciceronis lectione; atque ita eloquentiam ei per occasionem, non e Rhetorum praeceptis, sed ab intima Philosophia, Aristotele duce, depromi: perpensoque probe homine, ac perturbationum natura penitus patefacta, quid, quoque tempore, quibusque hominibus, & cur dicendum aut tacendum esset aperui. Omnia quinetiam M. Tullii opera diurna nocturnaque manu, ut ait ille, per horarum subcissivarum intervalla versare eum jubebam: quod hic constantissime servavit, & servat: magnumque Philosophum summumque Oratorem, ut humanissimum praeceptorem & suavissimum amicum reveretur ac diligit.

Sermonis nostri puritatem ab Etruscis optimae notae scriptoribus hausit, quos vel deambulans, vel, a severioribus musis declinans, animi gratia lectitare solet. Ad elegantiam autem veneresque orationis, Poetarum cultissimos, & nitidissimos ei commendavi: unde ipse quid commune cum pedestri eloquentia Poetis haberet, me indicante, cognoscebat: quatenusque haec illam adjuvaret splendidioremque redderet, quaeve vitia ex imprudenti & nimia Poetarum imitatione in oratores manarent. Aliam exercitationem Academicorum, & Peripateticorum imitatione postmodum induxi. Nam, proposita aliqua non puerili ac nugatoria controversia, in utramque eum partem dicere imperabam, aliquando ex tempore ad acendum ingenium, dicendique facilitatem comparandam; saepius vero conscripta oratione, ad formandum stylum: neve verbis nimium luxuriaretur, resque leviter (quod in subita oratione evenire necesse est) attingeret. Haec

a me

a me ita facta sunt, ut quantum minimum temporis in iis insumeretur.

His ergo, deviis fortasse nec usitatis, itineribus ad Jurisprudentiae ostium Camillum perducere annisus sum; nec me pervulgatae aliorum institutiones commovebant: quippe cui scitus tantum gnarusque is haberetur agricola, qui arboris radices diligenter curaret: unde postea & truncus & rami, frondesque & poma progignantur. Itaque ejus ingenium quam rectissime possem formandum atque exacuendum omni ope suscepi, unde per se ipse ad *Rectam Rationem* perveniret, quae non bonum juris interpretem efficere tantum posset, sed optimarum quoque legum latorem.

Atque hujus operae maximum uterque precium tulit, quum ad legum Romanarum explicationem ipsa nos studiorum ratio perduxit. Nam Camillus (post acceptam legum, Jurisconsultorum ac sectarum historiam) nullo prope negotio Romani juris elementa de Institutionibus hausit: ac deinde ita facile in Pandectarum libros (quibus rectae rationis, civilisque sapientiae mysteria pene omnia continentur) investus est, ut Papiniani, Scaevolae, Ulpiani aliorumque haud difficulter mentem assequeretur, opinionumque rationes per se ipse mihi proderet; aequitatisque, & naturalis justitiae principii innitens, traditorumque in historia Romana egregie memor, enuclearet res obscurissimas. Et si quid non satis rectum aequumque, vel legum ipsarum vitio, vel Jurisconsultorum occurrebat, id statim animadvertebat, damna-
batque, rectam rationem pro duce habens: quod magnae mihi delectationi erat, ingeniumque ejus suspiciens, mihi plaudebam, quod tale iter ei ad Jurisprudentiam monstravissim.

Peracta eo modo prima Pandectarum lectione, eos iterum Camillo perpendendos proposui, additi magni *Cujacii*, *Hotmanii*, *Donellique* commentariis, ut le-

gum mentem penitus introspiceret, earumque usum, forensiumque controversiarum aliquam inde imaginem hauriret. Hinc eum ad Imperatorium jus, Ediâta, Constitutiones, Rescripta facili gradu perduxî, eorundem gravissimorum scriptorum comitatus praesidio: temporum illorum, Caesarumque naturam, moresque, Religionis, Imperiique statum, ubi res postularet, subinde ingerens: & Romanae sapientiae, purique simul sermonis flexum, atque inde occasum veluti digito monstrans: ne si obscurius aliquid, aut absônum, veterisque Jurisprudentiae dissimile in calectione occurreret, haereret. Pontificium jus deinde, veluti Romani juris ramentum exposui, usumque ejus, & quid ad sacra spectaret, quid judiciis aptum esset, quidque ad eruditionem modo referretur: quod jus iste uno, ut ita dicam, haustu arripuit, & Civili jure, & Crisiana historia mirifice adjutus.

Propius tandem ad forum ipsum pervenimus, quum ad Bartolum descendimus, ejusque scholam. Neceffe etenim erat, ut iste forensê usum tandem libaret, forensiumque quaestionum, pugnantiumque sententiarum inter posteriores legum Romanarum interpretes, origines, causasque cognosceret, unde facile ad ipsum aliquando forum, forensesque tricas, parato viatico, viarumque gnarus accederet. His subacto & exulto adolescentis ingenio, eum veluti post longam peregrinationem domum reduxi. Nam pressius longe, & enucleatius, quam antea in generali rerum humorum enarratione feceram, historias ei patrias a prisca illa, felicique Graecorum aetate ad haec tempora exposui: rerumque nostrarum vices, dominorumque varietatem explanare aggressus sum: morum inde, & consuetudinum, certorumque etiam verborum, quae in forensi usu trita sunt, vim & originem indicavi, quidve e tot gentium moribus in nostris etiam nunc institutis, legibusque re-

retinēremus. Huic narrationi, quae plures nos menses tenuit, nostrarum legum attexui historiam, ut eas primum a superiori veluti loco universas simul conspiceret notasque jam antea & perspectas haberet, quam eas postmodum singulatim adiret. Quibus confectis, sextum jam mensem leges ipsas sedulo excutimus, additis subinde qualibuscumque nostrorum interpretum commentariis; serioque perpendimus earum mentem, quidque in iis sit cum Romano jure consonum, quid pugnans, aut alienum. Hoc ego opus Eustachio ante annum perfectum daturum pollicitus sum: & Camillum post illa ad Feudorum jura (uti ad postremam Jurisprudentiae partem) satis implicate & incondite usque adhuc a quibuscumque scriptoribus tradita, a me jampridem in facilem atque perspicuam formam, ut mihi quidem videtur, redacta, deducturum, unde recta illi denique ad forum causasque via patefiat.

Hunc veluti succum, & sanguinem discipulo meo comparavi, fontes ipsos rerum, ac scientiarum reseravi, & vias indicavi omnes, quibus ad sapientiam jurisque simul scientiam iter esset: nec plura ingessi, nam ejus stomachum plura ferre non posse censui hac aetatu-la; ideo multa arcte satis exposui, quaedam veluti per transfennam tantum ostendi, pleraque in aliam aetatem omnino rejeci. Nunc iste (quod quidem ego bona fide affirmare possum) & honestus est, & satis jam disertus. Juris porro prudens mihi videtur, sapientiaeque semina tot jam in animo habere, ut si quae nos inchoavimus, & quorum veluti prima tantum lineamenta duximus, perficere ipse atque implere in reliqua aetate volet, quod sane speramus, haud certe contemnendus Jureconsultus e vadet, nec postremum in foro locum obtinebit. Denique si male me, & imperite, viri optimi, ac sapientissimi, hanc rem suscepisse, atque effecisse arbitrari, ignorantiae hoc meae, non improbitati, aut malitiae, oro, tribuatis.

Hacc

Haec locutus volubili illa sua & canora voce Modestinus pudibundus obticuit, vultu satis, gestuque praeferebat, nihil se sibi adrogare, sed de omnibus, quae dixerat, sapientum illorum sese iudicium libenti animo subiturum. Nolim vero existimes, amice, haec, ut ego modo tibi, ita Modestinum inoffenso cursu eloqui potuisse, nam praeclari illi pluries cum non modo risu immodico, crebrisque exclamationibus, quum quae diceret, inania iis, aut ridicula viderentur, silere coegerunt; verum etiam modo Rapidus, modo Voconius capita vix e patinis attollentes, dicentem obturbavere, absconis vocibus inter mandandum quae dicebantur reprehendentes, & delirare illum, atque ineptire serociter succlamitantes. Blandicianus quinetiam bis sueto risu in indignantis faciem converso, miserum Patrem, miserioremque natum exclamaverat, qui ab amico domi tam familiariter, ac liberaliter habito pessumdarentur. Unus Vulpinus constantissime conticuit; sed adeo loquaci silentio, ut dissentire eum manifestum esset, & suppositione pedum mensaeque crebris percussionibus indicaret satis, graviter se indignari, vicemque nostram vehementer dolere. Ut vero siluit Modestinus, tunc, ut ventos narrat Virgilius, postquam eos Aëolus aperto cuspidis ostio libere vagari permisit, qua data porta erupisset, aeremque, & mare horridis procellis miscuisse; ita illos vidisses in Modestinum atrocibus conviciis, uno omnium continentique impetu, vociferantes incurrere, furentibus prorsus similes; asinum illum, belluamque pro Modestino appellantes, omnia illum foede corrupisse dicebant, nec prorsus quid forum, quid leges, quid Iurisconsultus sibi vellet nosse. Addiderant se se praceptoribus suis discipuli, & acerrime praeliabatur tanta contentione, vocumque, irarumque aestu, ut Modestinus, quum non modo tot simul furentibus esset impar, sed natura quoque a contentionibus, strepituque maxime ab-

horreret, tanto impetu prostratus, & rubore genas late perfusus, clam se rabiosae turbae surripuerit, atque in intimum cubiculum abcesserit. Quod ut animadversum ab illis est, ignavissimum illico, maximeque pavidum, nulliusque precii Modestinum esse inter se effusè ridentes jactabant: serioque triumphabant interea, quod hostem pepulissent, campoque vix primo incursum, ac clamore adegissent decedere. Ingentem verò spem inde esse, me ejus alumnum in forensibus praeliis fortiter olim esse versaturum, ac gnavitèr scilicet pugnaturum, quum Praeceptorem meum pulvere ipsò, armorumque crepitu, quum adhuc extra teli jactum esset, aufugisse, clypeumque trepide viderent abjecisse. Aegre autem revocato summis precibus a Patre in coenaculum Modestino, unusquisque pro vocis suae modulo buccis cibo oppletis vel redarguebat hominem, vel irridebat, vel aliquid ludibundus interrogabat; ita ut nec responderi quicquam iis, nec audiri quae dicebant, posset. Tandem vero (quum voce, & manibus nihil ageret) arrepto e mensa, & in altum sublato linteò, pacem petentis ritu, ab eloquentissimis illis breve intervallum vix pater impetravit, quo filerent, atque eo tam opportune usus est, ut aliquando malacissati, ejus audierint preces; legemque sciverint, ut aetatis lege servata, junior ex iis primum; adversus Modestinum quae viderentur differeret: inde senior exciperet. His magno labore firmatis; *Rapidum*, quem caeteri aetate anteibant, quum modo pronus manderet, modo in cubitum assurgeret; in hanc fere sententiam locutum memini.

NU. HERCLE mihi modo accidere potuit jucundius, quam haec aetatis praerogativa, qua primo mihi licet libere, ac per aliorum silentium in ingentem hanc belluam dicere. Rumpebar medius fidius, tales, ac tantas ineptias impune tandiu effutire istum, quem iterum, atque iterum ex animo belluam appello. An, quae-

quaesio vos, hominem eum dicemus esse, qui nil plane sentiat, qui nec quid cogitet, nec quid loquatur, nec apud quos dicat, aliquid pensi habeat? Quid, malum, istunc tu, Eustachj, tot inter doctos homines in hac tanta Civitate praecipuum seligebas, qui gnatum tuum, domumque, teque adeo ipsum pessumdaret? Delirare vehementer mihi homo paullo ante videbatur, quum tricas suas, merosque per Jovem labyrinthos loqueretur. Graecos, Romanos, Geometriam, Historias, Philosophos, absurdas equidem res, & putidas, nobisque incognitas prorsus, & inauditas tanta iste confidentia deblaterabat, quanta vix, si apposite, & ad rem diceret, uteretur. Hunc ego non Jurisprudentiam modo ignorare affirmo, sed & ipsa Jureconsultorum nomina. Audistis, viri clarissimi, quos nobis pro Jurisconsultis ingesserit homo perditissimus? Atramannum, Pusedorsium, Zertenum, quos nemo nostrum novit, nec audivit unquam. Ego quidem vicem hujus miseri parentis graviter doleo, qui unde panem sibi pollicitus erat, inde inopiam, & mendicitatem consequetur. At stulte mihi modo in mentem venit hujus misereri, cui hoc merito contigit, qui asinum istum tam grandem cibo, vestituque suo in suam perniciem aluerit: quum longe utilius egisset, si porcum domi aluisset eadem cura. Ab asino, amabo, quid nisi asinus efformetur! Et porro videmus, hunc asellum nobili, ac singulari hujus magistri disciplina tumere, ac satis jam superbire, caeterosque omnes contemnere. Euge, egregie adolescens, fori spes prima, domusque tuae magnum decus, & praesidium! Euge! Te scilicet quamprimum stupentes mirabimur in foro regnantem, tonantemque in judiciis, atque incomparabili eloquentiae, sapientiaeque flumine nos omnes indifectos, & insipientes obruere. Haec te animo volvere, haec jam spe devorare te, supercilium istud tuum abunde indicat. Sed scisne, belle adolescens, quid te pro paterna amicitia
fa-

familiariter moneo? Si pane eges, si vere e foro panem quaeris, si jurisconsultus esse vis, omnia istaec, unde tumes tantopere, primo quoque tempore omnino dedisce. Evome propere, evome, quod imprudens hausisti, paupertatis perpetuae poculum; & te sanioribus cibis, forensique disciplina confestim refecti: & quasi modo primum in literarium ludum inciperes ire, humanitatis elementa serio arripe, ac perdisce, quae sunt eadem forensis gloriae, ac divitiarum itinera. Odio habedum vives istum, qui te perdidit; & quum te, DIS bene juvantibus, tandem resipuisse intelliges, caveto diligentissime a teterrimo isto, ac maximo salutis tuae inimico, tanquam ab angue, & rabioso cane. En tibi, Camille, veros, & genuinos disciplinae, quam concupiscis, Praeceptores: hos audi, hos imitare, hos tibi exemplum propone. Ego, qui sum omnium revera postremus, quandoquidem primus loqui per aetatem debui, quaedam & leviora dicam, hi postea summi, doctissimique viri caetera, & majora.

Nec mihi modo longa oratione opus est ad institutum, quod probro, & sequor, resque simul meas tibi exponendas: nec te tot barbaris perterrefaciam nominibus, quot Modestinus, immo Immodestus iste tuus solitus est. Facile, atque expeditum est iter, ampla, & sane consularis via, nulloque negotio, si me sequeris, eò pervenire poteris quod contendis.

Principio illud ego jam mihi certum nunc sumo, quod, quae vestra sapientia est, neminem vestrum, viri magni, inficiari posse reor; artem nempe, quam profitemur (quod quidem & in reliquis artibus aequè obtinet) pecuniam pro meta, ac termino habere. Eam per tot labores quaerimus; ad eam omnes magno consensu properamus. Hoc ergo nobis videndum, & curandum maxime, immo unice est, ut quod tantopere concupiscimus, quam facillime consequamur. Multis multae di-

tescendi viae fuerunt, ac sunt, & quacunque nos in foro
 circumvertamus, plures ubique occurrunt, qui e sordi-
 do, obscuroque loco lauti, & opulenti dictum factum ef-
 fecti sunt per forensē operam. Ego quid alii probent,
 quid faciant, quid sequantur, non referam, nec si vel-
 lem plane scirem: mea mihi res semper est cordi, caete-
 ra negligo. Mihi vero Deū munere accidit, ut hanc
 potissimum institerem viam, ducemque illum invenirem,
 qui me huc perduxit, quō solus numquam profecto po-
 tuissē perumpere. Nam, quum e prima jam adolescen-
 tia excessissē, nec locus, ubi consisterem, mihi adhuc
 in foro esset, in hominem sapientem, & civilium rerum
 callentem opportune incidi, qui me statim veluti filium
 complexus, compendiaria quadam via ad lucrum perdu-
 xit. Is aliquot mihi libros, quos per ocium legerem, in-
 dicavit; caeterum me, quod sane maximum erat, in fa-
 miliaribus colloquiis quod opus erat perhumaniter quo-
 tidie docebat: & quae ipse faceret, aut diceret, me se-
 dulo jubebat animadvertere; quod quum me diligentis-
 sime agere videret, laudabat, & arctius in dies ample-
 xabatur, & adhibebat me in omnibus causis veluti adju-
 torem, & suppromum suum. Scribebam ego plurimum
 singulis diebus, hicque vel maximus noster erat labor,
 nam libellos nemo uberiores distabat: & mirum sane est
 quam multa sustineremus negocia, & quae hominum tur-
 ba ad nos perpetuo concurreret. Nam praeterquamquod
 sub galli cantum tercenti consultores ejus ostium pulsa-
 bant: ut inde in forum magna stipati caterva descendeba-
 mus, illico ad illum undique confluebant complures viri
 nobiles, obaerati plerique, & decoctores, atque ab aliis
 Parronis deserti. Hoc etenim genus hominum praeci-
 puum sibi ipse delegerat: hos praeter omnes affirmans,
 quod verum esse & nos experti sumus, ingenti lucro,
 magnisque bolis auctare Juriconsultos. Magnus equi-
 dem, amici, fuit ille vir, & nescio an alterum, quod pa-

pace dixerim vestra, unquam talem haec civitas tulerit aut feret. **DEPOPULANTIUM** quis quaeso non novit? Videbam ego quotidie illum ita facile implicatissima quaeque negotia explicare; ita sedate creditorum impetum, Judicumque eludere auctoritatem: ita placide desperatas res in tuto tribus collocare verbis, mensesque, annosque integros judiciorum casses effugere, ut plane mirarer, tantam in humanum ingenium cadere potuisse sapientiam. Pro bibliothecae foribus, quam copiosam, & valde exornatam habuit, ita scriptum erat, hinc **DA MIHI**, atque inde **AFFER MIHI**. Quod ipse saepe quasi per jocum consultores suos, ut lecitarent, monebat. Super sellam vero in interiore cubiculo, unde solebat dictare, & quod vix ego admittebar, haec memini uncialibus literis memorabilia verba fuisse conscripta **CAPE. RAPE. CLEPE. TENE. HARPAGA**. Nec mihi unquam tanti viri praecepta memoria excident; quaeque ille sapientissime solitus erat dicere, dum vivam, recordabor. Praecipue vero singulare, atque acutissimum illud apophtegma usque tenaci memoria retinebo, Patronum nimirum non tam caussae, quam quaestus sui memorem esse oportere, atque ita clienti consulere, ut sibi maxime consulat. Ab hac ego schola progressus sum, si magistro meo minor, at certe ejus artibus in foro nulli omnino secundus: ut illum fecisse memini, ita & ego facio, meque ita gero, ut tanto praeceptore haud indignus videar. Jam primum nil frustra facio, sed omnia ad meum lucellum refero: clientes pro latifundio habeo, inde quidquid opus est sumo: si utilis iis esse possum cum lucro meo, bene habet: sin secus res serat, ne gratuita opera sit, habeo quid sequar. Quid me torve aspectas, Modestine? Philosophetur alumnus hic tuus, Solisque vias, astrorumque obitus noscat, & ventorum naturam, resque arcanas omnes: dum nos quae in propatulo sunt cognoscamus, nilque audeamus ultra saecem, erroresque

nostros. Ipse nihilominus cum Sole & sideribus suis, ut tu, tuique similes omnes, valide semper egeat, nobisque, fortunisque nostris invideat, necesse est. Ego vero, qui nec Trimostenem istum tuum, Modestine, nec Cicerionem unquam vidi, ignorantia scilicet mea fretus, aedículas jam, ut nostis, haud parvas, nec ignobiles aedificavi, rus non modicum hic in Herculano comparavi, villamque ibi non contemnendam animi gratia extruxi, aurumque, & argentum ac suppellectilem plane commodam habeo. Tu interea, Philosophé, alges, & tibi nec servulus ullus est, neque arca, ubi palliolum illud tuum detritum reponas. Quum ego domo mane exeo, ad lucrum procedo: quot quot compello, cum lucro meo colloquor, nemini quacumque de re, sed ejus respondeo marsupio: nisi me gratis fortasse pro ignotis laborare velit Modestinus. Et quis unquam, praeceptor meus agebat, vel Judicem adeat, vel libros evolvat alterius causa, vel ad lucernam scriptitans vigilet, nisi propter pecuniam? Quicumque me adit, amplector, non quae causa sit, non quo de agitur scire curo, sed an largus sit reus, & quid inde sit mihi obventurum lucri. Si rem ad Modestini trutinam referre vellem, tot miseros Cives opis meae indigentes superbe ejicerem: & vix unam toto in anno causam susciperem, acriterque interea esurirem. Non tacebis tu omne in aevum, Poeta? Hetruscos ad numeros egregie te cantillare reor: hoc age, caetera ne cures per Deos. Sine in ea nos arte nos exercere, quam novimus: sine in judiciis & causis pro experientia nostra versari, ut te nos patimur tam valide delirare. Nos quidem quoscumque ad nos confugiunt ed tuemur libentius, quò largius & saepius pecuniam ingerunt; jus, an injuriam postulent, Judicium id, per Jovem, officium est non nostrum: modo argentum expromant, nihil omnino de caeteris aequum est nos esse sollicitos. Ego quidem vendo laborem, vendo ocium, vendo vocem, vendo silen-

lentium : non me aliud juvat (haec nempe nobis ars , Modestine) , nisi operam vendere , & operae quam maximum precium accipere . Legimus quoque nos , & scribimus , nec ocio indulgemus : sed quo id pacto faciamus , paulo post , quum de regulis meis loquar , exponam : nunc de mercimonio , ac mercatura mea , utoccoeperam . Vendimus enim quicquid emtorem invenit , sed nil aequae nostrae interest vendere quam fucum . Quid hoc verbi est , inquiet iste ? dicam ego tibi ; Fucum , o Philosophe , appellare solebat Depopulantiis ea , quae tu delicatule appellares mendacia , fallacias , fraudes . His ille ita abundabat , ut totus ex his factus videretur . Illum saepe alacriter pejerare memini ubi opus erat , & veritatem quotidie oppugnare , atque ob ea convicium fortissime & constantissime perferre . Tunc enim maxime exentrabat clientes , qui sui causa talia illum facere & pati , sine ingenti lucro nunquam sinebant . Ita vivitur ; haec nobis artes ; hoc omnes , ac noster hic praecipue sequitur Vulpinus : quem colimus , quem admiramur omnes , quem in Coelum ferimus . Habeo ego modo in manibus senem praedivitem , acherunticum , & jam capularem . Is cum fratris filio , qui unus sibi e tota gente haeres superest , sane de lana caprina acerrime litigat . Ea quippe senis indoles est , ut quo die Judicem non vidit , eum male sibi queratur periisse . Nonne obsequi , nonne velificari ejus voluntati debui , magno praesertim cum lucro meo ? Id nempe libentissime ago : nam siccum alioquin , parcumque senem , sed litigandi avidissimum , per omnes judiciorum ambages circumduco , atque ita interea argentum in litem sumere jubeo , ac si in nuptias sumeret , victoriam ostendendo quotidie , meosque labores , qui porro haud maximi sunt , mirifice ut decet magnifico . Adolescenti contra ejus fratris filio peculium carptim per crebra munuscula excerpo , dum senis aetatem ostendo , remque me ejus gravia perducere persuadeo . Ita ego utrique am-

cis-

cissimus: idque ago diligentissime, ne forte e naxa mea effugiant aliòque lucrum deferant. Nonne haec bella sunt, Modestine? Immo turpia tibi, videntur, qui Judicem illum in corde tuo habes, qui haec detestatur, qui semper adversus nos judicat. Pudet sane virum probum lucrum facere, & per nostras artes comparare pecuniam: & non pudet quum quid comedat non habet, quum vestitu, quo in publicum prodeat, caret, quum a pistore pro tribus obolis in iudiciu moborto collo rapitur. Tunc te aequum esset pudere, a line mi, graecis, latinisque libris onerate, non quando nihil opus est, non quando id agitur, ut, magnos clarosque viros imitatus, pecuniam e ditiorum scriniis per ingenium, artesque optimas in tuam crumenam deducas. Ego, qui sanctum, ac venerandum Tribunal istud vestrum (vah! Judicem formidandum) in animo non habeo, paucos intra menses a sicco hoc solummodo pumice tantum jam succi extrusi, ut non modo inde magnifice lectum intraverim, ac in tropaei modum, inauratà super imposità machinà, coooperuerim, sed uxori quoque in aures adamantibus, & smaragdīs distinctos, armillasque aliquot ex eisdem lapillis, accuratissimo, elegantissimoque opere perfecerim, aliaque multa inde etiam, DIS bene juvantibus, perficiam. Quod si me magnus iste Philosophus tuus, Eustachj, nugas, & fabellas, ut Camillum fecit, docuisset, sane modo cum liberis meis frigerem, & uxor veteri quopiam centone induta, me, meamque inertiam noctes atque dies, jejuna aut male pasta, merito accusaret. . . . Hic, quum caeteri convivae arrisissent, quod Vulpinus veteri centone indutam Rapidii uxorem pluries olim se vidisse dixisset, quum Rapidius ipse sordido quodam palliolo involutus male interiorum vestium obscoenitatem tegeret; surgens Rapidius adeo acriter in Vulpinum invectus est, ut is modestiae oblitus suae, ac repente ad ingenium rediens ob iram, in quam postquam se largius in-

invitaverat, sat pronus erat effectus, impudentem, impurum, inverecondissimum illum, latronemque teterrimum, ac vere baratrum, ac voraginem clientum esse diceret, eoque acriorem in rapiendo, & expoliando modo esse, quo fuisset olim nudior, atque indigentior. Nec Rapidius tacebat, nam Vulpinum non vulpem, ut nomen ferret, sed vere Lupum, furemque acerrimum esse jactabat, eosque, qui in tam tagaces manus inciderent, expalliatos, expilatosque discedere. His accensi animi: & jam signa, jam arma inter verborum velitationem parabat uterque, ut alter in alterum impetum faceret; jamque impellebantur, ac subvertebantur mensae, ingensque certamen instabat. Nec sane pugnantium ardor ulterius contineri potuisset (nam & utriusque discipuli se se expedierant) nisi assurgens Voconius clamore ipso strenue fregisset homines; longeque plura, & atrociora in Vulpinum, Rapidiumque convicia ingessisset; amicitiae, pacisque conciliandae gratia, quam antea ipsi inter se hostili impetu effunderant. Heus vos, clamabat, ignavi, quid hic vos, me, hisque praesentibus, ausi estis hujusmodi turbas ciere? scelesti, propudiosi: quorum quidem nunquam cuiquam venit in mentem, ut recte quicquam faceretis. Eja confidite, & tacere; vestrae vos, nostraeque dignitatis oblitos esse haud mirum est, ita nunquam quid ageretis, aut diceretis pensi aliquid habuistis. Agite jam confidite, aut ego vos Lupi vere, non Patroni, rapacissimorum rapacissimi. Dein preces minaces, admiscebat, aliosque convivas excitabat, atque hortabatur, ut secum idem agerent. Quibus etiam annitentibus pacta demum pax est, mutuoque fortissimorum virorum Rapidii, & Vulpini amplexu firmata. Ad hilaritatem inde, jocosque deflexit convivium, plurima effutiente Voconio, qui laudantis specie malum quidem, ac nequam hominem esse dicebat Rapidium, sed longe nequiores, atque improbiorem esse Vulpinum,

cu-

cujus calliditas inevitabilis , ac plane esset certissima. Hæc laudes risu plausuque excipiebantur , gratesque Vulpinus , Rapidiusque Voconio agebant , quod tantus vitæ bonam de iis opinionem præferret . Tantusque postea strepitus inter bibentium , clamantiumque voces atque acres sanè contumelias , quas mutuo inter se per jocum jaciebant , exortus est , ut nec servuli patris vocem quæ factio opus erant imperantis audirent , nec nobis , ne vicinorum quidem sermonem liceret excipere . Valtus quidam boatus tantum exaudiebatur , voxque e plurimis vocibus mixta , unde facile quis conjicere potuisset , Rabularum Convivium esse. Quod quum nimis diu fieret , Pater , cui ego cordi eram , voce , manibus , pedibus tandem aliquando silentio a clarissimis viris impetrato : **Quid hoc rei est , amici viri , inquit ? An vos putem nostri oblitos , cujusque rei causâ huc invitati estis ? Sane hunc , me ostendens , vobis commendavi , iterumque commendo , ut sapientiâ vestrâ frugi eum , utilemque mihi , familiaeque reddatis . Agite ergo , obsecro , quod humanissime doctissimus hic Rapidus inchoavit , perficite .** Ad hæc , quum Rapidus vix se extranea quaedam , nec rem ipsam respicientia dixisse impetu quodam in Modestinum affirmaret ; nec adhuc prima elementa forensis disciplinae tradidisse , pluraque , & utiliora superesse : non ferens hominem Voconius , satis jam eum superque turbellas , technasque aperuisse suas , inclamavit , nec reliquis opus esse . Sineret modo , Vulpinum aliquid de mirabili artificio suo dicere , ut tandem ad se , & Blandidianum , qui seniores essent , res rediret . Multa reclamantem Rapidum omnium consensus vicit , & vix aliquando Vulpinus ut me dedoceret , remissa voce , modestoque admodum vultu dicere aggressus est , nihil sese alicujus laedendi studio dicturum præfatus , sed suæ tantum sententiæ explicandæ causâ .

NEMINEM enim , inquit VULPINUS , irasci ego æquum esse

esse censeo, quod alius aliter ac ipse sentiat. Porro ego, viri optimi, toto Caelo a Rapidio dissentio, cui tamen me amicissimum esse, ut qui maxime, sincere profiteor; sed viam, quam iuvat ipse, ego profecto non irem, nec illum ei, quem diligerem, imitandum proponerem. Atque ut ego facile patior illum, quæ optima sibi visa sunt, sequi, ita mutuo eum passurum reor, me meis legibus mea regere: simulque pudori meo, ac fidei satisfacere, Eustachioque nostro pro filii sui salute laboranti, quid probem ipse, quid improbem libere, atque aperte edisserere. Et primum, ut hinc potissimum exordiar, quis vestrum quaeso Rapidio assentiatur, Patronum (absit, Rapidij, verbo injuria) quasi grassatorem, aut piratam aliquem, se litigatorum spolia tantummodo quaerere, palam profiteri? Sane durum admodum, & absurdum videtur hoc; & nescio an alteri tam prospere istuc, quam ei, & praeceptori suo, paucisque ex eodem suffure, processurum sit. Ergo, inquiet Rapidus, tu a lucro abhorres, litigatores ex animo diligis, serio, ac gratis pro iis angeris, teque, vitamque teris tuam? Nequaquam equidem: Nam & nos eodem, quod Rapidus, tendimus, nec de finibus nobis controversia est, sed de modo. Et certe plurimum interest quo quid pacto facias, quæque sit tui hominum existimatio; plurimum interest porro; nam inde est omnino ut diteris, ut in omnis generis deliciis vivas. Mox ego hæc cujusmodi sint ostendam; modo pauca quædam præfari opus censeo de Camilluli nostri institutione, quam ego non perversam modo, & inutilem, sed maxime quoque damnosam puto: & ni propere adolescenti subveniatur, de eo reor brevi admodum omnino conclamatum iri.

Tu mihi hominem, Modestine, pace tua dixerim, qui ad mare sit perducendus, per montium cacumina, valliumque anfractus ociose circumducas, eumque & tempus male perdere sinas, & quod longe est gravius, montanis, ac

H h

cam-

campestribus assuetum itineribus, a marinae vitae consuetudine adeo abstrahas, atque abhorrentem efficias, ut, quum litus eminus multos post annos viderit, ipso undarum strepitu perterreatur, taedioque mero conficiatur, ac nausea? Profecto adolescentes in forum, ut ita dicam, immittere opus est, inberbes & statim ac paedagogum deseruerunt: ut nostris illis clamoribus, nostrisque pulveri assuescant a prima statim aetate. Illic scientias, illic Eloquentiam, illic Jurisprudentiam docentur: haec illis optima disciplina, haec rectissima ad proficiendum via. Dum tuus hic Camillus Hebraeorum, atque Assyriorum historias per otium legebat, Paullinus meus ejus aequalis consultoribus respondebat; matrique suae uxori meae jam tum pecuniam forensi opera partam effundebat in sinum. Post deinde, quum tu ad propiora tempora accedens Graecorum, Romanorumque mores alumno tuo atque instituta explicabas in cubiculi umbra, meus causas dicebat, & inter doctos, & disertos reponebatur jam, plurium judicio, vix viginti unum natus annos. Modo hic nos quid de Camillo agendum sit deliberamus, quaque semita in forum deducamus paventem, rerumque nostrarum ignarum: ille ab hoc convivio abest, ut vides, negotiorum multitudine distentus. An, quaeso, si huic optimo viro Eustachio optio daretur modo, eequem sibi filium dari vellet; huncne suum potius praeclara institutione tua distortum atque corruptum optaturum eum censes, an meum, etsi tuos istos clarissimos Auctores, atrine an albi sint, profus ignorat? Nec tu hujus solummodo temporis jacturam discipulum tuum facere curasti, sed praevidisti sedulo ne unquam quicquam, vel si sexcentos vixerit annos, proficiat, nisi a te protinus abstrahatur. Philosophum eum effecisti; papae! optime factum. Legum conditorem efformasti pro juris interprete: Eugepe! Quid praeclarius? Avaritiam omnem ei expectravisti, lucrique ei, nisi hopesti, amorem,

& cu-

& cupiditatem abstulisti omnem . Vah ! magnum hominem ! at quid ego singula persequar , quae tu modo nobis tanta gravitate obtrulisti ? Nihil hercle ex omnibus est , quod non ridiculum , non vanum , non damnandum sit . Verum quid a te , amabo , speraret Eustachius ? Videbat , te cano capite alienae opis indigum , & Jurisprudentiam tot jam annis profitentem ne uni quidem unquam in foro adhuc adfuisse , nec a quoquam de trioboli causa consultum unquam , aut consuli ; & filium tibi nihilominus commendabat suum ? Merito id ei evenit . Nam si in hoc is fuisset Eustachius , qui in caeteris rebus omnibus solet , vel huic Voconio mirabili quidem viro , vel Blandidiano nostro victorum victori , vel demum nobis , quamvis simus omnium postremi , instituendum filium suum dedisset , non tibi , qui tute magistro , immo & patre egebas . Sed ne contra morem atque institutum meum contentionis potius cupidus esse videar , quam hunc adolescentem docendi : age mi Camillule , animum adverte , & mihi , qui te tuamque domum enixe diligo , ausculta , hujusque magniloqui nebulonis nugae nihili pende .

Jam primum omnium tibi libros omnes de manibus excutio , & ad ocium revoco : Nonne hoc tibi jucundum est ? Satis jam sapis : immo satis jam tunc , quum quindecim natus eras annos , sapiebas , naturae ipsius virtute . Deinde illico dediscenda tibi illa omnia esse , quaecunque hic ingessit , edico : & cavebis , fili , ne quicquam unquam tibi ex iis , vel in foro , vel in familiaribus amicorum colloquiis excidat . Nam si aut Philosophum , aut Poetam , aut e summis illis Jurisconsultis aliquem , ut suavis iste magister tuus appellat , laudare te audiet in foro quispiam , plane occidisti , & tecum spesque , opeque ; tuae simul omnes tumulabuntur . Habeo cur ita sentiam : nam plures novi , qui , quum alacres , erectique in forum egregia istac Modestini supellectile instructi advenissent , post paulo demissis auriculis ab omnibus contempti , & ir-

rifi foro indignati cesserunt; eoque demum eorum sapientia recidit, ut per bibliopolarum tabernas, ac saepe etiam per tonstrinas multis nos maledictis proscinderent; nostramque, & fori vehementer accusarent barbariem. Nos tamen si quando conspiciantur isti ipsi erudituli, opido venerantur, ac si blandius, & humanius a nobis compellantur, in Coelum illico ferunt, nostramque sapientiam dilaudant, promptissimo, & usque parato in quemquunque nostrum obsequio. Sed ut ad rem redeam: nimis sane tibi oneris imposuit praeceptor tuus: tot te liberos vorare, tot per diverticula errare iussit, antequam ad locum, quod tendis, pervenires. Frustra id quidem, & nil ad summam relaturum, etiamsi quam viam iste com-mostravit tibi, posset te ad Jurisprudentiam ducere, quod prorsus fieri nequit.

Nunc si tribus libellis te ego Jurisconsultissimum efficiam, eloquentiamque haud mediocrem comparabo, ecquid mihi, Camillule, a te erit precii? Si te voluptatibus frui, si genio, ut lubitum fuerit, indulgere sinam, nonne gratior, utilior, & acceptior mea tibi disciplina erit futura, quam hujus, qui te nimis in arctum coge-bat, qui vitam suadebat agere nimis aspere, & per Jovem nescio an prorsus inhumane? At jam ad rem ipsam aggrediamur: atque illud sis vide, Camille, quot in verba maximas, atque utilissimas res conferam. Principio hoc tibi praeceptio (quod si sapiens aeternum pectori infixum tuo servabis) ac diligentissime sequendum propono; maximopere, Fili, labores oportet, ut probus, ut doctus videre; ut autem sis, id enim vero, quantum quidem ad personam, quam sustinere debes, pertinet, susque deque habendum. Quantum, quaeso, hoc videtur quod dixi? At mirum profecto quantum hoc, & quam ingens revera sit. Expertus loquor, plurimarumque rerum diutina experientia didici, hominum bonam de nobis opinionem uberrimum, ac certissimum quaestum esse: bonamque hanc opinionem

fa-

facillime, nulloque prorsus labore, paullum modo intendas animum, parari. Nota vobis loquar, clarissimi viri: quaeque omnes scitissime facitis, ego, qui eadem imperite sequor, modo proloquar. Quam difficile factum est, Modestine (ut aliquid modo de hoc genere degustem) quod nonnulli aud contemnendi viri sequuntur, inflexo collo incedere, oculos demittere, quodvis sacrum signum, aut tabulam modeste venerari, Deum usque in ore gerere, parce loqui? Quid illa tibi videntur, quae a summis plane Jureconsultis ego fieri didici, nostrates Jurisconsultos tertio quoque verbo laudare; vel sine causa, & sine ratione ultro eisdem (at inter imperitos) reprehendere: librorum, chartarumque aggeres hic illic domi disponere: semper occupatum, semper graviore quopiam negotio se distineri dicere: raro faciles aditus, plerumque brevia alloquia praedare: numquam dilucide, & clare ad propositas controversias respondere, sed ambigue semper, & perplexabiliter: quicquid alius quispianam Patronus dixerit, id se se longe melius scire praeseferre, & quaecumque ad rem faciant, optime se callere sedulo assimulare: caeteros ita laudare, ut contemnas, semetipsum ita contemnere, ut laudes: aliena mendacia acerrime detestari, suis opportune, & cum gravitate uti. Vetus haec quippe disciplina, & felicibus semper eventibus confirmata. Quid multa? nil profecto tam facile fit, nihilque simul nos tanta afficit delectatione, quam, quum decipi homines nutu ipso conspiciamus, celeriterque ad omnem orationis nostrae auram circumverti. Pecuniam interea ejusmodi Oratores, quantam quidem libet, a consultorum arcis excutiant: nemo etenim gravem virum, veracem, doctum, ac Deorum verentem ne adire quidem audet sine pecunia, non modica illa quidem, ut cum Rapidio fit, sed plane grandi. Res agitur, Judices docentur, scripto causa mandatur, agiturque demum in Consilio: per omnes causae gradus

ju-

jure merito pecunia extruditur a litigatore: quum vero acta est, tunc propter honestissimum laborem fundos integros, tunc aedes justissimo lucro consequimur; paullo quidem amplius si victoria secuta sit, parcius aliquanto si causâ litigator ceciderit. Nil de nobis loquimur, nullo enim numero sumus; de summis istis Patronis mihi modo sermo est. Hoc sane isti pacto ditescunt, Modestine; nec iis unquam curae est, quum causam aliquam suscipiunt, quid ista officia tua sibi velint, inspicere, nec cujus generis lucrum sit quod faciunt; sat enim honeste fit, quicquid sit cum lucro. Sciunt enimvero haut paullo satius quam vos, quid ipsi praestare debeant: abundeque fieri si consultores attente audiantur, scripto quae oportet (quam rem plerumque oscitanter usu ipso edocti eorum peragunt discipuli) diligenter mandentur: tum per Judicum domos circumire, clamare, & cum adversariis acerrime digladiari. Posthaec, Djs hominibusque jubentibus, pecuniam accipiunt, nil hercle de reliquis rebus solliciti. Nec magno labore stat nobis quae audisti, Modestine, exequi. Nam, ita me Dj bene ament, faveantque, ut nec sudare nobis, nec algere opus est ad omnia, quae negotia, & causas respiciunt, efficienda. Sedemus plerumque domi oscitantes, vel placide deambulamus, dum mente animoque, quae dicenda, ac facienda sunt, volutamus, isque nobis maximus est labor. Quum domo prodimus, rheda semper vestamur: quum vero ad Judicem ventum est, tunc raro meditati profundimus quaedam, vocemque extollimus aliquando; irascique etiam, atque indignari in causis defendendis videmur. Oratoris proprium id quidem: at nunquam serio perturbamur: sed pecuniam, quae nobis jure debetur, expectamus.

Scribendum vero vobis saepe est, inquit Modestine, doctisq; respondendum adversariis: quid tunc ergo facitis cum ocio, & negligentia vestra? En tibi, Philosophe, quomodo istuc fiat; & nosce simul quid nos inter & te, tuique similes inter-

terlit: nam quae vobis difficilia, vixque fieri videntur posse, nobis plana sunt, atque ea vel dormientes exequimur. Nos omnium primum illi ipsi, quorum de re agitur, causas suas docent, scriptasque plerumque magnam partem afferunt. Deinde discipuli nostri quamplurima (ad rem necne parum refert) a Jurisconsultorum libris excerpunt; postremo & nos aliquid invenimus, atque excogitamus, quod maxime consonum rei videtur: atque ita, omnibus his coagmentatis, pulcherrima de jure responsa edimus, egregieque nos in foro venditamus; eloquentesque etiam, ac copiosi, quum causas dicimus, nec fortasse injuriâ, perhibemur. Novi ego claros quosdam Oratores mira quadam arte haec insuper concinnare & componere. Nam, quum nunquam in causis nimis allaborare essent soliti, ita tamen se gerebant, ut viderentur semper in negociis & causis mente & animo haerere. Modo acriter perterrefaciebant litigatores, veluti desperatis rebus: modo ad spem derepente erigebant, quasi aliquid invenissent, quod eorum causas in vado poneret. Interdum etiam memini, cate eos valde se sollicitos assimulasse pro alicujus causa, noctesque aliquando integras eorum gratia in bibliotheca vigilasse. Quibus, optimis sane, artibus illos vidi ad summas opes, summamque in foro auctoritatem pervenire. Haec ita fieri aequum est; nec si nos eatenus laboramus, quatenus opus est, non ultra, reprehendendi ideo sumus. Nam si quis digito uno saxum movere possit, accusandus est, quaeso, quod non ambabus manibus idem illud effecerit? Scimus nos fori nostri indolem: novimusque, eam demum veram sapientiam esse, quae prudenter hominum erroribus uti calleat, eorumque stultitiam, & credulitatem in proprium lucrum convertere. Paullinum meum non ego, sed ipsa natura, quae praeceptor quidem longe omnium est sapientissimus, quae in rem facti opus essent, docuit. Nam eum ego videbam, quum primum ad res gerendas accessit,

pro-

properare semper, & per forum volitare codicillos manibus gestantem, ut negotiosum semper & occupatum crederes, & cum occurrentibus amicis nusquam consistere, vixque salute data acceptaque abscedere, quasi negotii causâ. Domi cum gaudebam, quum ibi magna consultorum turba adesset, in bibliotheca, quam amplissimam comparavi, delitescere, librosque modo hos, modo illos versare, atque excerpere se inde quaedam simulare; inspectantibus, ac plaudentibus qui aderant; quum ego illum identidem peramanter, iisdem audientibus, increparem, quod nimis intemperanter laboraret, nec se respiceret, salutique consuleret suae. His artibus, atque hac sapientia potissimum, quam nemo sanus non laudet, brevi eum Jureconsultum; ac Oratorem hominum opinio effecit: mihiq; eum ego negotiorum haeredem in foro jam destinavi, ut bonorum meorum, si Deus opt. max. sinat, testamento instituam. Ille vero tot inter negotia ocio diffuit; & qui semper a putidis vestris literulis, Camille, prorsus abhorruit, nunc, nullo prope libro perlecto, apprime doctus est, jurisque sane scientissimus. Quid ita? Forum quippe ipsum Patronos efficit, Modestine, non labor iste tuus improbus, ac intolerandus: scribendo, dicendoque doctiores quotidie efficitur, agendo agere discimus, & loquendo bene loquimur. Sed ut ad Paulinum redeam; is tot maximos viros imitatus, tanta jam probitatis fama merito est, ut nec adversarius aliquis eum, nec Judex mendacii unquam insimulare audeat, aut quippiam per calumniam agere. Ille vero quae in rem opus sunt, probe novit; nec juvenis a senioribus unquam per Deos decipitur, meaque ita jam vestigia urget, ut me magistrum, parentemque, ac praemonstratorem suum jam jam praetergressurus videatur. Haec porro compendiaria, vel, ut verius loquar, recta est via; haec perducendi adolescentes, non per angustiam tuam, Modestine, sentibus obsitam, quae exitum plerumque non habet.

His

His dictis Vulpinus, aliam veluti ex integro orationem ordiri volens, in cubitum se reclinaverat, quum Voconius, morae jandudum impatiens; satis jam, inquit, satis, Vulpine, inaniis tuis aures nostras opplevisti, jam locum & aliis loquendi relinque. Arcana sapientiae tuae didicimus, quove pacto sine labore, ac lectione ulla ad istum fastigium conscenderis: sine modo, & nos hiscere, nec integrum tibi diem assumes. Loquamur & nos aliquando: & si minus artis, & fallaciarum in medium adducemus, plus itidem afferemus fortitudinis, & ingenui laboris. Ridiculum planè fuit, Pansute, Vulpinum cernere torvis oculis Voconium intuentem, dimidiata quaedam verba proferre, & loquenti similem, ac exandescenti, intervalla Voconiani sermonis captare, ut quod meditatus erat diceret, quod numquam eum acerrimus ille rabula assequi sivit. Nam impetu quodam, aestroque abreptus, inflammatoque ore, Blandidianum intuens, Vulpinum averfatus, non loquebatur, sed plane latrabat, illumque, qui se non Rapidium esse, sed Vulpinum dicebat, ita acribus repellebat maledictis, ut nimius, ac intolerabilis omnibus videretur. Demum non voce, sed strepitu, crepitu, sonitu tam valide tonuit, ut silere tandem Vulpinus coactus sit, & ipse victor, per omnium silentium, ita fere locutus est.

QUID MIHI modo, Blandidiane, auctor es, ait Voconius, an ut putidam, & inertem vulpeculae hujus malitiam confutem, an rectà ad institutum meum pergam? Sed quo ego pacto possem, tot pueriles captiunculas, tot ridendas fallacias summi hujus magistri silentio praeterire! Videbam ego hunc in foro maxime secundo vento ferri, & saepe socium egomet ipse in causis eum advocabam, ignarus artium suarum, quae sapientia tantum in judicis posset. Nunc nec inaniorem quempiam, nec ignariorem in universa Civitate novi, ipsoque pejorem vix hunc Rapidium nostrum. Attamen hic tam

bellus Patronus fucum omnibus mirifice facit, atque os tot summatibus viris sublinere facete callet. Tu mihi audes, inepte, Jureconsultum, & Oratorem profiteri, qui quid lex sit, quid judicium, quid forum ignoras? En vobis ociosum, & nihilominus magnum Patronum: Ecce qui rotas inter ac pulvillos nobis de jure sibi ignoto respondeat. Militare oportet, Vulpine, strictoque gladio in judiciis versari: magnorum Jureconsultorum opera non lestitanda modo, & sæpe consulenda, sed penè dixerim ad verbum omnia ediscenda. His praefidiis fortiter in campum descendendum est, collatisque signis cum hostibus dimicandum. Scitum hercule, & mirabilem Jurisconsultum Vulpinum! Qui in quovis circulo, in quavis stipulatiuncula decipiatur. Hoc nobis, qui aliorum patrociniū suscipere profitemur, videndum, hoc ante oculos habendum maxime est, ne a quoquam ulla in re unquam circumveniamur: sed debemus magnum, uti est, & gloriosum putare, quoscumque possumus, per doctos dolos, jurisque peritiā circumvenire. Quod certe nunquam fieri poterit, nisi patria jura, & leges teneas, nisi contractuum omnium anfractus calleas, nisi formularum, & verborum, quae usquequaque quibusvis in negociis adhibentur, vim, flexus, ambiguitates intime scias. Hinc maxima illa in foro auctoritas oritur, hinc hominum admiratio, hinc justa sapientiae opinio. Sapientes nos consultores nostri vocant; & quo jure ita nos appellent, si res suas procurantibus nobis, in laqueos incidant adversariorum, vel quod lucri facere potuissent, per nostram inscitiam amittant? Ego medijsfidius plus librorum pulveris sorbui, quam vini: noctesque integras somno me abstinuisse memini, ut litigatorem vel a molesto petitore per legitima effugia (non ut vos ineptissimi consueftis) liberarem, vel tutum adversus inevitabilem aliquam actionem redderem. Rapidius haec aperta fraude, & spurce aggreditur; Vulpinus noster fabre magis confutis dolis. ego

ego ut Jurisconsultum decet. Judicem ego doceo, vos fallitis: me ille admiratur, legesque quammaxime cal-
lere praedicat; vos contemnit. Scio me cum praecepto-
ribus meis loqui, vobisque supplico ne calorem meum,
secus ac par est, interpretemini: habeo enim hoc a fo-
rensibus praeliis; assiduaeque concertatione; nec me, ut
taceam quicquid in buccam venit, possum comprimere.
Et quis, quaelo, tam saxeus unquam, ac fungus fuit,
qui haec audiens, quibus tandiu jam aures obtunduntur
meae, se continere potuisset? Parcite si quid dicam aspe-
rius, atque in bonam potius partem accipite. Nunquid
ego, libere fateor, ineptiores ineptias audiui, nec tam
serio, ac veluti data opera viros senes, magnaeque au-
thoritate insauire. A Modestino initium ineptiendi fa-
ctum est, quem porro, si tacuisset, tam ego stultum
numquam credidissem: Secuti estis vos imitatione credo
viri, vel potius aemulandi studio accensi. Atque hoc mi-
hi solum illius inter ac vestram insaniam interesse visum
est; quod vos, quum indoctum omniumque bonarum
rerum inanem vestris praeceptis efficeretis Camillum, ali-
quam tamen ei, licet improbam & immundam, ad lucrum
commostrastis viam. Philosophus vero iste egens, ac
ventosus, non spem modo ei omnem proficiendi abstulit,
sed radices quoque ipsas spei excidit: ut aeque possibile
sit Camillum Patronum evadere, ac Rapidum se se a
furando abstinere.

Et mirum profecto est, ut hinc potissimum
incipiam, tantum a recta via deerrasse Modestinum:
qui mihi ignarus quidem & insipiens semper vitus est,
numquam vero tam amens, ac furiosus. Euge Modesti-
ne! Huic hercle tradas, si quem recte institutum velis.
Si tibi quispiam, fatue, nauclerus esset efformandus, num
illum pro thalassica arte, Assyriorum, ac Graecorum
ritus, ac caeremonias doceres? Si tutor, si tonsor quis
esse vellet, num eos vel latum unguem a tutoria, ton-

foriave re divertere fines? Quis sanus unquam de his
 dubitavit? An tu aliquid differre putas tonitruam, futo-
 riamque artem ab hac nostra? Unum prorsus sunt omnes
 artes, eodemque pacto perdiscuntur. Ego Deos omnes,
 hominesque testor, hac aetate qua sum, nihil nisi mo-
 do de Graecis, Hebraeisque istis tuis unquam inaudisse.
 Porro propinquum quendam meum, virum bonum & sa-
 pientem, dicere saepe memini, se honestatem aliam (quam
 tu tantopere Camillo commendasti) non novisse, quam
 foeminarum, quas honestas esse debere didicerat. Nihil
 ignorare alumnum suum voluit Modestinus: at fuisset sa-
 tius, si eum, unum scire docuisset, nimirum quo pacto
 pane, quo eget, abundaret. Iterum juro, me cano, &
 calvo jam capite nec Cajacium, nec Daniellum, aut
 Vottomannum, Sturdorfiumque, ac caetera barbara pla-
 ne & ignobilia nomina, ne eminus quidem unquam salu-
 tasse. Novi ego veros Jurisconsultos, qui fori arcana fundi-
 tus patefaciunt, qui supremorum Consiliorum res judica-
 tas in medium afferunt, qui quaestiones omnes forenses, ut
 magistros decet, explanant; quique demum ita plane, ac di-
 lucide loquuntur, ut vel septuennis puer possit intelligere.
 Me a tertia verborum activorum regula ad Muscatellum
 recta memini a prudentissimo Patre meo fuisse translatum;
 nec aliquam mihi ex tam multis, quas miser iste Camillus
 subiit, molestiam in studiorum meorum curriculo occur-
 risse. Ab hac institutione, non verba ego Judicibus affe-
 ro, sed res, sed Scriptorum gravissimorum auctoritates,
 sed summorum Collegiorum consulta. Clamo, ira-
 scor, strepo, perterrefacio, ac frango Judicem: doceo
 quid ei faciendum sit, normam, ac regulam judicandi
 trado. His artibus vincere preclarum est, hisque trium-
 phare. Perculso, ac dejecto adversario, Judicibus
 pavefactis, nonne se se efferre, sibi que ipsi plaudere,
 aequum est? Bellulus iste noster Vulpinus, pallio
 ad pedes demisso, magno, magnique precii capillamen-
 to

to caput ornatus , graviter incedens , verbaque parco dispensans , per forum incedit quasi aliud semper agens , maximaque mole curarum oppressus . Rideo ego hominem , & palam saepe laceſſo : at ipſe falſò ſubridens (nimis enim eſt mortalis doctus , nimis verſutus , nimis malus) me praeterit caput quaſſans , felicem me , atque ocioſum appellans .

Ego exporrecta ſemper fronte , ac plerumque clamitans incedo : Jureconſultum me profiteor , & revera ſum ; ſcio fallere , ne hoc tibi proprium ſumas Rapidi ; ſcio atrum pro albo ſubdere , ſcio denique quicquid eſt opus : at omnia iſtaec non ut vos , ſed , ut ſcire Juriconſultum decet , ſcio . Nunquam a legibus diſcedo : nunquam ſine Scriptore aliquo loquor : expugno auctoritate Judicem , qui mihi , velit nolit , plerumque aſſentitur . Auditiſtis vero Modeſtinum dicere , ſe valde anniſum fuiſſe , ut loqui Camillum doceret ? Nos ergo , qui in hunc tantum magiſtrum non incidimus , quomodo loquemur , obſecro ? Quid ais bucco , blenne ? Quasi mutos nos , ineptosque ad loquendum , veluti ſaxa & truncos , Natura effudiſſet , ita nos loqui diſcere jubes : Canis latrat , Paſſer pipilat , Corvus crocitat ſine magiſtro ; nos vero homines , in poſtrema animalium forte nati , ſine magiſtro loqui non poſſumus . O ridiculum caput , & plane infeliciffimum ! Ego quidem loquor ; (velles tredo mutum eſſe me modo) ac me dicere aud inepte , Judicumque , & coronae tenere , ac permulcere aures intelligo : & ſane affirmo , imparatum me plerumque accedere ad dicendum , & , quicquid natus ille imperus meus ſuggerit , effundere , nullo unquam delectu verborum adhibito : nec curo , aut curandum adeo cuiquam cenſeo , quo pacto Hetruſci loquantur ; ſicut eos quomodo nos loquamur viciffim negligere pro certo habeo . Vernaculum ſermonem vehementer reformidat Modeſtinus ; at ego famem vellem , & inopiam magis

timuisset. Quenam est ista tandem laus pure loquendi? si de mero sermo esset, intelligerem, at de sermone quis tuam assequatur mentem? Quatuor nos hic adsumus majorum gentium Patroni, tot jam annos causas dicimus, tot jam alios dicentes audimus: ecquem, obsecro vos viri lectionissimi (praeter aliquem ex eruditulis istis, qui FRANCISCUM ANDREAE secuti ridicule sane se te in foro ac frustra jactant) ecquem, inquam, Patronum purum istum Modestini adhibuisse meministis sermonem? Iterum dico, quid merum purum sit omnes novimus, sed quid ista tua pura verba, ignoramus. Et dicere, & scribere, diuque de qualibet quaestiuncula commentari docuit te praeceptor tuus, Camillule: mirum mihi, & memoriter eas ediscere jusserit. Nos quidem, qui ternas, quaternasve majores causas, pluresque etiam minores, trium horarum spatio ad clepsydram dicere saepe solemus, sapientissimum istuc magistri tui praeceptum sequi non possumus. Ad instar militum nos sumus: ut increpuit tuba, illi in aciem descendunt, manusque conferunt: nos, ubi Accensus ad Judicium magna nos voce advocavit, accurrimus extemplo, animisque, voce, legibus, clamore decertamus. Suave etenim fuerit, si quum ad dicendum appellati sumus, imparatos nos dicamus, nec probe meditados, & commentatos, nec verba adhuc ad eam causam apta, atque ad Modestini trutinam examinata, delegisse. Quis nos ferret? Aliud in umbra sedentes ocioque disfluentes magistri imperiis adolescentibus venditant; aliud omne nos in acie ipsa, & certamine servamus.

Et quando opportunum nacti sumus locum, ubi libere de rebus nostris loquamur, audi Camillie aliquid, quod te in viam poterit aliquando reducere, si enaviter insistas, & animo, viribusque omnibus incumbas. Audi meam forentibus in praeliis consuetudinem. Nunquam ego, nisi quum res praesens requirit & cogit, libros in manus sumo: plerumque
ubi

ubi negotium urget, primum omnium causas, de majoribus loquor, pluries a consultoribus ipsis audio; resque quas afferunt, memoria comprehendere satago: id enim mihi satis, superque esse solet ad causam defendendam. Ubi causa agenda est, quo de agitur confidero, si vetus mea & quotidiana supellex ad eam satis est, nil ultra conor, sed rectè ad iudicium pergo, scriptoque, quae in rem opus sunt, celeriter mando. Si obscurior, atque implicatior res est, aliquem Scriptorem raptim consulo, indeque tantum corrado, quantum opus est: oportet enim utique, magnis in causis aliquid novi asserere: in mediocribus enim, & modicis omnia semper de meo penu depromo. Si testamentum impugnandum est, de testamentis continuo quaecumque memini effundo, illudque quo de agitur, nullum, aut falsum assero; cur id affirmem non floccipendo, nec ad rem id mehercule pertinet. Si adversarius acer est, tunc tertio quoque ejus verbo obstrepo; quidquid occurrit objicio; & rem statim clamoribus involvo; tum caute me demum ad testamentorum materiam, tanquam ad arcem meam, refero, illudque testamentum, quod in quaestionem venit, a iudicum oculis prorsus eripio. Inde quasi e specula rimor quid rerum agatur. Si me nihil agere intelligo, nec iudicibus satisfacere, tunc enim vero tempus extrahere annitor, ne sententia ea de re illo die ferri possit, utque simul causam rursus pertractem melioribus avibus. Si vero bene rem mihi video procedere, vel bonitate causae, vel adversarii infantia, vel iudicum inclinatione: vela tum celeriter colligo, & plurima me omittere clamo, ne quae notissima, atque apertissima sunt doctissimis viris importune inculceme. Idem omnino servo, si de donatione aliqua, si de mutuo, si de quovis alio contractu, aut controversia agitur: nam semper de genere quam diutius possum loquor (quod hercule nulli nisi juris peritissimo facere licet) parum de causa, quam adversarius ipse docet,

cet, vel Judex rogando, aut objiciendo. Hic porro ver-
futo, & solerti mihi esse opus est; nusquam namque hac-
rere debeo, nunquam nihil reponere, nihil omnino qua-
si novum, & inauditum mirari. Si nihil suppetit proba-
bile quod respondeam, tunc, me quasi colligens, longe re-
peto argumenta, & veluti responsurus, ex integro rem ag-
gredior, sensimque ad moenia mea revertor, unde me
facillime, caussamque tueor, donec hora sublabitur, &
ad alium diem res rejicitur. Eximus inde e Judicio, ego
hilaris, & clamitans, adversarius nauseans, & moestus;
mihi omnes in Jurisprudencia (nec immerito) primas
dant, qui tandiu de jure, tamque varia perlocutus
sim: adversarium contemnunt, qui caussae solum inni-
xus, pauca, & trita protulerit.

Eja quid agimus, Modestine? Ecquandonam
erit, ut filius iste tuus, ita enim cum paulo an-
te vocabas, hujusmodi inceptet facinora? Quaeret
is ex Pandectis, & Codice leges; ex ignorabilibus
tuis Jurisconsultis loca conquiret, ut vel donationem
subvertat, vel testamentum defendat. Quod quum fece-
rit, verba misere conquiret, ordinem commentabitur,
verum a falso dijudicandum summa sollicitudine susci-
piet, ne in tua praecepta infelix committat. At scine
quid accidet? quum haec sua tam serio meditata in Fo-
rum adduxerit, risum scilicet movebit auditoribus, qui
adhuc cum puerum esse, & scholae rudimentis, & um-
bratilibus Scriptorum amoenitatibus uti succlamabunt,
propter meliorum ignorantiam. Et quisnam unquam,
nisi tu, id non videat, tuis istis armis vanos ictus ferri
adversus homines viva Jurisprudencia eruditos, ac vete-
rana fortitudine invictos? Animadvertere enim jam, nisi
plane fungus es, e sermonibus nostris, potuisti, Philoso-
phe, quid requirat forum, quid respuat. Et si non con-
vivalis hic sermo esset, sed ociose tecum pro arbitrio col-
loquerer, alium sane brevi te hominem efficerem: non
jam

jam ut Patrónus , saltem unus e multis , evaderes , quod nec expectandum amplius est , nec possibile : verum ut tute ipse confiterere errores tuos , omniaque , quae alumno isti tuo , quo nihil est hercle infortunatius , obrufisti , statim ut dedisceret , juberet . Crede mihi : Sex tu annis asellum hunc satis rotundum efformasti , sex ego diebus eundem aud contemnendum Patronum efficerem . Et hoc mihi jure meo arrego , nec gloriosi notam pertimesco .

Maximae , ut vides , ad me causae deferuntur , summatumque virorum oppleræ sunt a primo usq; diluculo aedes meae ; quotidie , modo factus sit dies , in foro pluries dico ; quotidie plurium Judicum domos circumeo , eosque , ut nostra fert consuetudo , vel causas , antequam in Consilio agantur , doceo , vel ab iis ipsis ex tempore decidendas propono . Quantum hoc est , medius fidius ? Certe in his domesticis præliis plus nervorum , & virium saepe requiritur , quam in ipsis subfelliis . Sane ibi , nec quò effugas ita paratum habes , ut in foro ; nec tempus facile deest ad res ad calcem perducendas . Adversarius instat , urget , cominus pugnat : Judex domi sedens , ociosus , idque tantum agens : corona electorum virorum adest , qui in loquentem intenti , quicquid dixeris , illico arripiunt , notant , traducunt . Huc nempe descendat delicatulus iste discipulus tuus , Modestine , cum suis Assyriis , vel cum Cajacio , & Daniello . Palleat primo occurfu , & male nauscet necesse est , tenebraeque mox ejus oculis , atque animo offundantur . Cuicumque ex his alumniis meis ita facile cedit , ut feli mus miser solet . Mihi vero ludus iste profecto est : nani ex eodem penore tunc sumo , quod opus est , unde in foro ipso soleo . Obruo statim adversarium clamoribus ; adducendis , ac recitandis magnorum Jurisconsultorum locis protero ; rationibus ab intima Jurisprudencia proculco ; vix eum loqui sino ; contemno illico quidquid dixit ; rideo , nutu , gestu , ira

K k

de-

deturbo hominem de propugnaculis, meque ita magnifice infero, ut voce ipsa, oculisque Judici fidem faciam, me ex sacrario legum veritatem ipsam proferre. Abundantius rerum copia, dicimus quae millies jam diximus, confidimus artibus feliciter toties expertis. Et si quid aliquando deest, ad oratoria schemata convertimur, & Scriptorum locos extemplo cudimus; res judicatas supponimus; omnium Auctorum consensum objicimus; facta inficiamur; graviter indignamur, & quaquaaversum nos vertimus, ne muti, paventesque ab adversario conficiamur. Illa ipsa dicendi libertas, atque affirmandi confidentia sine alio adminiculo, etiam ubi aperte tenemur, Judicem aud raro, atque auditores dubios efficit; ita ut saepe non solum, nobis dicentibus, pactum non pactum iis videatur, non pactum vero pactum: sed fiat quoque, ut id, quod vident, ne videant, quodque audiunt, ne audiant. Rideo ego quos mea de jure responsa sedulo conquirere video; ut inde scilicet arcana forensis sapientiae assequantur. Et quid ni rideam? Pectus hoc iis recludendum esset, caput hoc interius explorandum, ubi nostrarum artium sedes est, ac domicilium; frustra sane haec stulte quaerunt, ubi non sunt. Ut dico, ita scribo, nec in scriptura mea quicquam ultra apparet, quam in oratione. Nesciunt homines quid fiat, & cur; atque eos id nescire aequum est, quum ego, qui scire debeo, plane aliquando nesciam. Procellae me comitantur, ac nimbi; obcoeco pulvere ipso adventus mei adversarium, quem deinde graviter affligo impulsu vocis, atque impetu Jurisprudenciae. Memini ego, me aliquando hunc Rapidium, quum magna res apud Judicem domi ageretur, ita calide excepiisse; tantaque vi, clamorumque Auctorumque turbine in hominem incurrisse; ut ipse, qui & callidus maxime est, & impudens, locum ubi consisteret non inveniens, elinguis repente effectus sit; ac sudore misere perfusus, optimam sane causam deseruerit; plaudentibus

bus mihi de corona omnibus ; primumque me , ac maximum fori nostri Patronum salutantibus .

Atque ego tales pugnās ex tempore edo ; arma mecum semper circumfero , cumque omnibus manus audacter confero ; quaecumque agenda est causa , profilio statim , ac loquor , parum interest sciam nec ne quid controversiam faciat : quid meus petat cliens , quaeve in eum actio scripta sit . Tribus ego de causa auditis verbis , inscindo alacriter navim : ventus deinde forensis verba profequitur mea , & me nonnumquam totius ignarum controversiae in portum feliciter deducit . Nec id casu fit , sed ita evenire prorsus necesse est ; quum enim oporteat , ut e reis alter vincat , sive bene , sive male , sive scienter , sive imperite dicatur , evenit saepissime , ut secundum me detur causa , non quod ego Iudices bonum jus docuerim , sed quod ego bonam , aut quae bona visa est , causam defendebam ; mihi interea plauditur , mihi occinitur triumphus , mihi corribus pecunia advectatur . Id mihi satis est , nec ulterius quicquam curo , quum homines de me bene opinari video , & me Jurisconsultissimum perhiberi ; quod certe unum sapienter dixit Vulpinus . Sed non necesse est deinde , ita nudum , atque ignarum rerum omnium esse , ut idem sese Vulpinus paulo post seipsum esse professus est . Si nonnulla scias , te omnia scire , vel pleraque , facile credent homines : si vero nihil scias , admodum de populi iudicio male sentire opus est , ut inducamus in animum , nos unquam pro doctis haberi posse . Novimus omnes , qui adsumus , quale sit de Vulpino nostro hominum iudicium : ego eum , uti praeceptorem meum veneror , sed quid de eo sentiam , libere modo , ipso audiente , vobis familiariter proferam . Erat quoque mihi certum , quum hunc sermonem exorsus sum , aliquid de Rapidio dicere ; sed postea puduit me inter quisquilias impurissimi hominis , ac rapacissimi versari . Quae corruptelae ejus domi fiunt , DJ vestram fidem ! Quod vis

ibi genus hominum videas, equitem, peditem, furem; decoctorem, rusticum, urbanum, lenonem, meretricem; in totis aedibus latebrae, ubique adscribitur, abraditur, corrumpitur aliquid. Itaque de Vulpino, quem sane magni facio, breviter dicam. Rapidio igitur in malam rem ire iussu, perfer, quaeso, aequo animo quae de te dicam, Vulpine; ac sine me modo, quae diu continui, te praesente, ut omnis absit contumelia, proferre. Te ego semper hominem egregie subdolum, mirisque instructum artibus aestimavi: quem nec facile subverteres in iudicio, nec falleres; sed quae istae tandem artes essent, quamvis aliquid suspicarer, nesciebam. Nunquam te vero magnum oratorem esse ratus sum, nec magnum Jurisconsultum. Balbutis nam usque in defensionibus, & mente potius, ut mihi quidem videris, quam ore, magnopere impeditus es, praecipue quum a narratione ad jus transire opus est. Si verum eloqui nunc velles, id ignorantia juris, & sane supina, fieri confitereris. Nec id magnum virum profecto dedecet: nam si aliis artibus excellis, imperitum te juris esse vel gloriari potes. Et sane ignarum te.

Non tulit, nec erant sane ferenda, haec Vulpinus; sed maxime exardescens, ac voce admodum impedita nescio quae praefatus, panem semesum, patinamque inde, & quicquid occurrit manu incerta, & propra arripens, in Voconium jaculatus est; maledicta ingerens ita expedita, & volubili facilitate, ut notari nequiverint, ac memoria condi. Huic favens Rapidus, intolerandam plane esse Voconii arrogantiam, aiebat, qui viros primarios impune sibi laedere licere arbitraretur; nec se ipsum respicere, qui omnibus flagitiis commaculatus esset, qui foede deturbasset aedibus, fundis, bonis omnibus plures pupillos: qui non orator, sed vere canis esset, importuneque admodum in foro, ac diffone oblatraret. Nec enim aliud in eo esse, addebat, quam ingen-

tem

tem, & stolidam ferociam, bonae, quam quidem ipse solus de seipso haberet, opinioni subnixam. Et de quibus tantopere gloriaretur, ea e media facie, ac ipsa fori sentina illum hausisse neminem ignorare. Audisse se doctos aliquando viros, scite Voconium pauperi & imperito phrighioni comparantes, quod vetera quaedam semper ac vilia male consuta ostentaret, centonesque inscipienter concinnatos in medium adduceret, & ad eadem usque ob rerum inopiam reverteretur. Exerceret quippe ille valide vocem, qua una viveret; nam si paullulum a clamando destitisset, tacitum illum continuo famem occupaturum. Horride rudebat interea Voconius, Patremque, Blandinianumque, pluresque familiarium apprime fatigabat, ex eorum manibus summa ope annitens elabi: furesque manifestarios, nihili homines, sicarios, ignavissimaque capita, qui eum detinebant, appellabat. Et tu, o scelereste, clamabat, vulpes, immo feles forensis, mecum tibi res est: non hic vidua est, quam admordeas, non ignarus quispiam, ac dives adolescens, quem vindemias. Evadam ego hodie ab horum latronum lacertis; tunc equidem nulla tibi erunt effugia, nullus fraudibus locus, testisque dolis; palam geretur res, efficiam ego te ut maxime hujus diei poeniteat, sceleris, furti, perjurii plenissime: In me tu panem, ignave? In me patinam? In me? Vulpinus in Voconium? Hercule si te hodie arripas, cincinnos istos tuos, tam molliter delibutos, ac vibratos, pedibus meis calcandos dabo: teque ipsum tam bellum, & venustum, edentabo prius, ac postea cum modestia ista, ac virgineo pudore probe, ac valide calcibus contundam, & proculcabo.

Dentibus infrendebat haec dicens, & majore nisu se in libertatem vindicare contendebat; Patrem & Blandinianum satis facunde, & oratorie brevibus quibusdam, sed sane acribus, contumeliis inceffens. Nec Vulpinus, postquam patrato facinore propere
e men-

e mensa surrexerat, mutire audebat amplius : & sane suave erat cum audire semetipsum palam increpantem, quod irae praeter ingenium, & consuetudinem indulgens, eo provectus esset ; & Blandidianum simul orabat miseris modis, ut hominem arcte continendum curaret, illiusque compesceret furorem. Rapidius utique implacabilis videbatur (quem negligebat tamen Voconius) & ne filere crederetur, quum nemo ei amplius de convivis praeberet aures, ad servulos, servasque (quae e gynaeceo paventes tantis clamoribus excitae accurrerant) conversus, valide Voconium dilacerabat. Quicquid is possideret, exclamans, spolia miserorum clientum esse, quos ille perfide, ac avariter jugulasset. Egentes, inopesque ab illo honestissimos cives, & antea copiosos discessisse post victoriam ; ut pejus longe, eo Patrono, victoribus fuerit, quam victis. Denique a servis etiam desertus, clamitabat nihilominus, & mirificos ciebat strepitus, ut aliquem ad se converteret. Sed Voconius nos gratiore spectaculo detinebat : nam incredibile sane est, relatuque difficillimum quid ille dixerit, egerit ; horam integram ita multa, tamq; vehementer effutiit, ut vox tandem deficeret hominem, neque jam quid loqueretur prorsus intelligi posset.

Post haec, quum jam dilapsae vires, sudorque, & raucitas, quod tot precantium voces, & Blandidiani auditoritas nequiverat, effecissent, & mitesceret jam paulatim Voconius : suadente, ac impellente cum primis Blandidiâno, Vulpinus ad Voconii pedes accidit flens, maerensque, & peccatum suum accusans. Alium tunc repente vidisses hominem : nam Voconius Vulpinum surgere iussum ita arcte amplexus est, tamque amanter exosculatus, uti vix mater filium exciperet e longa peregrinatione nec opinato redeuntem. Nec his contentus, maximum, ac mirabilem virum vocabat Vulpinum, causasque commemorabat, in quibus ille sibi plane Deus visus esset. Exaudiri quae dicebat vix poterant : ipse ta-

men

men plurima glomerabat, laudabatque inimicum suum accuratissime: nec ipsi Vulpino locum quicquam respondendi dabat, qui tamen gestu, corporisque crebris inclinationibus multa se vicissim dicere velle significabat, multasque Voconio pro tantis laudibus gratias agere. Hac laudantis, gratiasque agentis contentione, multo tandem taedio, multoque omnium labore diremta, suo quisque loco rursus accubuerunt, reliquiasque mensae hilare aggressi sunt, atque in ingentem vini veteris cadum, qui in subsidiis extra ordinem asservabatur, impetum, irasque converterunt. Laeto quidem Patre, quod res tam prospere quasi ex insperato resedissent. At Rapi- dius contumaci silentio inter pacatos convivas minitari nescio quid solus videbatur: apertam manum saepe mento applicans, leniterque inde subducens, ore nunc dehiscente, nunc nimis presse clauso, quasi labia admorderet, oculisque pertinacissime in mensam defixis, magnae alicujus curae erat manifestus.

Denique ad me res rediit, & increpare ultro aliqui ex adolescentibus illis Modestinum coeperunt, quod me corrupisset, indole abusus mea, Patrisque facilitate: & undenam concinnam illam & sane lepidam institutionem eruiisset, interrogabant, ridebantque simul, exertaque lingua buconem illum appellabant. Caeterum me perditum esse affirmabant, nec salutem ipsam mihi, si vellet, jam saluti esse posse: Addebantque (quasi Patrem miserarentur) nobis angustam domi rem esse, validoque aere alieno premi, virginesque praeterea me duas jam grandes nobiles sorores habere, quibus ut dos modica corradereetur, domus esset funditus subruenda. Irem tunc, ac a Modestino suppetias inopiae meae peterem, aut meos Poetas, meosque Philosophos in mensa apponerem, ut coenarem. Vivo adhuc Patre, qui labore, & industria aegerrime sustentaret domum, me haec ignorare quid essent, eorumque dicta parvi pendere: sed quum

is ad plures commigrasset, tunc demum & frustra animam adversurum me, quid esset acriter indigere, rerumque necessariorum omnium inopiam pati. Exceperunt sermonem Magistri, & discipulis plaudentes, quod vix integra aetate jam satis ingenio pollerent, nullum contumeliae genus omiserunt, quo in Modestinum non uterentur. Nasum alter hominis deridens admirabatur, & supercilia; oculos refugientes alter, gravitatem importunam oris hic, vocis sonum ille: ita ut illius omnia miris modis crebro cachinno culparentur; nec a me abstinebant, quem octavum sapientem olim, si Djs placuisset, fore dicebant: quod jam tunc sat proderet meum silentium, plane magno Philosopho dignum. Unde me Assyrium alter, alter Jurisconsultum vocitabat, innumerasque cuncti ineptias de caeli, terrarumque, ac scientiarum natura ex me crebro sciscitabantur, nec responsum expectabant, sed ridebant, & quisque pro dictis suis sibi mirifice plaudebant. Voconius me maxime vexabat; nam prope me, nescio quo fato meo, post pugnam cum Rapidio confederat: at Blandinianus, quasi me ab ipso tueretur, acrius profecto invehebatur in me, ac Modestini institutionem. Post multa, quum casu factum esset puncto quodam temporis, ut silerent alii, me intuens talibus suam ingressus est orationem BLANDIDIANUS.

Doleo equidem, mi Camillule, & serio quidem doleo, te eo adductum fuisse docilitate ista tua, & Patris bonitate, unde nescio, an reditus jam tibi ad salutem aliquis pateat. Ejusmodi etenim disciplina, qua tu imbutus es, vehementer homines inflat, nec facile forense jugum subire adolescentes finit. Omnia, & omnes superbe contemnitis prae vobis ipsis vestrisque scientiis: vobis tantummodo plauditis, caeteros veluti barbaros, indotosque mirifice irridetis. Stultos quidem, & ineptos homines! qui ne illud quidem perspiciatis, quod palam est, vos ob istos mores odio ab omnibus haberi, & tanquam

quam communes omnium hostes undique expelli, ac de-
trudi. Si mihi minime credendum hac in re censes, ecce
tibi amantissimus praeceptor tuus Modestinus, qui ead-
em te doceat, malo ipse edoctus suo, quem averſamur
omnes, quem in paupertate senescere dulce, ac suave
est nobis omnibus. Ego quidem tibi testari sincere pos-
sum, me parentis mei optimi, ac doctissimi viri vesti-
giis instituisse, qui fori Princeps aevo suo fuit; & illius
exemplo, argutulos adolescentes omnes, qui supra cae-
teros se sapere praesetulerunt, coram laudasse me
quidem semper, ac nunquam aliqua ope juvisse. Eos
nunquam ad aliquam causam adhibui; nunquam lu-
cri aut gloriae participes esse volui; nunquam absen-
tes nisi cum conteratu nominavi. Quis enim nostrum,
qui seniores jam surcus, ferret, quaeso, magistrum inber-
bem, & tertio quoque verbo, sin minus palam, ac silentio
ipso, ac risu incitiam nostram redarguentem? Videtis
e schola mea pluribus jam advocatis, nec iis imi subsejji,
auctum fuisse forum, hosque mecum hinc modo cernitis ad
eandem spem alacriter succrescere: ac nec hi, nec illi
ultra mensuram nostram sapiunt. Doctos isto vestro ridi-
culo more aliquot habeo, qui se se in disciplinam tradide-
runt meam: ac eos nec vidistis adhuc, nec sane videbitis
posthac trioboli causam unquam defendere: blandis
eos verbis lacto, suasque merces (quum a negociis mihi
vacat), quasi magni faciens, identidem jubeo depromere,
meque eorum ingenium, ac doctrinam impense admirari
simulo. Interea ipsi, quod nunquam fiet, expectantes
magis magisque adoleſcunt, & pauperiores in dies fiunt,
spemque omnem tandem amittent: & se vel ad docendum
maleferiati conferent, vel per Patriciorum domos, in
quibus nos solemus regnare, perreptando, carmina sua
venditabunt: & servili adulatione paupertatem sustenta-
bunt, inglorii, & contemti. Quorsum haec tandem?
Audi. Vis ne tu, Camillule, horum similis esse, an

Ll

mei,

mei, an huius Voconii? Communi plane sensu careres, si quid tibi optandum esset, vel uno temporis momento deliberares. Velle debes profecto, immo enixe cupere, ut unus e nobis evadas aliquando, ut a nobilitate colaris, a civitate observeris, suspiciaris ab omnibus. Quod si tibi stat haec menti sententia, illud pro paterna amicitia tibi faciendum impero, ut primo quoque tempore malam istam mercem omnem, quā navis tua onerata est abjicias, eamque ad tutiora, & utiliora quam citissime convertas. Video ego haec a te, & Modestino infestis animis accipi: at sane quid iste cano capite sentiat, quid ad me? Te ego vellem tandem sapere, & recta consilia, dum viget aetas, amplecti: Tecum ergo loquor, istum despicio, & odi.

Audisti ab his gravissimis viris, praeceptoribus ac dominis meis, quo quisque eorum pacto opes, famam, & auctoritatem sit assecutus: & jam tecum fortasse, nisi prorsus insanis, quid factururus sis decrevisti. Ego modo super sum, & certe non auderem post eos loqui, nisi me officium impelleret, & nisi adolescentiae me tuae, ac huius optimi viri Eustachii senectutis oppido misereret. Nec modo ex me audires reconditae cujusdam sapientiae effata, nec arcana quaedam forensis vitae praecepta. Vulgaria omnia dicam & nota omnibus, nec enim unquam recondita me ista vestra doctrina delectavit: existimans omnia a Natura ipsa in medio fuisse posita, eaque optima factu esse, quae maxime obvia, & facilia videantur. Nos certe Natura ita finxit, ut nullo labore, sed ipsa ducente potentioribus ultro supplicaremus, ditioribus subblandiremur, nobisque in nostris rebus egenis ex hominum facilitatae prospiceremus: Omnes hoc homines sponte, nulloque magistro, ac pene imprudentes faciunt; & si rerum quisque suarum recordari modo velit, quis se aliter in vita gessit? Scio hunc praeclarissimum virum Voconium aliud omne sentire: atque id fortasse magnitudinem animi sui, & spiritus plane ingentis decet. Sed nos, qui

qui nihil ultra reliquos sumus, ea sequi oportet, quae tuto, nulloque incommodo quod tendimus nos perducant. Ego nullum potentiorum irritavi, immo nec ei unquam taedio, aut molestiae fui: Hoc mihi nempe fixum fuit animo, omnibus obsequi; & ideo quicquid ajunt, ajo, quicquid negant, nego. Nunquam ego cum aliquo, qui esset aliquid, locutus sum, quin laudaverim, admiratusque sim, aut gratum aliquid ei obtulerim. Quid enim? Judicem (de hoc enim nunc praecipue agimus) adeo, ut mihi faveat, ut mecum sentiat, ut adversario meo adversetur: & vos mihi auctores estis, ut eum a me inani doctrinae ostentatione abalienem? contentione in aliam sententiam commigrare cogam? odio denique, & importunitate in me accendam, adversarioque placem? Scio ego, tot jam annos hunc lapidem volvens, quid sit benevolum Judicem, vel malevolentem habere. Et eo plus novi, quam quivis alijs, quod huic praecipue innixus adminiculo, ad principem fori locum perveni: mirantibus omnibus, qui me cominus, & studia mea cognoscebant.

Occultum non est, me a tibia, & cantu, armorumque studio in forum repente delatum fuisse casu, & fortuna: quum nec quid forum esset, nec quid ibi ageretur nossem. Mane quamplurimarum, causarum Patronus incesse, qui vesperi iterum, & armorum meditationem numeris, & cantionibus immiscuissem. An me putatis fortasse, ita subito commutata veste, ad libros, ad leges flexisse animum? nequaquam; nam eo me nec natura mea ducebat, nec id ad negotium, quod eram aggressus, necesse esse prudentiores amici affirmabant. Itaque ego, qui sero & jam grandis forum ingrediebar, veteres Patronos omnes brevi supergressus sum, causasque magnas suscepi, & felicissime egi; divitiisque ac decus ab ea arte collegi, quae mihi aequae ignota erat, ac nautica, aut agricultura.

Non laudandi mei gratia hæc dico, viri magni, sed Camillum docendi. Ingenium mihi quidem aud inficetum adfuit, quod inficiari ridiculum esset: & quæ mihi deerat juris peritia, eam contemneré cito didici: facillimeque passus sum, me in causis a discipulis meis erudiri, quos mihi doctores ipse libenter constitui. Id vero tum dissimulanter faciebam, ut ne ipsi animadvertèrent, tum sæpe eos errare solitus eram dicere, nec quaestionem affecutos; quum nihilominus ab iis sumerem quicquid scripturus essem, aut dicturus. Nomen interea meum in foro increbrescere videbam, meque ita consuli, ut summam in me, meisque consiliis spem, ac fiduciam haberi appareret. Tunc demum me collegi, & quid opus mihi factio in posterum esset mecum ipse considerandum putavi. Itaque, uno alteroque expertæ fidei magnique consilii amico adhibito, rem diligenter haud modica contentione nos inter perpendimus: & ex illorum auctoritate certas quasdam leges mihi met ipse dixi, quas servarem perpetuo, si eum, in quo consisteram, gradum tenere, atque ulterius quoque progredi in foro vellem. Harum legum veluti summa quaedam fuit, ut me ad humanitatem, facilitatemque quantum possem, componerem; ut ne aliquem unquam verbo, aut facto laederem; ut licet me, pecuniaeque osorem praedicarem; ut blande compellarem omnes, ut iudices praecipue omnibus opibus industriisque mihi devincendos curarem. Nonnulla praeterea ejusdem generis tunc constituta, quæ modo praetereo, quod hujus sermonis non sunt, nec necesse est ultro in propositum proferri. Hac ego institutione probe communitus ita me formavi, ut vel amicissimi non cognoscerent eundem me esse, qui quondam fuisset. Quis me non amore persecutus est, quis a me non amari credidit? Quisque mihi summus amicus esse arbitratus est, meque pro se omnia facturum, Nemo unquam a me nisi laudatus discessit, nemo mihi pecuniam

at-

attulit, quin ei persuasum esset; inuiissimum me eam accepisse: quum ego (ut fortem ac prudentem virum decet) neminem unquam amaverim, neminem magnificerim, pro nemine egerim aut dixerim aliquid alia de causa, quam ut argentum auferrem. Senex modo sum, nec diu jam mihi vivendum sentio; nullus jam meorum superest, & haeredem mihi non natura, aut lex, sed voluntas scribet. Senectus & orbitas me prorsus mei juris effecerunt: itaque spe omni & timore vacuus, libere loquar, atque omnia proferam: nec falso pudore impeditus quicquam ex iis, quae me huc perduxerunt, quaeque tibi, Camille, profutura esse intelligo, celabo.

Principio libros me quamplurimos ad ostentationem tantum habuisse confiteor, non ut iis immorerer: deinde nullam omnino, ut aliter, ac nutrix mea, loquerer, curam adhibuisse: a labore refugisse semper, ocioque quammaxime fuisse delectatum. Quid dicerem, quove pacto causam tutarer, nunquam meditatam magnopere: sed pro his omnibus, laborisq; ac meditationis loco unum plerumq; secutum fuisse, quod quale sit exponam tibi. Omnium ego iudicium, cuiuscumque ordinis & dignitatis in Civitate essent, naturam, ingenium, mores diligentissime indagavi, qua familia quisque ortus, quibus opibus, amicis, consanguineis: quibus gaudere rebus solerent, quibus taedio affici: in iramne essent proni, an patientes, & placidi: amoribus ne operam darent, an tristes essent & severi. Num pecunia quis effringi posset, vel undique clausus, & tectus, in Modestini virtute confisteret. Quid vos morer, viri eloquentissimi? Porro quid unusquisque comederet, quamdiu somno nocturno, aut pomeridiano indulgeret, qua valetudine uteretur, quos lectitaret libros, quicum ex servis consueffet familiarius loqui, qua deambulatione laetaretur, quas villas, quos sinus laudaret, quas aves denique, quos pisces, quae

quae poma pluris faceret, incredibili cura perscrutabar. Video ego vos in me modo oculos intentius coniecisse, quasi causam ex me tantae sedulitatis, tamque curiosae curae exquiratis. Mirum profecto est, quid hoc, & quantum sit, quaeque ego facinora hoc uno armorum genere fecerim. Nec id mirum videretur, nisi perverse consuevisent homines, vias inusitatas indagare, tritas relinquere. Quod ego sequor, facillimum quammaxime est & vulgare: sed idem longe singularem habet efficacitatem. Unumquemque Judicem ea semper parte aggrediebar, & aggredior, unde imparatus ille, & apertus est. Exemplis perspicuam vobis rem faciam, ut hic puer intelligat. Gnatorem nimis amantem Patrem, de filiorum amore instituta crebro oratione demulceo: suorum puerorum quae corpus, quae animum dilaudans, illos praeter caeteros extollo: saepe, quum Pater adest, illi ne dicta quidem salute, recta ad puerum eo, eumque valde amatorie exosculor, cumque eo balbutiens colloquor: post ad Patrem me convertor, & quandiu possum eadem de re produco sermonem. Alter picturam diligit, Poesim alter; hic laborem, ille ocium: ad omnes per illud introimus ostium, quod patere cognoscimus. At hic maxime curandum, ne imprudentia labamur, resque fiat palam: ideo in hominis animum ita cate obrepere oportet, ut antea habeamus arcem, quam animadvertere ille possit quid agatur. Multus essem, si cuncta vobis modo vellem singulatim narrare; nam omnem humanum captum haec vincit industria, ejusque tam late patent viae, ut nemo, at prorsus nemo, his artibus callide invasus, se tueri valeat. Bene habet istuc, dicet e vobis aliquis; sed quandonam a palpando ad causam docendam descendis? Quanto possum serius, idque breviter semper & festinans. Quum tuus est Judex, quum te diligit, in casses imprudens ultro incidit tuos, praecipue quum nil tale vereatur. Quid enim agitur? Itur ad Judicem, cum

co,

eo, veluti cum amico jucundis de rebus sermo instituitur: nihil rogas, nihil precaris, non te illi, non litigatorem commendas; de causa verbum nullum, de adversario utique taces; ut autem is advenit, tunc tu quasi expergefactus pauca Judici de causa familiariter dicis, rem cursum exponis, ratiunculas quascunque subnectis, & leviter omnia, quasi rerum tuarum securus, degustas. Assurgit inde adversarius (quem jam illud male urit, quod te carum, Judicique familiarem cernit) & non tecum, sed cum Judice ipso praeliatur. Scit hic Voconius, scit Vulpinus quid sit quod modo dico: pluries jam ille frustra in me vocem intendit, frustra hic modestiam ac fidem ostentavit suam. Dum pugna Judicem inter, & adversarium meum saevit, ego plerumque taceo; & expecto (quod evenire necessario debet) ut Judex meam causam agat ut suam, adversarius Judicem irriter laceffendo, atque obijciendo. Tunc si res incerto adhuc Marte geritur, libellos profero, oscitanter aliquid e jure, & Jurisconsultorum placitis recito, atque ita novas veluti cohortes in praelium ago. Demum & clamor si opus est, atque exardesco, ne id tibi proprium credas, Voconi; veritatem quoque sancte obtestor, & mendaciunculis interea (sinite me ridentem verum dicere) aspergo, quod est patrimonium tuum, Vulpine, e quo nos patere tantum sumere, quantum oportet. Ita denique me gero, ita me circumverto, ut aut victoria laeta consequatur, aut saltem non liquere Judex pronunciet, ampliusque de re quaerendum esse. Ita adversarios fatigo, iterumque, ac tertio, pluriesque etiam, si opus est, eodem pacto in iisdem negotiis versari cogo: & quot possum, cuniculis, quantoque astu valeo, rem tracto, temporumque intervallis scitissime semper utor; unde fit, ut vix aliquando eveniat me causa cadere.

Nec aliam rationem, quando res in Consilio agitur, sequor, aliam quando in Judicum domibus:

cac-

eadem semper artes, eadem semper instituta; nec me facile ab arce mea quis depulerit. Antequam causâ, ut nostis, in Collegio agatur, moris est nostri, singulos Judices, qui interesse debent, domi controversiam docere: atque ita nihil sane interest, unum ne Judicem de re, qua de coram ipso instituta sit disceptatio, flectas, demulceas, circumvenias, an quinque pro causâ, quae in Consilio sit agenda. Quamlibet majorem causam ita soleo moderari, & versare, ut nunquam de ea agi patiar, nisi omnes, vel saltem quot ad victoriam satis sunt, Judices expugnarim. Hinc fit, ut quum ignorent homines quid sub pallio, ut ajunt, actum sit, mirentur e meis causis hanc quidem celeriter agi, illam proferri, de illa magnum silentium esse: & nihilominus interea, quaecumque deducatur in judicium, me semper victorem evadere. Haec fortasse pluribus verbis prosecutus sum. Sed ignoscite, viri acerrimi, amoris meo erga hanc domum, quam perisse video perpetuum in modum. Sinite ergo quod ago agere, Camillumque, sit possibile jam fuerit, in viam reducere ab anfractibus, & senticetis, in quibus, ni nobis auscultabit modo, acriter, dum vivet, esuriet. Opus enim aggressi sumus non magni modo laboris, sed quod exitum pene nullum habere videatur. Nam quis te, Camille, queat jam flectere, ut magnificas istas Graecas, Romanasque nugas, ut Caelum, Terramque, gentesque omnes, quas te modo possidere censēs, abjicias, atque ad nostras ineptias, ut vocatis, te conferas? Necessarium nunc est tibi prorsus ac solenne (ex illis meis discipulis haec habeo, qui eodem ac tu laborant morbo) ut tertio quoque verbo, Demosthenem, vel Tullium, seu, quod aequè seu magis etiam est odiosum, Papinianum, aut Callistratum nomines, Romanasque leges, Imperatorumque constitutiones inculces usque. Ipsi ego aliquando uti soleo; & quum pro aliquo scribo, argutos, sapientesque e discipulis meis sudare, & alge-
 re

re jubeo, non quo illis aut lucri tantillum inde obveniat aut decoris, sed ut ego mea exornem, flosculosque istiusmodi inseram gravioribus rebus, quibus orationes meas refertio. Hos ego vero discipulos unice odio habeo (scilicet enim dico, quo Camillus qua in navi sit probe sciat) nec vero injuria; ita superbi incedunt, ita de rebus omnibus audacter pronunciant. Bellum domi meae ardet perpetuum, & implacabile; nec quoniam iras eruditorum istorum comperere, qui aeternum cum reliquis discipulis litigant, dum se scire omnia jactant, indoctosque illos esse, rerumque cunctarum ignaros.

Age Camille, dic modo mihi, si alicui ex aequalibus tuis aliquid contra sacram istam Philosophiam, quam tanti facitis, forte fortuna excideret, parceresne ei, & audire te id dissimulares, an risu illico exceptum, tanquam bonarum rerum, ita enim vocitatis, ignarum, & plane ineptum palam traduceres? At quid ego aequalem dixi: Dic sodes, mihi met ipsi ignoscere, si memoria aliquando lapsus, paululum (quod possibile est in tanta occupatione) in historiis errare? novi ego ingenium vestrum, novi mores, novi superbiam. Quasi magno aliquo, ac precioso bono ditatus modo superbis stulte adolescens: at si rem probe perpenderes, si quod ab isto perductus es intelligeres, demissus, humilisque, ac taciturnus errorem tuum & ignorantiam deplorares. Mirari ego soleo, quum ex vobis aliquem audio, totis sex octove annis literis istis vestris operam dedisse; nec enim valeo mente complecti quid tandiu tantoque labore quaeratis. Certum vero est, vos omnes veram ignorare scientiam, & post diuturnam lucubrationem ad inopiam a Philosophia redigi, uti a meretricibus fieri prodigis, & improvidis adolescentibus solet. Nescitis miseri quid conducatur homini, quid noceat: quod unum nosse deberetis, si sani essetis. Inspice tantum hos, qui te cingunt, Modestine: viden' ut ipso vultu quanti sint prodant, quaeve sit in ipsis auctoritas? Respice de-

M m

in.

inde te ipsum : pudeat necesse est te obscuritatis & egestatis tuae . Erubuisti ; nimis id quidem sero , sed nimis etiam jure meritoque . Aude , si potis es , aude , bone vir , cum aliquo ex istis te conferre : aude hinc in tuismet aedibus cum aliquo eorum de jure colloqui ; vox haerebit faucibus illico , totoque contremisces corpore ; nec tecum jam Vulpinum , aut Voconium compono ; Rapidium in medium adducam (sine me quaeso , Rapidi , bona venia , quaedam de te dicere , non quod te praeceptorem meum longe majoris , quam me ipsum non faciam ; sed quod te magis diligo , eo familiarius de te loquor , & nomine utor tuo) virum longe his omni in laude minorem . Auderes igitur tu ea facinora cogitare , animoque tantum concipere , quae istum quotidie medio in foro audacter facere conspiciamus ? At tu , qui talia damnas , nidum , quem vel aves habent omnes , quod te recipias , non habes : iste vero qui facit , domum , fundum , gemmas , pecuniam comparavit ; & adhuc est aetate media , multumque quod progrediatur deinceps , habet . Audisti ipsum paullo ante maleficia sua multa cum laude referentem , quae certe , secus ac tu , stulte , arbitraris , non modo non dedecus in Civitate nostra , nec supplicium sequitur , immo magno lucro auctant , suumque simul honestant auctorem . Meministi quid se Voconius , quid Vulpinus facere dixerint ; audis diu jam quid ego sequar : optimas has quippe artes , & egregia studia nos qui novimus , appellamus : tu autem , qui illa ignoras , crimina , & scelera vocas ; attamen ista ipsa crimina , ut reipsa te redarguam , ea sunt , unde divitiae , unde nomen , unde auctoritas nostra manant . Repertus es tu modo sordidus , pannosus , nulliusque nominis , atque imi vere subsellii vir , qui nobis auctor esses , ut artes nostras desereremus , teque sequeremur scilicet , ut pulices rotundos patiamur , quorum moribus probe tu variatum collum , & manus ostendis , perque tabernas , inopes egentesque ambulemus , eruditio-

tionem inauspicato venditantes, supplicantesque potentioribus, nempe ut vitam per vile obsequium perducere-mus, uti vos facitis. Dii te perdant, Modestine, qui hunc perdidisti. Scisne quam paullulum vos inter & nos interfit? Audi, jam dicam, remque in pauca conferam. Vos vili obsequio frustulum panis a potentioribus istis vix extenditis: Nos integras auri massas per auctoritatem auferimus: verba vestra, vestrosque verius nauseantes isti, & oscitantes, quum quidem ipsis lubet, audiunt; Nos, ut loquamur, ut aliquid respondeamus, orant, obsecrant, muneribus, pecunia contendunt; vos denique istis servitis, nos imperamus. Non uxorem ducit quispiam; non nuptum sororem, gnatamve dat, non vendit, non emit, non mutuatur, non moritur, quin nostro indigeat consilio, auctoritate, prudentia.

Enimvero hac via perducendus erat Camillus, non ista abrupta & praecipiti, quae recta ad egeitatem ducit. Nec tu etiam id cognoscebas, Eustachi, candido capite? Tu profecto primus Camillum impulisti, quem postea hic optimus hospes tuus pessum omnino dedit. Certe tu peccavisti largiter, qui hunc elegisti: hic impudentissimus fuit, ac pessimus, qui id efficiendum suscepit, quod ignorabat. Noti tibi nos jampridem eramus; cur ergo a nobis refugisti? Esto Rapidium improbabas, quod ab aliquibus nimis rapax; & improbus (in bonam id partem accipias; rogo te, vir amicissime) haberetur. A Voconio abhorrebas, tanquam (ut ejus inimici falso prae-dicant) ab horrido, & feroci, nimisque pecuniae avido; aequum id fortasse fuit, & ab istis ferendum. At cur Vulpinum non rogasti, ut Camillum institueret? Dominus ipsa tanti viri eum erudiisset, vel silente domino, nec tam anxiam, tamque occupatam vitam egisset ille. Poterat quoque, Eustachi, tibi, filioque satis consuli, si me paternum amicum non tantopere despexisses, ut inopis istius magis fides apud te valeret, quam nomen, & au-

ctioritas nostra. En tibi nunc perversi iudicii merces, en
 coecitatis tuae fructus. Quid modo tali filio facias? Obi-
 itis tibi jam, & sane expediebat non nasci. Sed ne te ad
 desperationem videar adigere, accipe jam quid fidelis ti-
 bi, & certus amicus tanta de re tua consilii dat. Ego
 quidem ita, Eustachi, censeo: Libros omnes cujuscum-
 que generis ab aedibus tuis statim amove. Modestinum
 sibi res suas habere, atque hinc illico facessere impera.
 Camillum alicui nostrum emendandum, dolandum, ex-
 asciandum trade. Si sex intra menses (nec enim longio-
 rem diem constitui placet) spem aliquam esse recuperan-
 di adolescentis, e nobis ille, quem delegeris, dicet, tunc
 grates a te Djs immortalibus quammaximae agenda, quod
 filium tibi restituerint. Sin vero (ut ego vehementer suspicor
 fore) desperatas res nuntiabit ille: ac Poeta, & Philosophus
 obstinate volet esse Camillus, suoque more Iurisconsultus,
 non hoc nostro: tunc vel eum in rus aliquod longin-
 quum, & solum ablega, ut ibi agriculturae operam det;
 vel, si in urbe nihilominus eum retinendum censes, quod
 ego quidem improbo; amanuensem alicui nostrum, vel
 ab epistolis illum diviti cuipiam destina, ut ita se & fa-
 miliam sustentet, tibiue utique non inutilis sit. Quam
 vero satius esset, eum tibi vel pessimum, & rapacem, ut Ra-
 pidius esse dicitur, vivere, quam ut modo . . . Non si-
 vit ulterius eum progredi Rapidius: assurgens namque,
 sellamque a se magno impetu removens, quid ais tu, ma-
 xima inclamavit voce, Blandidiane, quid ais? Jamdu-
 dum ego te, istosque dicere mihi injuste patior: sed quan-
 do modum omnem excessit superbia vestra, & vocem mi-
 hi esse, & contumelias, quas in vos regeram, ostendam.
 An me haec pati posse censes? atque adeo tu praecipue
 me, quem praeter caeteros diligere affirmas, mendacif-
 sime, injuriarum existimasti opportunum, ut unum tanto-
 pere ultro laedendum, & traducendum cum ignominia
 susceperis? Risum acdepol & stomachum simul moves,

quum

quam te, & infantiam tuam aperte spectandam nobis, egregie orator, proponis. Vix loqui, vix efformare verba potis es; vix quid dicas invenire, & audes nihilominus, bellua, te magnifice prae omnibus ostentare, & criminari simul nos, quibus mehercule solum facere non potes. Artes tuas bellissimas, & arcana sapientiae ita protulisti, ut, qui semper ignarus minimique precii fueris, nunc in extrema senectute prorsus desipuisse videre. Palpator, servili ingenio, levior quam pluma, omnium pessime, & nequissime. Tu me damnas, flagitium hominis, subdole, mendax, impurissime? Rapacitatem mihi objectas: at, Dii boni, quis te rapacior? qui sane omnium hominum quotquot sunt, & quotquot fuerunt, es rapacissimus. Nisi te fortasse ea in re Vulpinus tuus aequat; cui tu subblandiris, cui faves; & quem magnificere te quammaxime jure merito decet: Similis similem scilicet, asinum asinus, latronemque latro diligis. Me quasi furem jamdiu omnes culpatis, modesti scilicet ipsi, & temperantes. Nec vobis in mentem venit cogitare, me quidem omnium, qui in hoc adestis convivio, parcissimum, atque abstinentissimum esse. Quis enim vestrum est, qui principum virorum fortunas patrimonio non aequet suo? Majorum scilicet virtute, Deumque benignitate partas habetis opes, lupi, accipitres, domorum, ac patrimoniorum voragines. Euge Blandidiane! Euge Vulpine! Aediculas nostras, & sane angustum fundum, viginti annorum labore parta carpit: & ego regias vestras laudabo, argentique strues, integrosque agros, quae in testamento vestro erunt, quum in patris, avique non fuerint. Ego scilicet fur, ego cruce dignus, ego infamis; At cur? Ego dicam; quia tantulum furatus sum, atque dedecori sui; nec satis, pro modo & opinione vestra, divitias furando paravi. Tu vero, Vulpine, quando obtutu isto minaci me ab loquendum invitas, immo adigis, meminisse profecto debes quae simul aliquando fa-

Et.

Quitavimus. Quae ut omittam, scis me nosse ubi tu fraudulentem fraudaveris, ubi clienti infidelis fueris, ubi verbis conceptis sciens, prudensque libentissime pro pecunia pejeraveris, ubi in mendacio deprehensus fueris. Urit hoc te; at patere, nam prior lacellisti veterem amicum, & socium, consciumque rerum tuarum. Age vero, Blandidiane, complectere istum; complectere, dignus etenim est, quem ames, quem in oculis habeas; ex eodem nam fursure estis ambo: istumque tu potes, alterum te vere dicere. Miserum me! noctes, diesque vigilo, maximis conficior laboribus, librisque hercule immorior, ut atri panis frustum uxori, liberisque comparem meis, & me aselli isti ociosi, ac residues calcibus impetere audent! Nec de istis miror, nauci enim non sunt, sed sane lucrum coeno commixtum, & sterquilinum merum. De te mihi, Voconi, prorsus novum accidit, & inopinum, qui me carum tibi, intimumque semper habuisti. Nec injuria; nam pluries jam ad operam meam confugisti, doctoremque me tuum; ac magistrum in egenis rebus tuis appellasti. Et profecto tibi haud inutilis amicus fui: nihil mihi arrogo, verba tua profero, qui me modo tantopere contemnis, atque in me tot contumelias congeris. Impure, inhoneste, ingratiissime, fori labes! admiratus es toties sapientiam meam, & in caelum tulisti laudibus, nunc accusas, & loqui prohibes, invide. An veritus es, ne ea in te proferrem, quae modo, nictes, nutesque, ac miniteris quantum libet ut taceam, omnino proferam? Audite igitur vos, ad vos nam adolescentem convertor, quandoquidem seniores isti & mori, & nequam sunt, ut qui maxime:

Audite igitur praeclari hujus Jurisconsulti facinora. Hic finis Rapidio loquendi, & mensae simul obambulandi (nam ita quae retuli debataverat) fuit. Stupentibus etenim caeteris, arrepto dicto citius e patris manibus scipione Voconius, in medium

dium profilit; & prae ira, latratus quosdam inconditos, non vocem edens, in dicere paratum Rapidum fortissime per Deos impetum fecit: hominemque primo statim impulsu afflixit, & prostravit; ictus ingerens tanta celeritate, ut quot ille acceperit a commilitone suo, & conviva, nullo tibi modo, Panfute, referre possim: Deum, hominumque fidem interea implorabat Rapidus (in questu Blandidianus, & Vulpinus quicquid e mensa poterant ejaculabantur) fractaque voce ejulans, gemensque uxorem suam miseram, & miseros filios dicebat; Patremque praecipue meum appellabat, & accusabat simul, quod se ad sicariorum latronumque convivium invitasset. Hic vidisset, Xaveri, quod in vi capta urbe evenire scriptores referunt. Nam Rapidii discipuli praeferores illi quidem, & validi, in Blandidianum, & Vulpinum, quibus, malo sentum fato, vicini erant, insurrexerunt; & quum capillamenta iis primum deterfissent, pugnis acerrime incessabant, & e sellis repetitis ictibus proturbabant. Vulpiniani contra, & Voconiani, ad pugnam & ipsi accedentes, in Rapidianos, a quibus casu mensa dividebantur, patinas, sellas, cyathos hostiliter conjiciebant, haudquaquam semper certo ictu; nam saepiuscule suos magistros imprudentes feriebant; qui, quum jam Rapidianorum vim sustinere amplius non possent, vestibus laceratis, nudis capitibus, lacrimisque oppleti humi foede jacebant, quum illi magnis animis, eximiaque virtute calcibus senes infelicissimos proculcarent. Profligato interim in altero cornu hoste, Voconius haec inter occurrit, serum commilitonibus, sed ingens auxilium: relicto inter Patris manus Rapidio, cui caput probe imminuerat, & sanguine viri faciem, vestesque largiter foedarat. Tum ingenti mugitu, pugnae signum dans, eodem illo scipione in Rapidianos usus, illos in hostem conversos a tergo iterumque iterumque affabre dolavit; at non impune tulit: nam ex iis unus corpore, rabie, & viribus longe praestantissimus in

Vo-

Voconium celeriter obversus, ejus os pallis ambabais manibus validissime percussit, & corpore in illum incumbens magno fragore in terram e sella, in quam Voconius pugnaturus ascenderat, deiecit. Conscenderant interea mensam Vulpiniani, Voconianique proterentes omnia, & calcantes, ut magistris ferrent suppetias: & cum in Rapidianos incurrisse, redintegrata in hoc cornu pugna est, ac recrudit inter adolescentes, qui rem ferociter, & vere militarem in morem gerebant. Ejulabat, maximosque gemitus parte alia edebat Voconius, cui e naso, & ore sanguis profluebat, male etenim impegerat cadens in mensae pedem. Aderant ei Blandidiani discipuli, qui extra pugnam usque ab initio abfcesserant, ne scilicet cincinnos suos inter signa, ictusque, & arma ferrent. His tot, tantisque variis casibus, clamoribusque, & vulneribus exanimatus Pater, veritusque, ne res in caedem postremo verteretur, vicinos convocarat, rusticosque e rure, & servos, ut obstinam, calentemque tunc maxime dirimerent pugnam. Sublevatisque primum Blandidiano, & Vulpino, conquestisque eorum capillamentis, clam per horti maceriam obvolutis capitibus domum dimisit, paventes, ac misere identidem interrogantes, num Rapidianus quispiam suam animadvertisset fugam, ac fugientes insequeretur. Tum Voconii curam suscepit Pater pluribus adhibitis, eoque in culinam primum, repugnantibus acriter Rapidianis, magna contentione reducto, postea per porticum dimisit; linteolo per os medium confixto ad excipiendum sanguinem, deformitatemque oriscelandam. Nec diuturna post Voconii discessum pugna fuit: dilapsi etenim sunt Blandidiani discipuli primum, post deinde cum Vulpinianis etiam Voconiani, ut vix Rapidiani superessent, qui plurima certe, & egregia illo die facinora ediderunt, viriliterque praeceptoris casum ulsi sunt: ad quem eos in cubiculum, ubi ille jacebat, adduxit postremo Pater, frementes adhuc, & minitantes, nec incruen-

cruentos . Jacebat in lectulo Rapidus , atque ei Medicus adsidebat , qui forte fortuna sub pugnae tempus domum , ut solitus erat , advenerat . Is contusum valide quidem Rapidum aiebat : sed nihil periculi esse : nec sanguinem , quo illum respersum videbamus , curandum esse ; leviter enim ei cutem alicubi esse distractam . Iccirco eum paullo post Pater satis refotum , domum cum discipulis , vicinus etenim nobis erat , comitatus est : sanctissime , quum rediit , adjurans , nil se deinceps cum eo hominum genere rei habiturum , qui , quum tantam dignitatem gravitatemque ostentarent , tam revera bonarum rerum omnium ignari , tamque foedis moribus essent .

F I N I S .

JANUARI PARRINI
J. C. NEAPOLITANI
DIALOGI FORENSES
DECEM.

THE
JOURNAL OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
PUBLISHED BY THE
EDUCATIONAL SOCIETY

DIALOGI FORENSES

D E C E M.

I.

*Blandidiani , & Palponii :**Palp.*

Alve Blandidiane . Salve : Quid taces :
 Satine recte ? *Bland.* Haud male qui-
 dem , Palponi : sed aliud quippiam est ,
 quod me sollicitum habet . Quid exti-
 muisti ? Parva sane res est , & prope

contemnenda . *Palp.* Cur non extimescerem , quæso , quum
 te tacitum , moestum , curaque plane confectum offende-
 rim ? At jam quicquid istuc seu magnæ , seu parvæ rei
 est , eloquere mihi . *Bland.* Dicam tibi . Cras mihi , ut
 nosti , denuo Dionysii causa est agenda , in qua Caesar , &
 Cajetanus adversus me dicent : *Palp.* Quod tibi bonum ,
 faustum , fortunatumque sit : rursus eos percelles , atque
 prosterne . Nonne omnia parata iampridem habemus ?
 Digessimus , diu jam est , quæ duo Dionysii Procurato-
 res scripserant , quæque Modestinus , & Camillus sele-
 ctiora , & acutiora , ut ipsi vocant , invenerunt . Nam
 quid modo te affligas ? *Blandid.* Audi reliqua , amabo
 te , Palponi : tunc me jure angere dicas . Præterit ego
 modo hic in domestica porticu deambulabam , ut soleo ,
 quum ecce tibi Carolus e Cajetani schola ad me venit , ne-
 scio quid suæ rei mecum acturus . Qua cito transacta ,
 Heus tu , magnifice renidens , inquam ego , Carole , pro-
 bene meditatus in nos crastino die insurget Cajetanus ? Ab
 arculis credo suis pigmenta omnia oratoria proferet , flo-
 sculisque nos obruet , ac orationis nitore præstringet , in-
 doctos scilicet homines , taliumque rerum ignaros . Hic
 ille ,

ille, non hercle vero, inquit, magistro meo valde modo allaborandum fuit, ut quid contra Dionysium diceret, inveniret; nam tribus verbis cras causam omnem expediet. Huius tribus verbis! reposui; Hercle tribus, immo nec suis, ait ille. Tunc instanti mihi, ut quaenam tandem divina verba ista essent, diceret, legem quandam ille protulit, eamque, controversiam omnem affirmavit decidere. Dimisi comiter hominem, atque aliquid, & nos forte inventuros, hilari quidem vultu discedenti dixi, quo Cajetani legem aliquo pacto retunderemus. Sed valde anxio, & sollicito animo esse coepi, postquam oleum, & operam nos perdidisse intellexi. Nam & Modestinum, quum quid sentiret de proposita controversia jam inde a principio sciscitatus essem, respondisse memini, contra leges Dionysium nostrum petere: indeque vix, atque aegre ut aliquid pro illo scriberet, addito ei Camillo, adduci potuisse. Nonne ergo digna videtur res, quae me sollicitet? *Palp.* Porro digna: sed ut animum ideo despondeas, ut ea de re actum jam esse putes, id mehercule Blandidianum non decet. Pluries jam, & nescio an semper contra legum auctoritatem tuae pervicerunt artes: cur non & modo eadem sperabimus? At, ita te Dj ament, quamnam legem dicebat Carolus? *Blandid.* Ne ex cideret hic statim adscripsi; lex est: Si Praedius = DE INIREM CONTRADICTIONES *Palp.* Vah! Quid contradictio ad nos? At quid ea est lex? e Pragmaticis nostris est, an e Regni Constitutionibus? *Blandid.* Id vero nec Carolus dixit, nec ego de eo quaerendum censui, ne nos. At si videtur, Modestinum advocemus; qui hanc rem nobis expediat. *Palp.* Quid tibi modo Modestino opus est? Unam vix legem nobis adversari audis, & ad illum continuo, quasi ad sacram anchoram. Sane nimis superbiat, si ad se & modo iri videat, nihilque nobis in nobismetipsis opis esse. Visne hoc in vulgus manare? Vis eum tibi socium palam adungere? Cui postea & pecuniae, nedum honoris magna pars concedi debeat.

Age potius Blandiciane, age mihi quae auscultas, inspicia-
mus nos, ecquid ista tandem divina lex. ferat: modo,
credo de Caelo illam decidisse. Videbimus an conjectore
semper indigeamus, & veluti ad somnia fieri solet, obscu-
rorum interprete. *Bland.* Quando ita lubet, aggrediamur
ad rem. En cape carthae frustulum hoc, ibi scripta lex
est; legisne scriptum hoc? *Palp.* Maxime. Sumamus an-
te omnia Regni Constitutiones, atque hinc inquisitionem
incipiamus. Huius, quam pulverulentae! *De... De... De...
De... De... Hic plane non est; Ter jam titulos omnes*
quibus = De initium est percucurri, & nusquam = De
in diem contradictione = apparet. *Bland.* Pragmaticas
adi, ibi spero nos, quod quaerimus, inventuros. *Palp.*
Sine eas hic e fenestra prius excutiam, ne nobis spiritum
pulvis intercludat. *De... De... De... De... ut pe-*
reat nebula ille cum suis titulis! De... De... De... De...
Frustra jam hinc petimus, quod alibi fortasse est, si mo-
do uspiam est. *Bland.* Pandectae, & Codex supersunt,
eos inspicemus: Si nec hos hunc ferre titulum invenie-
mus, in maximam malam crucem Carolum, Cajetanum,
omnesque superbos, & vanos ejus generis Jureconsultos
mitteremus illico cum suis legibus & Pandectis, quos tanti
faciunt. At quid haec sibi vult nebula! mane, mane
quaeso, ut reciprocare animam possim, quid agis? jam
facessam hinc quantum potest. *Palp.* Horum quippe vel
pulvis est incommodus: mihi quidem & acrem iniecit tus-
sim, & oculos tenebris obduxit. Hos nimis imprudenter
& temere, rabie percutus arripui. At jam accedas licet;
lintheo jam omnis hinc abactus pulvis; accede; ego rem
interea geram. *De... De... De... De... ut te Dj*
omnes, Deaque perdant; Carole: Codex eum titulum
non habet. Bland. Vide sis Pandectas. *Palp.* *De...
De... Quid hoc, obsecro, est? Ebrius quippe ad te ac-*
cessit ille, & plane vigilans obdormierat Carolus, quum
hanc tibi legem, & titulum retulit. De... De... at ar,
mane

mane mane: *Eccum tandem = De in diem additione =*
numnam hic fuerit titulus? certe = De in diem contradi-
ctione = nullus est. Bland. Si legem in eo quamdam = Si
praedius = reperies, is omnino erit. Palp. Si . . . Si . . .
Si . . . *Eccam, per Jovem, invenimus Blandidiane jam: Num*
Modestino indignumus? Pluris jam nos facere debemus,
et sane pluris sumus. Bland. Merito superbis, Palponi,
vir es. At recita legem, ut si quid ad nos videamus. Palp.
En verba: Si praedio in diem Bland. Manta quaeso, =
Si praedius = non = Si praedio dicebat ille: vide ne erres.
Palp. Erraverit ille potius, hic certe = Si praedio =
scriptum est. Bland. Sequere jam. Palp. Si praedio in
diem addito, ante diem venditor mortuus sit: sive post
diem haeres ei existat, sive omnino non existat, priori
emptori praedium emptum erit = Bland. Quidnam in alium
haec sibi vult lex? ante diem, sive post diem, haeres
existat, sive non existat! Nos quidem ludos facit: non
tibi videtur hoc? Palp. Videtur profecto. At reliqua au-
diamus = Quia melior conditio allata, quae Domino pla-
ceat, intelligi non potest = Bland. Sane tu bella intelligi
non vis. Palp. = Quam is, qui vendat non existat: Quod
si intra diem additionis haeres existat, melior conditio ei
afferri potest = Quid ais praeceptor? Bland. Quid tu ais
discipule? mihi res prorsus videtur inenodabilis. Palp. At
age, dic mihi, de die, an de nocte Laelius obiit, cujus
de domo modo agitur? Bland. Circa mediam noctem.
Palp. Gaudeo istuc; nam jam a nobis stabit haec lex.
Bland. Quid ita, quaeso? Palp. Nam haec = Si ante
diem venditor mortuus sit, inquit, tunc priori emptori
praedium emptum est: Dionysius, cui tu ades, ponne prior
sive emit, sive empturum se domum affirmavit? Certe
ibi jam pridem habitat. Et rursus nonne, Laelius, cujus
erat domus, ante diem, ut tu ais, mortuus est? Nisi si
tibi media nox dies videtur. Quid ergo? quid Cajetanus
somniatur? Vicinus magister; eja jam vicinus. Bland.
 Probe

Probe hoc & acute satis ; placet . At nos de domo agimus , non de praedio , quod lex diserte nominat . *Palp.* Hoc vero aliquo pacto explicabimus , vel enim ... vel ... *Bland.* Scine , Palponi , quid mihi modo in mentem venit ? ut de lege mentio erit ab illis illata , statim assurgam , & prior illam recitabo ; atque ubi = *praedium* scriptum est = *domum* = supponam . Quisnam mihi non credat ? Tu praeterea , nostrique omnes tunc maxime temporis acclamabitis , ut prae strepitu Cajetanus , Caesarque , sui que exaudiri non possint . *Palp.* Optime , optime , atque ita sane faciemus , sed nescio quid lex de haerede dicit : excutiamus & hoc , audi amabo . *Bland.* Audio , dic jam . *Palp.* Hic scilicet de haerede loquitur ; *sive post diem haeres ei existat , sive omnino non existat* = *Bland.* Extra omnem controversiam hoc est ; nam vix post mensem , quod bene memini , Vincentius avunculi Laelii haereditatem adiit , non modo non = *post diem* = ut lex jubet . *Palp.* Egregie , egregie , ut nihil supra ! optime legis mentem es affecutus , ut admirer profecto & in hoc ingenium tuum . At quum scriptum hic sit = *sive omnino non existat* = quid tunc ea vult ? *Bland.* Nonne intelligis jam , Palponi , *diem unum* solennem in hac lege esse , in quo debet defuncti venditoris haeres existere ! eo quippe praeterito , jam non ultra haeres contra priorem emptorem potest agere . *Palp.* Nunquam ego ita diserte , ita enucleate nec Camillum , nec Modestinum ipsum , quum domo huc meditati advenissent , legem ullam exponere , at que explicare audivi , ut tu modo ex tempore executus es . *Bland.* Refer jam si quid ultra de haerede lex habet . *Palp.* En tibi in postrema lege rursus haeredis mentio = *Quod si intra diem additionis haeres existat , melior conditio ei adferri potest* = *Bland.* Nunc hercle vero mihi plaudo , nunc serio triumpho ! viden , ut congruant omnia ! repetit lex = *Si intra diem additionis haeres existat* = ut videas id eam inculcare , quod paullo ante exposuimus , = *unum*

intra *diem* = omnino debere haereditatem existere. Sed Vincentius non modo non intra diem, sed pene post mensem haeres exitit; ergo? *Palp.* Ergo vicisti magister. Sine tibi me centies manum deosculari, magister, vere magister. Et sane perplexa, & obscura, ut quae maxime, lex est. *Bland.* Tenebricosa quidem, fili. Quid autem illud de meliore conditione hic scriptum est? *Palp.* Apertum id quidem, & quod meo ipse Marte assequar sine ope tua. Quum enim hic de meliore conditione loquatur lex, cui dubium, quin illud ea dicat, quod vulgo omnes, nempe meliorem esse conditionem possidentis? *Bland.* Scite istuc, probo, & id pro nobis est; nam habitat in aedibus controversis Dionysius, & mercedem usque solvit, ut nil prorsus contra ejus possessionem dici queat. At tandem evasimus e scopulosa ista lege! tandem! At cujusnam Imperatoris est, vide, *Palp.* POMPONII lex est. *Bland.* Novum sane nomen, & inglorium! Huius pudet! Imperatoris Pomponii legem interpretati sumus. Mallem PAPI-
NIANI IMPERATORIS, aut SCAEVOLAE; Sane gauderem. *Palp.* At quid hoc ad te? Hanc legem adversarius proferet, non tu. Magnificum certe tibi fuerit, ab alio allatam legem stans pede in uno optime interpretari: quam vero legem feligant, ipsi videant. *Bland.* Recte mones. At jam rhedam mihi jungi volo, jubetis: interea deambulatum huc in nostram porticum exeamus: nosque magnifice iis, qui nos manent, ostentemus.

II.

Vulpini, & Callentii.

Vulp. **O** Ccurrimus paullo ante Albino, & pallere eum, atque aegre ircedere conspeximus, Callentii, tussique ab alto graviter concuti, & vix magno labore ex-
create, ut facile intelligi possit, aud diu vitam illum esse produ-

producturum. Praeterea senex est jam, & nunquam prospera est usus valetudine. Itaque jam nunc serio agere, ac vigilare oportet, ejusque vestigare clientes, ne quis forte nobis diligentior tam copiosam haereditatem adeat. *Call.* Verum quidem est hoc. Nam & nos nudius tertius cum vix animam reciprocare posse vidimus, quum e foro pedibus, sequente rheda, ut mos est, se domum reciperet. Sapienter igitur mones; res jam sedulo est suscipienda, jam circumeundum, atque Albini ambiendi clientes. *Vulp.* Maxime vero pervidendum est, ne nos hoc agere populus intelligat, nolo enim me avarum, & rapacem credi, atque in amici, & collegae fatum vota suscipere, compendii ergo. *Call.* Veteres scilicet actores docendi suas partes sunt modo, Vulpine: nescimus nempe quo id pacto fiat, quum tot jam per annos id agamus, atque ita mehercule dissimulanter & cate, ut nescio an aliquis sit, cui hoc suboluerit adhuc, praeter Voconium. *Vulp.* At usque est cavendum: semel enim deprehensi... *Call.* Ah! ne verere quaeso; immo hoc potius age. Mercatores hos externos in tua vicinia praedivites Albini esse sat ego scio: his jam admovenda est machina, nam largi sunt, &, ut nostrorum rerum ignari, nullo negotio circumducuntur. *Vulp.* Hi enim vero jam prope in transfennam inciderunt. Diu jam etenim est, quum rete in eos tetendi. Mihi tuto credi jam pridem censent, felicemque me insuper in causis esse, doctumque, & diligentem, ac probitate singulari. Habent jam, nostri sunt. Illud vero curandum, quod longe pluris est. Corpora aliquot consilio Albinus regit, haec praeter omnia trahere ad me velim. *Call.* Et e Principibus nonnulli etiam Albini sunt: sed res indagine, Vulpine, indiget: cras ego tibi exploratam hanc rem dabo. *Vulp.* Nec nos cessabimus, impigre rem geremus; ut nos antea Albini haeredes audiat Voconius, quam Albinum mortuum.

Vulpini, Callentii, Ambrosii.

Ambros. **S** Alvete plurimum, viri optimi. *Vulp.* & *Call.* Salve, & tu Ambrosi. *Ambros.* Quomodo vales Vulpine, rectene dormiisti hac nocte? Nam tertium jam huc hodie advenio, nec tui mihi conveniendi fuit potestas; valde te enim occupatum aiebant, nec perbelle te habere. *Vulp.* Nec valeo satis, nec mihi somnum amicum efficere queo. *Call.* Quando tibi ipse magnus es inimicus, ut somnus amicus sit frustra edepol postulas. Prope ad auroram cum libris vigilas, & nondum exorto sole sub primum galli cantum surgis, & valere velles? *Ambros.* Ah! Quid agis, Vulpine. Nonne cogitas tot hominum salutem contineri tua? atque ex tui unius vita quamplurimorum pendere? respice te jam, & serio cave. Tua enim cautio nostra omnium cautio est. *Vulp.* Quid caveam, amabo, quum negociis obruar, nec me quotidiana turba respirare jam finat? At quid tu, Ambrosi? Dic cito, sodes; mihi me etenim nobis ocium est. *Ambros.* Oratum veneram, quod potes meminisse, de pecunia illa scilicet. *Vulp.* At fieri nequit. *Ambros.* Cur nam istuc tandem, obsecro? *Vulp.* Rem plane eloquar: tibi enim amicus sum, sed amicior veritati. Cauta creditori pecunia non esset; plus nimirum aliis jam debes, quam vendi aedes possent hoc tempore. *Ambros.* Ah! Quid ais Vulpine. Dimidio profecto plus valent, quam debeo: & rus praeterea obligandum praebui. *Vulp.* Scis me neminem fallere, Ambrosi; nec si quenuquam aliquando, clientes unquam fas esset fallere. Rus istud tuum propter maternarum dotium hypothecam quasi non esset, ne nomina. *Ambros.* Ut illud ego ne nominem? Quantacumque, obsecro, tanti fundi pars dñi erit obnoxia? *Vulp.* Ita mihi quidem videtur Ambrosi, ne frustra sis, & incassum excandescas. Male tibi

tibi credi puto; nec ego tui compendj causa illum, qui bona fide me rerum suarum omnium moderatorem & arbitrum constituit, decipiam. Dehiscat mihi prius tellus, quam hoc faciam facinus. Visne me adversus animi mei conscientiam respondere, ut improbi isti faciunt vulgo: Et. . . . *Ambros.* At quaeso te, Vulpine, rem melius perpende, vide. . . . *Vulp.* Quid videam, sat vidi jam. At cras tecum, quanquam acta res est; modo ad bibliothecam propero: vale. *Ambros.* Cras redeam, ut jubes; vale. Quid tibi hoc negotii videtur Callenti? Nec domus, mihi jam, nec fundus sunt; abstulit omnia, & e divite repente pauperem me effecit Vulpinus. Vah! Quid hoc rei est! disrumpor miser. *Call.* At tu nimis profecto, & plane importunus. Nosti hominem; nimis probus est. & valetudo modo eum effecit morosiores. Quid tibi vis dicam? non ita factum a te oportuit, ut factum est. *Ambros.* Hem! Praedixisses! At nihil mihi in te opis, Callenti? Lapsam rem, modo velis, potes restituere; scio. *Call.* Quid possim, quid audeam cum tam forti, & proposito tenace viro? *Ambros.* Aliquid cogita, aggredere, gratum me ac memorem senties, ipsique Vulpino aud male cedit haec res. *Call.* Novi ego largitatem tuam; sed difficile factu nimis est, quod postulas. *Ambros.* Age jam, centum illi, quinquaginta tibi aureos praesentes dabo; obsecro te, reserquoque, Callenti, ne me deseras. *Call.* Nimis me in arctum cogis, & prope vim affers. *Ambros.* Scis me nec obaeratum, nec dococtorem esse. Desim bonitate, ac majorum virtute dives sum satis. *Call.* Novi hoc probe. *Ambros.* Pecunia modo praesenti, eaque haud permagna ad exsolvendam fidem meam, indigeo. Quid ais? Dabisne hoc perfectum mihi? *Call.* Quid dicam tibi aliud? Dabo: miseret me quippe tui; honestum semper, ac liberalem cognovi. *Ambros.* At ne quae in Vulpino sit mora. Nimis ego vereor ne. . . . *Call.* Et hoc ego oneris in me suscipio: ego tibi eum malacissimob,

bo. Cras primo mane huc propera, at cum pecunia; audistine? abi modo. vale.

I V.

Nicolai, & Francisci.

Quid is, Nicolae, tamque propere? *Nic.* Sine me quod malus me vocat Genius ire. *Franc.* Non temere hoc quidem est. Age dic sodes, quidnam hoc malae rei est, quod te agitat? Jam te aut ope, aut opera, aut consilio juvabo. *Nic.* Ah! ne retine quaeso, valde mehercule occupatum. Nec ope, nec opera, nec consilio tuo modo opus est mihi. Linque per Jovem. *Fr.* Hoc ut tu a me impetres? Frustra tibi amicus fuero, & me inanem & inutilem prorsus appellare jure poteris, si modo te deseram. Dic age, certum me, & tui amantissimum dicas faxo. *Nic.* Enimvero odio me enicas. At quando aliter a te nequeo avolare, accipe rem, ac dimitte. Praesenti pecunia indigeo, si carcerem vitare volo: Laurentio illi mercatori, qui ad forum est, jamdiu debeo. Modo apud Judicem acta res est. Quid opus est verbis? Tercentum tantummodo praesentibus aureis nummis res confici potest; quos expedire nulla ope possum, etiamsi omnia, quae habeo domi corradam, & vendam. Satine est tibi hoc, an me ultra retinendum censes? *Fr.* Malum pol istuc est: sed cui mederi aliqua ope possimus. Ejus amicos adibimus, rogabimus ipsum: rem aliquam demum cogitando, consulendo excudemus: qui aliquid aliquo pacto efficiamus; ne despera, neve animum desponde jam. *Nic.* Nae tu hodie me ad furorem adiges, Francisce. Quoties istaec me per triennium tentasse putas? Nec preces jam, nec amicos, nec Deos ipsos, si rogent, curet ille amplius; & merito quidem, argentum sibi solvi vult, nec, quid ultra sperem, est; At linque jam me,

me, sine abeam. *Franc.* Mane vero mane: & quando iste tuus tam durus est, tam inhumanus, certum tibi ego consilium dabo, ut eum, Judicemque eludere, & frustrari, vel aliud integrum triennium possis. Exporge jam frontem, ac moestitiam inde omnem ac severitatem absterge, & me audi. *Nic.* Exspecto quid dicas. *Franc.* Novi ego magnum quendam virum, & omnium quidem Jurisconsultissimum, qui me pluries istiusmodi creditorum molestiis liberavit: innumerisque etiam novi, quibus ipse angustissimis in rebus plane Deus fuit. Quem hominem Di immortales! ad hunc propere causam deferemus; Quid? ut virum aspicias, te salvum illico credes: nam vultu admodum certo est, & te ultro bonum animum habere extemplo, ne audita quidem re, jubebit, causamque alacer suscipiet, &... *Nic.* Quid tu mihi causam, & Jureconsultum memoras? nulla hic causa est. Argentum ille bona fide credidit, debere me, ac soluturum certo die sponendi: jamdiu est quum dies cessit; quid ergo magnus iste vir tuus efficiat, etiamsi Solon, etiamsi Lycurgus alter fuerit? *Franc.* Ridere me cogis, Nicolae. Tunc quid ille possit, suspiceris? Summum est profecto ingenium hominis, incredibilis doctrina, ac diuturna experientia. Ignoras quippe tu leges, earumque miram his in rebus providentiam. Ille rem tibi tribus verbis expediet. Judicem statim adibit, Deorum, hominumque fidem implorans, & nil debere te Laurentio, immo hunc tibi debere aliquid sancte affirmabit, clamabit, te potentia adversarii de tuo jure dejectum dicet, & rem dicto citius in vado collocabit. Age eamus. *Nic.* Eamus, at quid sperem nescio. *Franc.* At habesne decem saltem aureos, quibus hominem nobis primo statim congressu conciliemus? *Nic.* Habeo vel quindecim. *Franc.* Eamus ergo, eamus.

Blandidiani , & Palponii .

Opportune mones Palponi ; jamque res gerenda graviter nobis est , ne status nos dies inparatos offendat . Sed quot Judices in Aurelii causa habituri sumus ? *Palp.* Sex , ut opinor , nisi quid novae rei ingruat . *Bland.* Ex his duo jam pridem nostri sunt , Demetrius quippe , & Labanus , nonne & hi sedebunt ? *Palp.* Quammaxime . *Bland.* De reliquis jam cogitandum : cujusnam moris tibi videtur Fabius ? Is nam novus est , nec quicquam adhuc mihi rei cum illo . *Palp.* Superbus hercle est , nimisque iracundus . *Bland.* Nempe noster hic homo est , habeo virum : Cras aggrediar , atque ita tibi tres intra dies cicurem illum , & mansuetum reddam , ut non cognoscas eundem esse . *Palp.* Mirum istuc : at quid inceptabis quaeso , magister : nec enim facile factu mihi videtur . *Bland.* Quod solor . Palpo invadam , blanditiis oblideam , laudibus expugnabo . Quid ais ? Ita illum magnificabo , caeterosque prae ipso contemniam , ut neminem aequae ac me amet ille , tantique faciat . *Palp.* Prorsus mirifice , atque ut Blandidianum decet . Sed quando illum causam docebis ? *Bland.* Tunc sane , quum ut me amet efficiam . *Palp.* Aenigmata loqueris . Amabit jam ille primo Congressu te ; demus hoc : quid autem ad causam ? *Bland.* Ut in meos incidet casses , ut me sibi certum , amicumque arbitrabitur , extemplo ego bonum jus fovebo , ac adversarios vel tacens pellam , ac fundam . *Palp.* At nihil in consilio dices , nec orationem scribes ? *Bl.* Faciam utrumque , sed dicis causam , utque Aurelium pressius emungam : id vero non mea , sed Modestini curatio est . *Palp.* Quid ita ? *Bland.* Nonne ei nudius tertius mandavi , ut quae sibi viderentur perscriberet ? *Palp.* Merui : at ita contemtim , aliudque agens dixisti , ut veriar , ne oblitus sit ille ,
Bland.

Bland. Ut obliviscatur ille ! Cras eum videbis , de more , transacta huc omnia asferre . Ea deinde , & quae Aurelius ipse ad nos primum scripta detulit , more nostro commiscebimus , ac conturbabimus , pauca quaedam huc illuc , tralatitiumque aliquod e nostris exordiis addentes ; ut nemo quantumvis malus animadvertere possit quid actum sit . Atque ita & dicemus optime , & orationem edemus : Modestinum laudabimus , ut solemus , blandeque usque excipiemus : sed ab ipsa causa , a litigatore , a iudicio , atque ab omni ejus rei curatione omnino , ut consuevimus , removebimus . *Palp.* Sapientissime medius fidius . Nam & rem nullo labore expedies , & magistrum tetricum illum , & molestum pessimam in rem ablegabis , ne obturbet , suaeque te pro tuis ingerere divulget . Sapientissime medius fidius , sapientissime !

Bland. Istuc autem . ita fiet , Palponj : nunc reliquos Judices recenseamus . Theodori quanam indoles est ? Humanus mihi , & non malus videtur . *Palp.* Est quidem ut praedicas , at cum uxore dies , noctesque litigat , id mihi amanuensis ille suus retulit . *Bland.* Hinc ergo tragulam in illum conjiciemus : hanc ille sine dubio apertus est , atque immunus . Principio osorem mulierum me praedicabo , multaque in eas maledicta ingeram ; Te deinde , Palponi , me auctore , dissidium jam cum Julia tua parare dicam , ita perpetuo obgannit , ita semper turbasciet , ita male te excruciat . Hic mihi ille lubens calamitates narrabit suas ; teque uti socium ejusdem miseriae diliget statim , & amplexabitur . Res mihi postmodum in proclivi fuerit , & nobiscum jam sentiet Theodorus . At quid Camillus , & Eugenius , qui supersunt ? Age narra mihi quae de istis habes . *Palp.* Hoc vero supervacaneum est , pace tua dixerim , Nam , quum e sex Judicibus quatuor a nobis stabunt , quid solliciti de reliquis simus ? Nimirum quidem id esset : ~~em~~ plane , quod tu tantopere soles prudentissime reprehendere , ultra id , quod necesse

est, laborare. *Bland.* Id vero non nimium est, fili mi: si possem enim vel fellas ipsas mihi conciliare, libentissime facerem. Nam ea maxime, siue una potius vincendi certa via est, si Iudices omnes, quique Iudicum sunt amici, servosque etiam, & vicinos, ut ita dicam, efficias benevolos. En, ut id oblito tibi in memoriam reducam, en tibi Carolus, & Philippus, quorum in causis meminisse porro debes quanta nos sedulitate gesserimus; quidve cum familiaribus, quid cum amanuensibus, quid cum amicis eorum, qui illis interesse cognitionibus debebant, egerimus. Multo equidem illis argento, at multo nobis labore stetit victoria; sed vicimus, quum victuros illos ne nos ipsi quidem sperare auderemus. Nos, qui sane quid clam actum esset nobis consciebamus, pauca quaedam in Consilio diximus, eaque haud valde per Jovem diligenter: ut valde stomacharentur qui aderant, nos tales causas tam negligenter agere. Sed postea impense nos laudabant, manumque osculabantur, nosque in caelum ferebant, quod tacentes, & plane dormitantes. Franciscum, & Caesarem fori, ut erudituli isti dicere solent, columina, summosque oratores causa deiecitissimus; quum illi summo opere adnixi essent contra, totiesque vehementissime dixissent. Hae mihi fuerunt artes, eadem erunt tibi: ita plurimae nobis victoriae sunt partae, ita aequae multae & tibi parientur. Age ergo, age quod iussi, dic jam hilariter de Eugenio, & Camillo si quid habes. *Pasp.* Quam te tam cate ejusmodi verba facientem audio lubens, praeceptor! Quae tibi sapientia, quae sedulitas, quod ingenium, Oj immortales! Plane Deus es. Edepol si nobis putida istorum jurisprudentia deest, si ventosam istam eloquentiam, caeteraque ejus generis, ut par est, parvipendimus: at praeclare stamus animis, roboreque ingenii, ut viros fortes decet, acriter pugnamus. Sed jam ad rem. Eugenius probus, atque apprime doctus perhibetur vulgo, nec eum ulla arte falli ajunt posse,
ita

ita cautus, & rectus est undique. Eum ego semper odio habui; contemnere enim nos videtur, & aculeatis dictis saepe laceffit. *Bland.* At Jesus filius, qui in forum jam ventitat, nonne... *Palp.* Is profecto Fabricii gnati tui perquam est familiaris: habeo quid dicas: ea quippe recta semita est, venatum inde incipiemus. *Bland.* Optime Palponi: eja demum discipulum agnoscimus! superest Camillus. Hunc ego nihili facio: Nam is Poeta est, & Philosophus, & plerumque, dum maxime calet forum, causasque defenditant vehementius Patroni, versiculos scribit, recensque scriptos haud raro vel Modestino nostro, vel alicui e suis asseclis ibidem recitat. Hunc vel per ipsum Modestinum aggrediemur; vel nos quasi aestro perciti, & attoniti, ac magnum aliquod, Poetarum ritum, sonantes, invademus. *Palp.* Habeo e go quosdam Camilli versus: hos memoriter homini recitabo, ita sponte noster erit: hoc enim pacto eum protinus dare praedicant manus, *Bland.* Euge serio istuc, Palponi. Hoc jam est magistrum, non discipulum se se gerere.

VI.

Laelii, et Caroli

Lael. **V**idistine paullo ante Petrum hunc Joannis filium affinem meum in rheda cum Theodoro e principibus Civitatis? Sane ego rabie differor, qui illi repente indignus visus sum, cui ipse vel salutem redderet. Nam & cum primus salutavi, & magnopere gavisus sum, ipsum eò jam dignitatis pervenisse ut tali viro dexter sederet, & quasi pompa quaedam per frequentissima urbis loca in illius curru veheretur: *Carol.* Vidi equidem Laeli, & admiratus sum: Nam, quum rectus ipse & valde severo & occupato vultu sederet, ille alter precanti, & verenti similis totus in eum inclinatus, nescio quae ingerebat. Me

vero Petrus aut non vidit, aut non vidiſſe ſimulavit : quod mirum non fuerit, quippe ei extraneus ego . De te vero quid dicam, aut cogitem non habeo, qui conſobrinam ejus in matrimonio habeas, ac illi ſemper affueris, ac omni eum ope juveris . *Lael.* Pol negliget ille me jam, nec pro affine habebit : Siquidem eum ſummates viri colunt, & obſervant : Nos ſcilicet Medici a tanto Oratore contemnimur . *Car.* Aufer iſtuc jam . Quid te ille contemnat, quaefo ? Nonne & ſenior tu illo es, & doctior : & ſi haec quoque aliquid ſunt, ditior, & familia honeſtior ? *Lael.* Nihili iſta ſunt, o bone; nec enim uter doctior ſit, aut honeſtior modo inſpiciendum, ſed cui rei demus operam. *Lael.* Ergo tu medicinae, ille legibus addiſti, cur alterum alter dedignetur, ac deſpiciat, plane peſcio . *Lael.* Hoſpes proſecto mihi in noſtra Civitate videris, Carole; qui ejus mores prorsus ignores . Nam cui obſecro ignotum eſt, cuicumque doctrinae, cuicumque, & quantaecumque virtuti, & quibuſcumque moribus nunquam tantum apud nos tribui, quantum Jurisprudentiae ? *Carol.* Scis me in hortulis meis pene ſemper deliteſcere, nec adire urbem niſi certis, ſtatique diebus officii ergo . Itaque rem ita eſſe, ut ratio ipſa monebat, putabam, utque mihi aequum rectumque videbatur : caeterum cur ita, ut autumnas fiat, planiſſime ignoro . *Lael.* Cauſſam e Petro affini meo exquire, qui certe quare tantopere ſuperbiat, non invenio : indoctus enim plane eſt, ut qui maxime, atque e ſoreniſi diſciplina, Rapidiique praeceptis, quem ſecutus eſt, tantum hauſit, quantum vix ad imum ſubſellium ſatis eſt . Novi ego hominem : & deſerare paratus ſum, eum (ut majora omnia taceam) nec latine, nec heuſce quicquam ſcire : inſans plane eſt, & rerum omnium ignarus : ac ſi unum, alterumque e Pragmaticorum faece Scriptorem percurriſſe eum dicam, plus ei tribuam, quam veritas poſtulet : & nos aſpernatur jam, & quiſquilias meras putat . *Car.* Et talis quum ſit, tam ſerociter tamen

tamen? & quod miremur magis, tanto hic in honore est? *Lael.* Cur non tumeat, nosque nihili pendat, quum hic videat nec medico, nec musico, nec mercatori, nec philosopho, nec architecto, nec mathematico, nec, quod longe pluris est, honesto viro, nec alicui hominum generi eum haberi bonorem, qui vel ignaro, vel inhonesto Jurisconsulto? *Car.* Quando ita se res habet, Laeli, geminos natos meos, quos aliis in artibus erudiri jusseram, primo quoque tempore Jurisprudentiam doceri imperabo. *Lael.* Quod tibi faustum, felix, fortu natumque sit, quam primum impera.

VII.

Rapidii, et Lupi.

Rap. **Q**uid ita malum nobis sub ipsam jam vesperam advenis, & quasi nil agendum sit, tarde etiam nunc incedis. Nimis hercle diu te hodie expectavimus, Lupe, quum hic te illico post meridiem affuturum nobis pollicitus sis: atque id ego a te etiam atque etiam opere maximo petierim. *Lup.* Audi sane; nec me... *Rap.* Quid ego audiam. Noveras quanta nos rerum urgeret moles, & quae expediri necesse esset paucis hisce diebus negotia: & tam lente tamen! age jam quid stas? pallium cito, ac pileum pone, operique manum admove. *Lup.* Jure queris, Rapidi; at me rusticus quidam properantem retinuit, qui ne avaro, atque illiberali locatori conducti fundi pactam mercedem solveret, me adiit flens, ac ob creditoris minas vehementer perterritus. Ova mihi miser, pullosque gallinaceos & pecuniae etiam aliquantulum apportavit. Hunc ut defererem ego? rem suscepi; dumque ei adsum, dum rem in vado sisto, coepit advesperascere: nec a Cornelia domo, quo mihi Iudice convento opus fuit, quantum approperaverim, citius huc potui perve-

pervenire. *Rap.* Jam te ulterius non culpo: laudo immo
 sedulitatem, & humanitatem tuam, qui & illi misero op-
 portune adversus domini avaritiam subveniris, & aliquid
 etiam tu feceris lucelli. Agnosco in celeritate etiam tua.
Rapidii discipulum: Euge, Euge! At non ista sibi mo-
 do tempus postulat. Nostra jam propere aggrediamur.
 Ubinam, Lupe, instrumentum illud est contra nautam
 illum Surrentinum, qui vitulinam solet adducere? *Lup.*
 Adest, eccum. *Rap.* Quid ei faciemus, Lupe? res inex-
 tricabilis videtur, nisi insigni aliquo commento eam red-
 dimus explicatam. Sane disertis verbis sexcentos ab eo
 creditor stipulatus est, nullo nec pacto adjecto, nec con-
 ditione. Jam jam dies stipulationis cedit, & creditor le-
 ge aget. *Lup.* Vel inter eos aliter post stipulationem con-
 venisse, vel pecuniam, contra etiam scriptum hinc est,
 non interfuisse, vel aliud quippiam simile objiciendum
 censeo. Interea aliquid... *Rap.* Vulgata istaec, nimio-
 que usu trita; & quibus aegre jam a iudicibus creditur.
 Aliud excogitandum est, si nautam tueri volumus, nobis-
 que ipsis, quod maxime curandum est, consulere. Num
 si aliud instrumentum producamus, quo satis tibi jam fa-
 ctum creditor solenni ritu affirmet, callide id tibi, &
 magnifice factum videatur? *Lup.* Optimum istuc quidem:
 sed haeret haec res; nam quo pacto solutam vere fuisse
 pecuniam, ut oportet, probabimus? *Rap.* Ohe! quid
 tam es timidus, satis fuerit si receptam a se praesentem
 pecuniam creditor stipulatione caverit debitori. Vel si ti-
 bi haec minus videntur tuta, quis vetat vel frumento,
 vel hordeo in stipulatione dicere, vel alia quapiam merce
 fuisse persolutum? *Lup.* Hoc hercle arridet magis, id-
 que faciendum censeo. At undenam gentium ejusmodi
 instrumentum accersamus, quod nec factum unquam est,
 nec adeo fieri potuit? *Rap.* Nimis cito diffidis, fili; di-
 fice ex me virtutem veram; si factum id nunquam est, ex-
 cudemus nos; hic distractus fiet, si alibi contractum est.

Sed

Sed ad hanc rem, quam paro, Falstrone propere accito est opus: age, Lupe, Sosiam mittito, qui illum cito ad nos: Factum non factum, non factum factum efficiam, Lupe, tibi hac astutia. *Lup.* O magnum & versatile ingenium! O veram, & reconditam jurisprudentiam! In eo, ut tibi tanto hoc in strategemate subserviam. *Rap.* Misistine jam? *Lup.* Factum. *Lup.* At dixistine ut cito? *Lup.* quippini. *Rap.* Bene habet. Jam pecuniam nauticam devorabimus, cras hominem probe emungemus. Nunc de mercatore illo: hoc diu jam me torquet. Decoquere is vult, ut nosti, Lupe: sed leges veretur, neve se in capitis periculum creditores adducant. Nunc falso sale, nunc vere acido aceto opus est nobis. Quid tu inciperes, quid opis huic homini afferres? *Lup.* Nunc enimvero serio diffido. *Rapidi*, nunc quid dicam, quid cogitem, plane non habeo. *Rap.* Excidit ergo tibi jam, quod in Veneto illo mercatore, tertius jam prope annus est, excogitavimus? *Lup.* Quid? non enim memini. *Rap.* Quum rationum tabulas ex integro ei conficiendas curavimus, eumque hoc pacto multorum late mercatorum, qui sub idem fere tempus per Italiam decoxerant, creditorem iis tabulis scripsimus: ut quidem non dolo, suaque fraude, sed aliena in eam illum calamitatem incidisse judicatum fuerit? Unde factum est, ut vix sextula tunc creditores contenti fuerint. Meministine an non? *Lup.* At at. Marcum illum fortasse dicis, qui in aures, armillasque uxori tuas dono dedit, tibi que aureos quingentum? *Rap.* Illum ipsum. Quid si eosdem & modo consuamus doctos dolos? *Lup.* Sed nulli modo mercatores, quod quidem ego noverim, decoxerunt: basis, praeceptor, deest, rei stabilimenta corruunt. *Rap.* At nos, si haec obsepta est, alia ingrediamur via. Nec qui patrimoniis eluerint jam foris quaerendi sunt nobis; sed multos apud nos decoctores habemus. *Lup.* At valde amicos hos oportet esse homines, ne nos prodant, &

res

res fiat palam. *Rap.* Horum domi copia est, ne quaeramus foris; Albertum, inquam, Fabium, Marcellum, Clementem, alios quamplurimos, quibus nos quidem prora, & puppis sumus. His ego facile, ut illud se debere stipulentur, quod persoluturi sint nunquam, persuadebo. Eorum tantum nomine indigemus: nam & notissimi decoctores sunt, & nobiles, ac sumtuosi; nullo negotio ut quis credat hos mercatore nostro indiguissē, pecuniamque, & exoticas merces ab illo accepissē. Tabulas scite conficiemus, ut omnia perbelle congruant: conquerique cum jam nunc de suorum debitorum fide palam faciemus, ut scriptum quod sit, testium quoque, si fuerit opus, auctoritate sufficiamus. *Lup.* Mirifice pol istuc, & quod omnem mentis captum superet; sed vide quaeso, ne nimis, utraque istorum hominum fidem iis creditum videatur, relque inde labet nobis, & pateat fraus. *Rap.* Haud insulsē mores: itaque praevidenda res est, ne nobis importune negotium facessat aliquando. Graphica modo aliqua nobis fallacia opus est, quā rite hanc expoliamus, atque explicemus rem; Quid si . . . non placet. Hoc fortasse erit calidius . . . Fiet ut . . . *Lup.* Haeres magister jam. Quid si mihi auscultes discipulo? *Rap.* Et lubens quidem. *Lup.* Si fures noctu ad eum venissē, magnamque abstulissē auri argentique copiam simulemus, atque inde fabulam hanc incipiamus, ecquid mali erit? *Rap.* Euge! consilium placet, at eo dolato parumper utemur, si videbitur. Unum quippe mutatum velim. *Lup.* Qu id? *Rap.* Nempe ut vel tu ipse, qui excudisti, verum id credas. Ligurem institorem illum suum, nostine, quasi clam domino, ut aufugiat facile data pecunia efficiemus; quod & creditum facilius fuerit, quam illud de furibus & praterea externum hominem, atque egentem . . . *Lup.* Egregie vero egregie, ut nihil supra! *Rap.* Tunc demum noster Deū hominumque fidem clamabit, omniaque illum sua fugientem abripuissē, stens gemenisque affirmabit. Postea tabulas

las producemus, remque tribus expediemus verbis. Aetum jam hoc porro est: paucos intra dies opiparae fane, laetaeque vindemiae nobis erunt, Lupe. *Lup.* Dionos servatos volunt, qui tanto dant ingenio pollere. At vide sis hoc quod mi de Flaminio mandasti: en tibi Dionysii Judicis manum: quid tibi videtur? *Rap.* Ipsissima porro est: si hercle ipse viveret Dionysius suam omnino affirmaret. Hoc vero cras, quas in foro turbas! rem judicatam asseremus. Hoc vide, ut Scribae manum quoque mirifice prorsus imitatus sis! Papae! Quid autem illud, quod tolli de Pauli testamento jussi! *Lup.* Factum; illudque adscriptum quod volueras. *Rap.* Laudo: O factum diligenter! Demetrio, Laurentio, Petro scripsisti ne dicas jam? *Lup.* Eccas ut imperaveras: & sane ridiculum fuerit, quum debitores sese repente e creditoribus a te effectos cras audient. *Rap.* Ridiculum plane: at me, qui vir siem, cognoscent.

VIII.

Dionysii, Laurentii, et Leonis.

Dion. **S** Alvus sis Laurenti; unde is? *Laure.* Prope hinc a Fabio Judice. *Dion.* Ed nos properamus. At multine mortales apud ipsum sunt? *Laure.* Plures pol quam opus esset. Si nemo sit, unus est ibi Voconius, qui pro sexcentis est. *Dion.* Probe hoc quidem; laetor; nam hunc ipsum quaerito. Haud parva res veteris amici illic mihi est agenda; centies jam condictus dies, at semper frustratus est Voconius; nunc teneo hominem, effugiet nusquam. *Laurent.* At tu si sciperes, alium tibi adversarium quaereres, hunc nolles conventum. *Dion.* Nam cur, obsecro? *Laurent.* Hunc Leonem interroga: is tibi rem explanabit. *Leo.* Ego vero nec quid dicam, nec quid cogitem, nec quid audiam scio amplius, ita me

elinguem, ita truncum, ita stupidum reddidit modo Voconius. *Dion.* Te ne ille! miror profecto: at, quicquid hoc rei est, narra sodes. *Leo.* Vereor ne tibi ominosum sit: amice, in nos hodie incidisse, qui pulsi, victi, fugati, que ab illo paullo ante sumus. Itaque si me audies, in alium diem rem istam dilatare voles. Furit ille hodie, & plane tonat. *Dion.* Luditis vos: hercle me hodie. *Laur.* Nec ludimus amicissimum hominem; nec jocandi modo nobis est ocium. Quid tibi vis dicam! Nulla sane aeque violenta unquam procella caelum miscuit, quam hic modo agit Voconius, qui nos ita modo magnis clamoribus obruit, ut nec causam dicere, nec adeo loqui datum sit. *Leo.* Humanam ego vocem nunquam tam valide non sonantem, sed tonantem audiui. *Dionys.* Novi hoc, & neminem in foro tam firmis lateribus, & majore pulmone, esse jampridem scio. Caeterum indoctus apprime est, nec quid loquatur scit, linguaque uritur sane plebeja, & foeculenta; oblatrare solet, non dicere causam, aut quicquam ad rem. *Laur.* Quid tu mihi doctrinam, quid causam, quid linguam praedicas! In apertissima re ita facile elapsus est, ita magnis clamoribus, ita turbato, in- versoque egit ordine, ut nec quid in controversiam veniret intelligi potuerit, nec qua de re quaereretur. *Dion.* Non liquere adhuc ergo pronunciatum est, remque amplius quaerendam. *Laur.* Immo contra. Nos causa prorsus cecidimus, ille de nobis, immo adeo de justitia magnificum, & sane basilicum egit triumphum. Judicem probum illum quidem, & satis doctum, sed imbecillum parvique animi, ut nosti, plane obstupescit. Tercentum adhuc tonat ingenti ore Scriptores, qui suam tuentur causam, nostramque prosternunt; quum tibi vero, ac pro amicitia affirmare possim, omnia illum excudisse, integrosque auctorum suppsuisse audacter locos, nec unquam nos meliore causa, ac firmioribus fundamentis Judicem adiuisse. *Dion.* Pro more istud. Sed Scriptorum lo-

cos falsos esse dictum oportuit : nam id quis non illico crederet, quam pluries jam in magnis ille iudiciis fuerit mendacii convictus. *Lea*. Quid tu nos censēs mutos, aut tardos? Clamavimus & nos valide, iudicisq; fidem imploravimus, libri, oravimus, ut ex ejus bibliotheca proficerentur : at quid? Scine quid proficiebat? Quasi quis, parente Aulstro, in litore cum valde strepētib; pelagi undis vocē contenderet! Frustra, semper fuimus; itaque odio victi tandem discessimus, ne tamen proculculo rumpereimur. Causam in Consilio agendam de quo curabimus, eamque soli, ac sine adversario antea per domos Iudices docebimus. At jam valeas; Dionysi; alia nobis agenda. *Dion*. Abice jam, & valete: Ego quidem quod intenderam non eo jam. Nolo turbare hoc modo vicumagi: cras rem alio pacto expedienda mihi curabo.

IX. *Antonii, et Camilli.*

Audistine, Camille, quod Marise huic in vicinia accidit, cujus nuptias superiore anno tanto sumtu fieri meminisse debes? quippe ibi tunc mecum assisti. *Cam*. Memini id quidem: at quid isti modo evenisse, nescio. *Ant*. Indotata repente effecta est, quum magna dote nuptum iverit: unde eam vir odio habere coepit, & quotidie maledictis incessit, nec amplius una cubat; licet ea sit ex ipso jam praeagnans. *Cam*. Mirum profecto narras. Nam & amare eam ex animo videbatur, & sane liberalis aderat forma, ut id fieri facile crederes. Numnam ergo chasinate fundos dotalis periit, vel flumen aliud transtulit, vel alio quopiam majore casu est absumtus? *Ant*. At nihil horum, o bone, sed inopino, & insuperabili quodam fato. Nam nescio quo pacto ex improvise effectum est, ut nihil ei frater ex paterno testamento deberet. *Cam*.

Derides pol me Antoni . An hoc fieri aliquo modo poterat , ut ex paterno patrimonio nil gnatae deberetur , quum filius tantis opibus abundaret ? Sane inauditum hoc & incredibile . *Ant.* Nec derideo , nec rem incompertam profero . Porro egomet heri medio in foro , quum plurimi adessent Patroni , Voconium audiui hoc nescio cui diserte ingenti voce narrantem : quum sua factum opera impense gloriaretur , quod Claudius iste Mariae vir , uxorem quidem haberet praesentem , dotem vero speratam , & pactam nec modo , nec unquam . Plaudebant qui aderant , hominemque admirabantur . *Cam.* Gloriosus quippe , ac ventosus est Voconius ; & probabile est , ea illum sui magnificandi gratia effutuisse ; nec enim id mihi videtur fieri posse . *Ant.* Factum frustra infectum efficere cupis Camille . Res hertle ita se habet , idque Medicus etiam nobis Claudii dixit , atque omnia turbari perpetuis clamoribus in ejus aedibus propter eam rem . *Cam.* At quomodo id factum , nihil ne nosti , Antoni ? *Ant.* Nescio , nisi quod ibidem in foro leviter inaudiui , nescio quod perve-tus atavi , credo , aut abavi testamentum a Voconio re-pertum , ac prolatum , unde ille sororis actionem omnino peremerit , & paullulum quid a fratre ei dari debere dotis nomine contenderit . *Cam.* At tunc nos audiebamus , Patris testamento dotem filiae constitutam . *Ant.* Patris autem voluntatem nihili prorsus faciendam idem Voconius praedicabat , qui & ingens aes alienum vivus contraxerat , & nil ipse paraverat : indeque effici , ut nec dotem legare posset , nec adeo testamentum condere . Rationes , legesque ipse addebat , rectene , an perperam , ignoro . *Cam.* Leges istas & rationes apagesis a me ; cui quidem satius fuerit in latrones , quam in Voconium , ejusque fatales porro inextricabilesque laqueos incidere .

Vulpini, et Lucii.

Vulp. **H**EUS tu Luci Luci, jamne ades? *Luc.* Jam nimum diu adsum hic, here, ante ostium, ut quum expergulereris praesto adessẽm. *Vulp.* Optime atque ex more hoc. At quid ais? Dies ne jam est? *Luc.* Dies! Immo meridies jam: ut aegre consultorum turba diutius in bibliotheca retineri possit. *Vulp.* Anne ii, quaeso, norunt dormire me? Vah! Stulte! Libris invigilare me dictum oportuit. *Luc.* Factum istud: & te integram insuper vigilasse noctem diximus, quo Theodoro probe meditatus ac paratus adessẽs, cujus cum Marcello res centum amplius millium paucos intra dies apud Judicem erit agenda. *Vulp.* Merito quidem amo te, mi Luciole: ita lepide, ita amanter, ita sapienter usque mihi operam praestas. At oh! oh! oh! somnus me etiamnunc graviter urget; quam vellem, vel solidum mensẽm obdormire. *Luc.* Quam rem agis, obsecro te, here? Plus jam decem horas dormiisti, & somniculosus es adhuc? Surge jam age, surge: non decet oraculum Civitatis tamdiu quiescere. *Vulp.* Recte mones. Cedo jam vestimenta. *Luc.* En tibi parata omnia. *Vulp.* At scine quid te modo velim, Luciole? *Luc.* Ni dixeris, nescio. *Vulp.* Age te propere modo ad bibliothecam: ter, quatuorve inde, ut: tibi in manus temere venient, libros cape, quasi eos ego. *Luc.* Teneo; quasi iis tibi consultis opus esset. *Vulp.* Euge! *Luc.* Jam eo. *Vulp.* Scitus hic, & plane callidus est, meisque moribus, ac rationibus sane quam opportunus. Caeterum ego mihimet plaudo, & neminem in foro adhuc aequae, ac ego sum, nec fortunatum, nec catum simul & prudentem fuisse arbitror, cui tot simul bona deorum benignitate, ac industria mea obvenerunt. Pauper a paupere prognatus patre, diu inops, egenusque, repente

te

te dives, orator, nobilis, ac magnus Jureconsultus meae unius ope effectus sum. Alios quamplurimos vigilare, misere laborare video, anxieque sese gerere, ut vel orationem concinnent, vel legem quampiam interpretentur. Ego vero ingenio fictus meo, ac probe sutis sutelis, summus orator, gravissimisque Jurisconsultus dictum factum emerisi, nullo quidem labore; *Luc.* En tibi libros; vide quam crassos omnes, & corpulentos! at quidnam tecum ipse solus? Sanus ne es? *Vulp.* Admirabar egomet modo fortunam meam, mihi quae plaudebam. *Luc.* Et merito id quidem: Nemo enim ex magnis istis Oratoribus majore in admiratione est, nec cuiquam magis creditur, quam tibi. At quid agis, surgesne hodie, an non? nonne tibi dixi ab innumeris expectari te? & modo, quum me libros ad te ferentem conspexerant, quasi passerum, aut columbarum pulli omnes ab ore pendeant meo, quidve ageres, & quando demum exires, solliciti rogitabant. Ego nescire me quid facturus essem, aut quid omnino facere possem, dicere; nisi quod te vehementer occupatum viderem. *Vulp.* Optime quidem, & prudenter. I ergo jam rursus ad illos, meisque verbis abeant jam nuncia; ocium mihi modo non esse: post meridiem, si lubeat, redeant, me tunc ipsis operam daturum: Id mihi quidem vehementer molestum esse, sed invium id facere: adde & tu si quae vis, quaeque in rem videbuntur; Patriciis praesertim, ne se contemni suspicentur. *Luc.* At non bellissime hoc a te fieri arbitror: tribus post horis dimitti homines, heu! aegre id patientur, & satis modo id frequenter a te fit, pene tertio quoque die. *Vulp.* Non ista tua curatio est. Scio ego quam rem agam: Age jam abi, quod imperatum est quam blandissimis potes verbis exequere.

FINIS.

313

JANUARIIPARRINI
J. C. NEAPOLITANI
BELVEDERII SIVE THEATRUM
ADMARCHIONEM
BERNARDUM TANUCIUM
SERENIS. FERDINANDI REGIS NOSTRI.

In regendo Regno a Consiliis

VIRUM EXCELLENTISSIMUM.

Andreas Belvederius, Janus Vincentius Gravina, Gregorius Calopresius, Xaverius Pansatus.

Bel.



MIHI quidem porticus haec peropportuna videtur, ubi confidamus: nam late Mergellinam oculis subdit, ac fere nihil ex amoenissimo prospectu detrahit, & adspirantem Zephyrum egregie una omnium excipit. *Grav.*

Optime isthuc, Belvederi: quare si tibi idem videtur, Gregori, jam pulvinos accersamus. *Calopr.* Immo, utanni tempus est, ipso in lapide sedere commodius arbitror; nam & serius incalcescit lapis, & rusticari vere mihi videor, ubi urbanas consuetudines inverte. Gaudent enim homines, naturalem libertatem, unde societas eos deturbavit, quacumque tandem ex parte repetere. *Grav.* Jam prope necessarium nobis effecisti, ut super saxo sedeamus, ne soli aut homines non esse, aut priscae libertatis ob-

R r

li.

liti videamur. *Bel.* Me veto non ita parte servitutis tædet ; ut solum tam parva hac in re eam contentus sim repudiare ; sed, veluti communem illam servitutem numquam servierim , pro libero me hic omnino geram , urbis atque urbanorum oblitus. *Cal.* Quippe apud se unusquisque liber est : nemo enim vetat domi ut velis vivere , dummodo societati non officiat. Affuecimus verò servituti adeo , ut ne soli quidem nos in libertatem afferere audeamus ; sed veluti spectante populo loquimur domi ac gerimus pleraque. *Grav.* In longam nimis & difficilem quaestionem nos pertraxisti , frater , ab hoc saxo & sedilibus , cui explicandae nec tempus modo , nec locus satis opportunus est . Sinas quaeso prospectum hunc ociose nos contemplari , quo affirmare ausim neque amoeniorem , neque pulchriorem esse alibi. *Cal.* Istiuc tecum libenter faciam , Vincenti : nec enim oram facile invenias , qua aeque delecter ; quam quoties contempler , renovatur toties mihi atque redintegratur voluptas : & quum in plagam Olympicis olim ludis dicatam ingredior , undè ad haec loca aperitus rectusque est prospectus , statim ex imo pectore suboriri sentio laetitiam , curasque omnes concidere. *Bel.* Unde plane prudenter nostri homines mihi videntur per aestatis calores Mergellinam & Pausilypum prae omnibus aliis locis habere : nam hic sub ipsum meridiem , quando ubique caletur maxime , collis hic superstans primo adumbratur , domos inde ac litora saluberrima umbra occupat. Opacae valles & facundissimi colles pone sunt , pomiferis arboribus quaquaversum confiti , unde umbra decedit , Zephyrique afflat levis aura , facilesque ascensus praebentur . Et mare domos leniter alluit , & quasi ante ipsa cubicula obstrepit : perque sinus , privatasque etiam piscinas se se abdens mirifice hominum voluptatibus inservit . Utque rem tribus verbis absolvam , nusquam hoc tempore anni tot simul oport-

portunitates ad suaviter agendam vitam invenias. *Cal.* Hinc mirari licet quid potissimum sequantur, qui, hac amoenissima ora posthabita, aetivis mensibus oppositas his circum Pompejos & Herculeum villas incolunt. Ibi namque campestri situ aestuosae ac pulverulentae sunt viae, praeduriisque lapillis infames. Sole quinetiam perpetuo tractus ille adurit: nam orientem primo mane a dextera excipit, medium diei efficientem a fronte, vesperi demum usque ad occasum transversis radiis perpetitur. Ipse praeterea Vesuvius, adustis rupibus imminens, minaci atq; horrido adspectu, fumumq; perpetuo emittens, contristat oculos tam prope spectantium. Quid vero? nec sinus ibi, nec aëtas mare praebet, sed nudo atque infelici litore strepens vix finit, quum malacia est, cymbas appellere. *Grav.* Nolim te, dum Mergellinam nimio studio persequeris, ineptos imitari oratores, qui aud satis suos sibi heroes videntur laudasse, nisi, instituta comparatione, complures praë illis posthabuerint. Stet quidem suus Mergellinae ac Pausilypo vetustus honor per aetatem praecipue; sed quis verno & autumnali tempore Pompejorum ac Herculei salubritatem, & opportunitatem non admiretur? Mihi autem, frater, pulcherrimum hunc Cratera intuenti, quem merito delicatum Cicero vocat, sane non id potissimum in mentem venit, ut collium molliter affurgentium amoenitatem & prospectum, summamque ubertatem admirer, Vesuviumq; bicipitem, qui veluti totius orae imperator longe super omnia caput extollit; verum quasi in magno quodam theatro humanarum rerum vicissitudinem, hominumque adeo ipsorum fatum considero. Haec etenim ipsa nova undique, ac recens aedificiorum facies, veterum admonet, atque ea omnia concidisse, & in nihilum esse redacta testatur, quae Graeci quondam, Orbisque dehinc terrarum domini Romani frequentissima, incredibili sumtu, ac regali prorsus magnificentia posue-

re . Ut mihi non fortuito accidisse videatur , sed sapienter comparante Natura , ut horum locorum adspectus ad theatri formam hinc atque hinc continenti litorum & collium complexu porrigatur . Prochyte autem , atque Inarime Typhoeo nobilis , & Virgilio Homeroque memorata , aud lato intervallo dissitae latius a meridie ostium praebent : & Capreae , quae nobis a fronte assurgunt , arcto siue a Minervae promontorio disjunctae , veluti orchestrae ac scenae locum suppeditant . Et profecto magnae aliquando in hoc theatro fabulae tragoediaeque actae sunt . Unus nobis Tiberius plura ejus generis argumenta sufficiet , tantum ut vel saevitiae vel libidinum ejus recordemur . Illhinc praecelaras illas epistolas conscribebat crudelissima illa vulpes , primoribus Romanorum extremas necessitates indicentes . Illhic cum spinthriis , & pisciculis egregius Imperator de Republica consultabat . Late per hasce istas oras explicabatur assidue regius ille , atque adeo Sejani fastus , & salutantium atque ambientium turbae , iis ipsis qui colebantur , intolerandae . Quid si nos animo dextrorsum vertemus ? Nero statim subibit animum , feralisque illius imago noctis , qua infelicissima mater , vix fallacis navigii insidias elapsa , per Baulorum litora pavens animi , trepida atque incommitata pedibus villam petiit , ubi paullo post sanguine suo filii immanitatem explevit . Misenus autem celeberrimae stationis admonet , & Amiceti infimul & classis , magnorum Imperii motuum ac malorum aud semper expertis . Triumvirorum quinctiam foedus , & divisum tres inter homines terrarum Orbem eadem illae cautes testantur .

Col. Docta equidem , & vera loqueris , frater ; atque ardore isto tuo ac dicendi impetu prope effecisti , ut me modo non apud Mergellinam in Pansuti villa , sed in theatro quodam esse crederem . Sed nimis longe theatrum istud tuum capessis : quotus enim quisque est ,
qui

qui modo haec intuens in tantarum rerum recordationem delabatur ? Unam hic locorum pulchritudinem , crispatas undas , afflantemque Zephyrum mirantur homines , plane nulla tam vetustarum rerum suspicione . *Bel.* Nec vero antiquis , & vetustate obliteratis indigemus : ipsa etenim vita hominum , urbanaeque vicissitudines , quae ante nostros oculos quotidie obversantur , nativum quoddam & Naturae theatrum praebent , unde nobis tragoediae & comoediae affatim suppeditantur . Quid enim ? Nonne summatum ac principum virorum crudelitas , cupiditates , ambitiones , iracundias tragoedias instrunt , iis quae in theatro docentur longe utiliores ? Quippe non Poetae industria , non scenarum illecebrae , non histrionis ars quicquam veritati addunt , sed ipsamet veritas sine facie & fallacia conspicitur . Minuta vero civium negotia , amores , tricas , mutasque fraudes , an quisquam inficias ire poterit , festiva ac omni ex parte absoluta praebere comoediarum argumenta ? Unde mihi historiae eo praesertim nomine utilissimae humano generi videntur , quod veluti collectio quaedam tragoediarum sunt , dum Regum & clarorum virorum facta cum bona tum mala referunt , unde innumera in utramque partem exempla possis colligere . *Cal.* Sapienter omnino *Bel.* videri . Quum vero Philosophi summa negligentia haec homines plerumque viderent quasi inutilia praeterire , vel oscitanter & raptim veluti per transfennam conspiciari , egregium sane consilium amplexati sunt , ut per voluptatis illecebras ad tam utilem observationem illos converterent . Ideo coeperunt , informia illa ac rudia spectacula , quae delectant vulgo homines , intelligebant , ad eam paulatim formam redigere , ut pro musto , plaustris , inconditoque cantu ac tripudiis , seipsos , vitam , moresque suos graphice descriptos in qualicumque illo theatro conspicerent . Mirum vero est , quanta alacritate ejusmodi spectacula , cognita eorum dul-

ce-

cedine , Graeci amplexati sunt : nec ea in vulgus tantum laeta fuere , sed gravioribus etiam viris propter utilitatem accepta . *Bel.* Ex his vero spectaculis tragoedia proxime ab initio majestatis satis induit ; Deosque ac Reges in scenam non indecore protulit ; non sententiarum pondere , nec magniloquentia utique orbatam , ut in Aeschyli tragoediis , qui paullo post Thespim fuit , videre est . Comoedia aberravit aliquanto diutius a scopo , & vix Menandri demum atque Apollodori Diphilique aevum optimam , omnibusque numeris absolutam formam est assecuta . *Gr.* Non hoc tibi facile dederim , Belvederi ; tu etenim antiquam comoediam , mediamque simul adspernatus , ad novam continenti cursu nimis sane celeriter progressus es . Vetus autem comoedia vere comoedia dici meretur , nam veritatem ipsam in scenam referebat , non ea quae deinde nova dicta est , quae similitudine quadam , ac verborum sacro tantum valet , non veritate . Prodesse illa vetus quidem populo mire potest , quod corruptos uniuscujusque mores traducit ac notat , ut ad emendandos homines sola mihi vim habere videatur : quos neque admonent satis , nec excitant longe petita exempla , quae in nova comoedia proponuntur . *Bel.* Quid ? Nostros modo mores priscam comoediam ferre posse arbitraris , Gravina , quum ipsa Graecorum libertas illam non tulerit ? *Grav.* Modus quidam adhibendus esset , & publica auctoritate in comoedia certorum hominum notanda essent vitia , levia illa quidem & modica , ne si crimina proferrentur , accusatoris ac delatoris vicem scena ageret . *Cal.* Enimvero nisi alias ob causas repudiandam veterem comoediam censerem , vel unum sane satis esset , ut diris omnibus devoveretur . Ea namque virtutem ipsam aggressa est , quum Socratem , cum perpetua Atheniensium , infamia , ad cicutam adduxit . Proinde , ea posthabita ; Belvederi , ut ingressus eras ad theatri

ini

initia jam redi. *Bel.* Philosophorum scilicet tecum laudabam prudentiam, qui spectaculorum dulcedine ad humanae vitae observationem populum converterunt, tragoedia & comoedia in urbem adducta. *Gr.* Serius id aliquanto, quod ad comoediam spectat, factum est. Nam comoediam multo post tragoediam in urbem adduxere Athenienses: quum enim haec adulta jam floreret, illa pene in cunis vagiebat: idque ex utilitate factum esse reor, quum longe utiliorem jure existimarent sapientes tragoediam populo esse, quam comoediam. *Bel.* Athenis quidem ita actum est ut memoras; verum si ab Epicharmo, caeterisque Siculis principia comoediae velis repetere, coaevam hanc tragoediae fuisse fateberis: nam Epicharmus vetustissimus poeta fuit, & Thespi aequalis, plurimasque scripsit fabulas, quas ab Apollodoro Atheniensi in decem volumina redactas esse Porphyrius testatur in vita Plotini. Utilitatem vero parem mihi utrique videtur inesse, & tantum pro populorum indole alteram alteri fuisse praeclatam. Nam Siculi Regio imperia assueti comoedia magis gaudebant: Athenienses vero in libera viventes Republica statuque populari tragoediam suspiciebant, in qua Regum ac Tyrannorum interitus, gravesque calamitates, saevitiamque simul, & tristia imperia conspicebant; unde major usque in eorum animos libertatis amor, ac tyrannici dominatus odium irrepibat. *Cal.* Si vero mihi libere quod sentio inter nos dicere licet, longe majorem atque uberiores fructum a comoedia, quam a tragoedia colligi puto. Non enim eodem nunc pacto animos hominum afficiant Tyrannorum saevitia, incestus, parricidia, hujusque generis atrociora facinora; tranquille sub Regio dominatu late quiescentibus populis: quibus vix e Persarum aliorumque barbarorum historia, Graecorumque primorum temporum annalibus, tyrannicae impotentiae species suppetit; unde

nullo

nullo acriore affectu circa ea homines modo stimulantur. Ubi vero privatorum quotidiana vitia, & domesticarum perturbationum, vitaeque communis species oculis obversatur, magnopere laetantur, indeque unusquisque sumit quae in rem suam sunt, & se meliorem alieno exemplo conatur efficere, *Exemplum ex aliis capiunt, sibi quod ex usu fiet*, ut ait ille. *Grav.* Bene quidem haec a te frater dicta arbitror: nec inficiari possem, longe utiliorem apud Graecos liberisque populos tragoediam fuisse, quam apud nos eosque populos, qui sub Regibus vivunt. Attamen non ideo frustra fuerit mortalibus, summae fortunae mala, tristisque curas introspicere, quae assidue cruciantur isti rerum domini, quorum fors aequae fortasse a privatorum sorte distat, ac a beatitudine. Si ergo minus hodie consequetur tragoedia, ut superbos Tyrannos odio prosequamur, quippe ea generis humani peste Dei beneficio caremus, fortes certe nos & magnanimos efficiet, purpuramque, & magnos comitatus, auratosque currus, & splendida illa omnia impedimenta, quae principum virorum fortunam ornant simul & onerant, tragoediae beneficio non admirabimur; contra in obscuro pauperem vitam degere, nullum aut certe malorum minimum ex illa nobis comparatione videbitur. Tragoediam vero post comoediam ponere, quod tibi nescio quare arridere visum est, idem sane fuerit, mea sententia, ac prae ancilla reginam posthabere, aurumque & gemmas contemnere, merasque quisquillas sequi.

Cal. Sane decet tragoediarum authorem pro tragoedia dicere: at mihi, pace tua dixerim, stat eadem sententia. Difficile enim est, populum, quem praecipue respicit theatrum, a recepta atque insita opinione ad eam mentis sanitatem avocare, ut excelsum illud fastigium sollicitudine atque angoribus anxium arbitretur, & non potius ob potentiam, rerumque omnium affluentiam felix atque

que beatum. Nec tibi facile dederim; fortes, ac magnae fortunae contentores a tragoedia homines effici, quippe potius frangi eos animisque deijci necesse est. Quid enim? Quum videat Philoctetem prae dolore ejulantem, mortemque expetere, omni publicae privataeque rei cura posthabita, nonne intolerandam quamdam rem esse dolorem sibi persuadeat populus, tantum virum impari illi fuisse conspiciens? Quum Ajacem, propter erepta sibi Graecorum Principum judicio Achillis arma, furere videant, & errore mentis percitum pecoribus primo, deinde sibi metipsi manus inferre, nonne contumeliam, aemulique gloriam graviores quasdam ac acerbiores res esse vulgo homines affirmant, quam quae ferri possint? Hercules ipse, quem omnium mortalium fortissimum fabulae perhibent, nimis sane dejectus, lacrimans, fractusque inducitur ab Euripide ob caedem conjugis ac liberorum: quod illum maxime dedecere videtur. Atque ita per prope omnium tragoediarum argumenta discurrens, graviter affici fortitudinem, spiritusque hominum minui ac cadere debere fatearis necesse est, quod perturbationes & calamitates ne magnis quidem viris tolerabiles esse videant. Quis etenim fuerit, qui tam de se ipso magnifice sentiat, ut animo se majore ac firmiore esse credat, quam Philoctetes, quam Ajax, quam Hercules, quam reliqui heroes, quorum aerumnas tragoedia explicat? Quum vero imperatores, ac summos duces auro gemmisque praefulgentes, ac pro arbitrio quicquid in mentem venerit imperantes & efficientes scena pallim inducat, profecto qui Regiam potentiam, excelsamque illud fastigium propter tragoediam aversetur ac fugiendum existimet, nescio quam facile invenias, frater.

Grav. Humana omnia vertere in utramque partem possumus, Gregori; sed sapientis est, optimam semper interpretationem sequi, quod tu minime facis. Quum

enim funestas & atroces rerum conversiones proprie sibi vindicet tragoedia, Herculisque aliorumque regum ac heroum miserabile spectaculum ideo inducat, ut ad moderationem & modestiam revocet eos, qui rerum suarum successu elati ita res suas constabilitas arbitrantur, ut omnino mutari non possint; tu invertis omnia, & corrumpi ac deijci mortalium animos huiusmodi spectaculis affirmas. Praeterea satius esset, hoc potius pacto philosophari, atque ita differendi initium sumere, ut tragoediae utilitas appareat; Profecto vexari acrius quam te videas alios, suave tibi est, & tuorum certe malorum oblivisceris. Hinc si pauper quispiam in theatro sedet, moerere definit simul ac Thelephum Herculis filium nudum ac projectum in scena intuetur. Lippum mire solatur Isiphus, quod hic propositus, ille nonnihil videat. In morte filii quem non sedabit Niobe tot liberis simul orbata? *Beza* Antiquum obtinetis morem: atque ego plane mirabar, tamdiu vos inter vos sine contentione aliqua egisse. Mihi vero ambo, ut sit, contentionis studio videmini praetergressi veritatem. Etenim, quod ingressus eram dicere, si tempora, nationumque indolem diligenter expendamus, maximasque studiorum, sententiarum, atque administrandarum rerum publicarum mutationes; non ipsam tragoediam inutilem aut noxiam modo esse intelligemus: verum aliqua ex parte populos in eam conditionem, vertentibus temporibus, adductos fuisse, ut delectari magis ab eiusmodi spectaculis, quam juvari ac doceri possint. Comoediam vero eandem semper populo utilitatem attulisse in aperto est, postquam a Menandro & Apollodoro eorumque aequalibus (resecta, quod felle, ac nigro sale nimis redundaret, vetere comoedia, indeque media etiam expulsa, vix a vetere diversa) in eam formam, quam admiramur adhuc & sequimur, redacta fuit. Non vero ut his de rebus disputaremus ad Mergellinam

convenimus , sed Pansuti salutandi , exhilarandique simul animi gratia , & curas , si quae sunt , amolendi ; quare arbitror , si vobis idem videtur , aliò convertamus orationem , ne pro ociosis negociosissimi hic agamus . *Gr.* Nequaquam sane ; nam , quandoquidem ad hunc sermonem nos casus quidam detulit , non alienum reor , his de rebus potissimum nos inter nos , ut coepimus , loqui : praecipae quum saepius ego te de tragœdia ac comœdia disputantem Belvederi audire frustra concupierim ; Romæ namq; vitam ago , in patriam raro admodum remeo , & valde quidem brevi commoror . *Bel.* Nimis blande hoc Gravina ; nam quid me audias , quæso , qui acutissime ac doctissime de tragœdia ipse scripseris , & gravissimas idem edideris tragoedias : quam ego ne literam quidem hisce de rebus unquam scripserim , & vix quaedam ab experientia edoctus ad usum transtulerim . Sed hæc omittamus . *Cal.* Nec ego tibi assentior : nam me etiam , qui a theatro sum omnino alienus , delectari hoc sermone fateor . Sed Pansutum reor expectandum , cui vel injurato , quae ejus probitas est , deferendam decernendi facultatem censeo , an incoepta sequamur , vel alia omnia .

Gr. At , ut diei tempus est , egredi ipsum e bibliotheca jam pro more aequum esset . Nimis jam causis datum & Foro , ut cras probe meditatus optimus Judex in xxiv. virum consilium eat . Interpellemus jam hominem , ne villam potius visuri , quam dominum , huc advenisse videamur . At ipse jam commodum egreditur : salve Pansute . *Bel.* & *Cal.* Salve & a nobis . *Pans.* Salvete & vos viri optimi , mihiq; amicissimi . Quam vellem quidem vos excipere venientes potuisse , & vestris sermonibus usque a primo mane interfuisse : sed lapis quem volvo utrumq; ademit , satisq; mihi fuerit , si reliquias excepero . *Gr.* Integra sane omnia tibi servavimus , nam vix quædam desultorio ritu delibata nobis sunt de tragœdia & comoedia . *Pans.* Papæ !

Optime isthuc quidem , mihique acceptissimum : per-
 gite igitur viri magni , me maxime attentum auditorem
 habebitis . *Grav.* Audiemus porro alternis & audiemur ,
 nam hic collatis symbolis res agitur , nec philosophorum
 more scholam est hodie nostrum quisquam explicaturus .
 Tu autem quid ais Belvederi ? Quid tibi velle Panfutus
 videtur ? *Bel.* Mirum ni , & ipse tragoediarum scriptor , te-
 cum sentiat . Obtemperabimus itaque , ut pro Gregorio
 quoque respondeam , vosque in Provinciam vestram seque-
 mur , & quasi praetoria cohors vobis erimus . *Cal.* Recte ais .
Gr. At nunquid post Horatiam tuam aliud quid commentatus
 es , Xaveri ? Ne nos cela , quaeso , amantissimos tui . *Panf.* Est
 profecto quippiam , sed rude adhuc & impoliturum ; verum
 tacefis ea de re , Vincenti , ne quis in Forum alterum hoc
 crimen nostrum adducat , & a Jurisprudencia ad Poeticam
 nos prorsus descivisse criminetur . *Grav.* An quod laudi
 tribui aequum est , quum subsecivas horas perire tibi non
 pateris , idne tibi vitio verti ? Perversum hoc profecto &
 iniquum , nostrisque hominibus plane peculiare . *Panf.* No-
 stris nos legibus vivere oportet , tibi romanis licet , quae
 nullum in jurisconsulto respuunt ornamentum . *Grav.* Ne te
 vero indoctorum inepta maledicentia a proposito dimoveat :
 clament , reprehendant quantum volent , nihili pendas : ae-
 quiores sane Iudices , doctos & eruditos viros habebis ,
 quorum hic quidem ingens est copia . Sed quid hoc est quod
 te in manibus habere dixeras , obsecro ? *Panf.* Quoniam
 omnes reip. romanae status , sive conversiones pro tragoe-
 diarum materia mihi sumsi , post Horatiam , Bruti faci-
 nus , nascenti reip. oppido necessarium , sibi domuique suae
 funestum pertractandum suscepi . Nam ni filiorum suorum
 sanguine nascentem libertatem ille sanxisset , orbitate sua post-
 habita , sane tunc Romani in Regum potestatem recidissent :
 Inutile fortasse his temporibus argumentum , sed mihi in ro-
 ma-

mana republica ; ob assiduam romanarum scriptorum lectionem , ut ita dicam ; viventi , admodum jucundum .

Grav. Eodem nos reducis , Pansute ; unde nos paullo ante tuus adventus abduxerat : nam Gregorius in tragoediam vehementer invehens , nullius illam modo utilitatis populo esse differuit , mutato quippe rerum statu , regiaque potestate , gaudentibus populis , ferme ubique firmata .

Pansf. At modo non utique populo scribitur tragoedia , sed gravibus doctisque viris ; potiusque ut fortibus exemplis adversus ingruentia fimentur animi , quam ut vel hunc vel illum reip. statum expetant homines ; quod aggredi ineptum mihi & perniciosum etiam videretur .

Calopr. Alia itaque erit nostrorum temporum tragoedia , penitusque ab antiqua illa laudataque diversa . Tunc enim communis populi utilitas Poetae proponebatur , nunc vix paucorum oblectatio .

Bel. Nimium elevas , Gregori , tragoediae dignitatem , & immerito quidem : nam si quid est docto fortique viro dignum , id , meo quidem iudicio , tragoedia est , quae magnarum nobis vicissitudinum , & perturbationum , magnarumque iidem virtutum exempla suppeditat , unde nobismetipsis majores efficimur , & mirifice adversus humana obfirmamur .

Porro tragoediae nihil aliud sunt , quam imagines quaedam humanarum cladum , quibus subinde republicae ac regna affliguntur , Deo hoc pacto ulciscente gravia & atrocia scelera , innocentes autem & indigne oppressos praesenti ope saepe eripiente : unde ad virtutem excitantur animi , & vitia execrantur : Quod vel sola bonarum tragoediarum lectione unusquisque nostrum experitur : nam si probe agantur , tunc vero ita commoveri omnis generis auditores videmus , ut sane admiremur .

Meministi enim , Gregori , quos gemitus lacrimasque Horatia Pansuti nostri excusserit , quum in scenam venit , utque animos omnium pupugerint tristes illi vereque tragici eventus .

tus. *Cal.* Id tibi fortasse potius debetur quam ipsi tragoediae, qui actores ita affabre instructos in scenam misisti, ut quicquid dicerent aut agerent, non fictum esse & imitatum videretur, sed ipsa veritas. Nec tamen abnuerim, Horatiam ipsam ita exornatam a doctissimo autore prodixisse, ut scenæ nostræ ac theatro mirifice conveniret, excitandisque affectibus apta esset; quod in aliis vulgo tragoediis secus esse consuevit. *Bel.* Italicarum tragoediarum omnium fere hæc indoles est, ut magna quidem cum admiratione legantur, agi vero prorsus nequeant: nam dum nostri Graecos adamulim imitantur, quid modò aures oculique requirant ignorasse videntur aut neglexisse. *Grav.* Omnes uno ictu a theatro detruxisti nostrorum hominum tragoedias, Belvederi, quod ab humanitate tua alienum quammaxime est: & praeterea tam adversos suis, perversique iudicii Italos non reor esse, ut si quid forte eos in suorum poetarum tragoediis, offendat, repudient illico omnia: & simul veterem illam Graecorum suavitatem atque doctrinam, præ insultante nescio qua novisque ac popularibus opinionibus, omnino posthabeant. *Bel.* Legent & admirabuntur sane Itali suorum hominum tragoedias, sed his in theatro non plaudent; nauseantes immo, in scena solos relinquent actores, graeco more tragoedias agentes. Omnium loco, ut uno exemplo rem expediam, tuæ nobis erunt tragoediae, quæ quidem graecas ita in omnibus imitantur, ut illis merito aequiparentur, seu rerum ac sententiarum gravitatem respicias, seu ordinem & oeconomiam: at, dabis hanc amicissimo homini veniam, si quam illarum docere populum velles, cavea tibi extemplo vacaret; & vix paucos, qui graeca admirantur, auditores habiturus esses. *Gr.* Sed mihi tunc illud veteris tragici usui esset, pluris se nimirum unius Socratis iudicium facere, quam Atheniensium omnium. Adestent modo mihi docti sapientesque viri,

viri , nil omnino de multitudine sollicitus essem . *Bel.* At illi & multitudo frequens aderat , & philosophi omnes duce Socrate . Sed quum tragedia populum sive multitudinem præcipue respiciat , aud optimo consilio ille a theatro excluderetur , & ad paucos res referretur ; quod esset Gregorio manus vinculas dare . Omne punctum tulit , ut mihi quidem videtur , Pansutus noster , cui Horatiam docenti accepisti fortasse , omnes omnium ordinum frequentissime adfuisse , ita ut , quamvis plus viciæ acta esset , Civitatis tamen desiderium non potuerit explere . Immo , ut quod paulo ante dixi experientia inniti videas , Horatiæ chori , ad Græcorum scriptorum normam doctissime ac nitidissime elaborati , quamquam Carapella , qualis vir Deum immortalem ! modos fecisset , eosque optimus cantor suavissima voce in ætuum intervallis caneret , explosi a cavea fuerunt ac repudiati , ut postremo omitti illos prorsum necesse fuerit . *Grav.* Si scriptores etiam corrumpi , ubi mores populi in deterius labuntur , necesse est , frustra litteras colimus , & antiquitati , veterumque disciplinis incubamus . Doctos profecto viros decet , imperitorum erroribus ob stare , non uno eodemque veluti flumine a vulgi opinionibus abripi . *Bel.* Optime isthuc quidem : sed modo non de ipsa agimus tragedia , quæ retinenda prorsus est , sed de eam scribendi disponendique modo . Ut si quis vestes nunc ad instar veteris Græciæ Italæ , Gallis-que sumendas suadendum susciperet , & ab his nationibus respueretur , huic sane obijciendi jus non esset , nudos hos populos vitam agere malle , quam priscis illis indumentis uti . Nam necesse quidem est , ut vestibus utantur homines ad frigas arcendum , ac tolerandum calorem : nequiquam vero æque necesse est ut Persarum aut Aegyptiorum morem servant , quam suis unicuique genti temporique mos sit , & vetustas nihil auctoritatis circa hujusmodi habeat ,
quæ

quae ab arbitrio hominum pendent, nihilque revera ad res ipsas pertinent. *Gr.* At mihi haec constat animo, sententia, quantum in tragoedia scribenda a Graecis abscedimus, tantum ab optimo scribendi genere nos abesse. Ideoque ut popularem plausum omnino despiciere me ac repudiare ostendam, jam in latinum e vernaculo sermone tragoedias meas coepi vertere, ut, si qui velint, doctis eas viris perlegendas praebam, vulgus ab iis utique segregem. *Bel.* Optimo id quidem consilio; nam & jambis longe aptior latina lingua quam nostra, & nescio quid gravitatis inde tuis accedet tragoediis. Ego quidem de nostri theatri consuetudine loquor, omniumque modo cultarum nationum more. Necis sum qui in omnibus rear populo obsequendum, immo oblitendum plorat, que; ne vel mira quaedam & absurda admittantur, neve a prisca ac receptis tragoediae legibus decreretur, ad vulgi admirationem captandam. *Panf.* Id si poetae omnes superioris praecipue seculi servandam censuissent, tragoedias modo aliquot non haberemus & comoedias tot montibus refertas, ut verisimile ab iis prorsus exulet, & naturalis rerum cursus negligatur. *Bel.* Hispanae pleraeque hoc vitio fabulae laborant: nam si tragoediam Hispani non habent: in illis vero mera miracula earum auctores sequuntur, ut auditores in admirationem conjiciant: unde fit, ut quantum acuminis & inventionis laude hujusmodi comoediae praeceant, tantum in Naturae veritate, communique sensu servando deficiant. *Grav.* At, qui tuus est erga veritatem amor, nullas unquam majore plausu acceptas in theatro confitearis necesse est, quam ejusmodi fabulas: ita scilicet est populus iste tuus. *Bel.* videri, egregius, si Diis placet, fabularum iudex. Caeterum ab hispanis ad gallos quosdam poetas morbus hic pervasit, atque per Italiam quoque aliquando vagatus est. *Bel.* Praeterito nempe seculo, quando omnis pene eloquen-

tiae laus a nostris regionibus abfuit , corrupta prorsus antecedentis seculi eruditione , & , ut ita dicam , castitate . Modo vero etiam ab imperitis huiusmodi monstra damnantur , vetusque nostris ingenium rediit , qui nil modo nisi exquisitum & perfectum ferre possunt . *Pans.* Si defectum eloquentiae tantum praetergresso seculo tribuis , tibi maxime assentior : nam per centum prope annos nec poeta nec orator bonus apud nos floruit : qui tunc , Marino duce , id loquendi genus amplexati sunt ac schematum indolem , ut nemo hoc tempore eorum scripta sine risu , vel stomacho potius legere valeat . Non vero adeo egregiorum poetarum sterile seculum fuit , quin complures ejus generis Italia tulerit . Quis enim eo ab numero segregabit Marchettum , Redium , Chiabreram , Magium , Menzinum , Buragnam ? *Cal.* Quoad doctrinas vero caeteras , nec acutiores profecto Philosophos unquam , nec clariore Mathematicos aetas ulla tulit , ac illa . Unus enim vero Galilaeus pro omnibus est , quem Orbis potius ornamentum quam unius Italiae dicere jure possis . Quin etiam Borrellus , Turriceila , Magalottus , Vivianus , compluresque alii , qui Galilaeum audierunt , ingentem sibi famam peperere . A qua etiam disciplina physicarum experientiarum authores Florentiae , Mediceis principibus mire adjuvantibus , exorti sunt , viri plane omnibus numeris absoluti : ita ut si eadem diutius in Italia consuetudo tenuisset , nescio an aliquid Gallis , Britannisque inquirendum in physicis atque inveniendum reliquum fuisset .

Gr. Si hunc Calopresium sinetis in provinciam ingredi suam , jam longum vale theatro tragoediaeq; dicamus oportet , ita nos per latos philosophiae campos spatari coget , nec sinet ad incoeptum sermonem revertere . Quare , Belvederi , quod nobis pollicitus es , exequere , meis mihi tragoediis relictis , qui eas eo ornatu quamprimum prodire satagam , ut eas

Tt

ne-

nemo, præter doctos & eruditos, easdem esse omnino cognoscant. *Bel.* De iis vero ideo mihi aliquid dicendum censui, quia inter optimas ejus generis esse reor, easque præterire, opus quippe doctissimi atque amicissimi hominis, piaculum duxi. Caeterum & complures tragoediae italico sermone a doctis sane viris conscriptae, atque ipsa adeo Trillini Sophonisba eodem ac tuae premuntur fato, nam theatrum ingredi vetantur, & lectioni doctorum solummodo virorum idoneae sunt, non aliud equidem ob vitium, quam quod sunt nimis Graecae, & Graeco non nostro theatro opportunae. Immo ipsius Sophoclis, atque Euripidis tragoediae, quas principem inter omnes obtinere locum docti indoctique fatentur, mire nunc frigerent, si quis eas nostro in theatro docere vellet: unde minor illorum imitatoribus pudor sit, si ut praeceptoribus eveniret suis, ita & ipsi a scena explodantur. *Calopr.* Linque igitur Graeciam, Belvederi, quandoquidem ea nihil ad nos; & ad scribendas nostro more tragoedias aliquid affer: ut si frater alias fortasse scribendas aggredietur (nam Pansutus ad meliora jam sponte sua accessit) ita novas tragoedias adornare possit, ut & populo placeant. *Grav.* Ne verere, frater, ne verere: nam me nunquam a proposito nec populus, nec cuiuspiam autoritas absterrebit. Aveo quidem nosse quae Belvederius noster his de rebus sentiat, mirifice enim suavitate ejus & acumine delector: caeterum mihi emensum jam est curriculum, neque hoc aetatis decet ad nova instituta quacumque de causa deflectere, mihi quae ipse adversari. At si lubet, Belvederi, jam ad ea, quae ex te audire cupimus, perge: nam Pansutum idem velle pro certo habeo. *Pans.* Rem, ut ajunt, acu tetigisti? *Bel.* Quid ego, quod vobis novum accidat, viri doctissimi, dicam? Sane vestrum uterque (nam Calopresius alio & fortasse ad majora vertit animum) quantum ceteros in hoc

rum ritu cantatur ; tanto insuper cythararum , lyrarum , tybiarum , tubarumque etiam aliquando strepitu ac sonore , ut verba exaudiri non possint , versusque ac poetae sensa omnino evanescant . At , si vobis ita videtur , de publico theatro , tragoediisque quae in eo canuntur sint dicta satis : ad domesticum transeamus .

Grav. Profecto verissime a te dictum censeo , nos publico theatro modo carere : nam de quo locutus es , ad exercitationes musicas pertinet , non ad tragoediae comoediaeque theatrum . Vix in privatorum aliquando domibus tragoedia vel comoedia prope ad veterem illum morem agitur , sine socco quidem & cothurno , ac histrionibus , mediocrique sane apparatu ; verum ut ibi agatur fabula , non cantetur : quod quum in theatro sit , mihi absurdum admodum videtur ; nihil enim tam vero ac genuino docendarum fabularum mori adversatur , quam cantilenae istae , quae nec exaudiri verba sinunt , & fatietate , ac perpetuis repetitionibus auditorem exanimant , non solum ut fabulae nexus ignotus usque sit spectatori ; sed ut prorsum sententiae , ipsaeque sermonis veneres , si quae sunt , suffocentur ac pereant . Unde magnum mihi operae precium facturus ille videatur , qui theatrum illud vetus modo apud nos excitaret , & per histriones , tragoedias ac comoedias doceret , ita tamen , ut nec tibia , nec lyra , nec aliud quid , quod ad musicen pertinet , in eo theatro ne pictum quidem conspiceretur : quod post Cornelium & Racinum magno plausu in Gallia fieri audio . Irent hoc pacto ad eunuchorum & cantricum illecebras hauriendas , quibus musica cordi sunt : prudentes autem viri ad theatrum accederent , ubi priscae sapientiae praecepta admirarentur , dignamque viro voluptatem haurirent a graphica morum imitatione , variaque hominum fortuna . *Cal.* Atque ego quidem , quid haec nostra praeclara scena caeterorum in animis pariat , adfirmare non

non ausim : de me autem sincere fateor , nunquam hęc me theatrum ingressum esse ; quin mollior inde atque infractionior exierim . Hoc fortasse mihi propter senectutem accidit , rei que insolentiam : verum nequeo satis in animum inducere , levius inde affici cincinnatos istos nostros adolescentes , matronasque , amores , & voluptatem vultu ipso spirantes : in quorum imis , ut ita dicam , visceribus theatra illa pila , & vnenata jacula penitus haerere admodum est verisimile .

Pans. Porro hæc , quæ Italiam invasit , theatri corruptela aud ita multo post dimidiatum superius seculum a Parmensibus , Mantuanisque Regulis orta est , qui talium spectaculorum novitate ac dulcedine pellecti , ultra omnem modum voluptates ejus generis incredibili sumtu amplexati sunt : unde præcipue Mantuanorum Principum perniciem profluxisse historiae testantur . Ab his initiis Veneti ac Neapolitani theatri principia invenias : quod annis vix quinquaginta ita invaluit , ut neminem e patriciis beatisque istis invenias , qui aliud aliquando fuisset , aliudque & modo esse debere theatrum ne somnietur quidem . Eunuchi interea , pudendum genus hominum , ac mulierculæ , arcanorum scilicet musicorum callentes , maximis præmiis unde unde accitæ ad theatrum conspirandum accedunt , plebemque pariter ac patricios , matronasque præsertim vocum illecebris oblectant , nulla poetæ & poeseos cura , quæ musicis ubique loco cessit : & quæ olim musices domina fuerat & regina , nunc ancillæ ipsamet subservit suæ , plurisque aut minoris aestimatur , quantum ad musicen modosque videtur aptior . Quod magnis viris scribendæ ad veterem normam tragoediæ curam omnem ademisse mihi videtur : quum vix intra domesticos parietes viderent aliquem tragoediæ locum esse , nec unquam in publicum prodire posse . *Col.* Non equidem temere Pla-

Plato & veteres sapientes, musica re rempublicam contineri arbitrati sunt, & si quid in illam novi irreperet, mores inde hominum necessario affici atque converti. Hinc profecto fateamur necesse est, nostrorum morum corruptionem a praeclara ista musica, quae modo, nostrorum praecipue hominum labore & ingenio, suas omnes vires exeruit, atque a musico isto theatro progeneratam esse. Nam venenatae musices illecebrae incidunt nervos virilis animi, praesertim in tam molli spectaculorum genere, quibus jam nil nisi meri amores exhibentur. Unde mirari licet, eos, penes quos earum rerum potestas est, id minime adhuc animadvertisse, frangiq; permisisse martios Italorum animos, quos ad majorum suorum imitationem per gravia & merè militaria spectacula excitare debuissent. *Grav.* Sapienter & vere id a te dictum, frater. Nam non omnia spectaculorum genera omnibus aequè civitatibus conveniunt. Persis, aliisque ad omnem servitutem dejectis per Asiam Africamque populis libenter dederim, ut mollibus atque effeminatis spectaculis acre servitium ac turpe otium oblectent. Europae vero populos ad gloriam natos ad ea adhortarer spectacula, quibus Romani praecipue usi sunt, quibusque maxime hominum animi firmanantur. Spectacula etenim, quae magnorum fortiumque factorum speciem praebent, paullatim in spectatorum animis robur quoddam, ac celsitudinem excitant, vitaeque contemptum prae laudis cupidine pariunt: unde scenicorum heroum aemulatione spectatores gloriae studio incenduntur, atque ad patriae regisque amorem excitantur. *Bel.* Id Romani vel per gladiatorum lanienas consequi aggressi sunt, Hispanique deinde per taurorum pugnas: quae omnia Dei O. M. ope ab universa jam Europa expulsa humanitas: fortesque viros eadem docuit, ratione fieri, non cruentis atque inhumanis hisce spectaculis. Ideo ad tragediam satis est si convertan-

tur

tur homines ; unde & animi magnitudinis , & cujuscunque virtutis semina hauriuntur . Versent modo diurna nocturnaque manu , ut Horatius ait , optimarum tragoediarum exemplaria homines , & ad fortium facinorum imitationem eos ferri videbimus . Nec vero muscen ; quoad ipsos mores attinet , repudiandam omnino censeo : sed ea esset adhibenda , qua Græci usi sunt , virili illa quidem & gravi , quae homines erigeret atque excitaret , non molliret atque deiceret . Haec vero extra nostram aream sunt : videant quibus ea curatio est .

Cal. Ejus igitur generis theatrum musicis exercitationibus potius quam tragœdiis docendis dicatum merito dicere possumus . Ideo hujusmodi seculo concedamus , nosq; eò referamus , ubi utilis simul & jucunda tragici poëtae opéra esse possit : quod a Belvederio nostro expectamus . *Bel.* Id porro illud theatrum consequetur , quod e veteri tragoedia ingentium vitiatorum ac virtutum exempla retinebit : casusque graves & repentinos , regiaeque fortunae mala , rerumque magnas conversiones in scenam inducet : ita tamen scenas actusque temperet , ut usui prorsus conveniant ; vitamque moresque eo artificio moderetur , ut & personis congruant , & communi hominum sensui non adversentur . *Grav.* Communis vero sensus omnium temporum est ac nationum , ut eadem apud Græcos olim & Romanos rationi consentanea visa sint , quam Gallis modo Italicque esse videantur . *Bel.* Et verum isthuc est , & magno nihilominus indiget temperamento , Gravina : nec enim quae magno plausu Græcum theatrum exceperat , ferret modo nostrum , quando mores nedum populorum , sed et regum ipsorum immutati , ac sane inversi sunt . Nam quis Peleum nunc ferret , sceptro caput Menelai Regis se percussurum minitantem in scenam induci ; vel Andromachen Hectoris uxorem vinculis in ipsa scena a Menelai satellitibus ita constringi ac trahi , ut
vix

vix modo cum sicariis & latronibus agi mos sit? Quæ Euripides, atque alia his similia induxit, quoniam Trojanorum temporum mores referebat; quia nostris longe lateque dissentiunt. Quæ ab ipso poetarum parente Homero defluxisse patet; apud quem, ne ad alia divertam, isthaec ipsa Andromache, Hectoris viri sui necem flens, inter alia ad Astianactem puerum conversa ait, nunquam posthac, o fili, super Hectoris patris genua sedens, medullas ac adipem arietum comedes. Quæ maxime decorum lædunt, & ridenda prorsus nostris temporibus. *Panf.* Quid? modo plausum iri ipsi Virgilio censes, si aliqua Regina in similem ac Dido casum adducta, ea querelis admisceret, quæ satis indecore Phoenissam illam dixisse Maro fingit?

Si quis mihi parvulus aula

Luderet. Aeneas.

Temporum hæc sunt, nec imitanda. Sane pro certo habeo; aliter nunc locuturos fuisse Euripidem, Homerum, Virgilium, ac tunc locuti sunt; ut iis optime quadrare censeam quod de Lucilio dixit Horatius.

Sed ille,

*Si foret hoc nostrum fato dilatus in ævum,
Detereret sibi multa, recideret omne quod ultra
Perfectum haberetur*

Belv. Praeterea cui credis spectatori apud nos probatum iri, si ab uno eodemque actore integrum pene actum, quod factitatum in veterum tragoediis, absumi videat? Immo serio poetas nostros cavere moneo, ne quem actorem, qui solus scenam teneat, diu solum loquentem inducant, sed admodum breviter, ne contra verisimile peccent, fastidiumque pariant spectatoribus. *Panf.* Apud Gallos vero poetas alia consuetudo invaluit, ut quum duo pluresque personæ in scena sint, altera viginti vel triginta versas proloquatur, altera dein prope totidem, sensa sensibus op-

po-

ponendo, reponat, atque ita; ut adversi oratores olim solebant, quasi ad clepsydram alternis dicant, quod declamatorium, ac nimis meditatum videtur. Quid in Rodoguna, quæ inter optimas Cornelii tragœdias? Nonne Cleopatra diutissime sola pluries declamat: & tam multa insuper loquitur, ut plus quingentos versus in ea tragœdia una pronunciet? *Bel.* Id scilicet communis sensus in Gallia fert, apud nos autem respuit. Sed ut ad Graecos redeam, quis libenter modo videat, chorum vel mulierum, vel senum, vel nautarum, inter reges principesque viros in scena versari, deque omnibus, quae eveniunt aut eventura sunt, modo inter se, modo cum actoribus ipsis loquentem? *Grav.* Sublato autem choro truncatur nobilissima atque utilissima tragœdiae pars, nempe, qui sententiis densus esse debeat, & sapientum iudicium de his quae eveniunt continere; qui si abest, muta quaedam & manca res erit tragœdia, in qua nec poetae loqui datur, ut in epico poemate, nec actores philosophari par est, satis in agendo occupatos, & a philosophorum studiis plerumque alienos. *Belv.* Parce admodum sententiis uti debere tragœdiam reor, ne ideo chorum desideres, quod unum fortasse Sophoclem Euripidi praetulit; nam res ipsa docere nos debet & eventus, non conquisita verba, & flosculi, ut ita dicam, orationis: iudiciumque de his quae evenerunt longe satius est a spectatoribus ferri, quam a poeta aut choro, ne auditorum ingenio diffidere videare, aut declamatorium quid in scenam inducere, ubi actio ipsa regnare debet, eademque docere. Nam, ut aliquo e notioribus tragœdiis sumto exemplo utar, quid in regnandi libidinem aptius quibuscumque verbis dixerit Philosophus, quam quum Agamemnonem in scenam Euripides inducit, propter imperandi Graecis nimiam cupiditatem, filiam mactantem? Aut quum Cornelius in Rodoguna Cleopatram proponit;

quæ alterum ex filiis primùm ferro fustulit , deinde , quod alterum necare nequiverit , semetipsam hausto veneno interfecit ? Num quidquam hoc factò dici efficacius aut excogitari potest ? Chorum vero , ut eo redeat unde digressa est oratio , si quis retinere velit , per me sane licet , dummodo à spectatorum oculis auribusque illum subducatur , & in extremam actuum partem , veluti quid à dramate divisum , conjiciat , legendum quidem , utique non conspiciendum aut audiendum .

Illud vero in tragoedia quammaxime retinendum est , quo ipsa nimirum constituitur , ut bellorum calamitates , aularum perfidiam , discordiæ , pestes , ingentiumque irarum aestus , atque libidinum , odiorumque perversitatem spectanda proponat poeta , regnandique detestetur injustam atque infinitam cupiditatem , idque horrendis exemplis sanciat . Deterrendi quin etiam sunt in tragoedia ab insanis amoribus homines , quum nulla ex omnibus perturbationibus vehementior sit , quam amoris furor , idque magnis cladibus doceri , atque inculcari debet . Atque huc veteres in Medaea praecipue respexere , cujus amor ad foedam demum perturbationem mentis delapsus , impudentiæ , flagitii , coedis furenti foeminae causam praebuit ; quae , accedente insuper ira , nullum denique exhorruit nephas . *Panf.* At prorsus diversa nostri modo theatri indoles est , quod nisi drama amorum oblectamentis infarcias , friget , & omnino repudiatur . Amores autem ad bonum morem plerumque desecuntur , ut saepius eos virtus , quam vitia comitentur , atque optima inde proveniant . *Bel.* Sane ita Gallorum praesertim theatrum fert , in quo dum veteres historiae referuntur , recentes tamen illorum populorum mores proponuntur spectandi . Nec negaverim cuncta in eo modeste , quod ad hoc attinet , ac pudice agi , ita ut delectationem amores habeant , impudentia atque obscœnitate carcant . Sed pravam disci-

pli-

plinam auditoribus proponere haud sapientis reor . Nam sese amoribus dedit sane homines , exemplis illis vehementer adacti ; virtutem vero ac moderationem minime servabunt , quae poeta in scena nullo negotio servat , atque exhibet ; at eadem in auditores minime transfundere poterit , qui transversim agentur quò humana eos natura , perturbationumque impetus impellit . Satiùs ergo fuerit , omnes amorum illecebras a tragoedia exulare , ne , dum ea mortalibus magnis exemplis utilis esse conatur , eadem subvertat , moresque corrumpat , quo quidem nihil absurdius excogitari potest . Quod ita accipi velim , ut Poeta , si quando ita res ferat , huius quidem perturbationis mala , insanorumque amorum incendia patefaciat , ut perterrefacti , ab iis quantum potest abstineant homines ; teneros autem affectus , amorumque dolosam dulcedinem omnino vitet , ne inducantur exemplis auditores , & parum in posterum praevidentes , in eum adducantur locum , ut omni consilio ac ratione destituantur . *Gr.* Vel inde tantùm , te Graecum theatrum admirari palam est : ab illo namq; amor prorsus exulat , nisi quatenus ad patefaciendum ejus furorem pertinet . *Panf.* Hoc ab omnibus Graecae tragoediae scriptoribus eorumque deinde imitatoribus sanctè servatum est , quod patet nedum ab Euripidis tragoediis , qui , quod nimis severus , mulierumque osor habitus est , minus ea in re auctoritatis habere videri posset , sed & Aeschyli , Sophoclisque itidem ; ut colligere inde possimus , illius theatri consuetudinem amores non pertulisse ; quum passim a recentioribus poetis , quos theatri corruptores appello , perperam sane in amoribus nodus ipse ac tragoediae nexus constituatur . *Bel.* Caeterum , ne rejeſtis amoribus humanitatem ipsam a theatro expulisse nos videamur , optime parentum in liberos amor , horum in illos pietas , fratrumque praeterea mutuus amor a tragoedia

probatur , amicorumque praecipue fides atque constantia ; quae , si a docto humanorumque affectuum peccato viro tra-
 dentur , sane magnos animorum motus progignent , nec fri-
 gida & stataria quaedam res erit tragoedia . Addat , si
 opus fuerit , poeta uxorum in viros , sponfarum in spon-
 sos amorem , sed parce ac prudenter , atque ita ut gra-
 ves casus sequantur ; ejusmodi enim affectus nec bonis
 moribus adversantur , & non leves inde turbae possunt ,
 animorumque commotiones , acerbique eventus provenire .
 Quod in Horatia videre est , quam sine lacrimis nemo le-
 gere , meo quidem judicio , potest , sine gemitu vero , ani-
 mi-que aegritudine in theatro spectare nec sapientibus licet .
 Vera loquor , huicque Civitati notissima .

Cal. Expulsis vero a tragoedia amoribus , quid prae-
 cipue in ea sequendum a poeta dicis , Belvederi ? Nam
 aliquid potissimum eâ comprehendi necessarium duco , ne
 vagetur , & quo consistat non habeat . *Bel.* Scopus hujus
 mihi poematis videtur Principum ac potentium virorum
 vita in conspicuo posita : unde in spectatorum animis ma-
 gnae fortunae exsecratio , terrorque ac miseratio a repentinis
 cladibus suboriatur : quod mihi aliis verbis dixisse Theo-
 phrastus videtur , quum tragoediam definivit heroicae for-
 tunae statum . Nam quum talium virorum , veluti in
 tabula , conspiciendam vitam proponit poeta , eam mi-
 seriarum , aerumnarumque ob aegritudinem , ambitionem ,
 avaritiam , crudelitatem , refertam ostendit , incertoque for-
 tunae aestu perpetuo jactari . Atque ita tamen tragoedia-
 rum scriptor hos aestus , immanesque ausus , ac saevas
 fortunae vices , malis regibus principibusque viris pro-
 prias , in scenam inducat , ut ostendat , & reipsa doceat ,
 quocumque in statu magna vitia a summo numine acer-
 rime vindicari , Praeterea non fortunam solum coe-
 cam , ut vulgo ferunt , esse ; sed magnis exem-
 plis

plis patefaciat , & ipsos plerumque coccos eam efficere quos nimio favore complexa est : unde illi magno fastidio & contumacia efferuntur , ceterosque homines contemnunt : porro ut nihil insipiente fortunato intolerabilius fieri possit. Atque hinc etiam videre est ; cur ii, qui commodis antea moribus esse videbantur , prosperis rebus , imperioque praesertim ac potestate immutentur ; unde, si quoad cetera inutilis tragoedia esset , vel uno hoc efficeretur utilissima, quod tales viros magnis malis , & calamitatibus plerumque affici docet . *Calopr.* Id quidem, Belvederi , in theatro fieri , quam in hominum vita conspiciamus ; quum malos scelestosque rerum potentes omnem pene vitae curriculum inoffensum feliciter emetiri saepiuscule videamus , atque e casibus istis tuis , repentinisq; cladibus feliciter evadere . *Bel.* At infelices non exitus vitae , sed vita ipsa efficit : ut satis sit ostendere , in angore ac molestia malos potentes viros vivere , & perpetuo gravissimarum sollicitudinum turbine agi, quod philosophi omnes docent ; ut eos non admirentur , nec beatos arbitrentur ii , quibus medicina tragici hisce spectaculis est paranda . Quis enim , ut a tetra hac perturbatione iterum exemplum capiam , ambitioni sanus inserviat , atque ambitiosos felices putet , quum non ab umbratili aliquo philosopho audiat , verum oculis ipse suis videat , spe sollicita , trepidoque usque metu , veluti magnis vorticibus illos jactari ? Aequae enim immodico & noxio affectu ob nimiam bonarum rerum expectationem mortalium torquentur animi , quum ad spem eriguntur : ac quum praesentium malorum , aut imminetium formidine ad desperationem dejiciuntur . Magnum igitur operae premium feret quisquis haec mortalibus , spectaculorum voluptate condita , patefaciet , quos inanes rerum species obcoecant ; illudque insuper eventibus ipsis eos doceat , nempe quod , ut nihil eo homine miseriori atque infelicius est , qui magnis saevisque istis affectibus servit , ita

ne-

nemo beator illo , qui sœvientem æque ac blandientem fortunam aspernatus , modicis contentus vivat , ac in quacunque vitæ conditione positus nihil plus nimio velit , atque omnibus humanis casibus paratus , cuncta sapienter moderetur. *Calopr.* Habemus jam quid præcipue in tragoedia sequamur , quod mihi mirifice arridet , nec jam Platonis sententiam magni facio , qui tragoediam , ne nimis hominum animos afficeret ac perturbaret , a sua republica eliminandam censuit . Sed cujus hominum generis , cujusque potissimum nationis facta , quoque demum modo in scenam produci satius sit , aveo scire . *Bel.* Principes summatelque viros tantummodo respicit tragoedia , quæ , sicuti comœdia privatorum hominum mores , ita illorum ipsa imitatur . Itaque ubi ejusmodi conditionis homines in scenam venient , tragoedia erit , ubi vero tenuiores , comœdia . Unde lepidissime Plautus in *Amphytrione* , quum Jovem , Mercurium , ipsumque *Amphitryonem Thebanorum imperatorem* in scenam induceret , atque una servos quoque mediocresque viros , postquam illam tragoediam a præstantiori parte appellasset , spectatorum deinde gratia novum vocabulum procudit ; ac jocosè , & vere Plautine tragicocomœdiam eam dixit , addita ut meministis , ratione , his si recte memini , versibus :

*Nam me perpetuo facere ut sit Comœdia ,
Reges quo veniant , & Di non par arbitror :
Quid igitur ? Quando hîc servus quoque partes habet ,
Faciam hanc perinde , ut dixi , Tragicocomœdiam .*

Unde aperte docemur , personas tantummodo quæ tragœdia , quæ comœdia sit definire . Mirum autem est , quam late erraverint quidam ob festivum hoc tragicocomœdiæ vocabulum , præsertim quum ita eas omnes tragœdias vocitarint , quæ lætum exitum haberent . Dummodo itaque Reges principesque viros in scaenam producat , tragœdiam

diam conficiet poeta , cui ceterum ad scribendum patent & tempora & nationes omnes ; eaque ipsa ita immiscere ac invertere potest , ut nulla historicae veritatis ratione habita , gesta uti libet , utque magis dramati congruant referre valeat : nec enim ad historiam discendam in theatrum conveniunt homines , sed ad actionem spectandam . Ita Graeci poetae factitarunt , atque ita & nos agere aequum est . Raro enim in historia inveniet poeta quod per omnia sequi possit , ut immutare , addere , & demere de notissimis quoque factis plerumque debeat , siquidem cupit suis partibus drama constare , affectibusque ac eventibus spectatores afficere . *Grav.* Passim hoc apud Graecos tragicos invenias . Aeschylus enim , secus ac in recepta fabula est , Prometheus ad tartara fingit a Jove adactum ; Sophocles Aemonem atque Antigonem fato fungi jubet : Euripides vero vitam iis reddit , & matrimonio insuper jungit ; in quo , quod ad imitationem animadvertendum cenſeo , sibi ipsi adversatur , quum aliter finxisset in Phoenissis . Apud Sophoclem in Aedipo tyranno Jocasta vitam laqueo finit , apud Euripidem usque ad praelium gnatorum Etheoclis , & Polinici vitam producit , ac tunc demum super filiorum corpora pugione se interficit . Inter Aeschylum , Euripidem , & Sophoclem de Electra ingens est discrepantia : de Oreste itidem , de Agamemnone , de Clytemnestra mira inter eosdem poetas varietas occurrit : quod sane nemo iis vitio vertit : immo & Seneca eos secutus est , quum in Oedipo Jocastam manus in se ipsam inferre fingit dum Oedipus excoecatur ; at eandem postmodum reviviscere idem jubet in Thebaide ad filiorum certamina . *Panf.* At Graeci argumenti , illorumque praefertim temporum fabulam nemo modo aggredi , me quidem authore , volet : nec enim satis belle mores illi in scenam inducentur , & ab illis moribus omnino discrepare ,
ut

ut in historia , nescio an poetæ liceat . Nobis vero , apud quos historia certis consignata est monumentis , atque omnibus nota est , negatum utique reor , facta contra receptam contestatamque veritatem proferre : namque id & verisimile tolleretur , cui nullus , cognita veritate , locus ; & a spectatoribus respueretur , qui pro certo habent aliter evenisse rem ac fert poeta . Quod Jano Vincentio nostro in Claudio ac Papiniano apprime servatum est , immo & in ipso Palamede , graeci argumenti Iliacorumque temporum tragoedia : & mihi praecipue , argumenta tragoediarum e Romanis historiis sument , advertendum fuit , ne dum Graecorum licentiam , quibus obscura fabulisque referta historia erat , imitor , doctorum indoctorumque censuram merito subirem . Quicquid ego igitur ex ipsa historia sumsi , sincere retuli , reliqua ita finxi ut veritati congruerent , eique , moribusque Romanis ne minimum quidem adversarentur . *Bel.* Optime id ab utroque factum , ut & a Tristino : nec enim ferendus esset qui Romam a Carthagenensibus captam , Scipionem in Africa ab Annibale fusum fugatumque , Sophonisbam volentibus Romanis Masinissae nuptam , & huiusmodi contra receptam veritatem fingeret , ut inde atrocem aliquem casum tragicumque affectum eliceret .

Cal. Satiùs ergo fuerit , ut tragicus poeta totam ipse fabulam cudat ; nominaq; & tempora ad lubitum fingat , ut nec in historiam peccet , nec quaedam necessario sequatur , quae in notae fabulae structura deberet . *Bel.* At ea fabula pene nihil auditores afficeret , qui totam rem prorsus ignorant , nec personarum indolem , mores , facta , immo nec nomen noscunt . Quod minus plane offenderet si heros ipse tragoediae saltem notus esset , reliquarum partium personae ignorarentur , quarum casus & calamitates parum auditores afficerent , ad herois casum atque catastrophem unice respicientes . *Cal.* Quod sane secutus videtur clarissimus poeta Maffei

in

in sua Merope, cujus vix nomen in veterē historia extat, caetera ipse opportune finxit, atque ita adornavit, ut obscuram & ignotam historiam amplecteremur quasi notissimam; affectus praeterea ad contemnendos elicit; etli omniū pene personarum notitia cāremus. *Gr.* Non ignotum quidem tragœdiae argumentum Maffejus tractavit, immo ab ipsa antiquitate notissimum. Meropen namque ab Euripide primū graeco theatro exhibitam aetas abstulit. Eandem vero tragœdiam ab aliis postremorum temporum poetis instauratam nemo plausu prosecutus est. Exortus tandem est Maffejus, qui illam in Italicum theatrum adduxit mire exornatam, atque ab omnibus summis laudibus exceptam. *Bel.* Nam eo pacto scenam moderatus est Maffejus, ut & parum a Graecorum consuetudine discesserit, & illam prudenter ad populares receptosque apud nos mores accommodaverit. Idēo in privatis Cisalpinæ Galliae theatris saepe illam instauratam audivimus, plaudentibus omnibus. *Grav.* Amicissimi viri meritas laudes audio libens, quibus & me vehementer fateor assentiri. Sed nec Romae, neque hic Neapoli eundem tragœdiam illam plausum consecutam esse miratus sum, quum a nonnullis in scenam prolata fuerit.

Belved. Quid ego de ea tragœdia sentiam peculiari libello consignavi, quem vobis legendum dabo, ne modo ea res diutius nos moretur. Stylus profecto Maffei; ut id modo obiter dicam, humilior est tragica magnitudine, ut saepe eum comico ore loqui videas, raroque admodum paulisper assurgere; Quod & plerisque nostris poetis, qui tragœdias scripserunt, ipsique adeo Tridino, tragœdiae, Epicūque pariter poematis post Graecos Romanosque sine dubio parenti, obijci jure potest. *Grav.* An tumidos esse, & meras ampullas ac verba sesquipedalia loqui jubes poetas, Belvederi, qui ter-

sum, politumque, & maxime naturae consentaneum scribendi genus damnas? *Belv.* An in me censes dictum, *Dum vitant stulti vitia, in contraria currunt?* A focco ego plurimum distare cothurnum debere cenfeo; sed non fanaticos esse tragicos debere poetas, tumidosque dico, ut me male infimulas, Gravina. Tu verò causam tuam agis, ideoque excandescis, nam de te ipso profecto narrabatur fabula, quum de Massæi cæterorumque stylo est facta mentio. Nam tu, qui longo intervallo omnes æquales tuos latina eloquentia ac puritate vincis, idem Hetruscae linguae veneres, atque ornamenta contemnis, nescio an recte. Quod si Sophocles, atque Euripides, immo si ipse Plato aut Aristoteles alique primarum gentium Graeci scriptores in sua lingua fecissent, Aegyptiorum aut Phoenicum linguam tantummodo admirantes, numquam porro tam eos Graecia suspexisset, atque ut optimos suae linguae auctores commendasset. Nec in Sophocle, & Euripide (nam Aeschylus utroque grandior est) quidquam praefractum aut tumidum, & cothurni majestate indignum offendas, sed electo semper, gravique ac sublimi dicendi genere magnos illos affectus, horrendosque casus ab illis depictos videas. A quorum norma si qui deerrant, comoediam illos potius a tragoediae personis agi ac doceri velle contendam, quam vere, omnibusque numeris absolutam tragoediam scribere. An, amabo, aliud esse censes, pulchre ac poetice tragoediam scribere, quam optimis sententiis, verbisque leuissimis minimeque vulgaribus scribere? Horatiusque ipse, quem tu tanti merito facis, omnis fuci in scribendo inimicissimus, poetam ab eo, qui versus tantummodo facit, sedulo segregat, atque illi tribuit os magna locuturum, prae hujus ore, qui sermoni propiora fundit: nec minus diserte quid in hoc tragoedia a comoedia differat in Arte docet, atque ipse quid

una-

unaquaeque res requirat abunde ostendit, quum Odas longe aliter scripsit quam Sermones & Epistolas. *Grav.* Naturam ego cumprimis, immo unice sequendam reor, quae certe uno eodemque prope sermone Reges, ducesque uti docet, ac reliquos cultioris ingenii viros: nec ulla in gente principum virorum peculiaris lingua exstitit a caeterorum lingua diversa. Pure, & emendate loqui sat est, planeque, ut intelligat lector aut auditor, caetera pueris & rhetoribus relinquenda. *Bel.* Si isthaec de latina lingua diceret te coram quispiam, sane serio excandesceres, & scutica horribilique etiam flagello insectandum arbitrareis; ac purum tantum sermonem, & perspicuum in tenui humilique scribendi genere sequendum merito diceres; eundem verò sine diligenti verborum & schematum electione, ambituque, verborumque sublimium circuitu, caeterisque ornamentis; quibus tu egregiequidquid latine scribis exornas, vel in oratione scribenda, vel in majori quacunque re exornanda prorsus non sufficere. Nunc, quia Etruscam linguam infra studiorum tuorum gravitatem usque a prima aetate ratus es, omnia in ea velles negligenter nullaue adhibita cura agi: quum contra, te dignum ac studiis tuis esset, quod tot jam magni viri effecerunt, satagere, tantundem elegantiae & splendoris nostrae linguae accedere a latinae maiestate, quantam a graeca Latini ipsi consecuti sunt. Et, ut pressius rem agam, Bucolica porro ac Georgica longe aliter Maro est executus, ac Aeneida, qua nihil majus ac sublimius ulla umquam natio vidit, quamvis extrema poemati acutissimi auctoris lima defuerit. Atque apud nos Dantes Aligherius facem praetulit primus, quo pacto magna graviter ac sublimiter scribi deberent: quem postmodum Jo. Casa in leviori argumento (liceat id mihi te coram, Gregori, dicere, qui Casam post

Quatuor manum tuum tantopere exornasti) & Galeacius Tarsia : ac Tassus postremo, horrore illo antiquitatis prudenter mollito, in magnis sane rebus secutus est : cujus poemate nihil rotundius, gravius, atque elegantius Etrusca lingua habet . *Gr.* Vulgi nobis *Calopr.* Tacetis , Jane frater , precor , nec tu his de rebus in Belvederium nostrum dicam scribas : nam bene memini quoties contentionis aestu abreptus , Virgilium optime poeti litterisque consuluisset dixeris , quod testamento cremandam Aeneida iussit ; ne scilicet inde ad Tassi poema ad illius imitationem , quantum quidem in Christiano poemate fieri potuit , efformatum , sustinendum , ac laudandum autoritas accederet : te unice Homerum admirante , atque Areostum , quem alterum Homerum appellare soles . Audiamus modo Belvederium , quod tu maxime cupere visus es . *Gr.* Uti rogas , frater . Caeterum in ea me sententia manere confirmo , quam voce ac scripto pluries dixi : nec enim calore quodam , ut quasi me excusares modo inuisti , ita aliquando sentire soleo , sed magnis pluribusque adductus rationibus . Modo vero , ut tibi obsequar , juri meo cedam ac silens , lubensque Belvederium audiam . *Bel.* Gratias tibi maximas habeo , Gregori , quod me a tam acri & pugnaci adversario liberaris , praecipue ne & ad Pansutum nostrum ea demum progredieretur contentio , quem ego , quum luculentissimis atque ornatissimis versibus Horatiam suam scripserit , ad sublimitatem vere tragicam pervenisse reor , tum graecorum & latinorum omnis generis authorum imitatione , tum Etruscae linguae elegantissimis ac munditiis mira diligentia conquirendis . A qua laude cur Italos abstrahere Gravina noster , alique complures docti viri tantopere fatagant , plane nescio : nisi cum Graecos in caeteris tantum imitandos nobis proponat , in cothurno verò , ac sublimi dicen-

di

di genere, in quo tantum illi excelluerunt, omnino censeant deferendos. *Panf.* Ne me innoxium, quaeso, Belvederi, Gravinæ nostri stomacho objicias, quem ego adeo impense veneror & suspicio, ut errore potius ductum me, quam ratione videar ad stylum, quem tu dilaudas, sequendum, quandoquidem tanto viro aliter videtur. Cæterum suum unicuique ingenium stylum efficit: & per omnes cultiorum temporum ætates, diffidentes inter se oratores ac poetas invenire est de optimo scribendi genere: ut sibi suoque ingenio quemque relinqui optimum sit. *Calopr.* Compendii ergo faciamus quicquid ea de re dici in utramque partem possit, & ad reliqua progrediamur. Dic age, Belvederi, aliquid de instruenda ipsa tragoedia, certoque gyro concludenda, quod auditoribus, ut nunc sunt mores, maxime probatum iri censes, ita tamen ut ab artis præceptis non abscedatur. *Bel.* Quod unus interrogas, agnosco ingenii tui indolem, qui ab omnibus doceri te, etiam ignarissimis, non aspernaris. Verum, quod me, ut de tragoedia apud hos viros diutius loquar, incitas, id enimvero non pro amicitia nostra a te fieri arbitror: Quid enim? Doctos cumprimis vis doceam ipse quammaxime præceptoris indigens. *Grav.* Nobis immo gratissimum accidet, Belvederi, nam pro Pansuto audacter idem affirmo, si quæ te, theatri omnium consensu apud nos restitutorem, vel lectio, vel observatio, vel experientia docuit, ea nobis sane volentibus tuo more libere expendas; nec enim me acti sermonis poenitet, quamquam fuerit inter nos ad levibus de rebus sæpe dissensio. Perge igitur; vere genialem mihi ac felicem hunc diem effice. *Bel.* Breviter, quando jubes, nulloque servato ordine, si quæ mihi suppetent, dicam: sed rem ita aestimetis rogo, viri doctissimi, me potius, quod more receptum est, & cum plausu excipi ab auditoribus expecten-

scientia docuit, referre, quam quid ego, hisce de rebus sentiam, quasi Rhetor quidam aut Grammaticus, pronunciare.

Eligendam ante omnia historiam dico, quae theatro conveniat, quaeque commode agi & per scenas explicari possit. Nam quae spectatorum oculos subire, & ordine quodam per verisimilia temporum spatia explicari nequeunt, ea in theatrum numquam admittenda censeo. Unde ea argumenta prorsus proscribi debent, quae male produci ac ostendi in scena possunt; quantumvis enim tragica sit actio, tragicusque exitus, nisi quae sunt per scenas & intervalla partiri, ac spectatoribus patefacere valeamus, nequaquam ea ad argumentum tragoediae seligemus. *Gr.* Quid igitur de Pompejo Petri Cornelii dicemus? In ea namque tragoedia nedum in scena historia non explicatur, sed prorsus omnia, quae ad heroem pertinent, extra scenam geruntur: ipsoque Pompejo, qui numquam a spectatoribus conspicitur, in ipso tragoediae initio in navicula interempto (ut nunciatur) caetera mire fingere videntur, atque ad alios omnes potius spectare, quam ad Pompejum. *Parf.* Nescio quid de ea tragoedia dicam, Gravinna: quae tamen, si isthoc & alio quopiam non levi vitio maxime laborat, gravissima tamen inter Cornelianas habenda est, quod vel prima scena abunde probaverit. *Bel.* Longioris otii esset & hanc, & alias Petri Cornelii tragoedias in trutina modo ponere, quod mihi non tribuo: vos hoc praeter omnes optime praestare, quum lubet, poteritis: Ego interea meum pensum exequar.

Electo argumento, electoque aliquo summæ dignationis viro, foeminave, quò cuncta in tragoedia referantur, illud ab historia sumemus, quod illi congruat, caetera ita fingemus, ut acta omnia quae personis affingimus, ab eorum recepta fama atque opinione non discre-

crepent . Quis enim ferret Achillem , qui formidinis expers perhibetur fuisse , formidolosum aliquando in scenam induci , aut Messalinam pudicam , caeteraque huius generis ? At si minus nota erit , aut prorsus nova inducetur persona , qualem eam principio esse finximus ; talem ad imum usque servabimus . *Grav.* Aud laudandis itaque Euripides in Helena : quod eam inducit pudicam , & ob amorem conjugis Menelai , quem per summum notissimumque flagitium , hospitem secutura , deseruerat , Theoclymeni amorem aspernantem . *Pans.* At ibi poeta , ut meministi , Gravina , pro more a recepta historia recedit , fingitque , Helenam a Menelao non sua sponte , sed Junonis dolo abstractam fuisse , ut ita ibi Tyndaridis pudicitia , & conjugalis amor constare videatur . *Bel.* Id vero possimum in Graecis tragoediis occurrit , quod Deos humanorum scelerum saepe ac flagitiorum auctores inducunt , utque heroas suos excusent , impie Deorum numine abutuntur . Veluti apud eundem Euripidem , quum Pallas Minerva ad Rhesi necem impellit Diomedem , & Ulysses , atque interim , se Venerem esse simulans , Paridem decipit , ne illos a caede patranda , excitato ad arma exercitu , prohibeat . Nec absimile facinus eadem Pallas apud Sophoclem admittit in Ajace flagellifero . Et Juno ipsa alibi aud leviter peccat , quum tetrum & lamentabilem illum furorem ultro in Herculem ob vetus odium impingit . Verum aliquid simile in nostro theatro moliri profecto nefas esset , idque quam longissime a nostra debet abesse consuetudine , atque in omnibus sive tragoediis , sive comediis a poetis repudiandum .

Grav. Quod praecipue servandum in iis dramatibus reor , quae sacra apud nos vocantur ; ob summam enim supremi Numinis reverentiam , nemini huiusmodi sacrilega licentia danda est . Et , quando huc deflexit oratio , libe-

be-

bere inter nos dicam, numquam aequo me vidisse animo
 Christianos heroes in qualicumque scena traduci: & porro
 plura quam opus esset huiusmodi argumenti dramata circum-
 feruntur, non a doctis omnia viris conscripta. Mihi enim
 videtur, Christianam sanctitatem scenam non ferre, ma-
 ximeque tantam virtutem abhorrere a levissima histrionum
 arte. *Panf.* Ad pietatem scilicet mortalium erga Deum
 excitandam accommodata talia drammata sunt. *Grav.* Sed
 infelici plerumque conatu ejus generis tragoedias (nam
 comoediam Christianam prorsus respuo) maximis etiam
 ingeniis viri, nedum poetarum vulgus, sunt aggressi.
 Una pro omnibus Theodora nobis Cornelii satis sit: quae,
 quod ad ipsam Theodoram pertinet, nive ipsa & glacie
 frigidior est, nec virtutem eam praefert atque constan-
 tiam, quam sane admiremur; neque innocentis virginis
 fatum, ab inimicissima & furente muliere properatum,
 miserationis satis ac terroris parit. Quin etiam, ut Gal-
 licis moribus nimis importune subserviret Cornelius, Chri-
 stiani argumenti tragoediam amoribus (quibus profecto
 non erat illic locus) undique implicavit, ut vix Chri-
 stianam eam esse una alterave scenâ agnoscat. *Panf.* At-
 que illud in hac eadem tragoedia maxime offendit, quod
 ibi Marcella Proconsulis uxor inducitur, quae Theodo-
 ram, Dydimumque sua manu dicto citius singulis ictibus,
 quod vix validissimo Centurioni attribui potuisset, in-
 terficiat: deindeque, aud paucis Placidum allocuta, in
 semetipsam ferrum convertit, seque occidit, quod nescio an
 verisimile omnibus videatur, adstante praesertim cum ar-
 matorum globo ipso Placido, Theodorae ultra quam dici
 possit, amante: quem subito obstupuisse atque obtorpuisse
 in ipso dilectissimae virginis discrimine admodum vide-
 tur incredibile. *Grav.* Et ne aliquid in hac tragoedia, quod
 improbari possit, omittamus, vehementer videtur impro-
 ban- :

bandam ; quod Placidum repente expergefactum, sanguine undantem ob lethale vulnus ſibi ipſi inſiſtum, ac tantum non animam efflantem in ſcenam invexerit Cornelius, patrique nonnulla acriter pluribus verbis exprobrantem. Quapropter jure merito peſſime ab auditoribus quum aſta fuit illa excepta eſt tragoedia. *Grav.* Quicquid autem ea de re ſit, ego hujusmodi ſacra dramata doceri niſi inter Sacerdotes, dicatasve Deo virgines neutiquam ſinerem, ſi aliqua ejus rei. poteſtate fungerer : nam cæteris, delectationem aut riſum in theatro captantibus, hujus generis dramata offerre, indecorum, & fortasſe non omnino a crimine alienum arbitrarer. At hæc iis quibus a D. O. M. ſacrorum cura demandata eſt, relinquamus. *Cal.* Addendum tamen huc cenſeo, quod maxime eſt conſentaneum, ne ſomniis, auguriis, aut portentis noſtras inſequemur tragoedias : quæ omnia veteri theatro conveniebant, a noſtro diſſentiunt, in quo ne minima quidem ſuſpicionis nota haerere debet, paſſim immitti a Deo ſomnia mortalibus, aliaque temere offerri, ut futura portendantur, præcipue in prophanis tragoediis, Regibusq; ac ducibus rem agentibus. *Panſ.* At ſi quæ tragoedia veterum temporum aſta referat, aud absurdum reor hujusmodi parce proferre, quæ illis temporibus & hominibus congruunt. *Belv.* Non vero a Deo immitti talia ac portendi (præfertim quum ſomnia ac prodigia eventus confirmat) ſingi poſſe videtur illis ipſis temporibus, ſine aliquo ſapientiſſimi numinis contemptu, qui nil temere agit, nullaq; de cauſa. Ideo prudenter a te illud parce eſt additum, *Panſute.* *Panſ.* Sed Deum ipſum O. M. ſomnia aliquando, futura vere præſagientia mortalibus immiſiſſe ſacrae literæ docent : unde non omnino ſomnia a tragoediis, aliisq; gravioribus poematis exulabunt. *Bel.* Acri ſane judicio iſta indigent, nec paſſim admittenda : nec quiſquam modo (ut quicquid

ad

ad divina pertinet hoc loco exauriamus.) in cuiuscumque temporis & argumenti fabula Deum aliquem de machina ferret, desperatis jam rebus omnia in vado sistentem, Jovemque, aut Apollinem in medium repente existere; qui nodum inextricabilem poetae, solveret. Omnes itaque nexuum solutiones poeta in ipsa actione collocet, non divinum numen accersat, ut veteres aliquando fecerunt. *Grav.* Quod & ego ad illud aequè pertinere arbitror, quum fabulae subversio, ita enim catastrophæ latine dici par est, in aliquo repentino casu ponitur, quem spectatores ne suspicari quidem possunt, quod sane Deos de machina alio pacto esset in theatrum inducere, & longe minus etiam ferendum. Hoc fortasse commisisse doctissimum Masseium alicui videri posset, quum, jam elata securi a Merope ut filium Aegyptum sibi ignotum interimeret, in ipsis interioribus regiarum aedium porticibus repente concubina nocte Polidorus a nemine expectatus supervenit, qui gnatum matri patefaciat, illumque subtrahat certae morti. *Bel.* Pluribus hoc ego etiam, quod innuis, *Gravina*, profecutus sum in eo libello, quem de Merope scripsi. Ideo, ut hunc vitet scopulum, futurorum eventuum semina dissimulanter serere scriptorem dramatis oportet, unde ea propignantur, quae extremam afferant conversionem. Hinc imperite a quibusdam poetis quispiam in postremo actu inducitur, vel epistola aut anulus repente producit, unde tricae omnes dissolvantur, & ad plaudite per ignotas nec praevisas vias perveniatur. Anulum primus in scenam ad egregie solvendum fabulae nexum intulit Plautus, sive potius Diphilus ille fuit, ut videre est in *Curelione*: quem deinde late imitati sunt boni, malique poetae, & Masseius ipse in Merope, de cuius praecipue anulo plura dici possent, si tempus modo suppeteret. Interno omnia filo regere ac intexere opus est,

est, ut quum ad finem spectat fabula, necessario, atque ex ipsis antea præparatis eventibus nodus solvatur. Præterea risu ac lætitia, nisi falsâ, carere debet tragoedia, sed omnia serio agenda, & ad luctum & moerorem trahenda, ita vero, ut vel post ingentem malorum formidinem dissipetur subito procella atque in tutum omnia redeant, vel, quod frequentius evenire velim ad scopum tragoediæ assequendum, omnia in fine prolabantur, ac veluti ruinâ quaedam consequatur: quæ eò gravius spectatorem percellent, si, in lætum eventum falso inclinantibus rebus, ex improvîso, sed ex præcedentibus causis, cuncta ruant, ac admirationem, lamentabilemque affectum progignant: ut lacrimans, animoque commotior spectator exurgat, domumque redeat. Nec probandi ii poetæ videntur, qui, patet, jam dramatis nexu, reque vel constituta, vel in præceptis deducta, aliis insuper scenis tragoediam onerant, quæ totiduum spectatoribus pariunt, nihil jam de ipso nexu sollicitis. Quod in Cornelii Pompejo, de quo paullo ante sermo est habitus, videre est.

Calopr. Ad catastrophem, ut græcum verbum latine usurpem, nam latinum vix habemus, nos jam deduxisti, Belyederi, quum de inchoanda tragoedia ne verbum quidem adhuc dixeris, unde te initium ducere par fuerat.

Belo. Nonne vides, verecundius me his de rebus loqui, quod adsunt viri in omni doctrinæ genere excellentes, & in theatri præcipue veteris cognitione vere summi? Verum quoniam sententiæ & opinionis meæ voluere & ipsi esse participes, loquar, ac vobis exponam quoad potero, quid hisce de rebus sentiam. Profecto si aliis coram sermo hic mihi incidisset, nonnulla sedulo, quæ artem respiciunt, dixissem, quæ modo ne excidant mire satago. Sed, ut tibi monenti obsequar, Gregori, ita tragoediam inchoandam censeo, ut instare actionis exitus videatur, utq; ita jam a principio vereantur auditores,

ne illud accadat , quod imminere jam , aut potius videant adesse . Scenas inde consequi rationi est consonum , quibus praeterita cuncta , quae ad rem faciunt , explicentur , ut ne tempus quidem labi spectatores sentiant , & interim omnia tacito lapsu , ac reipsa ad conversionem sive catastrophem , quando eo vocabulo nos uti potius quam latino Cakoprius author est , quæ meta est tragædiæ , præparantur . Maxima quidem ejus poetæ laus erit , qui a prima scena ad exitum , quamminimum temporis intervallum faciat , paucisque eventis rem concludat & finiat : quum interim per plurimas scenas (in quarum serie ac partitione præcipue ars elucet , maximumque est operæ pretium , ac longe a nostro , quod ad hoc attinet , Græcum theatrum superatur) de præteritis pariter ac de instantibus per idoneas personas ad spectatores sensim docendos , eorumque præparationem , quantum opus est , proloquatur . Quo fiet ut brevi & paucis res conficiatur , nec in extremo dramate properabunt frustra actores intempestive , atque agitabuntur , ut rem impeditam extricent atque expediant .

Calopr. At quum nonnulla ac fortasse majora in scena agi nequeant , quo pacto de iis docendos spectatores a poeta censes , ne quid ignorent , quod ad rei summam requiratur . *Belv.* Ea ipsi actores inter se dicent , prout res ipsa feret : & si quid ab eis ignorari debet , veluti si res sit referenda , quae extra Urbem , aut aedes ubi res agitur accidisse fingatur , tunc nuncios adhibere solet poeta , qui rem narrent . Sed , præterquamquod semper hoc frigide & sine affectu fit , aud minimum ea in re peccari sæpe comperi a poetis , qui nimis multa nunciis narranda committunt , quique prudentius , ut mea fert sententia , se se gerant , si per ipsorum actorum aliquem opportune rem patefaciant . Quod quidem prope necessarium

rium est in comoedia , in qua res privatae nuncium non admittunt , & omnia sunt ab actoribus exequenda . *Panf.* Nullum ego nuncium plura majorisque ponderis referre in alia tragoedia memini , quam refert Achoraeus in eodem Cornelii Pompeio : qui nec ipsi semper Cleopatrae refert , sed & ejus pedissequae aliquando , ut spectatorum gratia potius ea ultro illum referre , quam Reginae palam sit . *Grav.* Profecto necesse ipsa Gnei Magni tragoediae argumentum explere non poterat , nec in scena peragi : ideo omnia ibi per nuncios explicavit Cornelius .

Calopr. Verum si ita tragoediam scribere liceret , jam ipsa , Epos potius esset quam tragoedia , in qua vix pauca narrari , omnia autem agi oportet . Ideo , quando tot tantique ponderis obstant quominus optima tragoedia efformetur , longe minus operosum negotium comoediam exilimo quam tragoediam , in qua , ne tertio quoque verbo laboris periculum est , & tot praecepta tantaque cura sunt servanda . Nec ideo quod operae precium , tantis exantlatis laboribus , consequatur poeta satis perspicio : qui si horrore simul , ac miseratione , qui scopus tragoediae perhibetur , animos spectatorum perfuderit , omne punctum tulisse dicitur , quarum rerum nulla habet , ut mihi quidem videtur , utilitatem , sed nonnihil etiam animorum tranquillitati fortasse officit . Unde si tragicum theatrum utilitate , ut decet , metimur , nihil quidem eo magis noxium mortalibus esse reor , quod perturbationes excitet atque accendat , quas sedare , ac extinguere , si possibile fuerit , debet philosophus . *Panf.* Rursus ad Platonis sententiam relaberis , a qua merito discessisse videbare . Sed , pace tua dixerim , magnum operae pretium esse potest in excitandis interdum perturbationibus . An , quaeso , ut magni philosophi , non poetae alicujus , aut rethoris auctoritatem in medium adducam , an damnandus tua sententia tragicus ille

ille poeta, qui, ut Plutarchus refert, Alexandrum Phae-
reorum tyrannum tam vehementer ad misericordiam com-
movit, ut ille, qui tot innoxios cives crudelissime inter-
fecerat, lacrimans propere sese a theatro proripuerit, ne, si
diutius maneret, a saevitia credo descisceret? Nulla profecto
causa est, quamobrem cum Platone tuo tantopere exhor-
reas, Calopresi, si commoveri videas in theatro homines:
nam affectionibus, ac perturbationibus vita hominum contine-
tur, et si qui iis carere possunt, prorsus sunt ad societatem inu-
tiles. *Grav.* A legislatore enimvero, iisque qui reipublicae
praesunt, unaquaque in civitate ad bonum rectumque
ordinandum est theatrum, ne fuitiles noxiasque per-
turbationes pariat, sed tales, quibus civitas indiget,
unde mutus amor, majorque ac flagrantior erga pa-
triam Regemque, & demum inter omnes cives bonorum
ad malorum consensus progignatur. *Belv.* Ad solam uti-
litatem si omnia trahas, Gravina, jam frigeat oportet
theatrum, cujus prima, media, & extrema fortasse sola
delectatione constant: qua deficiente doceri renuunt homi-
nes, & incassum poeta Sophistas meros, ac Philosophos
in scenam inducet. Laboribus profecto scetet vita homi-
num fastidiisque, a quibus si nulla per iocos, iacundam-
que cessationem relaxatio datur, nimis acerba ac prope
intolerabilis erit vita: otii nam fructus, ait ille, non
contentio animi est, sed relaxatio. *Panf.* Sane temperan-
da res est, ut dulci utile admisceatur: delectatio namque
levis res est, si ab ea omnem utilitatem segreges, & uti-
litas sola contemnitur, ac praeterea populi captum exce-
dit. *Cal.* Et delectari ego nolim & doceri, ubi periculum
sit, longe plus detrimenti a vehementi commotione animi
subnasci, quam ea sint bona, quae tragicus poeta pollice-
tur. *Gr.* Hoc eo nimirum redit, frater, ut tragoediam
contemnas, quod consuevisti. Sed si ea vera sunt quae paulo

lo ante inter nos sunt pro veris habita, frustra a te contempta fuerit tragoedia, quae certe post Epicum poema primum locum in universa poesi obtinere nemo est qui inficietur.

Belv. Nec enim horrore tantum & admiratione utilitas tragoediae terminatur, ut Gregorius videtur suspicari; sed mirifice cum primis quoque valet ad erigendos ad maxima quaeque animos, hominesque quodammodo seipsis majores efficiendos. Quid? quod in tragoedia serio philosophari decet poetam, non ut tanquam praeceptor doceat, nimis enim doctam tragoediam populus non probat, sed ita ut ipsa quae eveniunt, quaeque e re ipsa dicuntur normam ac regulam vitae morumque praebeant. In conferendis autem sermonibus praeterea, qui sane vires ac robur sunt poetae, non affectiones solum tractantur, sed & omnium magnarum rerum semina Jaci possunt: ut non contemnendam inde domum suppellectilem spectator adducat. Quot, quaeso, ut quae in Graecorum tragoediis egregie dicta ad mores vitamque hominum regendam abunde suppetunt, omitam, quot, inquam, in Petri Cornelii tragoediis, gravissimi ac lectissimi poetae, civilis scientiae, qua ille vir maxime antecelluisse fertur, documenta ad usum colligere possunt ii, qui in aulis, Regumque consiliis versantur? Et si Panfutus noster Sejanum aliquando, ut diu jam meditatur, exequetur, nusquam aularum corruptelae ac mala, proposito Tiberianorum temporum exemplo, nitidius tamquam in speculo conspicientur. Nimius essem si quae in hoc poematis genere utilia occurrunt exequi vellem: illud tantummodo dicam, nec magnos viros, nec patriae amantes cives fieri, nec majorem aliam virtutem in gente ac populo aliquo aliunde aequae suboriri posse, ac a bonis tragoediis. E theatro enim sive boni sive mali mores facillime

lime in vulgus didantur . Et merito Ludovici magni clarissimi Gallorum Regis effatum a doctis viris laudatur , qui se multum Petro Cornelio debere palam aliquando professus est , quod is a jocularibus rebus ac a scurrilitate Mulierii , aud contemnendi comoediarum scriptoris , Gallos ad virtutem bellicam , ad gloriam , ad fidem erga regem , atque ad amorem patriae , propositis tragoediis , revocasset . *Cal.* Recte istud : sed idem Cornelius tragoediae severitatem nimis mollivit crebris amorum illecebris , eoq; praeterea scribendi genere usus est , ut tumidus ac declamator potius , quam castus & elegans poeta videatur . *Bel.* Jam minora haec , & modica : sed sua cuique nationi indoles est tum quoad linguam & poesim , tum quoad mores : ideo nec Italos de Gallicis poetis integrum iudicium ferre posse reor , nec Gallos , modo praefertim , de nostris poetis nisi male ac temere plerunque definire : quum post Menagii , Regnerii , aliorumque his similiam aevum , linguae nostrae indolem veneresque prorsus ignorent . Saa cuique placent ; & ut bellicae gloriae tanta usque contentio est inter omnes praerogativam cultiores gentes , ita & magna propter literarum nomen aemulatio inter easdem semper existet . Ego omnes Europae populos pari caritate complector , nec mihi Italus Gallo acceptior , aut Gallus Hispano aut Britanno , & Germano . Stet interea , ut ad nos Gallosque redeam , duarum cultissimarum nationum laus . *Panf.* Italis vero tribuere nemo dubitet , & scripsisse , & invenisse priores prope omnia quam Gallos : atque eloquentiae praefertim laude ante omnes Europae populos inclaruisse , ut & prope vagientes in cunis eloquentes eos esse vel ingratis dixerit ipse Budaeus in opere , quod de Assè , post Leonardum Portium tamen , conscripsit . *Bel.* Cui vero laudis praerogativa debeatur , aliarum gentium iudicium esto , & praeci-

cipue posteritatis . *Grav.* Britannos autem & cum Italis & cum Gallis multos jam per annos de poetica etiam laude bellum gerentes omittis Belvederi ; at vellem
Bel. Britannice nescio , Gravina , ideoque poetas illos ignore : docti sane & acuti illi quantumvis fuerint ; linguae profecto barbarae & inelegantis sonum nunquam effugient .
Grav. At tuae fuerit elegantiae & Britannorum linguam addiscere , ut jure merito de illorum poetis sententiam ferre posses . *Calopr.* At hoc , ut pro ambobus respondeam , prope infiniti laboris esset : nam si quomodo Britanni , ita pariter Suevi & Sarmatae , alique populi poemata pangerent , aut alia ejus generis conscriberent , ita Italos Gallosque necessarium esset , earum quoque nationum linguas ediscere , summa quidem temporis jactura sequeretur : & dum barbare loqui disceremus , scientiae nobis prope omnes essent , doctrinaeque deferendae . Si quid ergo hoc in genere post tot saecula aliae gentes proferent , fruantur quidem ipsae quae protulerunt , quum nobis satis abundeque sit , ea tantum ex iis noscere si quae ad Philosophiam ac res Mathematicas , aut Historiam pertinent , in humaniorem aliquam linguam versa , caetera popularibus suis libentissime relinquentes .
Panf. Valde tibi assentior , Gregori ; dum enim in brevi hoc vitae humanae curriculo tot jam rebus linguisque nobis operam dare necesse sit , quid amabo fuerit , si tam ingens praeterea ab externarum linguarum authoribus laboris incrementum accederet ? Graecos Latinosque , qui supersunt , scriptores evolvere vix valemus , ac trium linguarum auctores , quae a latina exortae , elegantiae nitorisque laudem meruere : ut aequo animo caeterarum gentium eloquentia ac poesi careamus . *Grav.* Quoad reliqua vobiscum sentio , quoad Britannos vero scio vos , qui vester in liberales artes amor est , de sententia decessuros , si
 Z z quae-

quaedam eorum poemata gustaretis . *Cal.* Adolescentibus, Jane , nostris ea curae erunt , nobis verò in hoc flexu aetatis non item . Sed jam nos idem , qui tragoediae amore incendit , Belvederius ad comoediam quoque ducat , ut exhilaretur tandem animus , tragicorum eventuum horrore satis perfusus . *Bel.* Ad delicias tuas nos vocas : & quasi de arcana quapiam re , me de comoedia differere jubes . Omnium manibus Hispanae, Gallicae, atque Italicae teruntur omnis generis comoediae , quotidieque non in Urbibus solum , sed & in oppidis ac pagis aguntur passim , ita ut de iis loqui sane intemperantis hominis sit , qui male otio ac loquendi facultate abutatur . *Grav.* Verum si optimae tragoediae laus (si cui tamen debetur) cui potissimum recentiorum tribuenda sit in incerto adhuc est , nescio an comoediae scriptorem post Graecos Latinosque unum praecipuum optimumque seligere possimus , quem sequi ac imitari poetas nostros velimus . Innumeris prope comoediis Italia scatet , ut earum numerus vere iniri nequeat , & quotidie eduntur novae a doctis passim atque indoctis authoribus , sed cui palmam deferamus non liquet . *Belv.* Nec operae pretium est hoc definire , nullius enim interest . Sed , si quod sentio , dicere audeo , haud dubitem affirmare , Gallos Mulierio suo palmam delaturos , Hispanos Vegae , Calderoni , aliisque suae comoediae scriptoribus , nos Cecchio aliisque nostris : nam nemo ita aliarum nationum ac linguarum acquiescit authoribus , ut suos longe non praeferat . Cujus judicii causa illa videtur esse , quod in sua comoedia unaquaeque natio se ipsam veluti pictam in tabula conspiciatur , in aliena non item : ideoque externas contemnit , quia (suorum scilicet morum gnara , alienos ignorat) parum eas Naturae retur ac veritati congruere . Historiam enim morum comoediam ego appellare soleo : atque inde factum ac fieri censeo , ut tot

comoediae conscriptae sint , totque novae in dies conscribantur ; nam ut late variae sunt , quae pravae quae rectae , hominum consuetudines , novique mores sensim quotidie in Civitates omnes irrepant , ita ingens inde ac nova usque poetis comoedias scribendi materies suboritur . Atque illa mihi comoedia optima est , quae mores hominum melius describit ac traducit , non enim aliò hoc poema spectat ; & si quod in vulgari vita ante omnium oculos agitur , graphice in scenam producat , prudentique nexu implicet , ac mediocribus affectibus condiat , elegantiaque sermonis exornet , nihil ultra habet quò progrediatur . *Pansf.* Sed hoc vix artificis opus est , nec si id tantum praestabit poeta , optimam illum comoediam scripisse dicam . Est porro aliqua comoediarum scribendarum ars , ut est sane in tragoedia . *Belv.* Quidni , obsecro ? Sed tenui filo res lepide ducta , & verisimili in omnibus servato , optima fiet Comoedia , in qua quidem omnes personas deceat quod agent . *Pansf.* In nimis pauca artem haud contemnendam coniecisti , Belvederi , quam fusius aliquanto explica nobis : nam dies theatro dicatus , non tragoediam tantum ornare , sed & comoediam debet . *Bel.* Ineptire me vos hodie coetis , quum quae omnes qui adestis plane calletis , dicere me unum imperatis , quasi solus sciam . Caeterum quamplura quae in conficienda tragoedia recepta sunt , eadem in conscribenda comoedia valent : unum enim idemque artificium est , & qui personarum & scopi (quae admodum diversa sunt) tragoediae ac comoediae memor erit , iisdem praeceptis ambas affabre conficiet . *Grav.* Jam rectam ingressus es viam , Belvederi : quare ne gravere , quaeso , desiderio nostro , ut oceperisti , usque velificari . *Bel.* Pudet sane me coram tantis viris notissimas res proloqui . Sed quo me vertam ? Obsequendum quidem est . Omnia quippe,

ut quae oceperam prosequar, in theatro ad sensus reducenda, quippe qui sunt optimi imperitorum magistri: nam cuiuscumque generis drama agendo docere debet, non philosophorum more, praecipiendo. Quinetiam omnia in theatro ad fabulam referri debent non ad spectatores; nam hi, quoad rem quae agitur, perinde ac si non adessent, habendi: ut in tabula pictor omnia ad argumentum quod exequi statuit refert, nihil sane ad spectatores, quamvis & in tabula, & in theatro omnia eorum causa fiant. Quod non dixissem nisi Plautus saepiuscule ab hac regula recessisset risus captandi gratia, & ab actione fabulae ad auditores sermonem convertisset: ut aud raro eadem persona modo uti Amphitruo, modo ut histrio loquatur, nunc Thebis sit, nunc Romae. Quem errorem nonnulli posterius imitati sunt, satis se tutos esse rati Romani Comici auctoritate. At ego quidem veteres comoediarum scriptores, nempe Aristophanem, qui porro sale nigro quidem, & acumine praecellit, immo Plautum & Terentium diurna ac nocturna manu versare jubeo illos qui ad hoc studium appulere animum: non quia solam veterum auctoritatem plurimi faciam, sed quod nemo quidem melius ac prudentius ea in re se gessit, ita ut illi mihi soli vere comoediam scripserint videantur.

Cal. Quandoquidem te, Belvederi, ita sentire video, libere ego quoque affirmare aulam, mihi etiam semper visum fuisse, nunquam in aliquo sequentium temporum Comico tantum leporis & elegantiae immo & veritatis fuisse, quantum in Plauto, atque Terentio. *Grav.* Graecorum ea laus est, cujus participes illi fuere, qui rudi Latio Graecas artes intulere: praecipueque laudandus Plautus, qui aerumnas inter & paupertatem suoque ingenio principem locum inter Comicos tenuit: quum Terentius summatum virorum amicitia subnixus, & politissimis eorundem ingeniiis

niis adjunctus, ocio sterneretur. *Est.* Valde a Danielis Hen-
 insii judicio dissentis, qui Horatii authoritati innixus len-
 ge Terentium Plauto anteponebat. *Grav.* Doctus ille vir,
 prout quisquam alius unquam, fuit, Belvederi; sed quum
 Terentius ederetur, rogatus ut aliquid ipse praefaretur,
 laudibus, accepta mercede, illum poetam cumulavit, ea-
 dem, & majora fortasse de Plauto dicturus, si ita res
 tulisset. Caeterum talia Plauto objicit, quae confutare
 cuicumque in promptu sit: aliquasque ejusdem sententias
 magno vix labore collectas protulit, quas ut frigidas tra-
 ducit: quum quamplurimas ipse modo memoriter proferre
 possem, quae nedum Comicum, sed quonvis Philoso-
 phum decerent, ita aptae & graves sunt. *Vellem*, do-
 ctum virum ab hac comparationis alea abstinuisse; quod
 quum fit, nunquam sine injuria fieri censeo, dum alterum
 in caelum ferre, alterum dejicere quasi est necesse. *Pans.*
 Temporum rationem hisce ego in poetis habendam reor:
 nam aliter Plauti aevo Romani, aliter Terentii agebant:
 atque ideo acceptior tum ille suis civibus erat, praecipue quod
 quaedam de vetere ac media comoedia retinebat, quae li-
 bertatem, qua tum Populus Romanus vivebatur, praese-
 ferebant, ac ideo magis erant popularia. Terentius vero
 quum maxime Optimates in Republica pollebant suas scripsit
 comoedias, ut Menandrum potius deberet, quam Eupolum,
 aut Aristophanem imitari. Mores quippe sedatiores inolit
 Afer in scenam, commotiores Plautus, & nativa quadam fe-
 stivitate conditos, quod in Terentio frustra quaeras. *Bel.*
 Atque hoc eò redit, ut in comoedia privatorum, na-
 tionem omnium & temporum, mores inspiciamus: ve-
 luti varios quoque Reipublicae Romanae status in ambu-
 bus istis Comicis introspicimus, quantum in Graeci argu-
 menti fabulis licet: quod magis manifeste appareret, si
 latini argumenti comoediam scripissent, non Graecae bar-
 ba-

bare, ut Plautus loquitur, vertissent. Profecto Graecorum mores undique in istorum comoediis emergunt, longe vero magis in Plauto, qui argumentorum varietate praestat, vitaeque quamplurima exempla proponit. Purior autem in Terentio sermo est, & ut dicam, defaecatior. *Panf.* Et hoc temporis est, non poetarum: loquebantur enim aliter Romani dum Plautus inter humanos ageret, aliter dum Terentius, ut suam quisque aetatem, quod ad latinitatem pertinet, optime referat, ut idem in Ennio & Virgilio, Lucilio, & Horatioprehendimus. *Gr.* Origines vero latinae linguae, ac veluti radices in Plauto invenias, unde purior ille sermo sequentibus temporibus profluxit: ita ut qui Plautum calleat, meo quidem iudicio, optime latine sciat, & si paullum advertat, sane ad puram Terentii orationem nullo alio adminiculo pervenire possit. *Panf.* Id quidem fieri videmus, ut qui Plautum funditus intelligat, nullo negotio in legendo Terentio versetur: qui vero a Terentio inceptit, in Plauto haereat necesse est. *Cal.* Nimis diu eodem in vado haeremus. Erue nos hinc, Belvederi, & cursum tene, quem eras ingressus.

Bel. Comoedia autem aeque ac tragoedia mores & opinionnes populi sequi debet, & sine antecedente notaque causa nihil factum inducere, Verisimile praeterea in omnibus sequitur poeta, tum qui regum facta memorat, tum qui mercatorum ac patrum familias. Maturas quoque res & magnam jam partem confectas comoedia etiam habeat, atque ad exitum ab ipso statim initio spectantes: simplexque fabula eligenda est, quam poeta variam multiplicemque arte sua efficiat. Videtis haec communia esse, ac comoediae & tragoediae tralatitia. *Grav.* Et videmus, & cupimus te nihilominus quaedam speciatim de comoedia efari, in qua perficienda apud nos tantum temporis tanto cum plausu insumisti. *Panf.* Age tandem, Belvederi, se-

festina, nam prope jam meridiem praetergressus est Sol, & paucis nos contentos esse, pro caetero more nostro, probe nosti. *Belv.* Hoc quidem est pudori meo vim asferre: sed obsequar, & paucis quidem, nam hesternam coenam cum Calopresio omisimus, quicum domi meae superiori nocte vigilavi (nam quis somno locus inter dulcissima amicorum colloquia?) lautioris apud te prandii expectatione. Jam praeter omnia moneo, praecepta comoediae alibi quaerenda, nam ego vix quaedam quae observando collegi, modo exponam. Comoediam primum omnium, risum, jocum, delectationem continere debere reor, atque omne nimis serium & acerbum respicere, quae est vel praecipua comoediam inter & tragoediam differentia. Unde culpatur a prudentioribus Plautus tuus, Gravina, qui in quadam fabula Alcesimarchum adolescentem inducit tragico ritu ob amorem ad mortem ruentem, gladioque seipsum jam jam transfodientem: quem perperam nonnulli postea imitati sunt, sive potius multi deinceps cum Plauto in hoc sunt decepti.

Comoedia autem pro cujusque Civitatis moribus conscribenda est: quod & poetae expedit, qui nota referet, & populum item cognitarum rerum imitatione magnopere delectabit. Quod maxime advertendum arbitror, atque ideo aliquo allato exemplo, cur cavere hortor poetas dicam, ne vetustis aut alienis moribus nimis imitarentur, nostros deserant. Romani Graecique amores meretricios nulla nota prosequabantur, immo in eos potius juventutem incumbere, alienis uxoribus omissis, aequum censebant: unde illa *sententia dia Catonis* apud Horatium. Servorum quinetiam apud ipsos maximus usus fuit, ut qui omnia per eos agere consueverint. Ideo Romani Graecique laeti in comoediis adolescentes spectabant meretriciis amoribus implicitos, ac lenones, qui puel-

las meritorias domi habebant , quod receptum illis moribus erat , contumeliis insectantes , illasque ab ipsis per doctos dolos sine pretio saepe abripietes ; servulosque praeterea heros suos in theatro fallentes , & technis circumvenientes , ut revera in domibus passim eveniebat . Apud nos vero aliter se res habent . Nam quamvis meretrices persaepe amantur , obsoenum tamen modo atque inhonestum videtur (nam profecto legum nostrarum sanctitati adversatur) huiusmodi amores , lenonumque adeo execratam improbitatem in scenam producere : quod nihilominus ab Etruscis scriptoribus crebro factitatum videmus , & ab Amentia nostro , qui illos saepe ad verbum transcripsit , aud scite , ut arbitror , in comoediis , quas adhaec usque protulit , imitatum . Servorum praeterea nostrorum longe alia conditio est , ac erat apud veteres ; nam nunc mercede conducti liberi homines serviunt , qui ut nihi la temporariis suis heris mali metuunt , ita ipsos domo expellere ob quamcumque suspicionem in promptu heris est , quoniam nullam , ut olim , in eos potestatem habent ; nullaque iactura , si illos amittunt , afficiuntur . Inde nonnulla satis frigide modo per servos in scena fieri videas , quae falsae quondam & jucunde fiebant , multaque in eos ab heris peragi , quae frustra nunc , repugnantibus moribus & veritate finguntur : Subreptitiorum quinetiam infantium casus , & liberorum capitum emptio venditio frequens apud illos populos erat , unde passim nexus , nobilesque nexuum solutiones in priscis fabulis , quum insperato servire agnoscerentur ii , qui liberi civesque essent , atque ex illis ipsis saepe familiis esse , ubi ignorati servitutem serviebant . Modo haec prorsus expulserunt mores nostri : unde ad alios casus convertendae fabulae : & quod accidere , etiamsi raro , consuevit , in scena spectandum proponetur . Ut mores itaque apud quemque populum sunt , ita in scenam pro-

produci oportet ; nec Italus poeta Gallum debet imitari quoad certarum personarum indolem , moresque ; nec Gallus Italum , aut Hispanum : nisi de quibusdam agatur , quae sunt omnibus nationibus communia , & Naturae humanae ipsius potius , quam alicujus gentis . Praeterea ridebitur magis , ac jucundius excipietur in theatro externam quis personam gerens , nam varietate ipsa delectabit , & dissimilitudine linguae ac moris gratior erit spectatori- bus : ut in Poenulo Plauti , aliisque quamplurimis nostratum comoediis , in quibus vel Gallum , vel Hispanum , vel Germanum inter Italos ad exhilarandam fabulam vide- mus inductum .

Calopr. At quando personas nobis tragicas indicasti ; comicas etiam indica , nam valde diversas esse eas debere suspicor . *Bel.* Planum hoc , & notum ; at quando petis brevi dicam , ad omne genus humanum comoediam spe- ctare : nec si Reges , summatesq; viros ab illa amoveri nunc a peritioribus conspiciamus , nunquam id factum esse , aut fieri posse concludendum est . Nam , ut Amphitruonem Plauti taceam , Praetextatas apud Romanos comoedias Re- gum & summorum magistratuum fuisse constat , qui qui- dem soli Praetexta utebantur . Ut non prorsus absurde ab Hispanis scriptoribus quaedam comoediae regales , ut ipsi vocare solent , confectae sint , in quibus Reges , Reguli , Duces , primoresq; aularum ac Civitatum cum servis me- diaeque dignationis viris repraesentantur . Verum ut apud Romanos nullus Praetextatarum author vel modicum nomen adsecutus est , ita & nullam ex tot regalibus fabulis cum plausu acceptam novimus , nisi fortasse apud ipsos Hispa- nos , quorum theatrum superioribus saeculis talia mirifice probabat : nec veterum horum errorum omnino expers illud invenimus , quum nos in Hispaniam ab admodum pio & clemente Rege Carolo acciti sumus . Has , sive comoe-

A a a

dias ,

dias, sive tragicocomoedias; quod verbum Plautus commentus est, appelles, me quidem auctore nemo scribendas adgrediatur, quoniam, si decorum servare velis, risus, jocusque inde exulare magnam partem debent, salesque & urbanitas: nisi quis audeat, aut principes viros ridendos in scena proponere, quod absurdum, aut e serio delectationem aucupare, quod inane est, nec possibile. Caeterum ad omne genus hominum, ut dictum est, comoedia pertinet: ut a quibusdam doctis viris ad piscatores etiam, pastoresque ac rucolas producta sit: quos profecto laudarem, si veram talium hominum vitam effinxissent, non aliam quamdam iis tribuissent vivendi rationem, quae nullibi gentium servatur, & quae ab aspera ac dura illorum vita maxime abhorret. Unde Tassius ac Guarini, aliorumque qui eos deinde sunt imitati, hujus generis nitidissimas fabulas, alio quovis nomine potius admiratione prosequor, quam quod mores pastorum (in quo alioqui parvum admodum operae pretium fuisset) ad veritatem expresserint. Civitatem praecipue atque urbanos, neque infimae conditionis respicit comoedia, a rure & agris, ubi sua cunabula fortita est, jamdiu in Urbes cum ejus germana ac majore natu sorore tragoedia translata: & si quid rusticum immiscendum est, & agreste, temperate id agendum moneo, ita ut summa rerum semper ad urbanos redeat. Sed hoc mihi non fumo, ut comoediae conficiendae praecepta praescribam: ab aliis haec, qui doctissime omnia examini subjecerunt petenda sunt: ego si quaedam dixerō, ut vobis obsequar, observata mihi & sola experientia notata, munus meum affatim implemē arbitror. Quid ego igitur vobis dicam? Ineptus plane sim si modo praecipere adgrediar, comoediam unicam actionem debere complecti, nec in plures scindi posse: immo continuam requiri, quaeque unico tractu perficiat-

ficiatur : unde duplices , quas vocant , fabulae diuinan-
 dae , quaeque ita longo tempore indigent , ut necessa-
 rium sit , intelligere auditores , interrumpi per plures dies ,
 menses , aut annos , quod quidam absurde faciunt , ac-
 tionem , ut ea quae poeta finxit , peragantur . Ne
 igitur otio vestro abutar , paucis reliqua , si quae memo-
 ria suggeret , complectar . Primum omnium dico atque
 edico , enixeque pronuncio , neminem , cui Venus , le-
 pos , Suada , Charitesque ipsae in ore ac labiis non sint ,
 ad comoediam scribendam aggredi debere : inelegans
 enim atque ineptum est quicquid hoc in genere ars sola
 molitur , quam nec suavis risus unquam , aut vera vo-
 luptas sequitur . Temperabit quidem ars naturam & in
 certos fines coget , sed sola aut parum , aut nihil effi-
 ciet . A scurrilitate vero , immodicoque risu cavere serio
 debet quamaxime poeta , qui nunquam spectatori risum
 movere volet per turpia atque inhonesta . Verum subtur-
 pia quaedam admodum apta sunt comoediae , & si quae
 ambigue fieri possunt ; ita ut in altera parte turpiculum
 aliquid habeant , in altera rectum & honestum . Nec vi-
 deo quid nisi putidum risum movere possit quorundam
 hominum in scena imitatio , qui aut lingua impediti , aut
 distorti sunt & manci , aliove quo simili corporis morbo
 laborant . Quis enim bonus ex animo rideat quae vel Na-
 tura , vel calamitas quaedam efferre solent mortalibus ?
 Quaedam tamen ejus generis parcae ad delectationem sumi
 possunt , quum vel amantem senem inter dulcia cum
 puella colloquia crebro tussi laborem inducas , aut in-
 gradiendo vacillantem : vel quum per doctos doctos clari-
 dum se quis ad decipiendum fingit aut blasphemum : quibus
 a caeca mire plaudere solet .

Porro , quae summa est , ad L. Caesaris praecepta de ri-
 su ac jocis apud Ciceronem potestas rejicio ; vix enim est ,

ut aliquid comico Poetae concedam, quod ille Oratori negavit. Populum enim uterque alloquitur, ideo mihi bonus vir atque honestus qui loquitur videbitur, aut odium ob corruptos mores, aut sibi ob ineptias & frigidos jocos consequentur. Denique dicam, nam magnum est operae pretium, mores cujusque gentis ac Civitatis comoediam debere complecti, non aliena sequi. Ita dum Gallus poeta Gallicos mores (non ab historia quidem petitos, sed recentes, & qui sub poetae oculis servantur) Italus nostros, Hispanus suae gentis affabre producent, perfectam, omnibusque numeris absolutam harum gentium morum historiam habebimus, qua nempe caremus. Qui etenim historias scribunt, bella, pacisque, variasque regendi populos artes, regum gesta, saevitiam, avaritiam, virtutem & hujusmodi posteritati mandant; quo autem pacto illo ipso aevo vixerint in Civitatibus homines, quibusque moribus ac consuetudinibus, nisi id comoedia efficiet, ignorandum utique est. Nec talis interior & urbana historia contemnenda mihi videtur, immo nonnihil jucunditatis & utilitatis quoque habere. Profecto si latinam comoediam haberemus (nam latina tragoedia prorsus caremus, & quam comoediam Plautus & Terentius scripserunt, ut nostis, graeca est) Romanorum nobis mores longe notiores essent; quum modo vix ab historiis publica nobis nota sint, domestica pleraque ac interiora vereque urbana ignorentur. *Gr.* Verum dicis, ita nam modo est. Sed duo praeclaros tragicos poetas vetus Roma admirata est, Accium nempe, & Brundisium Pacuvium Ennii ex sorore nepotem, qui splendidissimis ambo versibus tragoedias conscripserunt, siue potius e graeco verterunt: quorum vix nunc laudes & breviter quaedam fragmenta supersunt. At dolendum sane est, id ita accidisse: quid enim in tragoedia posset latina, lingua haberemus, quod male nunc quaeras a Seneca
qui

qui solus Romanorum tragicorum superest . *Panf.* Quando horum mentio facta est , consentaneum magis videtur iis quae a Belvederio dicebantur , etiam Comicos poetas memorare qui ante Plautum & Terentium ejus generis laude Romae claruerunt . Naeivius quippe festivissimas comoedias scripsit , & Coecilius adeo eodem in genere excelluit , ut cum Cicero in principio operis de optimo genere oratorum summum comicum appellaverit , non Terentium aut Plautum . *Cal.* Quorum opera non exstant in medium adducere inutile quidem est : unde , ad coeptum sermonem revertamur . Age Belvederii . *Bel.* Quò me vertam nescio , ita nunc huc , nunc illuc vocor . Animi porro vitia feliciter theatrum ingreditur , immo vel sola scenam tenere debent : sed modus adhibendus , & ut mediocres in theatrum virtutes , ita mediocria etiam vitia inducenda , atq; haec nunquam sine aliqua nota , aut sine odio dimittenda . Nimia quinetiam vitia & receptum morem excedentia non exponet , me quidem auctore , poeta , si aliquid prodesse vult spectatori . Nam si quis auditor ex iis est , qui aliquid eo in genere peccet , de se narrari fabulam audire sentiet , quum ipse modice & caute idem vitium exerceat . Plauditur totis theatris avaris senibus , sed nemo ab avaritia discedit ; quis enim aut fumum e camino , aut unguium praesegmina , aut spiritum ex ore servandum curat ne amittat , ut lepidissime , sed non ad spectatorum utilitatem Plautus induxit ? Idem de paedagogis , gloriosis militibus , parasitis , & de hujusmodi dicendum cenſeo , qui nisi temperate magnoque cum judicio ita inducantur , ut vera vitia , sed usitato modo pateant , vix ad brevem risum valebunt , proficient nihil . Utilissimum autem reor & probos saepe viros , sed hoc quotidiano more , fideique , & amicitiae servantes scenae dare , ut a vitiis absterriti ad virtutem & probitatem spectatores paulatim defleant .

Nec vetera , nimisque obsoleta in scenam inducere pro-

probandum reor, ut qui istos ipsos milites gloriosos, paedagogos, parasitos, qui in veterum comoediis ad satietatem usque occurrunt, perpetuo obtrudunt; quod si exilem ipsis imitationis laudem parit, magnum inventionis decus auferit, theatrumque privat veritate, quae nisi a praesentibus moribus hauriri nequit. In quo Amenta noster, doctus quidem vir atque acer, lapsus mihi videtur, quum non modo tantum veteres illas personas, verum etiam quod easdem pariter in cunctis suis comoediis adhuc induxerit, ut, quum unam earum legeris, omnes te legisse putes. Nec meum hoc iudicium est, quod elevare fortasse apud vos possent similitudines, quae nos inter jam pridem intercedunt, sed peritiorum omnium, qui tam doctum ac scientem virum mallent, ad inventionem potius quam ad imitationem animum appulisse. *Grav.* Romae quidem cum plausu aliquando Amentae comoedias exhiberi in privatorum theatris meminimus: sed quaedam in iis abiectionis artis magistris culpari, quod saepe parum pudicos mores induxerit, & praecipue verisimile, ab eo negligi in eo praesertim, quod passim puellas adolescentium schemate, hos illarum subderet, ita ut ne apud amatores quidem veri sexus & personae aliqua suspicio oriretur, *Bel.* At doctum virum finamus populum suis fabulis oblectare, atque ea laude frui, quam aud modicam hac poematis genere est affectus, & caetera percurramus. *Calopr.* An tu poema appellandum censes, quod soluta oratione conscriptum est? *Belocd.* Nosti doctorum virorum ea de re disputationes, nec hoc tempus finit, ut & eò nos progrediamur. Mihi quidem ea stat sententia, sine versu & numeris poetam & poemam non posse consistere, quanquam aliter aliquibus doctissimis viris nuper visum est, dum inventionem omnes numeros in poesi implere existimarunt, versum autem an solutam orationem sequamur, susque deque habendum: ita
ut

ut vel epica quoque poemata ; si dis placet , pedestri oratione quidam magni nominis viri ausi sint scribere . *Grav.* Fabularum scriptores potius istos appellandos censeo , quam poetas , etsi aliqua utilitate ac jucunditate fabulas suas condierunt . Caeterum Areosti comoedias versu perscriptas , jambico simile , notum vobis est , easque in Ferrariensium Dynastarum theatro regio sumtu exhibitas fuisse : sed hoc imitatoribus prope caruit exemplum , & nostri poetae soluta plerumque oratione comoedias scripserunt . *Panf.* Nescio an difficultas inveniendi versum , qui comoediae aptaretur , in causa fuerit , ut , abjecto versu , solutam orationem amplexati sint nostrarum comoediarum scriptores : quod mihi vel maxime improbatur , quoniam versum utique in comoedia ut in tragoedia requiro , nisi velimus a poematum albo comoediam delere . Obvium quippe ac facile opus est , ut loquaris ita perscribere ; & quod historiae , philosophiae , orationibus , epistolis datur , hoc negandum omnino est cujuscumque generis poesi , quae sine versu constare non potest . In arduo decus scilicet : ideo tentare varios numeros , eosq; varie quoq; miscere vellem illos , qui comoediam scripturi sunt , flectere eosdem & caedere , ut sermoni propria essent quae scriberent , versus autem aliqua ratio constaret . Difficile id quidem , sed quid sine magno labore Natura nobis dedit , quae so ? Galli prope eodem usque versu in poematis suis utuntur , ac praecipue in tragoedia & comoedia : sed lectoris potius fastidium , ob eandem , a perpetua binorum versuum consonantia , cantilenam , subire maluerunt , quam soluta oratione comoediam scribere . *Belved.* Elegantiam quidem omnem ac veneres , & nitorem omittere (quae poeseos sunt propria) necesse est , ubi soluta oratione conscribitur comoedia , quod in antiquitate omni exemplo prorsus caret . Caeterum versus mirifice ad memoriam valet , nec alicujus

Comici locum memoriter retinere ac referre possumus, ubi versus abest; longe maiorem praeterea in hominum animis vim habere certum est aptam orationem, quam solutam. Quis tu, *Pansute*, in tragoedia versibus usus es, uti quoque Comici possent, minore quidem apparatu & sono, sed profecto commode & eleganter. *Pansf.* Guarinum potius & Tassum imitentur, qui elegantissimis ac nitidissimis versibus, qui per omnium ora feruntur, comoedias scripserunt, sane ut nihil fieri possit supra: quum nostrorum Comicorum ne unum quidem versum aliquis memoria retinere possit, ac istiusmodi comoediae vix lectae protinus effluant. Nec rei difficultatem ulterius objiciant, illorum proposito exemplo. Et sane turpe fuerit Comicis ita loqui, qui poetas sese haberi volunt: quoniam si oratori maxime advertendum est, ut numerosam orationem conficiat, & quasi canoram, eaque de re tot Ciceronis, *Quintiliani*, aliorumque rhetorum praecepta existunt: Comicum poetam sine-
mus extra numeros vagari, verbisque abjectis & vulgari-
bus dissolute uti, & infantiam in loquendo praeseferre? *Grav.* Id porro, *Pansute*, optandum potius est quam sperandum, quandoquidem Graecorum, immo & Italo-
rum vetere consuetudine abjecta, huc scriptores omnes Italicae comoediae incubuere; & auditores facili illa ac populari elocutione contenti, jam nihil ultra expetunt, versusque fortasse etiam, ut modo hominum aures sunt, respuerent. *Cal.* Id scilicet nunc timendum, quum cantantes actores omnes exquisitis modis libentissime audiant homines. Immo ego longe magis gavisuros eos reor comico versu, quam quavis elegantissima soluta oratione: quod audentius affirmo (ut de toties instaurata apud nos *Merope* taceam, quae tota hendecasyllabis versibus constat) nupero *Horatiae* exemplo inductus, in qua non modo

non

non respuit tam luculentos versus a cavea, sed summo etiam cum plausu excipi vidimus; quanquam, ut qui adfuerunt, quae maxima Civitatis pars est, meminisse possunt, nihil minus illo in dramate animadversum est ab auditoribus, quam versibus tragoediam constare. *Panf.* Egregia quidem ea in re Belvederii fuit opera, cui nescio an parem Civitas ulla tulerit. Ipse etenim omnium primus theatrum, apud nos ad pudendam ridendamque cantilenam ob actorum imperitiam adductum, ita ad Naturae veritatem revocavit, ut quo jam progrediatur, porro non habeat. *Bel.* Hoc, quicquid est, nam negare non ausim, assidua mihi ac diutina est observatione compertum: & quum ingredi adolescens a singulis paullatim incoepissem, ad rei summam vix senex perveni: quod etsi ludicrum totum sit ac leve, ad assequendum tamen, quantum quidem pro ingenii mei modulo anniti potui, difficile admodum expertus sum. *Grav.* Quandoquidem huc flexit oratio, pro veteri nostra amicitia rogo te; Belvederi, ut quid sequi soleas in docendis fabulis, instruendisque actoribus, quantum quidem fieri potest, nobis aperias. Audiavi etenim & hic & Romae, qui iudicium in hoc tuum effuse admirarentur, & in caelum ferrent: comoediam vero aut tragoediam te moderante actam nunquam vidisse contigit, quod sane doleo; teque iterum rogo, ut ejus rei me (nam hi tuis verbis non indigent, qui rei ipsi toties interfuerunt) qua parte potes participem facias. *Bel.* An haec tradi posse ac doceri, Jane, censeres? quae experiendo ac errando per plures annos vix animadverti longo usu potuerunt, ut nova quotidie induci opus fuerit, quod a receptis discedere ipsa cavea cogeret. Verum ne quod tibi, quem tanti facio, praesertim in tantula re, negasse videar, ex iis expromam, quae stabiliora & firmiora in tam levi re mihi visa sunt: ut inde noscas, omnia pos-

se aliquando admirari homines , qui haec rursus nane pretii tantopere magnificerint.

Harum quippe rerum nec scientia , nec ars ulla esse potest , & vix favente Natura aliquam observationem recipiunt . Principio apparatus omnem scenamque ita construui ac disponi satago , ut omnia fabulae adamussim congruant , personisque , locoque ac tempori omni ex parte convenient . Aliter enim tragicam scenam adornandam , aliter comicam intelligis : nam illa columnas , porticus , statuas , fastigia requirit : haec privatis aedificiis , modicis domibus , tabernis , moenianis constat . Qua in re me deceptum in ista ipsa Horatia memini , quum in quadam scenae parte equestrem statuam poni iussissem , quasi ad Romanae urbis ornatum : nec mihi in mentem venit , nullam ad illa usque tempora equestrem statuam Romae positam fuisse . Rite constituto theatro , quod una tantum scena , non pluribus , ut contra rationem modo fieri solet , constare debet : omnis mihi cura ad actores seligendos convertitur , eosque ita morose , ita diligenter verso & expendo , ut plerisque supervacaneum hoc , ac nimium videatur . Sed nisi actori persona , quam sustinere debet , conveniat , incassum caetera exequemur . Pueros ingenuos iam adolescentes (nam seminis privatum hoc nostrum theatrum non patet) deligo ad puellarum personas sustinendas ; dummodo forma habitusque corporis , voxque ante omnia non adversetur . Ad caeterarum inde partium actores animum converto , & ita me comparo , ut vera persona cum ficta quam proxime conveniat : parasiti partes pallido , & macilento delego , gloriosi militis rubicundo & ingentis abdominis homini , senis , aut paedagogi gravi & incurvo : adolescentes juvenesque & servos ut revera sunt , ita esse satago . Praecipue vero omnes eos rejicio qui alibi comoedias egerunt : nam in agendo difficillime iis vi-

tiis abstinere, quibus principio insueverunt, atque imbuti sunt. Jam quantum hoc est, amabo? Dictum quidem facillimum; at, si opus incipies, quam sit effectum difficile comperies. Quae personae risum movere debent ridiculum aliquid vultu & corpore praefereant curo, ut rideantur magis: severam & gravem personam gravi & perfecto viro commendo, atque ita per omnia me gero, ut ne quid in actore aspectu ipso dedeceat; quod praeceptum Roscio, quem tantum Cicero Romanique omnes admirati sunt, tribui potest; nam is omnia in actione eo referri debere dicebat, ut quicquid ageres, aut diceres deceret. Et sane; si nihil magis in vita difficile est videre, quam quid deceat, in actione itidem magnam ea res habet difficultatem. Jam haec veluti materies est; cui forma deditur: agere enim, incedere, stare, deambulare, loqui docendi sunt actores, quod infiniti prope est laboris; nam quotusquisque est, quaevis, qui suimetipsum oblitus, eum se credat esse, quem poeta voluit, & scena requirit? Sine hac tamen persuasionem omnia putida & coacta spectatoribus videri necesse est. Iterum equidem, iterumque actoribus meis praecipio, ut se prorsus, tantisper dum in scena versantur, in eam personam convertant, quam iis attribui, namque ita vera & nativa videbuntur quae agent, quaeve loquentur. Difficile enim admodum est, sola arte alienos mores & affectus ita effingere, ut ne aliquid ex proprio more sapientius erumpat. Senem quis aget, vir ipse & nondum ad senectutem proventus: ut ne hic pro forti & vigenti se se in scena gerat aud modice est allaborandum; Natura etenim se se undique de improvviso exerit, vetatque ne is voce, vultu, incessu senem per omnia referat. Puer quis puellam refert: ingenti solertia is continendus est, ne quandoque grandiores molitur gradus, ne viriliter intueatur, ne concitate

tate nimis respondeat ; ne denique brachia & corpus , uti extra scenam solet , liberius jectet ; in quibus si vel semel peccarit , omnia concident , & ais convertetur in risum . At ne vos diutius morer , simulque ut aliquid dixisse videar , ad Naturam ipsam vos deferam , quam magistram unice sequor , atque inde arcanorum meorum eruam rationes . Omnium profecto aetatum & affectionum quidam status est , quo invicem & aetates & affectiones ipsae distinguuntur . Ira , amor , laetitia , formido , tristitia , quas habeant sedes in humano corpore , atq; unde , & quomodo oriantur Calopresius noster a Cartesio suo edoctus nos docere potest : quidve simul in incessu , colore , vultu , voce , caeteroque corpore hae perturbationes variant in unaquaq; aetate ac conditione . His autem funditus perspectis , jam non difficile fuerit , actores ita instruere , ut irati , ut territi , ut tristes , aut laeti esse videantur : ita quidem ut gestus , color , incessus , vox perturbationi congruant ; Atque isthaec variari usque necesse est , prout aetas , dignitas , locus , tempus , conditio uniuscujusque personae requirit . Aliter enim senem divitem , eundemque patremfamilias irasci , amare , pavere decet , ac adolescentem : aliter servum flagra & lorarios timentem , aut dolo aliquo in herum confuto gestientem inducimus ; aliter si amator aut ingenua puella timore aliquo correpti , aut aliquo perfusi gaudio producentur ; aliter servi , aliter ingenui amant ; atque , ut poeta non iisdem verbis diversarum personarum affectus effari solet , ita & actores pro suo quisque modo affectus effingent : non enim omnia omnes decent , ut ad illud Roscianum , quod dictorum omnium cardo est , revertamur .

Frustra vero incessum , motumque corporis assabre composueris , nisi pronunciationem ita modereis , ut haec illis respondeat , & amice in unum conspiret : est namque pro-

pronunciatio, vo cis infimul, vultus, ac gestus moderatio. Hic vero herculeus sane labor est; quum vulgo homines more suo loqui assueti, vix est ut in hoc doctorem ferant; & si quid infuetum ac novum mōliri jubentur, ad ridendam plerunque cantilenam, aut ad declamandum desectunt, quae vitia foedant omnia & corrumpunt, ut nequicquam caetera sis exsecutus. Temperandus itaque sermo pro persona, pro loco, pro tempore, pro aetate, pro affectu, sane ut deceat, quo verbo quid aptum sit, consentaneumque tempori & personae continetur: quod pariter in vultu, in gestu, in incessu valet, ut si aliter fiat, sane dedeceat. Nec loqui minus Comico difficile est, qua Oratori: nam uterque omnes tonorum persequetur gradus, modo, ut loquentibus nobis fieri sine arte consuevit, modo intendentes vocem, modo remittentes, aliter tamen ac musici solent, si vis auditorem quō lubet impellere, utque ea credat, dum audit, dum conspiciatur, non fingi, sed prorsus vera esse. Hinc lacrimae spectatorum oriuntur, hinc gaudium, hinc moestitia, hinc plausus omnis. Et si maximus quondam Atticus orator omnia in una actione posita dixit in magna gravique oratoris arte: idem omnino in ludicra hac & levi dicendum: atque omne punctum laturum actorem illum affirmo, qui bene ac rite utetur actione, in qua & vox & gestus & omnia insunt. Continuato quaedam sermone, quaedam interrupto dicenda, aliqua concitate, sedate aliqua, nonnulla cum magno corporis motu pronuncianda, nonnulla, sive potius pleraque cum parvo aut nullo: magnos enim motus, magnosque affectus semper tragoedia, raro sane comoedia recipit. Quae cuncta prout res postulat exprimenda; utque homines affici extra scenam solent, ita eos affectos in scena producemus, solenter Naturam imitantes, a qua si vel latum unguem, ut ajunt, discefferis in cujuscumque rei imitatione, profecto exhibaberis. Incredibile enim est quanta via

in

in Natura sit & veritate ; quamque commoveantur spectatores ubi vox , gestus , oculi , verba , color in unum congruunt , atque ubi rem vere fieri , non fingi , oculis , auribusque simul videtur . Ab his enim simul omnibus , quae dixi , vera imitatio oritur , quae rerum omnium dulcissima mortalibus accidit , ut quicquid recte quacumque in re imitatum sit , vehementer omnibus arrideat ; quod & pictura , & sculptura , & Poësis , ac denique haec , de qua loquimur , histrionum ars mire comprobat . Illud praeterea quam diligentissime animadverti , ne saepius in eadem comoedia eundem gestum , commotionem , vocem actoribus in eadem perturbatione subderem , sed varie semper , quamvis semper itidem ad Naturae & veritatis imitationem : fatias namque auditores capiet , si omnes eodem pacto irascentur , aut moerebunt actores , caeteraque etiam similiter agent : quod diligentius cavendum in eodem actore , nam tum omnis delectatio & admiratio evanescet . Ideo qui huic sive arti , sive industriae operam dabit , omni cura decet assidue in hominum societate & conventu , coetibusque versari , ut cunctos effingendarum perturbationum modos ac formas ediscat ; & sic poterit , varietate veritatem comitante , quum res postulerit , eosdem affectus in scena repraesentare . Colorem etiam varium unamquamque perturbationem comitari necesse est : quod etsi arte nulla consequi possumus , ipsa concitatio tamen saepe id , & affectuum vehemens cum gestu & voce imitatio assequitur , & iratum excandescere facit , amatorem rubore suffundi , paventem & tristem lurido ac pallido colore , quae plerumque sponte sua in actoribus meis fieri deprehendi .

Cal. Antequam tua praetervehatur oratio , quaeso , Belvederi , quo pacto apud veteres censes , omnia isthaec , quae de voce & colore sciemer sane protulisti , fieri potuisse : apud quos hifrio-

striones larvati in theatrum predibant; & amplitudo ipsa ac laxitas theatri, sane ad varias vocis inflexiones inopportuna ad clamorem necessario histriones redigebat, si exaudiri quae dicebantur, a cunctis vellent. *Bel.* Vel unum hoc valde imperfectum vetus theatrum effecisse mihi videtur: nam nec quomodo operto vultu, inque amplissimo theatro dici ex arte quicquam possêt, intelligo: nec quo pacto eadem larvâ modo iram, modo gaudium, aut risum, aliosq; affectus ab histrione referri. *Gr.* At Cicero disertis verbis testatur, in quadam tragoedia ardere spectatōribus visos histrionis oculos, nedum vocem ei perturbationi conferam illum protulisse. *Belv.* Verba ipsa poetae potius concitatoria fortasse ac graviora auditorum affecisse animos crediderim, quam histrionis artem, quae, ut mihi quidem videtur, nulla prorsus hac in re esse potuit, extra pronunciationem, quam quoque ad declamationem accedere prope fuit necessarium. Nam nullus falsis vocūlis, gravibusq; aut submissis in magno theatro locus. *Panf.* Vix nos in modicis nostris domesticis theatris, quae latioris cubiculi modum raro excedunt, omnia advertimus quae ab actoribus fiunt aut dicuntur: nedum credam Roscium, aliosve histriones remissâ voce ac tenui tragoediam in Pompeii, aut inde in Marcelli theatro, ubi tot hominum millia sedebant, pronunciasse. *Grav.* Aud parum crediderim a theatri ipsius veteris architectura adjuſtos histriones, ut quae remissè dicerent exaudirentur. Neque etenim in animum inducere possum, in perpetuo clamore, aut in saltationibus, quibus usque utebantur, horum spectaculorum delectationem posuisse veteres, qui omnium voluptatum illecebras, ultra quam credi possit, in omnibus confectati sunt. *Bel.* Quod nescias, nescire te confiteri laudabilius esse reor, quam si, ut scire videaris, putida & inutilia confingas. Ego quidem, quod adhuc attinet, igno-

ignorare me fateor, nec ideo erubescō, nam plurima rerum ignoro etiam in his quae me scire profiteor. Demum, ut tandem oblitterandi finem faciam, apud vos excusatam importunitatem meam volo, qui de nihili rebus vobis coram diu locutus sum: & te, Jane, mihi advoco, ut defensionem meam, si quis accusator extiterit, suscipias; ut enim tibi obsequer in has ineptias incidi. *Pans.* Me vero multa delectatione perfusum fateor oratione tua, in qua magnum porro acumen iudicii tui perspexi in re minima, sed quae theatrum una perficit, quod satius esset mutum omnino esse, quam malis actoribus & ineptis summa cum auditorum nausea, personare. Sed, ut animadvertitis, diu jam est, quum nos coquus vocitat, identidem ipse huc usque progressus, quod a servis, talium hospitem respectu, timidius hoc fieri videbat. Exurgamus itaque, atque eamus, si lubet: atque in pomeridianas horas, si quid reliqui est, rejiciamus.

uA

DIA.

DIALOGI

VARIi ARGUMENTI,

RUSTICI METAMORPHOSIS.

Philippus , Simplicius , Puer , Franciscus

I.

Simpl.



Alve Philippe : At quid te dicam agere ? *Phil.* Lavo . *Simpl.* Itane vero lavas ? Massa quadam subcandenti , luto pessimi manus & vultum illinis , id foedari mihi potius quam lavari videtur . *Phil.* Ignoras

haec tu , ita solent modo urbani . *Simpl.* Bene habet : hei hei ! Cecideram plane , dum sedere puto , vix me in pedes erexi . *Ph.* Ah , ah , ita sedemus urbani , mollicule , ne quid nates laedat . *Simpl.* Papae ! At in scrobem credideram me incidisse . Ut vero lectulus floret ! Quae colorum varietas ! accedam propius , Dj boni ! quam in al-

tum mergi oportet quisquis hic cubat , subfocarer equidem ego . *Ph.* Rusticitatis hoc est argumentum ; in duro cubatis rustici . *Sim.* Aud nego . At cuiusnam generis hoc esse dicam , quo lectulus stratus est , quae so ? ita lucet , ita floribus & frondibus refertum est , ut pratum merum me reat intueri . *Ph.* Gallia haec nobis mittit : nobiliores

cives quantivis ejusmodi emunt ; & sane vigilare satius esset , quam aliter cubare . Heus pueri , ohe , radite mihi barbam , properate , heus . *Puer.* Adsum . *Phil.* Male olenti spono mihine , hucce ? *Puer.* Ac nardum olet .

Ccc

Phil.

Phil. Vulgare nimis ac plebejum hoc modo est , melius ac flagrantius in posterum , intelligisne ? Hui ! Calet nimis aqua : nonne ego vix tepida soleo ? *Pa.* Scio , atque ideo tepidam adduxi . En , Simplicio , digitum merge , nonne tepida est ? *Simpl.* Sane tepidas rosas tetigi , ita similiter manum simul & nasum demulsi . *Phil.* Tace sis , bone vir : non omnes omnia : quod tibi olet , foetet mihi , quod tepidum est Simplicio , fervens est Philippo . *Sim.* At in Patria quondam ambo equidem *Phil.* Ne obturbes me ineptiis , tace dum rador . *Simpl.* Obsequor . *Phil.* Age tu propera . *Pa.* Factum . *Phil.* Quid malum haec est novacula ? Nonne e Tarraconensibus una ? *Pa.* Quippe , immo omnium optima . *Ph.* Et tamen urit : age jam , age , accelera quantum potest . *Pa.* Nae mihi deest quod radam , nani vix subnatus pilus est , heri rasimus . *Ph.* Propera , inquam , loquax . Desine jam tandem me decorticare , fatue , fat tuli , fat perpeffus sum : aquam adduc , qua abstergar : tepidam memento prius , qua saponem diluam , deinde frigidam . *Pa.* Sane ut jubes . *Simpl.* Jam non raderis , loquar : quid , nonne modo lavisti ? Jam iterum lavabis ? At quid ad lavandum quaeso tam immansi spongia ? *Phil.* Risum moves , non aliter hoc fieri recte potest . *Simpl.* At nos , immo tuipse dudum , optime , quum nobiscum *Phil.* Non taces dum labor ? *Simpl.* Morem gero , at dic sodes quando tecum loqui potero ? *Phil.* Scies . Heus vos , nemini hujus cubiculi aditus pateat , audistisne , pueri ? *Puer.* Factum . At dudum est , here , quum plures majorum gentium viri te opperiantur . *Phil.* Euge ! Tu omnium es obsequentiissimus : illico tace hinc , bellua , quid hoc mea ? I , & Franciscum huc statim . *Simpl.* An lavas adhuc , Philippe , nam silere diotius nequeo . *Phil.* Dic tandem dum abstergor . *Simpl.* Miror equidem , tam te superbum & iracundum subito hic

hic effectum, qui suavissimus olim apud nos ac lenissimus
 tuorum omnium semper es habitus. Immo, quod vix est
 credibile, te video ultra omne exemplum in deliciis vi-
 vere, ac delicias ipsas minis modis fastidire, ut nihil ti-
 bi iam satis molle videatur: quum durissima te paternae
 domus disciplina, domesticacque angustiae, & ipsius pa-
 triae durities & paupertas fortem & laborum tolerantem
 debuerunt efficere, nunquam vero qualis modo es. Et
 si ante actam vitam meminisse voles. . . . *Phil.* Agnosco
 rusticorum morem: urbanis apprimè invidetis; nec quid
 bonum, nec quid malum sit interea nostis. Heus, Fran-
 cisco, Teus! *Fran.* Adsum. *Phil.* At te jampridem
 adesse oportuit, horam integram te expecto. *Fr.* Igno-
 sce, domine, nam. . . . *Phil.* Tace sis! Accipe hoc lin-
 teum; vestes affice. *Fran.* Quasnam vis afferam, quas-
 ne heri? *Phil.* Nunquando hesternis ego vestibus indutus
 processi, stultorum, quotquot sunt & fuerunt, stultissime?
Fran. Nigras ergo vis afferam, an coccineas? *Phil.* Neu-
 tras, *Fran.* Virides fortasse an croceas? *Phil.* Abi, funge-
 aliud age, nam hoc plane ignoras. *Fr.* Dic ipse ergo: quas
 iussis hic sistam. *Phil.* Argenteis malo hodie indui, pro-
 inde propera. *Simpl.* Ut occoepe dicere: non belle te ge-
 ris, Philippe: Nam. . . *Phil.* Nonne vides, jam advenire
 Franciscum? Tace. *Fr.* En quas imperasti. *Phil.* At has
 omnino nolo, quid tandem has adduxisti, quis dixit? *Fr.*
 Iusseras, ni fallor, argenteas ut huc. *Phil.* Quippini,
 sed intextas argento, non has, age affer jam. *Pa.* Dyo-
 nisius adest, domine, magna, ut ait, de te tecum lo-
 cuturus: maxima quinetiam patriciorum caterva te manet, ut
 seis. *Simpl.* Omnibus dic, me valde distineri, & cum Sim-
 plicio esse: proinde ut morentur. *Simpl.* Absurdum hoc,
 & plane inurbanum, nec nos inter nos nisi nugae: age jam
 jube admitti saltem Dionisium. *Ph.* Ah ah! Rusticus me

urbanitatem docet, prohi summe Iuppiter! I puer, ut imperavi istis renuncia, & cave, si sapias, ne invocatus huc pedem inferas posthac, ni me vis... *Sim.* Hoc cumvero feri non potest, tot tantaeque dignitatis viros non admitti, de gerris interim germanis mecum, & cum Francisco agi? *Phil.* De satiatione, de occasione ubi sermo erit, de secandis segetibus, de bonum cura tibi profecto primas deferam: de nostris his rebus, obsecro, ne hiscere tu quidem velis: ineptias meras effundis, mihi credas pervelim. At ubi nam Franciscus? *Fran.* Adsto, quas iussisti vestes adduxi. *Phil.* Probe. Tunicam linteam intimam interea da mihi. . . . At jungi iam mihi equos iussine? *Fran.* Non. *Phil.* I modo, ut acceleret amica jube. At mane, quos mihi equos jungi satius hodie est? Albos nolo, nam nimis sunt pusilli, giluvos vero, quis non jungit? I, Germanos mihi hodie lubet, illos Frisios maximos, nam minoribus vix est ut noctu aliquando utar. *Simp.* Jam Franciscus abiit, dicam porro quod sentio, nam soli sumus, ni mavis me male disrupti. Non decent mores huiusmodi. An dubitas, quin rodant te modo vehementer omnes, qui te manent, & quin rusticum, quin tuiusmodi oblitum simul & aliorum, inter se missitent? Age, comem te & humanum praebere, ut te fortuna dignum dicant omnes, ut animi ecclitadinem admirantur, qui secundis rebus se non efferat: An, si tu oblitus es, oblitus omnes etiam reris quo loco natus sis, quibus parentibus... *Ph.* Ohe jam; desine tu isthaec mihi putida ingerere, Simplici. Rodant quantumlibet, maledicant: obmutescant statim ac me conspicient, & hos exoseculari manum, alios supplicibus me compellare verbis, illos ad pedes etiam accidere flentes videbis. Quid mihi vetera & obliterata obtrudis? Jam non idem sum: conversus orbis ille fortunae est. Manedum, videbis uter nostrum melius ac prudentius. Timui-

mus olim , & observavimus nos jam alios inviti , sine ut invitemur lineamur modo nos ab invitis & observemur . At Franciscus adest , ne ista rursus cavē . *Simpl.* Ne verere , taceam . *Fran.* Omnia jam parata : at turba instat , vix ut transire mihi datum sit , ita quisque enixe a me quaerere , ecquid ageres , ecquando adire liceret , quinam tecum esset , ut quid illis reponerem sane non habuerim . *Phil.* At mihi aliud quiddam opportune in mentem venit : deambulatum aliquantisper , ut mane eam jasserunt Medici ; at si hos , qui studium merum mihi asserunt , audiam , ne pedem quidem domo licebit efferre . *Sim.* Quid ergo ? Quid moliris ? *Phil.* Postico expectantes fallam , & me clani domo surtipiam , atque ita illos male mulctatos hinc hodie dimittam : ah , ah , ah . *Simpl.* Jocari te puto , nam nemo sobrius hoc faceret . Jube jam pandi januas , & ... *Phil.* Dixine tibi , quum de colendo agro non agitur , ut taceres ? Jam iterum , iterumque dico , ne excidat . *Sim.* Enimvero hoc jam fieri non potest : Amitini sumus , ambo eadem patria , eodem loco , coque sit mediocri nati : simul pueritine , adolescentiaeque annos rustici rustice viximus : fortunis , ac necessitudinibus omnibus omnino pares . Quid te putas modo , non eundem esse , quod argentea te vestis operiat , me vulgariis , quod mollius tibi stratus est lectulus quam mihi , quod auro , argentoque prae me longe abundas ? Falleris miser . Porro si te mores , si te doctrina , si honestus te ad hoc fastigium evexisset labor , dignus sane laudibus , dignus admiratione esses ; & profecto tibi ipse modo constares . Nunc casu in altum evehctus , & sit ancipiti ausu dives repente potensque effectus ... *Phil.* Agnosco fratris amantissimi suaves iras , & fervidum illud ac promptum ingenium . Deosculari profecto cupio milles ex animo virum sortem , & prisca severitate insignem . Periclitari sane volui an idem tot post

annos esses, eundemque numero inveni. Euge, Simplici! Te adinonitorem nimis acrem expertus sum lubens, eundem te edacem paullo post convivam. simulque hilarum & facetum experiar. Dum hic eris, ea lege eris, ut mecum quotidie prandeas, nec enim suavitatem tuam carere possum. *Simpl.* Habeo gratias. Age modo quod agendum est, admitti turbam impera: nos inter nos quicquid agere & loqui impune licet. Heus Francisce... *Pb.* Tu manedum; Francisce. Per caput tuum juro, Simplici, male admodum me modo habere, ideoque prorsus nequire negotiis operam dare; primo sane vespere omnes admittam. *I.* Francisce, ita istis renuncia: sed audi, propius accede; cras ut redeant jube, hodie non vacat.

Leonardus & Vincentius.

I I.

Leon. **A**unt te, Vincenti; apud Judicem cum Laurentio patruelo tuo litigare de illius gentilis vestri hereditate, qui nuper Capuae decessit, teque damnant omnes, quod tam pio proboque viro negotium injuste facessas. *Vinc.* Si spoliari me liberosque meos semisse hereditario a pio isthoc honestoque viro voluisssem, nullam modo mihi cum eo lites intercederent. *Leon.* Tacessis; amice: injurius enim adversus illum es, qui sua tibi potius omnia condonaret, quam quicquam alienum ereptum iret. Novimus hominis fidem. *Vinc.* Hoc me acrius punit, quam hereditas, qua carere possum lubens. si aliqua omittendi honesta sit causa. Verum quod me aviditate & avaritia impulsus in Laurentium temere ac injuste incursisse vulgo credunt, id enim vero ferre non possum. *Leo.* Id autem inde

con-

conjectant homines ; quod ille sanctissimis moribus atque integritate est singulari ; tu autem , unus e nobis . *Vinc.* Ego quidem pietatem ei ga Deum , virtutemque quam maxime revereor , Leonarde , & sequor , sed veram , non quae extrinsecus tantum ad decipiendos homines se se componit , animo profusus nulla est . *Leon.* Recte id & sapienter a te actum , at quid ad Laurentium ? *Vinc.* Cogis me iam domus meae mala proferre , ita lenie me fodicis . Quid tu illum pium bonumque credas , qui parentem meum deposito fraudaverit , impudentissime accipium negando : qui matrem meam blanditiis , delisque malis circumveniebat , ut illius liberos potius , quam e suo corpore natos heredes scriberet : qui pupillos Antonii uxoris suae fratris spoliavit , aurum , argentumque prope omne , pecuniamque hereditariam compilando , nam ille stultus moriens perscribi , ut moris est , res hereditarias a tam probro scilicet tutore vetaverat . Quid dicam amplius ? Hanc tu credas pium , probumque , tantum quod templa frequenter invitat , quod oborto collo ambulet , quod occurrens omnibus placide renideat , quod verba parce & modeste faciat ? Sino taceam amabo ; nam qui ea , quae modo innui , patravit , nonnulla insuper ejusmodi patrasse suspicari potes . *Leon.* Iras cohibe , quaeso , & linguam comprime , ne quis sermonem aucupetur tuum , & in vulgus proferat , unde infamia tibi ac dedecus sane merito suboriatur ; ita optimum virum dilaceras . *Vinc.* Anne adhuc tibi optimus videtur vir , qui talia admisit ? *Leon.* Nec optimus vir ea fecerit , nec qui fecerit , optimus , immo nec bonus vir unquam erit . De Laurentio vero quis ea tibi credat ? Profecto is ultra omnes maledicentiae latratus est , nec egregiam famam , tot per annos insigni pietate morumque sanctimonia collectam , ob voculas quasdam ab inimico temere per iracundiam jaectatas , amittet . *Vinc.* Ca-
lu-

luminis igitur cum impetere , falsisque criminibus ejus fidem elevare tibi videor ? Itane tibi sum cognitus , Leonardo ? *Leo.* Fateor equidem , te nullius unquam fugitii compertum : sed te modo hereditas transversum rapit , & a consuetis moribus cogit deflectere . *Vinc.* Disrumpor profecto . Tu , qui me tot per annos , quibus conjunctissimi viximus , largum , veridicum , honestum expertus usque es , mavis de fide modo atque honestate mea dabitare , quam de prope ignoti tibi hominis , sola vulgi opinione subnixi ? Quid si interiora & domestica sanctissimi istius viri vitia , seu scelera potius , falsa pietate contecta patefacerem ? Etiamne tunc ego tibi , nullius unquam , ut ais , facinoris compertus , ero pessimas , ille vero unque optimus ? *Leon.* Ne plura Vincenti , rogo : tacebis jam , nam nunquam efficies , alia quemquam apud homines opinione esse , quam ea , quam constanti vitae tenore adeptus est .

Fortuna & Simo .

III.

Fort. **H**Eus Simo , Simo : ecquid audis , Simo . *Sim.* Cujus vox supra me sonat ? Proh Di immortales ! Tunc me vocabis , hera ? *Fort.* Scilicet . Quid agis ? Aurum , deficias tuas , affecutus tandem es ? *Sim.* Ludis me quippe . nonne vides protritam hanc togulam , pallium prope id militis sigi imaginem contractum ! Porro non diviti hanc , sed pauperculi sunt argumenta . *Fort.* Piget sine , & doleo , tot tibi post annis , istis profecto moribus & sapientia , idem adhuc Oxami volvere . *Sim.* Et dolet , & nihilominus te jubente id volvo . Quin tandem pauperissimi senis te miseret , & ramento quopiam unde

unde ablato , mihi condendi saltem testamenti facultatem impertis ? nam vivus frui datis jam ob aetatem nequeo . *Fort.* Delirus pariter es & pauper , ut quondam . Nonne tibi omnes erroris tui tenebras olim excussi , & cunctarum pene rerum causas explanavi ? Quid caecutis ergo , & ad explosam & veterem rursus naeniam redis ? *Sim.* Fabulas garris , Dea : at si mortalem missellum ludos fecisti aliquando , nunc desinas tandem rogo ludificare , & pessimis despiciatum habere modis . Sat scio quid possis , & , te maxime docente , scio . Quas in me procellas excitasti , posteaquam te stultissime dimisi ! quas aerumnas , quos labores te immittente exantlavi , summe Juppiter ! Me primum ante omnes , meos inde affines , consanguineos , amicos , vicinos crudelissime omni calamitatum genere affecisti , quasi capitalem , & inextinguibilem quandam noxam admisissent , quod me vel cognatione , vel amicitia vel vicinitate contingerent . *For.* Mirum ecastor , tot a me tantaque prorsus ignorante atque alia omnia agente fuisse gesta ! At at , quid moliris , quod tandem tremantibus istis & vacillantibus genibus conaris ascendere ? *Sim.* In maceriam hanc quippe enitor , o domina , ut ad te propius accedam , & commodius colloqui possim : quid expavisti ? Senem metuis ? *Fort.* Ridicule modo , nedum stulte incoeptas capularis jam , quod , quam crudior & viridior aderat aetas , frustra te voluisse meministi : scis adolescentiae me favere vulgo dici , non senectuti . *Sim.* Manedum bella belle , quid tantum extimuvisti , quae so , ut te in altum subito proriperes ? Accedesis ad me paullum , ut verba saltem tua exaudire possim , nec resupinus nimis diu suspiciendo collum , & oculos *Fort.* Ah ah ! Semel jam te experta , rursus in forcipes istos tenacissimos inciderem ! Nae stulta fuisset ac blenna . Ut te strenue in extremos pedum digi-

tos erigebas repente, manusque fortiter jactabas, ut me incautam scilicet exciperes! Ah ah! *Sim.* Quid malum! rides, omnium deorum dearumque, immo & mortalium, quotquot sunt, & fuerunt, & futuri sunt, saevissima! Audieram profecto, te sedentes & desides incassum expetere, sedulo autem rem agentibus & graviter molientibus favere solitam: ideo ne & haec mihi elaboretur occasio, in te volui manus injicere, ut comam denuo apprehenderem, olim quidem stulte satis dimissam. *For.* At quid tandem adprehenso capillo sperabas? Inanis porro apprehendisses, reliquisses rursus inanis. *Sim.* Disrumpor miser prae ira. Age dic ergo, cur ad me ultra advolasti, & cur, mea jam paupertate contentum, ab alto inclamitans denuo ad spem divitiarum excitasti? *For.* Oblitus etenim mei videbare, & me jam prope despicatam habere. *Sim.* Factum. *For.* Ut itaq; amicitiae nostrae subiret recordatio, ad te descendi. Jam vale, Simo, & nostri memor vive. *Sim.* Mane, mane, quaeso, paulisper, ut possim & ego vicissim officio tecum meo defungi. *For.* Quid ages jam? *Sim.* Palam dicam quod comperi, ne me calumniae damnent sapientiores, quod te nihil esse crediderim aliquando. Nam te Orbis terrarum reginam, humanarum rerum moderatricem & arbitram, . . . *For.* Haec verba compendi fac, Simo, nam nec palpo me, nec blanditiis capies: jam hoc frustra edito libello tentasti, me, ac sapientibus enixe inconstantiam tuam ridentibus. Ludere mihi tantum tecum libuit, nunquam serio agere; ideo nec eripui quae potui, nec quae concupisti dedi. *Sim.* Ac quid eriperes, pessima? Vix vitam traho, vix coepa & alio victito ac pane fursuraceo, quid eriperes tandem? *For.* Hoc ipsum, & nonnulla praeterea, quae habere te vel dissimulas, vel ignoras. *Sim.* Eripe dum, age jam, spiritum interclude, frange cervicem, magnum hoc opus

exple : egregiam vero laudem , tanto edito facinore feres . *Fort.* Quando ita jubes , cras *Sim.* Quam facile , exoravi ut me perderes ? Habeo gratiam , Regina ; quod jussi , fieri jam nolo : abi hinc propere cum auro , regiaque suppellectile in pessimam malam crucem : abi hominum perniciēs , sceleresta . Jam me & desiderium tuarum rerum omnium defecit , nec jam apprehendere te si velis , nec videre , immo nec audire te pati possum . *For.* Hui ! Nimis iracunde , mi Simo , & profecto sat inurbane cum Dea agis , *Sim.* Quid mihi numen istud tuum obtrudis , quod inimicum semper , & inexorabile expertus sum . Vel Dea , vel mulier vel quicquid esse tandem tibi lubet esse , abi hinc , abscede , avola . *Fort.* Ut ego Simonem incum linquam iratum mihi ! Propius accedam ad te , ut noscas quanti te faciam . Expurge frontem , severitudinem istam aufer , & dic , exquirere , pete quod lubet . *Sim.* Nunc demum Deam agnosco , nunc veneror numen , nunc immerito me confiteor excanduissē . Audi , hera ; nunquam a te avertere animum meum potui : te somniavi semper , de te vigilans locutus sum , nec quicquam mihi suavius , quam te cogitare . Quum talis fuerim te adversa , vides qualis futurus fuerim , secunda ; Praebe igitur dexteram misero , & beneficentiae guttula pectus hoc ardens asperge . *Fort.* Laudo indolem ac constantiam ; adsum ideo benigna : & tibi aliquid fortasse , alicunde , aliquo modo , aliquando . . . *Sim.* Ohe , ohe ! Ex incerto me incertiorē reddis perplexis istis pollicitationibus tuis . Si quid impertire vis , deice propere , matura , en palliolum extendo . Quid moraris , quid perplexaris ? *Fort.* Nimis asperere , quasi ex stipulatione tecum agis ; blandius , Simo , dona exquiri mos est . Dabo aliquid : sed perpetere aliquantisper , roga , obsecra , blandire . *Sim.* En in genua procumbo , en tuam ploro , atque imploro fidem ; cui venti , cui nubes ,

cui mare paret velivolum , quam mercatores , quam duces metuunt , quam purpurei tyranni . Obsecro te , hera , domina , regina , ut meam sortem tandem aliquando miserata , extremam aetatem non in purpura , & auro finas degere , sed extra egestatem . Satine pro tua te dignitate rogavi , an quid amplius expetis ? *Fort.* Optime isthaec quidem . Sed jam ad te redeam , Simo : nam vocat me modo vicinus hic tuus Phormio , quem ex animo diligo . *Sim.* Quemne ? Phormionem ! Proh Deum hominumque fidem ! scelestum hominem , recti honestique inimicissimum ! qui nihilominus divitiis jam affluit , in deliciis vivit , unusque omnium in Civitate maxime potentiorum gratia pollet . Linque istum , Fortuna , jam ampliter saginatum ; & me respice indigum , & benefactis tuis auct paullo digniorem . *Fort.* Vera dicis fortasse : sed Phormio cordi carus est meo : te vero , ut dixi , semper ludificata sum , & , ne fallaris , dum vita suppetet , ludificabor .

Franciscus & Carolus .

IV.

Franc. **E**Cquando istum tu nihili librum de manibus depones , frater , atque illos fumes , qui te decumq; nostram ditare possunt ? *Car.* Hic certe nihili liber non est , neq; aliquem , qui sanus sit , invenies , qui , ut tu modo magnum tam contumeliose Cujacium appelles . Caeterum quos tu libros tanti videris facere , vere nihili & putidos Cujacius appellaret . Hos nihilominus statis horis , quandoquidem necesse est , percurro . *Fr.* O virum magnum ! qui illos autores non floccifaciat , quos tot summi viri admirantur , quos certos ad divitias & honores esse duces omnes affir-

affirmant . I , & magnum istum tuum Cuiacium , quam
 esuries , in mensa appone : dum aequales tui , qui Cui-
 acium ignorant , & contemnendos illos scriptores assidue
 versant , durescunt , & ab omnibus suspiciuntur . *Car.*
 Non quid vulgo homines agant , sed quid agendum
 sit inspicere debere omnibus in rebus jubent sapien-
 tes . Ego quidem , qui jureconsultus esse cupio , ita
 me comparare debeo , ut vere talis evadam ; non autem
 ita me gerere , ut magna pars consuevit , quibus fu-
 cum facere hominibus cordi est , non eos revera , quos
 praeferunt , esse . Itaque ego optimorum praeceptorum
 secutus effata , summorumque virorum exempla , pro in-
 genii mei modulo legibus & jureconsultis operam do , at-
 que ita in forum pergo , ut quammaxime iis rebus instru-
 ctus eò perveniam , quibus jureconsulto opus esse compe-
 rii . *Franc.* Quid tu mihi nugas meras blatis , & quasi
 aliquid dicas , serio me , & pene iracunde intueris ? vel-
 lem , ut tandem resipisceres , Carole , gerrisque istis
 germanis propere abjectis , pistorem tibi amicum efficeres ;
 quem nunquam profecto Cuiacius tibi , ejusque similes con-
 ciliabunt ; sed Sarnus , sed Rosa , sed Muscatellus . In
 hos , in hos incumbere , si sapis ; nec te ultra juvet oleum
 & operam , tanto cum malo tuo reiue domesticae , male
 perdere . *Car.* At ego spero , frater , me decumana porta
 tutius aliquando isthuc perventurum , quò tu me per diver-
 ticulum vocas : admodum enim verisimile est , indoctorum
 istorum satietatem capturam aliquando homines , & peri-
 tiores jureconsultos in honorem , & famam perventuros .
 Quot tibi indicare possem clarissimos viros , qui mo-
 do facem hoc in itinere juventuti praeferunt , gloriam-
 que simul & opes consequuntur ? *Fran.* Scilicet , dum
 tu consulari via graviter & magnifice forum ver-
 sus , paucos nescio quos sequens , incedis , nos inte-

res senescentes in omnium rerum inopia jacebimus . Verum , ne te spe vana laces , jam tibi modo praenancio , prorsus nunquam te aliquid in foro profecturum . *Car.* Dj meliora . Quid enim ? Censebimus , gravi honestoque viro , jurisque non leviter perito , aliisque insuper artibus satis instructo locum in foro , ubi consistat , defuturum ? Num exempla defunt ? Pellimus plane vates es , frater , & vere , ut Calchantem Agamemnon apud Homërum vocat , vates malorum . *Franc.* Nimis velim , me falsa tibi modo praedicere : at , si probe ego Civitatis nostrae mores novi , locus quippe tibi ubi sed eas , ubi deambules in foro fortasse non deerit , sed unde causam dicas , ubi a cliente consularis plane deerit .

Dorila , & Pamphilus .

V.

Pan. **A** Junt te ; Dorila ; uxorem ducere Demaeneti filius divitis filiam , lepidam sane puellam : alba etenim est , recta , & , quod nonnihil ad rem pertinet , flavo capillo , oculisque flagrantibus , ut scias veneri paratissimam . Laudo equidem ; verum admodum miratus sum , te , qui Bacchidem meretricem tertium jam annum perdit deperis , hoc repente consilium suscepisse . *Dorila* Nescis enim , Pamphile , quibus illa modis me pessime ludificaverit . Nam plures ante dies & in convivio apud Charinum aequalem nostrum nutare , nictare , & annuere cui lubuit usque non destitit , & acceptum a me poculum vix summis libis libatum Pistoclero subridens tradidit , tanto praeerea nostri contentu , ut , quum ego ob id graviter indignatus a convivio recessissem , illa ad auroram nihilominus usque discubuerit , cantitans identidem , diutiusque ac procaci-

bus

bus jociſ cunctos ſacceſſens . *Pamph.* Vix credibile eſt quod narras . Vidi ego namque pluries Bacchidem , quum domi apud te vel apud amicos coenaret , admodum inoſteſte agere , atque in te unum oculos conjeſtos habere : ſuſpirare quin etiam frequenter quum te intueretur , atq; e tuo nutu pendere : vercor ideo , ne quippiam ipſe admiferis , cujus illa impatiens , ad ea quae narraſti , ſui ulciſcendi gratia , ut ſunt mulieres contumeliarum in amore impatientes , excurret . Quid autem ? Cur ploras ? Jam age , Dorila , deſine tandem : vides nos in frequentiffimo loco conſtitiffe . At quid te in lacrimas cogit , quid dolet , dic ſodes .

Dor. Heu me ! Quis modo me vivit infelicioſ ! Nam me aetatemque meam , atque illam miſeram funditus perdiſi , & quicquid tandem in utero gerit , gravida etenim quoque ex me eſt , Pamphile . *Pamph.* Quid tñ autem , ſi apud illam amoris vinculis tenebare , uxorem ducturum te patri ultro affirmaviſti ? Sane oportebat , tacitum mulieris levitatem ferre , donec res ipſa & tempus vel ignem prorſus extingueret , vel amorem poſt iras , ut fit , redintegraret .

Dor. Ego vero , quaſi regiam Attali occupaturus , ſponte mea ad patrem veni ac rogavi uxorem daret , promptum me paratumq; ad omnia eſſe . Hei ! Excidiſſet tunc mihi lingua , vel angina ſauces has ſceleſtas , unde vox illa impia exiit , invaſiſſet . *Pamph.* Interea , ut videtur , cras ſponſus eris , Dorila : ideo ſatius fuerit , animum a meretrice ad uxorem convertere , quam inani queſtu teipſum crudeliter excruciare . *Dor.* Ego ut illam deſeram , quam plus oculis meis amo , quae me unice diligit ! Iraſcatur pater , indignentur propinqui , omnes factum male dicant , non herede faciam . Illam ego animo expetivi , habui , nunquam a me ſegregabo . *Pamph.* Indignum facinus incoeptas . Quid amicos , quid cives diſturos , quid Demaenctum ipſum cenſes ? Practerea , ut tumetipſe modo me-

mo-

morabas, levis illa est, & fluxa fide, cras tibi Pistoclerum aliquem praeferet. *Dor.* O Pamphile, nescis quam ego ei justam causam praeberim ea faciendi, quae fecit: quapropter desine dehortari, acta res est.

Juppiter & Mercurius.

V L

Merc. **A**Mabo te, Pater, consistamus hic paulisper, nequeo enim amplius prae lassitudine ambulare. *Jap.* At hic nec domus est, nec mapale saltem, quod divertamus, immo nec mortalium aliquis uspiam apparet, quo opem speremus. Profecto durare satius est, illamque urbem, quam hinc prospicimus, petere, ubi nobis melius omnino erit, gnate. *Merc.* At ego nec quid sperem modo, nec quid timeam habeo: humi sedebo potius, & sub altae hujus arboris ramis, si aliter nequeo, aestum vitabo, qui me pene jam confecit, tercentum millia passuum paucis horis emensum: nec enim talaribus uti modo par est, ne te peditem ego supervolans nimium despicere videar. *Jap.* Ah surge, fili, surge. Portendit mihi animus, bene ac feliciter eventurum nobis hoc iter, & in proxima hac urbe, quam propter nobile quondam Ammonis templum, ut nosti, erat conditum, inventuros nos tandem aliquos, qui Jovis, & Mercurii numen adhuc venerentur. *Mercur.* Quid tibi hoc venit in mentem somnare? Tot jam secula erravimus miseri, inopesque, Asiamque & Europam peragravimus, & ubique frigescere nostram familiam, atque ab aula, ut ajunt, recessisse maximo cum dolore comperimus. Nunc, quum omnia circum a nobis omnino descivisse in aperto sit, idem & hic accidisse pro certo habeamus; ideoque, Africa pro-

ti-

tinus relicta, sapienter agemus situ in Idae rupibus, ubi tua sunt cunabula, ego in Atlantis avi mei vallibus delitescentes, nosmet, hominum inconstantiam & levitatem expectantes, secundis rebus servabimus. *Jupp.* Furum hoc consilium est, ut, ubi quid surripuerint, se in tenebras condant, non deorum; & sane quae Mercurium decent, deorum hominumque patrem vehementer dedecent. I, fur, quod lubet, ego jus meum tenebo, & si omnes Jovis obliti sunt, ego certe mei non obliviscar. *Merc.* Non satis tuae fortis memor mihi videris, nec fata tandem agnoscere, pater, quum talia loqueris. An te modo reris in summo Olympo, aquilae illi tuae insidentem, fulmina insacras aedes, & excelsas turres jaculari? Vel in folio, quod tibi Vulcanus fabricaverat, mortalium vota arbitraris nauscentem excipere? Omnia isthaec quidem cum ambrosia & nectare evanuerunt; & vix modo ego tibi unus supersum, in quem imperium exerceas; & nihilominus superbus aequae es, ac antea: nec, te regno olim pulsum, nunc vero exulem, omniumque rerum egentem vitam degere ob superbiam atque injustitiam, meministi. Furem me insuper appellas, qui nihil mihi unquam furto quaesierim, sed ut jussis velificarer tuis semel iterumque, quum tuum maneret regnum, furatus sum; & nunc, retro relapsis nostris rebus, necessario quicquid possum surripio, ut egestatem nostram aliquo pacto sustentem. Tu enim solum imperare, ac minari didicisti, ad alia omnia es ineptus. *Jupp.* Heus tandem! quò progredieris, nothe? nescine te cum summo Jove loqui? Scis, me tantum caput quassante, Terramque, Caelumque universum concuti; deosque omnes praeter metu contremiscere? *Merc.* Enimvero somnias aperte, vel cum Homero tuo infans: at ego non adeo contumeliarum sum patiens, ut te tuamque istam iracundiam maledicentiam ferre

E e e

am,

amplius possim. Tu, intolerandis sane moribus tuis, jamdiu est, quum te ipsum, me, natosque tuos, deosque omnes perdidisti; dum, omnia apud homines male misceri gaudens, bonos infortunis premebas, malos autem praemiis, indignantibus omnibus, afficiebas; supra quin & rapinas tyrannorum more exercebas: quibus factis philosophos, pugnantissimum genus hominum, in te concitasti, qui te Caelo tandem detractum, quod nunquam fore suspicabare, ad peram & baculum deduxerunt. Caetera nostri, quae taceo, ideoque tacere & tu aliquando disce, *Japp.* Quam nuno mihi vellem in manibus fulmen, ut quondam quum Aesculapium ad tartara detrusi! Te profecto dicto citius comminutum, ustulatum, praecipitem ad fratrem mitterem, qui te pro meritis exciperet, & vel cum Sisyphe ad saxum volvendum damnaret, vel cum Titio supinum prosterneret, vulturemque edacissimum diligeret, qui tibi cor carperet perpetuo ac laceraret. Flagitium, scelus! *Merc.* Homerum istum, quem tecum semper, quasi auctoritatis tuae maximum assertorem circumfers, tibi brevi me surrepturum polliceor, atque in mare projecturum: ut tandem cum illo insanire desinas, teque respicias. Nunc, ne tecum muliebri ritu garriam, surgam, teque quod jubes sequar. At scisne quid tibi praefagiam, quando tibi Apollo deest, qui futura nosse consueverat? Signa quidem, ut in ipso Capitolio, atque alibi vidimus, Jovem, Mercurium, Martem, caeterosque deos referentia, nonnulla & hic fortasse offendemus, sed ob ipsorum signorum elegantiam, vel marmoris aerisque precium, non vero quod minor hic quam alibi nostri sit contemptus.

Antonius & Camillus.

VIL

Cam. Affuistine, Antoni, quum senex hic noster Campanus, in Herculano Demeuui affinis tui de universa studiorum ratione differuit? *Ant.* Nempe affui, & te, Camille, vehementer una adesse cupiebam, ut esses tam eruditi sermonis particeps, & quaedam contra communem nostrorum praeceptorum sententiam a sapientissimo viro disputata vel refelleres, vel adprobares. *Cam.* At quatenam tandem fuerunt isthaec, quae tibi admiratione digna visa sunt? *Ant.* Quamplurima, quae omnia tibi modo memoriter narrare possem, sed dicam tantummodo ex multis unum aut alterum. Acriter equidem inuictus est doctissimus senex contra nuperum eorum institutum, quibus per omnes scientias artesque pervagari mos est, eam institutionem encyclopaediam, graeco magnificoque quidem vocabulo, sed re prorsus inani, appellant. Sicuti enim, aiebat, nullius Civitatis civis esset, qui perpetuo quodam errore universas urbes peragraret, nullamque sibi praecipuam, in qua vitam ageret, selegisset; eodem pacto, erroneos istos, dum omnia scire cupiunt, nihil profecto scire. Singillatim dehinc ingressus est scientiarum atque artium singulorum difficultatem, ut neutiquam dubium illi esset, neminem unquam existisse, qui, quum in earum unam totis ingenii viribus incubuisset, ita eam mente memoriaque comprehendisset, ut nihil ei prorsus, quod ad illam attineret, defuisse affirmari posset. Quid ergo, subdebat, de his pronunciandum, qui, delibata tantum hac vel illa scientia, ad aliam, deindeque aliam convolarent? *Cam.* Scite hoc quidem: at quid praeterea? *Ant.* Nonnulla: sed ut paucis te absol-

E e e a

vam,

vam, omnia ad Philosophiam, quæ vero Physica respiceret, referenda & Geometriam, quasi ex Apollinis cortina, docebat, cætera, veteres, effoetasque linguas præsertim, (nam Gallicam & Britannicam summopere laudabat) pueris, tardique ingenii viris, & nihil in scientiis profecturis, relinquebat. Haec ille quidem, & pluribus profectus est, miroque quodam lepore, exemplorumque copia condivit. Posthæc, quum nescio quomodo de poetis incidisset sermo, mirum profecto est, quanta eloquentia, quantoque rationum apparatu poetarum nationem aggressus sit, ac pene contriverit: ut qui tunc poeseos studiosi forte fortuna aderant, ne hiscere quidem auderent. *Cam.* Magnus quidem vir noster hic senex est: verum mediocri quoque Orator ingenio mirificam, si nemo contradicat, orationem habuerit.

Sejanus & Terentius.

VIII.

Sej. **E**Xpectatus advenis, Terenti. *Ter.* Salve Sejane, gaudeo vehementer, omnia tibi pro voto feliciter obvenisse. Nunc sane specimen præbere potes Senatui Populoque Romano voluntatis tuæ erga Rempublicam, bonosque omnes. *Sej.* Inania autumas nomina: nam neque Respublica usquam est, nec boni: sibi unusquisque bonus est, resque nostra familiaris rebus omnibus publicis anteferenda. *Ter.* Pauperis patrisfamilias quippe sermo hic est, & ratio, cui omnia intra fundi sui fines. Sejanum alia decet oratio, omniumque expectationem non implere modo debes, sed longe etiam supergredi. *Sej.* Risum moves. An ego quid cupiant, aut expectent alii curare debeo potius, quam quid mihi sit conducibile? *Ter.* Non quod tibi obsit a te expectat homines; nam & prodesse simul tibi nimium quantum potes, &

ma-

maximis beneficiis Rempubicam demerere. *Sej.* Quoniam id pacto assequi me putas posse, Terenti? *Ter.* Nullo negotio. Legum primo auctoritatem confirmare tibi necesse est, ut omnino valeant: hinc Senatus dignitatem augere; unde Reges caeteraeque nationes, omnia ab eo, ut quondam liberâ Republicâ, regi, amplissimi; Ordinis consilio fieri intelligant. Populi deinde dulcedine oculi ita pellicere debes, ut tamen libertatis Romanique nominis non obliuiscatur. Veteribus institutis omnia contineri satages: eosque demum Consules, Praetores, Proconsules Aediles tibi curae esse debet, quos virtute caeteros praestare constet, bonisque artibus atque amore Patriae longe praecellere. Hinc Tiberius tuus Augusti famam facile vincet, tuque nomini tuo longe maiorem Moecenatē & Gallo circumdabis gloriā, clarusque ad posteros ibis, patriaeque habebis amantissimus. *Sej.* Euge! Tribus verbis maximas res complexus es. At ego brevius dicam; Civilium rerum admodum mihi visus es rudis. *Ter.* Quid ita? *Sej.* Nam recte adversam ingressus es viam, qua me ire opus est, si aliquid esse cupio. Esto; leges, judicia, Senatus magna ut olim sint nomina, eaque revereatur & prorsus observari velit Princeps, quem mihi tunc locum in Republica, Terenti, linques? Vix tunc ego numerus ero, & Tiberii favor censum mihi fortasse adaugebit, atque aliquem forte addet dignitatis titulum, sed alii Rempubicam regent, non Sejanus. *Ter.* Non unum omnia usque moderari majoribus placitum, sed ad plurimos hanc curam pertinere, ut Rempubicam quasi suam unusquisque sedulo administraret, unde ingens in omnes utilitas. Nunc, quamquam Princeps veluti perpetuus summusque Magistratus omnibus praest, nihilominus, ad veterem illam Reip. formam res nostras quam propius fieri possit accedere, optimum mihi videtur, ut quamminimū a patrū sapientia, placitisque discēdamus. *Sej.* Alio nunc divertis; non ego modo Principis

ac Reipublicae causam ago, sed meam; dicam planius. Si recte ac sapienter Senatum consulere arbitrabitur Tiberius, non mihi sed Senatui primas deferet. Si omnia legibus fieri debere censebit, nihil tunc mihi extra ordinem & quasi novo jure permittet. Huc illud etiam referendum est, quod profecto inconsulte praecipiebas, ut optimos viros ad honores eveherem; nam id mihi auctoritatis nervos ipsos incideret: nam quid mihi Tiberioq; opus est Catone aliquo, aut Bruto? Contumacia isthaec ingenia ne libertas quidem tulit. Ideo, quod mihi tibiq; amicisque omnibus bene vertat, Senatum in ordinem quamprimum redigam, & inania ad ipsum curabo deferenda, interiora & maxima mihi seponam; ad exercitus, & Provincias regendis eos potissimum mittendos sitagam, qui me unum, meamque auctoritatem maxime suspiciant. In Urbe neminem jus dicere, vel cuicunque jurisdictioni praesse sinam, nisi ex intimorum amicorum cohorte; ita vere Principis amicum agam, Fortunamque in sinum advolantem, ut par est, excipiam. *Ter.* Quid ex te audio, Sejane? Aufert ista, quaeso, quae non omnia modo late conturbarent, sed in te ipsum aliquando verti possent: amicos ego quam honestissimos tibi parandos censeo, Curiam Equitesque demerendos, bonis omnibus favendum, Populoque Romano te Tiberiumque indulgentia, justitia, aequitate, quam acceptissimos efficiendos: hoc pacto firmum ac diuturnum Principi imperium praestabis, tibiq; perpetuus erit Principis favor, qui te plus in dies diligendum amplexandumque arbitrabitur, quum tua opera se carissimum Senatui Populoque esse conspiciet: atque ego ita censeo. *Sej.* Ego vero alia omnia: at Sylla adest, cave mutias eo presente his de rebus, postmodum loquemur. *Ter.* Tacebo ut jubes;

Sejanus, Terentius, & Regulus.

I X.

Sej. **A**Ntequam caeteri convivae convenirent vos iussi hic mihi praesto esse, ut vobiscum de rerum mearum ratione, maxime ut mihi quidem videtur accipiti, deliberarem. Eo etenim me proVectum sentio, ut Romanorum omnium florentissimus esse possim, omniumque itidem infelicitissimus, prout vitae meae moderabor. Proinde vos amicorum praecipuos rogo, ut pro veteri nostra conjunctione demonstretis eoquid sequendum mihi censetis quid fugiendum, ea tamen lege, ut quicquid nos inter hodierno sermone dicetur sacro prematur silentio. Agite ergo viri amicissimi, de sententia vestra me certiores facite. Dic Terenti, nam major natus es. *Ter.* Credo ego, Sejane, ideo tibi nos modo huc sevocasse, ut scires quo pacto quam diutissime Caesaris favore frui posses, atque ita te gereres, ut tuto, & plaudentibus Romanis summae potentiae sis proximus. *Sej.* Rem ipsam es elocutus. *Ter.* Magnae quippe indaginis res est, & quae nequeat uno brevique sermone exhaustiri. Alias tecum mecum hisce de rebus me sane raptim locutum, nec quid modo dictis ex tempore addam, subit. Verum, quandoquidem aliquid dicendum est, brevi dicam, rectissimum ac tutissimum, mihi videri, ut quicquid velle & probare bonos compereris, facias, atque ita utrumque punctum mea sententia feres. Hoc namque pacto & incolumitati tuae optime consulēs, & Tiberii amicitiam Senatus Populique adprobatione confirmabis. Quanti enim aestimabimus Caesaris amorem quem procerum, plebisque edium comitetur? Scis in Republica, summa quaeque temporis momen-

to verti posse : unde omnia tibi in tuto erunt , si ita te geres , ut una simul Principem retineas , Romanisque satisfacias . Quae Moecenatem , quae Gallum , quae Agrippam Augusto conciliarunt , tibi sequenda esse auctor sum : quae illum ab iisdem abalienarunt , prorsus fugienda . Utilia semper & grata Populo suadeas Tiberio , honorifica in Senatum : optimum quemque foveas , nullius maleficii sis unquam auctor , aut tristioris sententiae . Uno jam quid sentiam verbo expediam . Augusti aulam , post proscriptionem , & tot annorum imperium ante oculos habenda censeo , & quid tunc voluerint , quid noluerint homines , quidq; tu ipse probaveris . Alii jam Romanorum animorum periculum fecerunt ; quod tibi ex usu esse debet . Num cariorem Augusto efficere Populo Senatuique tuum Principem postulas ? Tu ipse Moecenatis & Agrippae fastigium cupis transcendere ? Satis gloriae , potentiae , opumque satis erit , si illum Tiberius , tu illius amicos aequabis . Caetera pro re nata , expendenda esse puto , nec enim in tanta rerum mole uno oculorum , ictu , omnia possis prospicere : summa quaedam & praecipua tenenda , reliqua , ut res tempusque feret , moderanda . *Sej.* Audistine , Regule , quae dixerit noster Terentius ? *Reg.* Audiui . *Sej.* Quid ergo ? In ejus & tu is sententiam ? *Reg.* Non possum quin laudem quae Terentius sapientissime protulit : at ea , si isto quo tu es loco essem , plane non sequeretur . *Sej.* Quid ita ? Dic nobis sedes quid sentias . *Reg.* Non ego omnia arbitror omnibus perpetuo , & ubique bona esse & conducibilia : verum prudentis esse hominis officium , pro re , pro homine , pro tempore promere & aptare consilium . Si a Moecenate , illo Reipublicae tempore , Augusto Principe , interrogarer , ut modo a te , *Sejane* , vix credo tria nunc verba a Terentii sententia commutarem , ita ab eo omnia optime provisae & explicatae sunt : Sed quis modo adeo coecus est , quin videat , Tiberii indolem a paterna

lon-

longe distare , tempora Reipublicae , Aulamque admodum diversa ? Aliter quum malacia est , aut leves ac secundi flant venti moderatur navi gubernator , aliter vero quum saevit pelagus , Austerque valide incubuit . Cum Tiberio tibi res est , Sejane : quem si mihi aequae ac tibi notum dicerem , merito irrideres . Sed dicam tamen audacter ; aud ignota mihi penitus ipsius indoles , & occulta ingenii . Tot per annos exasperatus exilio animus , tot offensiones , toties repetita patientiae ac silentii necessitas acris viri animum adhuc stimulant , acerbumque mediusfidius , saevum , & aetiarum praecipue sub Augusto rerum osorem efficiunt . Quomodo igitur , amabo vos , quae Augusto probata sunt , Tiberium secuturum sperabimus ? Mihi quidem fixum immotumque animo est , necessariò te , Sejane , debere illud praeter omnia serio animadvertere , ut quaecumq; poteris e veteri Urbis , & imperii consuetudine vel labefacies , vel penitus invertas , ut nova utique rerum facies sit , nihilque e pisco ac recepto more fiat . Ita tibi Tiberium devincies , qui si quid impense cupit , tunc maxime , ut noli , vel dissimulat , vel inficiatur . Tu ejus animum diligenter introspicere debes , & quae illam suspicaberis velle , ea ultro facienda suadere , quasi tibi optima illa & rectissima videantur . Quem is odio habere comperies , odisse & te opus est ; quem probabit , laudare : sed pervidendum , ut hoc nimis caute , ac parce facias , ne tuae quandoque id obstit potientiae . Quicquid , & quisquis sub Augusto emuit , in obscuritatem dabis ; quicquid decorum & magnificum habenti tunc fuit , efficies , ut perniciem modo , vel dedecus saltem afferat : praecipue nobilitas , virtus , honores . Nec mihi obijciat quispiam , haec Senatum , haec Populum non probaturum : ita ut valde verendum sit , ne quid inde periculi in Principem , atque adeo in te talium suaforem ,

Fff

oria-

oriatur ; nām longe modo aliter sese res Romanae ha-
 bent , ac quondam : alius quidem Senatus , diversus Po-
 puli equitumque animus . Servire jam didicimus Romani :
 atque hoc Augusto debet praecipue Tiberius , quod pri-
 mus priscam illam sive virtutem , sive ferociam mavis
 appellare , penitus extinxit . Admurmurabimus fortasse
 paullulum quid , Deum hominumque nos inter implora-
 bimus fidem , sed iussu exequemur , dominique placita ve-
 nerabimur . At male oderunt te omnes , ait Terentius ,
 male Caesarem ipsum . Quid hoc ad vos ? Oderint mo-
 do metuant , est in veteri Proverbio . Quod ad nos
 attinet , si quae fient tacite feremus , feremus im-
 pune , si vel mutire audebimus , nostri quae homi-
 nes in officio contineant , atque ad silentium cogant . Exer-
 citus quam instructissimos esse necesse est : Provincias
 per certos homines , tibiue addictissimos regi : Urba-
 num , Praetorianumque militem , unde major propiorque
 in Populum ac Senatum terror , una in castra collectum
 te ipsum semper regere , tibiue largitionibus & humanitate
 devincire . Tunc in utramque aurem quiescere poteris ,
 atque ille vere Imperator , tu Imperatoris eris amicus....
Ter. Quid obtruderet aliud nobis , Regule , si leo te de
 exercendo in belluas imperio consulisset ? Omnia ad vim
 refert , saevitiam Principis exacuendam ab amico suades ,
 Rempublicam unius hominis arbitrio , non regendam &
 ordinandam , sed eruendam penitus & affligendam pro-
 nuncias . Apage huiusmodi consilia : nec Iuppiter pa-
 ter , nec Juno Regina , nec Mars generis nostri au-
 thor , caeterique Dii sinant , ut ea sequi unquam
 velit Sejanus . Clementia , liberalitate , iustitia , in Pa-
 triam civisque amore , magnos effici Principes omnium
 temporum historia docet , nunquam ob isthaec , quae suades
 & dilaudas , Regule . Mutari ac inverti cuncta jubes , etiam-
 ne

ne bona, & Reipublicae utilia? Enimvero illud ferendum non est, quod in metu fundamenta dominationis poni debere praedicat: profecto absurdè; an, quaeso, si nos Caesarem timebimus, non & ille nos vicissim timere debet universos? Quam societatem proponis, quam Civitatis & Reipublicae formam? Inter hostes versabitur Princeps; nosque, quasi bello capti, hostis mancipia erimus. Haec profecto diu fieri non possent; at si quo adverso fato diu fierent, oh miseros & infelices Romanos! &, sine dicam libere, oh miserum & infelicem Sejanum! *Sej.* Ne excandescas, oro, Terenti, neve vocem tollas, servi nam libertique huc illuc cursitant, aud difficulter posset aliquis verba nostra aucupari, quod minime est conducibile. Linguae ideo parumper moderari te jubeo, dum Regulus reliqua exequitur, post deinde quae videbuntur proferes. *Reg.* Nondum Reipublicae satis oblitus mihi videtur Terentius, & nomina pluris facere quam res ipsas, Senatum Populumque Romanum non inania jam retur vocabula. . . . *Sej.* At, at. Tacesis amice, adveniunt.

X.

Sejanus & Regulus.

Sej. **N**on inficior, Regule, admodum apta te, ac temporibus opportuna suadere: immo, quum te heri disputantem audiebam, mecum ipse magnopere tibi adfentiebar, Terentiique sermonem respuebam. Verum quaedam me tamen angunt adhuc, nec tranquille sinunt quiescere. *Reg.* Dic fodes: magnum enim aliquid esse suspicor, quod Sejanum sollicitat. *Sej.* Ingens quippe cura est, nec ab homine civilium rerum sciente contemenda. Age, si forte, quae rerum humanarum est, vi-

cissitudo , Tiberium mei satias capiet ; vel alium quem amplexabitur , nam raro vel nunquam favore subnixam potentiam sempiternam fuisse novimus : quid tunc me fiet , quaeso ? *Reg.* Nec verisimile est quod metuis , nec possibile . Tenacissimus namque propositi est Tiberius , semelque placita constantissime sequitur . At quem prae te ille diligit , si in tua manu aditus sunt , & quos videbitur ab ejus alloquio potes amovere , immo & statim perdere ? Aufer haec , Sejane , aliud age : in artes tuas , queis illum tam arte unus omnium devinxisti , incumbe ; nunquam ille e tuis cassibus elabetur . *Sej.* Esto : Tiberium obsequendo , notisque artibus devictum usque retinebo , nec quisquam ei me unquam erit carior . Quid si illi aliquid humanitus accidet ? *Senatum* , equestrem ordinem , Populumque adeo omnem in me tunc unum conversurum odia atque arma , poenasque nec recte factorum expetiturum , nemo non videt : nec quod tunc mihi effugium futurum sit , cerno . *Reg.* Si vero nimis anxie quid crastinus feret dies quaeremus , nil agentis hodie , Sejane : nam quae res periculo caret ? Fortiter occupandi gerendarum rerum aditus sunt , reliqua , quae provideri non possunt , Diis & fortunae permittenda . Cacterum , media viridisque aetas Tiberio , ut satis tibi temporis futurum augurer de successore cogitandi . Tu exercitus interea , urbanum militem , pecuniam , Provinciarum retores , & quicquid in Imperio validum sedulo retine , in omnem occasionem intentus . Fatorum nempe arcana ignoramus ; sed ego aud temere tot tantarumque rerum tibi a Diis potestatem datam reor : proinde acriter instā , & tecum ipse reputa , magnos fortesque viros ingentibus ausis insistere , ignaviam & pavorem procul amovere . Post Julios , Octavios , Claudios . . . *Sej.* Audio lubens , sed longe me a via abducis , Regule , & necdum quod me vocas sequi audeo ;

fat

sat mihi superque fuerit, ut modo se res habent, si incolu-
mi licet esse. Age modo, alia inspicimus. Scis plurimos mi-
hi esse amicos. *Reg.* Quorsum hæc? *Sej.* Audi: horum
alius sibi aut Praeturam, aut Aedilitatem postulabit, alius
Consulatum, alia alii: nec quomodo cum istis me geram
fatis etiamdum conpertum habeo. *Reg.* Si tibi ædifi-
canda domus esset, lapides, credo, eos seligendos cura-
res, quos operi maxime aptos censeret, caeteros rejice-
res. *Sej.* Quid hæc ad rem? *Reg.* Accipe. Nec amicus
nec cognatus modo quispiam tibi esse debet, Seiane,
qui potentiae, & authoritati tuae aut inutilis est, aut
noxius. Excute sagaciter late omnes, & sedulo inquire;
& si quos in Civitate maxime egentes, nulla sp̄e, nullo
numero, nullis bonis artibus commendatos, sed ma-
los & audaces invenes, hos, hos, siquidem mihi aufcultare
vis, habeas praecipuos, atque ad honores extollas,
caeteros non flocci faciendos censeo. *Sej.* Prudenter
sane. At qua fronte veteres amicos, frugi homi-
nes, meique amantissimos repellam? *Reg.* Repellas?
Neutiquam isthuc. Immo amplexaberis maxime, deo-
sculabere, mensae pro more adhibebis, ut se intimos
tibi esse adhuc vel ipsi credant. Interea alios fovebis,
& quò tendis, perges. *Sej.* At querantur amici neces-
se est, quum negari sibi cuncta cernent, ignotisque om-
nia procedere. *Reg.* Caesarem tunc adversari dices, cui te
obstare sit nefas. Contemnendae autem sunt proborum
hominum querelae, ipsi blanditiis retinendi. Honesti ete-
nim viri, ut sese isti vocari student, parce irascuntur:
nec genus aliud hominum est, cui facilius ac tutius il-
ludatur. *Sej.* At de Terentio? Hunc sane magnifacio,
nam mei amantissimum semper sum expertus, & a pri-
ma adolescentia quam conjunctissime viximus: is porro
vir est quantacunque fortunae capax, nec Tiberio igno-
tus.

tus. *Reg.* Optimus profecto vir Terentius, & quem tibi in
 privata fortuna amicū unum plane ex omnibus eligas.
 Verum jam non amplius privatus es, Sejane, cui opti-
 morum virorum sit conjunctio expetenda. Quo tandem tu
 loco nunc Terentium habebis? Quicquid incoepabis, quod-
 cumque inibis consilium, tuis scilicet rationibus consonum,
 objiciet se se ille, & te, quasi in libera Republica, re-
 prehendet, atque ab incepto conabitur abducere. Si
 quid honeste, prout ipse putat, feceris, laudabit, alia
 omnia aspernabitur. *Sej.* Novi ego hominem, haud fal-
 leris, Regule; injuria est etiam alienae impatiens: illi
 jus suum cuique reddi vitae regula, ac societatis columen
 videtur: praemissque & poenis, prudenti ac justo tempe-
 ramento adhibitis, omnem Reipublicae administrationem cen-
 set contineri. Millies ab ipso audiui, non dubia res est.
Reg. Quid tu ergo hoc homine facias? Profecto, si rem
 recte aestimabis, puerum cum adhuc esse dices, & civilium
 rerum ignarissimum. Sedebis scilicet, eo auctore, cum
 Tiberio merita cujusque sedulo expendens, & hunc prae-
 mio, illum poena afficies, certa nimirum lege, & quasi
 ex praescripto. Nae vos ociosi nimium, immo nimis
 quantum negociosi eritis, si quasi aurificis lance adhibita
 meritorum momenta expendatis. Praeterea quodnam iste jus
 uniuscujusque autumat? Quamne vocat injuriam? Risum movet
 profecto. Omnia pro arbitrio agere, id verè magnificum ac
 imperatorum est. Puer, ille est cano capite, crede mi-
 hi, nihil sani sapit, caecutit in Republica ut qui maxi-
 me. *Sej.* Bene quidem se hoc habet. At Tiberio de il-
 lo forte interroganti quid pytissimum responsi dabo? *Reg.*
 Laudabis scilicet, sed ut Philosophum, ut Oratorem, ut
 Poetam. Addes, cum veterem Rempublicam animo fovere,
 & Catonem semper ac Tullium ferre laudibus. Nunquam
 vero quod prudens sit Senator, dices, quod Provinciae
 ed-

adminiſtrandae ob integritatem aptiſſimus ; quod militaris rei maxime ſciens . Haec (cavendum nam hoc maxime) & huiuſmodi aequè de omnibus tacenda , & aliquando vertenda etiã in crimen . *Sej.* Si duo praeterea tales viros haberet modo Reſpublica , ut te eſſe ſentio , quò ſe Romanarum rerum gloria attolleret ! Ut mihi dicto citius tenebras omnes deſpulſiſti animo ! Efficiam te , Regule , ſi vivo , ut honoribus & opibus omnes poſt te Romanos videas . *Reg.* Scio quid poſſis , nec quid velis ignorare patitur hodiernus ſermo . Abeo , ut tempori ad coenam veniam . *Sej.* Abi , vale , te expeſto lubens . Deum immortalem ! Nequam hominem , & penitiſſime ſcoeleſtum ! At quae loquitur maximo mihi ſunt uſui . Faciam n'hilominus , ut iſte omnium primus ſentiat , quae me docuit , ea me optime didiciſſe .

XI.

Jureconſultus & Medicus :

Jur. **G**Audeo , te jam eò divitiarum proveſtum , ut exundante pecunia paternas aedes exornes , & fundo dotali alium longe majorem addideris , & late continuaveris . Euge ! Galene , euge ! *Med.* Quafi non idem & ipſe jam pridem feceris , quum poſt urbanam domum , maritimam quoque villam magno ſumtu aedificaveris , & ingentem inſuper pecuniam ſoenore poſueris : ut reponere tibi longe aequius poſſim , euge ! Juſtiniane , euge ! *Jur.* Injuriũ hoc , & maxime diſpar , admodum enim diverſa via imus : nam tibi morbi , morſque aliena lucro eſt , & quod maximos aliis luſtus affert , tibi volupe eſt & utile , mihi non item . *Med.* Scilicet tibi a riſu & choreis provenit pecunia , non è ci-

civium discordia, & e familiarum aerumnis. *Jur.* At mihi nocturno satagendum, acriterque quotidie pugnandum, ac plurima etiam scribenda, ut aliquam tandem ab invitis plerunque tantorum laborum accipiam mercedem. Tibi vero pro circulatoria sane levique opera, & plerunque noxia aurum ultro assatim quotidie aggeritur. *Med.* Ne secreta artium aggredere: nam si levis opera tibi videtur nostra, mihi tua planè levissima; & si verum loqui volumus, soli nam sumus, paria omnino facimus, verbis siquidem uterque pugnavimus: & contra quam Hercules ille gallicus solebat, ore auream catenam non effundimus, sed attrahimus. *Jur.* Quid tu mihi nugas vestras objicis & cantilenam tralatitiam! Semper eadem effutire soliti estis, ut nil præter admodum mediocre memoriam ars vestra requirat, os ad gravitatem compositum, ac ampullas præterea, atque exotica verba & vere sexquipedalia. *Med.* Unicuique suum, ait Justinianus: ne vestram nobis, quaeso, provinciam invitis attribuas. An vos aliud præstare potestis, quam millicies repetitam crambem identidem barbaro ac insuavi sermone consulentibus, ac Judicibus apponere, & supercilio interea, quasi magna quaedam loqueremini, audientibus imponere? *Jur.* At, obsecro te, Merdice, in tanta causarum varietate quo pacto idem possemus omnibus obtrudere? iniquus porro es. *Med.* Sapienter quidem, Cutule. Sed nos unum, credo, usquequaque morbum curandum adgredimur, quod evenire oporteret ut iisdem usque verbis uteremur. Videne quo te abducat nimium contendendi studium? *Jur.* Quid tu audes modo homini simiam componere, Jureconsulto Medicum! servum quidem domino: nam vos servili admodum arti operam datis, nos vero plane imperamus. Delirare hoc quidem est, non, ut sani solent, loqui. *Med.* Meam provinciam

ciam ne invadas : ego pro tribunali (nam mea haec est jurisdictio) pronuncio , te delirio graviter laborare , atque helleboro promte indigere , non me . Caeterum , ut insaniam tuam ipse fatearis , inficiare si potes , inter mortales , solos medicos vel ipsi Imperatori imperare : *Jur.* Nil hic Medici arte est opus ; manifesto te intemperiae tenent , quicumque audierit , noscet . *Med.* Quorumvis hominum non refugio arbitrium , modo Jureconsultus Judex ne sit .

XII.

Craesus & Solon .

Craes. **O**Mnia tibi patefieri jussi , Solon , & pecuniam & aurum , argentumque ac lapillos inspicienda exponi : nec non Armamentarium , naves , equos , elephantos , & quicquid denique praetiosius apud nos aservatur . Credo parem mihi regum neminem esse , aut magis beatum , & Graeciam tibi tuam pauperem , immo sine inopem posthac visum iri . *Sol.* Magnam hercle auri vim vidi , argenteque massis , pretiosam vestem , arma , equos , atque hujus generis quamplurima ; sed nihil , Rex , eorum , quae beatos efficiunt mortales , quaeque ego serio inquirere apud te , inveni , & maxime talia deesse admiratus sum . *Craes.* Quaeenam isthaec sunt , hospes ? Solus enim , aliquid in nostra fortuna deesse arbitretus es , quum reliqui mortales omnes , ingentem bonorum omnium redundantiam apud nos esse crediderint , ideoque me beatum ac hominum felicissimum praedicaverint . *Sol.* Neminem profecto unquam ob aurum , argentumque ac lapillos beatum effici posse reor , quae & ipsi sensu carent , & meliorem ac sapientiorem nequeunt eum effi-

Ggg .

ce-

ere, qui ea possidet. Homines sapientia & virtute ad felicitatem niti decet, non divitiis aut potentia, quae inania sunt, & saepius nos in vitia praecipites agunt. *Craef.* Omnium scilicet mortalium vota reprehendis, atque unum te cunctis praestare ingenio autumas, qui desipere, sibi quae malum quærere caeteros arbitraris, cui ea cordi sunt, quae Natura ipsa expetenda docet. *Sol.* Unus ego tibi forte, o Rex, veritatem eloqui non dubitavi, non autem unus haec sentio: quum innumeri Athenis, & Spartae, atque in universa sint Graecia, qui haec & sciant, & loquantur. Te vero aud mirum est, nunc primum haec audisse, qui regia dignitate es praeditus. *Craef.* Fateor equidem nunquam antehac huiusmodi sermonem ad meas aures accidisse: at cur id ita evenisse censes, quod Rex sim, eloquere, quaeso. *Sol.* Quippe inter servos versaris, qui veritatem vel ignorant, vel tacent, & omnia spe aut metu ducti eloquuntur ac faciunt, nec sibi aliud in vita proponunt, quam tibi subblandiri, ac supparasitari. *Craef.* Omnes igitur mentitos putas qui mecum haec locuti sunt? meque ipsam adeo hebetem & sane insipientem, ut quid verum, quid falsum sit nequiverim dignoscere? *Sol.* Pene jam te mihi irasci video, quod pauca quaedam tibi elocutus sum: nam Graecorum libertatem ignoras. Tacebo itaque, & cito hinc abire satagam, quando nil tibi prodesse possum. *Craef.* At mane potius, Solon, audiam enim te deinceps aequo animo, nec quod a me dissentias vitio veritam. *Sol.* Parvum quid polliceris, sed satis id mihi est: si quis enim veritatem hodie audit tantummodo, cras fortasse poterit & illam amplecti.

XIII.

Craesus & Solon.

Craes. **N**Udius tertius quaedam locutus es, hospes, quae nova mihi omnino acciderunt & inopina, nec adeo admodum grata. Nunc te ideo evocari imperavi, atq; in interius hoc conclave adduxi, ut libere tecum quicquid libuerit proloquaris: aveo enim aliquid de Atheniensium sapientia degustare. *Sol.* Valde jam profecisse te reor, o Rex, quod me rursus audire vis: sed quid tibi ultro dicam nescio, interroga si quid lubet. *Craes.* Me felicem heri negabas esse, si recte memini, licet divitiis, auro, gemmis, omnis generis voluptatibus, perditum insuper equitumque ingentibus copiis, armis, navibusque affluerem, quod in una virtute beatitatem ponere videbare. Nunc illud a te audire cupio, equaenam sit tandem isthaec virtus, in qua tantum te confidere animadverti. *Sol.* Maximum hoc est, o Craese, quod postulas: sed Craeso vis ego respondeam, an Regi? *Cr.* Quid autem hoc interest? *Sol.* Valde quidem: nam aliter privato homini de virtute loquerer, admodum aliter Regi: privatorum etenim hominum virtus vix seipsos egreditur; Regum virtus nationes integras populosque complectitur. *Craes.* Num alia igitur natura regum est, alia caeterorum hominum? Nec quod bonum his, virtutisque isti tunc est consonum, & illis itidem est? *Sol.* Non ita se hoc quidem habet, sed una virtus eademque usque est; differt tamen maxime usu atque utilitate. Nam justitia, quam servat pauper, vix est ut justitia appelletur; cuius enim interest, huiusmodi hominem justum esse, aut injustum? Prudentia pariter, liberalitas, clementia, tem-

perantia ; constantia ; nullius prope usus sunt ; quod ad humanam societatem attinet , in privatae fortunae hominibus : sed eadem in Regum , principumque virorum moribus , veluti gemmae quaedam nitidissimae resurgent , summaeq; praeterea sunt mortalibus utilitatis. *Craef.* Examen quoddam virtutum mihi obtrudisti , hospes , quum unam pollicitus esses . Semove , quaeso , reliquas , una mihi sat est . *Sol.* Ergo Justitiam seligam , hac etenim una virtutes fortasse omnes continentur . *Craef.* Portenti simile mihi est , quod loqueris , unam virtutem caeteras omnes complecti . *Sol.* Minime mirum hoc sine : nam , ut rem paucis explam , qui in Deos immortales , in hominum genus , in se ipsum justus est , is verè perfectus atq; omnium virtutum cumulo optimus haberi debet. *Craef.* Deleri ergo a virtutum albo aequum esset reliquas illas omnes , quas modo praedicabas , nec jam virtutes appetendas dicemus post-hac , sed virtutem , quando una virtus est ; non plures. *Sol.* Id sane verum est : & plura nomina non plures efficiunt virtutes , sed potius unius virtutis varia officia designant . Nam qui temperans est , erga se justitia utitur , quod corpori aequae ac menti consulit , voluptatibus ac ciborum redundantia abstinens , quae utrunque solent vehementer perturbare . Qui largus & liberalis est , is opis suae indigentibus justitiae legibus subvenit : admodum namque aequitati naturali consonum est , quibus abundes , ea quibus defant impertiri . Pietas itidem in Deos & parentes justitia est : nam & illorum excellenti naturae , & horum beneficiis aequum quammaxime est , cultu & obsequio nos gratos ostendere . Atque ita de caeteris , quas nominavi , dicere possum . *Craef.* De una hac itaque loqui lubet , Solon : sed modo coenandi tempus instat , in crastinum hunc sermonem rejiciamus .

XIV.

Craesus & Solon.

Craes. **D**Eambulatum huc descendi, ut tecum semotis arbitris colloquerer: nam miro quodam desiderio afficior te audiendi. Age igitur, hospes, quae de iustitia habes, deprome, namque hanc maximam virtutem heri appellabas, eamque magnificere videbare. *Sol.* Difficile est cum Rege de iustitia loqui: nam in summa potentia non quod aequius plerumque probatur, sed quod utilius ac jucundius. Absurda proinde tibi oratio mea videbitur, si regale fastigium ad aequitatem cum cæteris mortalibus conabor adducere. *Craes.* Quid hoc sibi velle dicam? Necenim plane intelligo. *Sol.* Tribus, hoc, quicquid est, verbis absolvam. Si iustitiam vis colere, aequo te jure cum cæteris omnibus esse arbitreris necesse est: immo, hoc amplius in tua fortuna esse, quod non tibi sit satis, ipsam iustum esse, sed oportere insuper, ut alios ad iustitiam exercendam compellas. Hoc nempe est Regem esse. *Sol.* Jam tu opificem me quemdam & fabrum ex Rege effecisti: & sane maxime durum atque operosum vitae genus proponis. At quid ita me dicis, aequo jure cum reliquis debere esse? Nonne aliquid interesse putas nos inter qui imperamus, & eos qui nobis parere debent? *Sol.* Sane interest: sed ut patrem inter & liberos. *Cr.* Cur non potius, ut servos inter & Dominum? *Sol.* Nequaquam istud: Cæterum credis, aliam dominorum, aliam servorum naturam esse? *Craes.* Ego vero non adeo malignam fuisse Naturam arbitror, ut omnes homines pares esse voluerit. *Sol.* Quod ad hoc attinet, non id quidem voluit Natura: immo quosdam homines servos nasci iussit, quosdam liberos. Sed hoc

ma-

malus mēs & potentiorum vis corrumpit, ut saepe numero
serviant liberi, servi domitentur. *Craef.* Eandem mihi
Naturam modo omnes in aequo homines posuisse dicis,
modo quosdam imperare aliis, atque hos illis obedire vo-
luisse. *Sol.* Planius exponam hoc, ne in errorem inci-
das, o Rex. Pares sumus omnes, si homines, ut cae-
tera animalia inspiciamus: ut enim omnium equorum, &
canum eadem natura est, ita & hominum. Rursum, ut
equus equo praestet, canis cani, si quod equorum &
canum natura fert, praestantius in aliquo est cane aut
equo: ita, quum homini hominem, ingenio, moribusque
longe praestare profecto possit, is qui talibus caeteros super-
eminet, utpote melior ac praestantior, praeesse caeteris equum
est. Haec ipsa docet Natura, atque haec prima sunt ju-
stitiae fundamenta. *Sol.* Bellum ita inexpiabile inter ho-
mines instituis, Solon: nam quum nemo velit aliis inge-
nio, moribusque cedere, ad arma & vim res perpetuo
spectabunt, ut uter jure imperet, uter serviat, digno-
scatur. *Sol.* Atque ideo apud nationes, qui Reges pati
possunt, institutum est, ut omnium suffragiis unus eli-
gatur qui imperet, ea lege, ut ei obediant universi.
Optimus quippe eligi deberet, ut Naturae lex servare-
tur, quae optimos omnibus praeesse voluit. Verum ut-
cunque res accidunt, certe illum qui caeteris imperat
summa ope mihi decet, ut probitate, constantia, liberalitate,
justitia omnibus longe praeniteat, iisque, quibus praest, sit
quam utilissimus. *Craef.* Mane, quaeso: nam tu Reges pro
subditorum utilitate factos esse arbitrari videris, non con-
tra. *Sol.* Profecto ita reor: nisi tibi aequius videtur,
tot hominum millia propter unius hominis voluptatem,
& compendium nasci. *Craef.* Servum ergo Regem efficis:
quaenam haec tandem justitia est. Merito delirare Grae-
cos vulgo autumant. *Craef.* Agnosco Lydi hominis, &

Re-

Regis sermonem : At ne quidquam taceam ; quod tibi possit prodesse , audi Rex , ut occoepisti , Graeci hominis deliramenta . Nil homine dignius , Graeci arbitramur , quam hominibus prodesse : adeo ut apud nos qui genus humanum magnis beneficiis affecerunt , inter deos sint relati , hanc scilicet meritorum suorum a gratis hominibus affectati mercedem , qua nulla major a nobis dari , atque excogitari potest . *Cr.* Doctum doces , quid haec non novit . *Sol.* Quid ergo , Ceterosque , servos hominum appellas , quod ad eorum utilitatem curas & studia converterant ? *Craes.* Absurdum hoc equidem esset . *Sol.* Absurdum attamen tibi modo videbatur , quod praecipuum Regis officium dicerem , Populis , quibus praest , prodesse . Proderit autem si iuste imperabit . *Cr.* Revolvimur ad iustitiam , cuius ego audio tantum nomine conturbor plane , hospes , & irascor : nam haec mihi maxime videtur praeter omnia summae potestati adversari . *Cr.* Num adversari naclero diceres artem , quae eum doceret , quo pacto is navis cursum quam rectissime moderaretur ? Hoc scilicet iustitiae munus est ; ut doceat quid agere , quid vitare debeamus . *Craes.* Debere autem aliquid regem agere , aliquid vitare , sane est injurium : nam omnino pro arbitrio agere id demum regium est . *Sol.* Regium ergo fuerit , passim saevire , ultro infantes occidere , omnia ad suas voluptates referre , bona civium diripere ? Nam haec & eiusmodi velle aliquando posses , o Craese . *Craes.* Quid velim , quid nolim , id enim vero me unum scire decet , alios inquirere nefas , nec tutum est . *Sol.* Satis pro imperio : at cum Satrapa aliquo modo loqui te censes , non cum Graeco homine , qui de iustitia tecum verba facit . *Craes.* Aufer hinc celeriter , quaeso , hospes , incommodam istam , ne quid asperius dicam , virtutem : eamque tecum primo quo-

ris. *Cr.* Me autem ipsum prorsus negligere jubes? *Sol.* Minime vero istud, nam maxime. esset absurdum. Quum vero te ipsum recte curabis, tum optime subiectis consules: unum enim idemque est Populi ac Regis commodum. *Cr.* Non hoc a te expetebam. *Sol.* Quid ergo? *Cr.* Prandere me finis, coenare, horum hortorum, ubi deambulamus, amoenitate frui, aliquid denique animi, corporisque causa agere, an haec quoque me ad populorum jubes utilitatem referre? *Sol.* Ludere te mecum credo: nam & haec, & hujuscemodi plurima agere te oportet, non tuae tantum voluptatis ac senitatis causa, sed & utilitatis populorum. Nam filii conducibilis nihil est, quam patrem bene valere, atque hilarem esse. Caeterum omnes tibi volutates vilescunt, ubi maximam illam, quid sit nempe ex animo diligere & amari a populis tuis, vel summis labiis degustabis: quum pro tua valetudine vota sincere ab iis suscipi cernes, quum vel hoc uno longe plura te in amantes populos posse, quam modo in paventes. *Crac.* Tace, Solon: Nam facilius ego tibi suadeam, ut servire alicui ex meis Satrapis velis, quam tu me a veteri mea ratione ad tam absonam, & absurdam abducas. *Sol.* Mane ergo in sententia: sed harum rerum, quae tantopere te modo juvant, finem cum videbis aliquando, cujus te vehementer & frustra poenitebit.

Ferdinandi & Januarii.

XV.

Jan. **A**Udivi heri e Lycida puero tuo, agellum te commississe suburbanum in ipso maris litore amoenum satis, &, ut visum est, litterario ocio nimis quam opportunum, illoq; te brevi transmigraturum, Gaudeo plane,

H h h

ne,

ne, taedere tandem te Urbis ; & vitae hujus illiberalis ; quam omnes modo hic vivimus . *Ferd.* Nec tibi falsum retulit Lycida , nec aliud hercle quam urbanae vitae taedium causa fuit , quamobrem praedium istud emerem , contra M. Catonis praeceptum , qui emacem patre infamilias negat esse oportere . *Jan.* Ut quietem vero , honestumque otium quis emat , nec Catonem , nec philosophos omnes , si contra niterentur , me authore , audiet : quamvis ille non de fundi emtione , sed de suppellectile , instrumentoque ac ejusmodi rebus , si recte interpretor , loquitur . Tu vero , Ferdinande , quamam re potissimum adductus , repente secessionem paras ? Porro omnia tibi adhuc prospere evenerunt , nec ullum tibi Fortuna , ut asolet , vulnus inussit . *Ferd.* Num tu me velles meo periculo sapere ? Felix quem faciunt aliena pericula doctum , sapienter , dixit ille : ideo me satis aliena mala edocuerunt : nec sane prudentis hominis esset , quum vicini domum ardere videat , otiosum sedere dum & sua ardeat . Tot jam graves vidimus clarorum virorum casus , tot jam ipso in cursu , nihil minus timentes , inter negotiorum turbines , vanasque spes morte interceptos , antequam quid vere vita ferret , quaeque libero homine studia digna essent , possent cognoscere . Quid ergo ? Nonne decuit , me tempestive ad vasa conclamare , nec florenti jam aetate , nec firma satis valetudine ? Relictis ideo , imo abjectis externis omnibus negotiis , aliquod inter vitam & mortem intervallum mihi seponendum visum est , ut iter illud tandem ingrederer , quod unum ad se ipsum hominem , circa inania atque inutilia palantem , reducit . *Jan.* Macie virtute esto , vir optime : magnum sane opus aggreffus es , & philosopho dignum . Quam vellem idem mihi domesticae rationes meae permitterent ! at de bibliotheca , quam ampliam comparaveras , quid cogitas ? *Ferd.*

Ju-

Jurifconsultos omnes cujuscunq; generis propere distrahendos curavi, & quidquid insuper quiesquiliarum erat. Doctorum virorum opera tantum retinui, & quae mihi deesse sensi, mercatus sum: aud magnus sane librorum numerus, sed, ut cernes, si eò me invises, quantivis pretii. *Jan.* Ego te, Ferdinande, nunc primum vere sapere existimo: doletque ex animo, me in istud exilium, quovis consulatu praestabilius, te sequi non posse. At Dj faxint, oro, ut possim aliquando.

Caroli & Ferdinandi.

XVI.

Car. **S** Alve Ferdinande. *Ferd.* Dj te ament Carole. Quid te dicam huc traxisse solitudinis inimicum? *Car.* Tu ipse scilicet: nam paullo ante te hic agere cognovi. Veni igitur ut amicissimum hominem inviserem. Tu autem, nam hoc quidem est, quod a te exquirere maxime cupio, quid tandem secutus solus hic omnisque consuetudinis expertus, moraris? *Ferd.* Ut genio indulgeam. *Car.* An cuiquam volupe esse potest, Urbes atque homines fugere, agrosque sequi ac tesqua desertata & inhospita? *Ferd.* Id ita Natura comparatum est, ut non omnes omnia delectent. Tibi Urbs maxime arridet, mihi ager hic & maris litus. *Car.* Quid te inanima ista, & muta, quaeso, juvant? *Fer.* Et ego a te vicissim exquiro, cur in Urbe commorari pergas, quod mihi nec suave, nec amoe num videtur esse? *Car.* Cur ita, amabo, censes? *Fer.* Urbs namque innumeris incommodis scatet, ut si quis quiete ac tranquille vitam agere cupit, id nisi urbe relicta assequi nequeat. Ibi enim, ut quae ab Horatio narrantur incommoda taceam, nequam homines ubi-

H h h 2

que

que circumcurstant , & cum honestis hominibus bella gerunt. Hic pauperes tantum agricolas videas , unumq; atque alterum servulum , quos mecum huc adduxi : qui si minutas aliquando fraudes moliuntur , vites facile , aut feras , nihili etenim sunt . In Urbe potentiorum adspectus assidue conturbat : nisi quis esset , qui libenter ab iis contemni se aequo animo videat , qui opibus , dignitate , majorumq; imaginibus praestant . Hic tu Rex scilicet es , omniumq; sublimior incedis , nec te potentiorum facile invenias . Denique , ut ad summam rei me referam , ruri ad naturalem libertatem proprius accedimus , nec alieno cogimur vivere arbitrio . Quid multa ? Qui hic degunt vivere mihi soli videntur & regnare , servire verum & pene mortuos esse qui in urbe senescunt . *Ferd.* Profecto tu nos ad semiferam illam vitam revocas , unde quondam a sapientibus viris deducti homines , urbes coeperunt incolere , & in societatem coire . Vide ne id dedecori sit tibi , neve populo atra bili percitus videre . *Ferd.* Id curandum scilicet , quid de nobis sentiat populus , qui rerum pessimus Iudex est . Nobismet ipsis satisfacere , & e sapientum praeceptis regulam nobis vitae proponere , id demum vere hominis est . *Car.* Tu certe stultos omnes viventes in urbe dicis , solosq; qui ruri degunt sapientes : quod vel ipso philosophorum exemplo damnatur ; nam nullus fere eorum in agris vixit , sed pene omnes in urbibus . *Fer.* Si illos in solos , quorum nomina litteris sunt commingata , philosophos appellas , falleris : nam longe sapientiae amantiore illos ego reputo fuisse , qui omnibus ignoti vitam ad naturae normam in obscuro degunt . Caeterum ego infelices qui in Urbibus vivunt , non insipientes reor , si qui tamen sunt , qui inde evolare cupiunt , nec possunt . Sed tu huc tecum vel praecipuum societatis incomodum attulisti : nam me vetas meo arbitrio vivere . I jam ergo , facesse hinc quod lubet ;

bet ; neque te hic teneo ; nec ab instituto dimovere conor . Me autem non adeo leviter servitutis pertaesum est , ut te , caeterasque servientium animas in urbem denuo sequi possim .

Marei & Lucretia .

Mar. * **S** Alve mea mellitissima . Ut vales , ut me
amas ? Iterum salve , immo χαίρει χαίρει

Lucr. Unde ad me tam hilaris redis ; bone vir ? Unde risus , & nova ista & ignota verba ? Sane latet aliquid .

Mar. Jam vaticinarius , ut soles , sive potius somnias . Non me hilarem ad te venire decet , qui te modullitus amo ? Non ore , oculis , gestu laetitiam significare , quum dies jam adest , qui nostris fuit olim dictus nuptiis ? Profecto si possem non Graecis modo verbis , sed Arabicis , Aegyptiis , Indicis te salutarem : immo per omnem tetrarum orbem tuas laudes , mea rosa , meus passer , disseminarem .

Lucr. Nimius nempe es , & falsus , subolet nescio quid ; aut me jam fefellisti , aut paullo post falles . *Mar.* Quis te fallat , quae non centum , ut Argus quondam , sed mille habes oculos : quae quicquid egi , quicquid dixi , quicquid cogitavi , planius ac melius scire soles me ipso .

Lucr. Os durum : coges me ea proloqui , quae premere silentio decreveram . Scio equidem , bellissime , non quid cogitasti , aut dixisti , verum quae impudentissime patraisti .

Mar. Salicbat mihi supercilium , quum domo ad te iter sum ingressus : hoc profecto praedicebat Venus , nesciebam antea cuiusnam impendentis mali admonerer , nunc tu me ut plane scirem effecisti . At quid tantopere tumes ? Quid scis ? Eloquere tandem . *Lucr.* Apage a me viros huiusmodi , qui nec fidem , nec veritatem pensi habent . At ego fluita , plumbea , & sane

exors, quae advenam, ignotum coeco quodam impetu amare occoepe; me miseram! *Marc.* Quae te mala crux agitat, sciemus hodie an non? Disrumpor equidem, ita me lente, ita minutatim concidis. *Hercules* salva me, jam flet. Quid, malum, fies, ineptissima?

Lucr. Id supererat scilicet, ut me contumeliosè etiam appellares. Sane ego pessimis peream exemplis si talem diutius tyrannidem perpetiar: alium quemvis mihi virum illico optabo.

Marc. Bona verba, quaeso, *Lucretia*: nec contumeliosus, nec tyrannus in te unquam fui, vel esse possèm; si quid amoris impetu prolapsus incogitanter dixi, parcas rogo. Scis quanti te faciam, quam te depeream, quam vehementer tuas nuptias ambiverim. At age, vita, dic, obsecro, aliquando, quae tanta irarum moles, cujus me culpa, cujus sceleris insimulas. Porro ego per Jovem jurare paratus sum, nihil omnino mihi ipsi conscire, nec ulla culpa sollicitum esse.

Lucr. Callum jam obduxisti, improbe, idèo nec sollicitus es, nec paves, quum tantum nefas admisieris. Ante, si ulla esset boni honestique cura, non totis artibus nunc contremiscere aequum esset, qui lupam illam tribularem . . . ah! vox mihi haeret faucibus, nec amplius loqui queo, lutum hominis, sex mera. I prope-re, & aliam tibi destina, mei te ne meminisse quidem ulterius velim. *Marc.* Quam tu mihi lupam, quam ursam narras? Quis tibi fabellas istas venditavit, o bona? Non ego Junonem Reginam, non auream Venerem prae te floccifacerem, anima, lux, vita. *Lucr.* Abi hinc cum blanditiis istis, nugator. Nonne ego tibi rem totam ordine narrare memoriter possèm, ni pudor obstat? *Marc.* Quid narres? Quid hoc commentj est? *Lucr.* Vale pudor, sine hunc mendacii manifeste redarguam. Nonne ego novi quod tibi *Lucilius*, senex ille corruptif-

ptissimus, domum praeberit; turpissimum lenocinium exercens, quod praerogativam ipse habuerit, quod tu impigre praelium exceperis: quod ego sim infelix, quod tu sis omnium hominum nequissimus. En tibi Juno, en Venus, quas ejiceres, en Juppiter, per quem dejerares. *Marc.* At ego neutiquam videne mea Desunt equidem verba; quid vis respondeam mendacio? Dicam vero . . . *Lucr.* Tace sis potius, res palam est. Efficiam mecastor, ne nobiles puellas laeteris decepisse. Abi hinc dejerecte, impure, scelestissime.

AEacus, Armeninus

Aec. **C**omprehendite hunc, & vincite, compedes ac manicas annectite: ita profecto; sternite rursus fortiter, atque affligite totis viribus. *Arm.* Heu me miserum! *AEac.* Scelerum caput! Vere te miserum dicis. Vide qualis homuncio ab inferis effugere, totque vigilantes custodes fallere speravit! Verberate perpetuo, pugnis, calcibusque contundite. *Arm.* Hei, hei, hei, at tandem Aeace. *AEac.* Tandem? ~~Nescio~~ hoc ignotum hic verbum esse? Caedite, calcate, distralite. *Arm.* At saltem pauca quaedam ex te exquirere liceat, Judex saevissime, quae me paullo fortasse acrius excruciant, quam haec ipsa quae nunc fero. *AEac.* Audiam, eloquere: vos interea dum loquitur, acrius torquere. Pessimus hic, & nequissimus. *Armen.* At cesset saltem dum loquor. *AEac.* Et saltem hinc exulat: loquere si vis, sin minus abripi te confestim hinc jubebo in interius Tartarum, quod tibi aeternum erit domicilium. *Arm.* Heu, heu! In quantas malorum voragines me praecipitem egit mors, quam merito tam anxie formidabam.

Ve-

Verum ejulans, potius ac gemens loquar, quam utique taceam. Age ergo, Aeace, dic, aurum, quod ego tot laboribus tantaque bonae existimationis jacturâ paraveram, quis modo habet? *AEac.* Ferdinandus: qui tibi adhuc vivo, sed vi morbi dejecto, claves, quas interiori velle diligentissime custodiebas, abstulit, scriniisque compilatis, abiit, teque semivivum reliquit. *Armen.* Quemne ego mentis quotidie adhibebam, quique mihi intinuis, atque unicus erat? *AEac.* Is ipse. *Arm.* Is ergo adeo me neglexit, ut spirante adhuc relicto, ad aurum convolarit? At quid alumnus ille meus interea egit; clamavit, credo, restitit, pecuniam eripuit. *AEac.* Nihil horum prorsus. Sed & ipse horologia aliquot ex auro, gemmasque, ac peristromata subripuit, & abiit. *Arm.* O rem incredibilem! O indignum facinus! Itane agi! *AEac.* At mihi non vacat stultitias tuas audire: nesciebas, male parta male dilabi? Agite jam, abripite hunc quò jussi.

F I N I S .

598008





